



collected

Dec 1985

Curry

(1985.11.11)

1/1/1986

M 5 25

LE  
T O M B E A U  
DES  
H E R E T I Q U E S

Par GEORGE L' APOSTRE.

*Où le faux Masque des Huguenots est descouvert : Et les  
150. heresies du Ministre la Banfferie sont refutees, par  
le texte de la Bible, des Conciles & des Peres.*

Diuisé en trois Liures.

*Reueu corrigé & augmenté.*

SECONDE EDITION.

EX P E S




S P E R O.

A C A E N,  
Par C H A R L E S M A C E', Imprimeur  
du Roy.

*Auec priuilege de sa Maiesté pour six ans*

1 5 9 9.





A

MESSIEURS DV  
CHAPITRE DE L'EGLISE  
Cathedrale de nostre Dame  
de Bayeux en Normandie.

S.

MESSIEURS.



Olybe Auteur  
de fidele crean-  
ce , remarque  
en ses escrits la  
coustume des  
Anciens auoir  
esté telle , que  
quand il se trouuoit quelque cho-  
se de nouueau en vne Region,

*EPISTRE.*

*Diocese, & Prouince:* Les Regionnaires estoient obligez de le porter à *l'Euesque* ou Gouverneur: le recognoissant comme Maistre du lieu, à qui estoient deuës les Premices des choses faictes ou engendrées de nouveau sur leur Territoire. Laquelle coustume, certes n'a pas peu valu sur moy, ains a presté la main pour me releuer de l'incertitude ou ie flotois pour le doubte & irresolution que i'auois, à qui seamment ie pourrois presenter ce mien liure, le voyant sur le point de deciller les yeux pour regarder le iour. Car comme ie m'entretenois sur la discorde de mes deffains, vne religieuse crainte me dissuadoit de vous l'offrir: Pour

## EPISTRE.

le recognoistre mal assaisonné, de la douceur requise en cest âge si delié: Et la bien seance du subiet y estant assez mal obseruée. D'autant que le relisant, ie le disoistrop prophane pour vos aureilles si saintes: Et coulant l'ongle dessus, ie le sentoistrop raboteux pour des iugemens si doux & polis que les vostres. Toutesfois, deux autres points plus forts, m'entraisoient de leur party: L'authorité de Polybe, me faisoit iuger equitable de vous l'offrir, pour auoir esté composé sur vostre *Diocese*, & Gouvernement Spirituel. L'autre ne m'incitoit pas, ains me par-forçoit de le faire. Par-ce que 400. ans sont ja deuidez sur le Ploton des

## EPISTRE.

siècles, que ceste peste du Berangarianisme commençant à pululer: l'Heresiarque Beranger Caluinisant, enuoya cauteusement de ses lettres en ce bas pais Normand pour sonder, s'il trouueroit des ceruelles esuentées, qui voulussent escouter le mésonge de son erreur. Mais vous remportez bien cest honneur, que vostre Eglise de Bayeux, fut la premiere, qui reiettant ses lettres cracha sur ceste nouvelle doctrine: & avec vn Sainct homicide, suffoqua ce serpēt dès son berceau. L'aymant de ceste glorieuse renommée, m'attirant à luy, m'a fait croire, que ce liure, qui estoit du tout occupé à chasser la beste noire du Berangario-Caluinisme,



## EPISTRE.

pourroit mandier plus raisonna-  
blement vostre faueur, que de nul  
autre: veu que ses mains, sont cel-  
lesmesme, desquelles vos Majeurs  
renuerferent Catholiquement la  
coupe de ce venin. Si vos deuan-  
ciers bien louables, vous ont laissé  
tât d'honneur à posseder au rebut de  
ceste heresie: ie me promets q̄ gui-  
dez de la vigilâce de mon Seigneur  
vostre Euesque, vous ne degenere-  
rez en rien de leur vertu: Mais que  
vous portans heritiers de ceste suc-  
cession si honorable, estans sain-  
ctement amoureux de leurs meri-  
tes, & remplis d'vne louable ialou-  
sie, & saincte emulation de les pas-  
ser: Vous ietterez des fleurs sur ce  
TOMBEAU, sous lequel i'ay en-

EPISTRE.

seuely les plus hideux Squelettes,  
 & descharnez Carcasses du Hu-  
 guenotisme. P'ay remué trois pier-  
 res que vous trouuerez assez bien  
 placées. Le 1. Liure, entre autres  
 subiets, contient le Traicté de Mel-  
 chisedec, ou i'ay rapporté tout ce  
 que la science en pouuoit escrire.  
 Au 2. est la Sainte Messe, laquel-  
 le faisant voir comme elle est aussi  
 ancienne comme le monde, & son  
 nom authentiquement couché d'as  
 les Archiues sainctes, monstrea  
 que la *Cene* heretique, est vn cham-  
 pignon creu d'vne nuit. Le 3. des-  
 chiffre le HUGVENOT: & sa Ky-  
 rielle & Litanie bien anathemati-  
 féc, fera sentir que le Calvinisme est  
 vn esgout des sedimens & fondril-

## EPISTRE.

les de toute impieté, & vn Verpot  
ou tous les pourceaux heretiques  
qui furent onc, se sont falllement  
embourbez.

Le voyage que cest œuure veut  
faire, est fort perilleux, & ne l'ose-  
roit entreprendre sans vostre fauf-  
conduit. C'est pourquoy mainte-  
nant, avec toutes submissions d'o-  
beissance, pliant le genoil d'humi-  
lité deuant vostre image, reclame  
vostre secours. Faïez lé de vostre  
Benediction salutaire, espanchez  
sur luy vostre faueur fauorable, &  
de bõ Augure. Vous n'y estes obli-  
gez, ie le confesse : Mais Dieu qui  
n'a autre subiet, de nous bien faire,  
que pour exercer sa bonté, verse  
sur nous autres ingrats prodigue-

## EPISTRE.

ment ses graces. Si vous n'avez aucune occasion de luy monstrier de la bien-veillance, faiçtes-lé pour exercer vostre grandeur. Et si le merite du liure, ne vous y conuie, ne regardez le don, mais la bonne volonté dontie vous le consacrez. La fausse verité des Fables dit, que Iupiter pris le Litron de farine du pauvre Hermion, présenté avec vne alegresse de cœur ouuert, que le sacrifice de cent bœufs, imolés par aquit. L'affligé est digne d'aide, le voila mancipé à l'enuie, pour estre deschiré de toutes les dents chancreuses de detraction: Tous les chiens de mal-disance le poursuient: he! ne le repoussez pas. Donnez luy le couuert sous le toict de


## EPISTRE.

Voſtre franchise : contribuez de  
l'ayde à ſon ſecours, la raiſon vous  
en prie. La bonne grace d'ôt on re-  
çoit ce qu'on preſente, eſt vne nou-  
uelle obligation à faire mieux. S'il  
ſe voit eſtre receu de vous d'une  
main non deſdaigneuſe, & que le  
fauoriſiez d'un bon accueil, il mar-  
quera le iour d'eternels caracteres:  
& obligerez ſon Maïſtre de de-  
meurer eternellement.

---

*Voſtre tres humble ſerviteur*  
*G. l'Apôſtre.*

*De Caen ce 1. Ianuier, 1597.*



## Auant-propos.



LE SAGE dit en ses Pro-  
uerbes, *qu'il a veu l'ignorant  
courir à la perte sans interual-  
le, & à son deshonneur sans  
honte.* Laquelle Parabole,  
le void maintenāt accom-  
plié, au Predican la Banffer-  
rie. qui peu iudicieusemēt,  
mettant en lumiere vne saugrenue responce  
à mon escrit, à perte d haleine *a couru à son  
deshonneur sans honte.* On auoit de long temps  
conceu, choses grandes de luy. & deuoit  
beaucoup à sa renommée. le m'attendois d'e-  
stre batu d'infinis textes Grecs & Hebreux,  
chargez de raisons bien plombantes. Ia ie  
me tapissois, & par dix mois, ay tremblé  
de mille craintes, comme celuy qui atten-  
doit l'esclat du Tonnerre, qui me doit re-  
duire en cendre: Mais ie n'en ay eu que la  
peur, Dieu mercy. La Nuë n'a fait que ves-  
sir: La montaigne a produit sa Souris: & l'E-  
lephant sa Mouche, tout le monde a esté de-  
çu. Aux grands frais des Huguenots, ceste  
*Dise* responce a esté imprimée à Paris, afin

que le Grec & l'Hebreu ny manquaissent. Neantmoins on n'y a trouué que du François bien simple : & rien autre chose que des Sornettes, avec lesquelles les Tripières de Petit Pont ont accoustumé d'entretenir leur loisir. Il a payé les pauvres Freres d'une Fue & Bée, & ont esté frustréz de leur attente.

Il eust bien mieux fait de dedier sa plume au Silence, & l'appendre au Temple d'Harpocrate, que de rien escrire. Les Brise-couleurs de Zeuxis, tindrent le Roy Megabizus pour grand homme, ce-pendant qu'il se teut. Auant que la Banfferie eust escrit : on pensoit que son muis fust tout plain : mais frappant du doigt contre, on n'a trouué que de la Bafsiere, & à sonné le cas : & l'expectation qu'on auoit de luy est cheute. Le siléce quelquefois apporte bien de l'ornement & de la grace à l'ignorance : d'autant que, comme dit Salomon, **טחריש חכם יחשב** Et le fol pour lors est sage, quand il se tait.

Il se fait accroire d'auoir narré veritablement le motif de nostre dispute : mais i'e'l pere que ie n'auray moins de creance que luy. La Necessité qui ne reçoit loy de personne, ains la baille à vn chacun m'ayant contraint d'abandonner ma patrie, & le lieu ou i'auois tracé le cerne de mon repos ietté : & debatü

des orages du siege & de la guerre, j'arriue  
en ceste ville de Caen, ou ie trouuë Mon-  
sieur de Caumont Conseiller du Roy & Pro-  
cureur pour sa Maiefté en ce Bailliage, qu'on  
cognoist homme de bien & qui a fidelemen-  
teruy le Roy & sa patrie, lequel pour auoir  
eu l'honneur que de le cognoistre à Paris pa-  
suant les Baricades, me receut comme vn  
pauvre Misene, recous des flots, & de la  
tempeste, & me presta sa maison (sur laquel-  
le ie prie Dieu de faire plouuoir incessam-  
ment le Basme de ses sainctes benedictions &  
graces) ou j'ay continué mes estudés. A ce-  
ste bonne aduenture, se ioignit la cognois-  
sance de Monsieur de la Lande qui m'hono-  
ra de sa belle amitié. Chez lesquels disputant  
quelquefois contre *ceux du vieil mensonge*  
iceux ne pouuant me résister, ou pour mieux  
dire à la verité, me demanderent si ie voulois  
disputer contre leur Ministre. Je dy que non  
& qu'il ne m'appartenoit pas, pour n'estre  
que simple escolier Laïque. Toutefois, im-  
portuné, ie concedé de disputer du sacrifice  
de Melchisedec & de celuy de Moyse. Deux  
me vindrent trouuer en ma chambre, me di-  
sant qu'ils auoyent promis à leur Ministre de  
me mener disputer contre luy. Je pris ma  
Bible, & vn Tome de S. Augustin, & y allé  
aussi à regret comme Jonas à Ninieue, pensant



qu'il fust autre chose qu'il n'estoit pas. La premiere fois nous ne le trouuâmes point: le lendemain me venât requerir, ie pris les mesmes armes ( car ie ne voulois combattre sans mes Capitaines ) & m'y en allé. Ou l'ayant trouué me salua d'une salutation bergamesque. Il eut tant de peur que personne n'entendist ceste conference particuliere, qu'il ne vouloit pas presque souffrir sa pensee pour compagne, il meit son seruiteur dehors pour empescher que personne n'escoutast; & pour l'aduertir si quelque estranger venoit. le demeuré seul Catholique avec luy, & ceux qui m'auoyent mené.

Après auoir disputé, ie luy monstré plusieurs fois par mes doigts, que ie remportoie 7. points ou il n'auoit aucunement satisfait. Il me dit que ie misse donc mes raisons par escrit, & qu'il y respondroit. Ie l'ay fait, & n'ay rien dit de luy qu'il le peust offenser. Au contraire plusieurs m'ont blasmé, de ce que ie l'auois trop loué: & de la peine que i'auois prise à coiffer ceste buche, & à l'endimancher. I'estimois toutesfois estre plus seât de louer son ennemy, & s'honorer l'un l'autre, que de le vituperer. Mais luy pour troque & reuanche, m'a chanté mille iniures, & pour de l'honneur m'a rendu du mespris. Il m'appelle *Fol: Ignorant: Brauache: Impie:*

*second Traiso : vn Taon : Piaffeur : Ardelio : Maître Aliboron : Charlatan : Marmiton : Ourageux : Petulant : Que i'ay besoin d'une Dose de l'heleboro du Medecin Charon : Que ie ne suis point Chrestien : Atheiste , qui ne suis de l'opinion de ceux de l'Eglise Romaine : Que les Cordeliers feroient bien de me bailler le Chapitre : Que ie say du passionné & zelé : Que ie n'entends rien en Theologie : & infinis autres. En fin , il m'a tant offense , que s'il estoit chagé en satisfaction il ne pourroit pas satisfaire. Neantmoins ie luy pardonne , & ne me soucie pas de tout cela. Il me fait plus de pitié que de peur : Ses MalediCTIONS me font des benediCTIONS. Iamais la louange d'Achille ne despendit du Blason de Terfite.*

Ne se contentant pas des 7. absurditez premières , il a recidiué , & est retourné à son vomissement : & ce pauvre Halbran de village , porté sur les aisles de son ignorance par les vents de presumption , s'est voulu percher sur l'Oliue des Muses , pour chanter avec les plus experts : Mais sa voix estant trouuée trop racle & mal concertée , a esté siffié & moqué d'un chacun. Toutesfois forçant les loix de son honneur , bouffy du vent de son outre-cuidance , a voulu que son louche escrit vist le iour. Lequel confronté contre ce Tombeau , seruira d'eschâtillon pour cognoistre son incapacité. Et la honteuse recitation de ses pernicieuses

nicieuses propositions demonstrelra comme à l'estourdie, *il a couru à son des-honneur sans honte.*

Pour son esloyne & excuse, dit que l'aplaudissement, dont on a receu mon escrit, luy creua le cœur. Or de metaire, mon silence eut esté dommageable, & il y fust demeuré du mien. Car voyant sa Rapsodie en lumiere, a dressé des Trophées à son pied de mouche. Il a pensé donner de la volée & du bransle à son honneur, & se consacrer comme admirable à la posterité. Toutesfois l'huile de Cedre n'est pas pour de tels liures que le sien: Ses escrits sont les Annales de Volusius. *Cacata carta.* Il se promettoit des Palmes & Lauriers de victoire: Mais il a cueilly les Cyprez pour des-honorer sa honte & son trespas. *Peccat ad extremum videndus, & illia ducit.* S'il n'auoit refuté que mon escrit, il ne seroit blasnable. Au contraire bordelant ma renommée, a voulu enrichir ses moqueries de la perte de ma reputation, & mal à propos affronter mon honneur. Comme vne mal heureuse Fée il a voulu brouir & greffiller, le peu de fleur que le Printemps de mes trauaux auoit fait espanouir. Il faut la faire reuoir, saine & entiere, & luy monstrelra que sa victoire Cadmée luy sera plus dommageable qu'vtile, & qu'il en remporte

autant d'honneur comme vn qu'on pend. *Qui ex patibulo suos conspiciat spectatores* Il a fait son debris iusques icy : mais il faut faire refuser vn rebut à son ambition.

Si on examine sa responce : pour les gausseries , c'est vn perpetuel Sacrifice du Dieu Comus : encor qu'à le voir par les rues, vous le diriez l'Agelaste Crassus , comme il marche à la reformation. Pour les Anathemes, c'est la feste de Hercule à Rhodes , ou les blasphemes estoyent la benediction & mots de bon Augure. Quant au sens, il n'y a qu'un perpetuel brouillis d'irresolutions, & en la façon des meschans cherche des ambages.

Mon langage qui l'en croira est hors l'intelligence du commun. *Non ego ventose plebis suffragia venor.* Plaire au commun, est desplaire aux doctes. Pour luy il dit, *qu'il a pris peine de contenter les plus grossiers.*

Il me reprend d'auoir voulu sçauoir de tout. A quoy ie responds que: *Bonum est omnia scire, sed non omnibus vti. Nihil iucundius quam omnia scire: Curiosum enim nobis natura dedit ingenium,* comme dit Seneque. Pensant que le faux Orpel de gloire , dont ie le dorois fut vray, il en est deuenu si goguelu, que ie me represente l'Aine d'Horace, qui vestu de la peau de Lyon se voulut faire appeller *Mai-*

*ſr̄e banded.* Aux fables, le Renard voyant le Corbeau garny d'vn morceau de fromage, le loua de ſa belle voix : qui ſe glorifiant ouurit le bec pour crouaſſer, & laſcha le morceau que le Renard mangea. La louange que ie luy ay donnée eſtoit pour luy faire tomber ſa reſponce des mains: maintenant *quod ſupra dederam repeto.* Il ne fait plus que crailler, quelque ſiniſtre preſage pour les huguenots ſur le bord de ſa Carriere.

Il a raiſon de m'appeller Idolâtre: ie le ſuis, ie le confeſſe, d'auoir idolatré ſa beſtiſe, & de l'auoir loué, luy attribuant ce qui appartenoit à Dieu ſeul.

M'accuſant d'ignorance, il me reproche ſa gloire & ſa perfection. Les Philoſophes mettent la Prudence la premiere pour puiot de toutes les autres vertus : & nul ne peut acquerir la ſcience, ſ'il n'a premier la prudence comme dit le vers Hebreu. קנה-הבטת. C'eſt pourquoy fort mal à propos, tout plain d'vlcères: il ſ'eſt voulu mocquer de mes Coupe-rouſures: & tout diſforme Eſope qu'il eſt ſ'eſt voulu mōſtrer vn Adonis, à reprendre la laideur des autres.

Auec vne contintuelle Logo-machie, il fait la guerre à mes belles paroles (comme il dit:) Et ce pendant pour recamer ſon Caneuas, &

apporter du lustre & de l'esclat à ses blasfardes couleurs, & donner ombre à ses rentondremens, l'a coulé dans son vieil Carcasse, pour donner de l'ame à la seche Anatomie. l'ay osté ses espouuantes à haubereaux, & me suis seulement amusé aux bonnes raisons.

Luy & tous les Abayeurs de Lune. qui ont parlé de mon premier liure, doiuent iuger qu'il n'a rien esté autre chose, qu'un Cartel de deffy; ç'a esté vne Allumette pour embraser le feu de sa honte. ie luy ay fait prendre, comme vn morceau d'Antimoine pour luy faire vider ses poisons & ietter le Cacochisme d'heresie qu'il auoit sur l'estomac. C'est vne Agace que j'ay lachée pour faire sortir la beste noire aux champs, houlle elle est sortie, que chacun la chapigne, & luy donne des lardasses dans les fesses.

Il ne sçait à qui se prendre de l'escorne qu'il a receuë. Il s'attaque au Priuilege: Au langage: & aux Docteurs. Et il me semble que ie voy l'achariastre Nourrice de Medee dans Euripide, qui se prend aux arbres de la forest Pelion, desquelz la Nauiure Argo auoit esté bastie, de la faute que sa Maistresse a faicte: causes bien remotes. Il ressemble au chien qui mord la pierre & non pas celuy qui l'a iettée. C'est le furieux Pison qui pour vne seule innocence en veut faire mourir trois.

Il mensonge, qu'un des Docteurs qui aproua mon escrit s'estoit vanté de l'auoir fait: ce qui est faux. Ils feront bien mieux quand il leur plaira. Mais j'ay bien ouy dire à l'un d'eux qu'un iour la Banfferie estant chez un bourgeois de sa parroisse, qui auoit la teste cassée de la cheute d'une meulle de Moulin: il voulut persuader au patient de manger vne rotie: à qui le malade dit qu'il l'auoit mangée. Le Predican respond que ç'auoit donc esté en Esprit & fantasie: & parce qu'on luy auoit parlé de la manger. Alors le Docteur present, luy dit. *Il a mangé la roflie spirituellement & fantastiquement comme vous auez accoustumé de manger le corps de Iesus-Christ en vostre Cene.* A l'instant Gautier deuenant muet s'enfuit en sa maison: ou plus de deux moys apres, il sacrifia à Angeronne, des belles haffres qu'il auoit eues. Et ceste seule fois garda tres-sagement son silence Pythagorique

Il blasme le Priuilege, & dit que mon liure ne durera pas tant, *veritas manet in eternum.* le ferois bien marry de mettre rien en lumiere, qui ne fust aproué d'un chacun. On ne peut reprendre le Priuilege du sien. Il est sans approbation aucune. Il a bien les marques d'un meschant liure: il est sans nom: Approbation: iour: ny lieu. Et iaçoit que Mon-seigneur de

la Verunne nostre Gouverneur (sous les veilles duquel nous dormons en assurance) luy eust deffendu tres-expressément de l'imprimer. Toutesfois pilant à pieds tout respect & obeissance, l'a fait vendre aussi librement en ceste ville comme les Epistres de Ciceron : Sans que personne s'en soit en rien formalisé. Encor que les Ordonnances confiscquent le corps & les biens de ceux qui vendent tels liures, sans priuilege du Roy, & approbation des Docteurs. Ames craintiues qui n'avez voulu signer avec vostre Gouverneur & Bailly, ny escrire vostre nom aux Pancartes des Gens de bien, vous dormez au cry de telles ordonnances. Il faudroit 6. mois à le voir. Ce n'est pas à nous. *Hoc est meri imperii.* Bon. Vous craignez que les Huguenots ne vous en sceussent mal gré. Paris fist bien mieux : L'Imprimeur Huguenot, en a esté quelque temps au Petit Chastelet & y seroit encore si des plus grands n'en eussent parlé.

I'oubliais à dire qu'il se fasche, de ce que ie l'appelle premier Ministre, & que plusieurs ont esté deuant luy. Je ne les auois voulu nommer de peur d'obscurcir son Primat. Le 1. fut le Grand pas, qui s'en estant enfuy pour auoir engrossé vne Damoyelle de ce pays fut bruslé pres de Lyon, pour la Sodo-



mie, qu'il commettoit avec vn garçon qu'il auoit del bauché. Le 2. fut la Barre meneur d'Ou s. Le 3. fut Cousin qui voulut se seoir deuant les Conseillers du siege Presidial, pres le Lieutenant General Brunuille: puis apres prit le Chasteau de Caen par trahyson: dont vn Capitaine Manceau fut decapité sur la porte. Le 4 fut Pinchon, qui bailla sa Cousine en seruiue en vne maison, à la charge que 2. fois la semaine elle viendroit chez luy, pour estre Catechisée: Mais au bout des 9. mois elle se trouua instruite de deux enfans. Le 5. fut Siluestre Carme deffroqué, qui s'enfuyant de Vitray avec les Reliques de son Couuent vint ietter icy le froc aux orties. Le 6. fut le Bas qui pour son sacrilege de l'Eglise de Nonuillers deuint fol, & le le tomba en demence. Voila les Predecesseurs de la Bansserie. Pour luy on ne sçait encore ce qu'il fera. *Nemo salix ante obitum.*

Il ne se deuoit mocquer de ma Paureté, veu que ie luy auois dit au commencement.

*Quando tu viens me blasmer du peu de ma richesse  
C'est ietter vne Freze encontre mon talon:*

*Les riches n'entrent pas au temple de Permesse,  
Paureté est le bien des enfans d'Apollon.*

S'il est de la race de Dinomache, Perse luy dira: *Suffla, & moy avec Seneque, Nemo altero nobilior, nisi cui rectius ingenium, & artibus*

*bonis aptius: Qui imagines in atrio familiae suae  
l'ogo ordine, ac multis Stemmaturum illigata flexuris  
in parte prima adium collocant, noti magis quam  
nobiles sunt.* Quant à moy, ie fonde le premier  
estoc de ma Noblesse sur la preu-dhomie  
d'vn tres-homme de bien duquel i'ay eu  
cet heur que d'estre engendré. Il n'a pas  
toufiours esté si riche comme maintenant:  
La Marmite de Monsieur d'Igny, lors qu'il  
menoit ses enfans au College, luy a fait la fe-  
ste par plusieurs fois, & est deuenu ainsi gras,  
de la torcher. Il se doit resouuenir, que pas-  
sant Beste és Arts, ne pouuant respondre aux  
3. parties de Philosophie, il fist vne obliga-  
tion de 45. sols à l'Vniuersité, pour les Bour-  
ses, à condition de les payer lors qu'il seroit  
deuenu à plus grasse fortune, tant il estoit  
pauvre de cens & de sens. Je dy cecy pour  
simple reuanche de ce qu'il me reproche: &  
pour respondre aux enuieux & detracteurs  
de ma renommée, qui comme ennemis gagez  
des bonnes lettres, estant ialoux de ce qu'on  
ne parloit point d'eux, ont fait du bruit au-  
tour de la vertu, & se sont monstrez plus en-  
nemis de mon liure que les heretiques mes-  
mes. L'vn faisoit des Vers contre moy: l'au-  
tre disoit: *Il ne sçait pas rien en Theologie*: vn  
autre empeschoit que les Docteurs me don-  
nassent aprobaton: que ce n'estoit pas à moy

à disputer cōtre les huguenots. Et va te cacher  
jaloux. Voyant les ennemis en la maison de  
mon pere : Pourquoi n'y courray ie les ar-  
mes à la main pour tascher de les en repouf-  
fer, voyant que toy & tous ceux qui en auoyēt  
la garde les y ont laissez entrer ? Ma confola-  
tion, est avec tous ceux qui ont etcrit. Tous-  
iours la calomnie suit ceux qui paroissent sur  
le Theatre des actions humaines. Que chacun  
amoncelle tous les orages de mespris, pour  
verser sur moy : le suis trempé d'assurance, &  
demeureray ferme comme vn Rocher entre  
tous les flots de mesdisance. Le vin qui croist  
pres la Mandragore en est plus doux : l'hon-  
neur qui se desrobe d'entre les haues mains  
de l'enuie, est plus clair.

*L'enuie suit tousiours les choses les plus hautes :  
Qui n'a point d'ennemy ne cognoist pas ses fautes,*

Il n'y a pas de plaisir de courir seul. l'Anta-  
goniste bende la vertu.

*Qui n'a point d'ennemy ne merite de gloire,  
On deuiet sans Riual paresseux Et fetard :  
Et le guerrier deuiet sans guerre tout couard,  
On ne peut sans party remporter la victoire.*

Quant à moy ie suis bien marry, que mon


aduersaire Gautier n'est plus braue: Contre vn si pietre ennemy, la victoire est de peu de merite. Sans l'honneur que ie luy ay fait que de le nommer: la mesme terre qui pressera son corps, eut couuert son nom. Toutesfois il viura en telle reputation entre les hommes, comme Erostrat & Pausanias: Dont l'vn tua Philippe, & l'autre brusla le Temple d'Ephe-se, afin de faire parler d'eux.

Souuent le nom conuient à la chose: ne se contentant pas des blasphemes qu'il iette contre l'Eglise tous les iours en son Presche, il a encore detrempe l'encre de son liure de la mesme rage, comme porte tres-bien son Anagramme. Car à *Gilles de Gaultier*, ie trouue, *De ray' il tu' l'Eglise*. Puis qu'il est Gentilhomme le [*de*] luy conuient fort bien. Le m'a-rens qu'il fera vne Anti-Messe, ou Resurrection du Huguenotisme, ou il doit brouer & escumer à outrance.

En fin ne pouuant plus que dire, il se mocque de mon beau nom d'*Apostre*, nom duquel S. Paul decore Iesus-Christ. Je luy diray bien que quelquefois le nom donne du courage & sert d'esguillon à la vertu. Alexandre assiegeant en Indie la Roche imprenable de Sisimetrés, & y despeschant les Macedoniens les fist conduire par vn Alexandre: mais pour encourager ce Capitaine Alexandre: ne luy fist

que dire. *Il faut que tu te monstres aujourdhuy  
digne de ton nom.* • Ce qui luy donna tant de  
cœur, que porté par la seule reuerence quil  
auoit à ce nom, combatit par dessus les for-  
ces humaines. De mesme, Dieu m'ayant don-  
né le nom de ceux qui ont esté les douze Co-  
lomes de nostre Foy, le nom d'*Apostre* m'o-  
blige ce-pendant que ce peu d'air fera haleter  
mes poulmons, de consacrer ma plume, &  
mon traual à combattre le mensonge Hugue-  
not & deffendre la verité de l'Eglise. Et apres  
que Dieu aura repeté la vie quil m'a prestée,  
ie le prie que la seule souuenance de mon  
Nom, serue de trouble-repos au Bourdican  
la Banfferie, puis quil a esté l'incestueux Pau-  
fanias, qui a voulu honnir & violer ma renom-  
mée: Et que mon ombre soit sa Cleonice, qui  
ne luy permette pas de cligner l'œil, ny de  
prendre vne seule Pause d'ayfance, en tout le  
cours de sa vie.





*ADVERTISSEMENT*  
*aux Moins-mauuais Hu-*  
*guenots, de reuenir en*  
*l'Eglise Catholique.*

Out ce qui est au Monde appete  
**T** vn bien, & tend à vne fin der-  
niere, à laquelle, il tasche selon  
tout son pouuoir de paruenir:&  
y estant arriué, se repose. La fin, & dernier  
but de tous les Chrestiens, est d'estre sauuez,  
& iouir de la felicité eternelle. Si la Beatitude  
est nostre bien, & fin derniere, tous les traits  
de nos cogitations ne doiuent auoir autre vi-  
sée, & doit estre l'Aymant, vers lequel tou-  
tes les Boussoles de nos pensées doiuent re-  
garder. Et iaçoit que mille mouuemens de  
tribulation, renuersent bien souuent, sans  
dessus dessous le Cadran de nostre vie.  
Toutesfois apres que nous sommes rassis dās  
le coy serain de nos cogitations: L'aiguille  
de nos comportemens, doit tousiours retour-  
ner, vers le Roc de ce repos eternel. Or com-  
me le fer a vne grande Sympathie avec l'Ay-  
mant qu'il a vne fois touché: de mesme il y a

vne estroite conuenance, entre l'homme & la  
beatitude eternelle. Par ce qu'il n'y a person-  
ne, qui ne desire d'estre bien heureux. Et la  
beauté de ceste Penelope, est souhaitée & ha-  
lenée, tāt des beaux que des laids: Car soit que  
nous soyons gens de bien ou meschants,  
comme dit S. Augustin, nous voulons estre  
bien heureux. *Sive benè, sive malè viuamus bea-  
ti esse volumus.* Le pris de ceste vie eternelle,  
s'apprend par la comparaison de son contrai-  
re. Ceux qui aiment la vie temporelle: & qui  
penlent bastir vn ferme Paradis sur le trem-  
blant des bombances mondaines: Quand la  
mort vient, il n'y a rien au monde qu'ils ne  
donnassent, à vn qui diroit, *ie m'en vray mourir  
pour vous.* S'il y a quelque similitude entre la  
Terre, & le Ciel: Entre le souuerain bien &  
l'Aparent: Entre vn moment de temps & vne  
Eternité, conceuez l'excellence de la beatitu-  
de, & iugez, s'il y a chose tant dehors que de-  
dans l'homme, qu'il ne doie perdre pour la  
gagner, & chere qu'il ne doie vendre, pour  
l'achepter.

Le chemin qui conduit à ceste felicité est  
l'Eglise: Et la clef de telle porte, est la foy.  
C'est dans ceste Archè qu'il faut s'enfuir à re-  
cond, ce pendant que les ondées, de ce delu-  
ge mondain tombent. C'estoit dans Hieru-  
salem qu'il falloit sacrifier: c'est dans ceste

Eglise qu'il faut sacrifier & bien faire. On ne peut ouurer au gre de Dieu que dedans ceste boutique. C'est le Nauire S. Pierre, dans lequel, il faut s'embarquer pour euiter le naufrage de ces mersterriennes, & paruenir au port des celestes: on ne peut estre sauué qu'en icelle.

Lors que sur de si salutaires cogitations, i'attriste ma pensee, vn sainct zele de charité me fait sangloter, & desplorer la calamité de vous autres pauvres abulez Huguenots: Qui plustost par fougue & rage, que par certaine science, estes sortis de ceste Eglise: & tous les iours à force de rames & de voilles tendez au gouffre & precipice de damnation. Ceux qui furent Heretiques au commencement, ont quelque excuse: D'autant que ceux qui uiuoient sous le mal-heureux & ignorant siecle, ou le Luteranisme commença à pululer, ne peurent pas s'empescher, qu'ils ne fussent emportez par ces Aualages de nouueautcz. Par ce que toute heresie au commencement est comme vn Torrent, qui entreine les plus fermes, & esbranle les plus resolus, mais ne dure pas long temps.

S. Thomas ce me semble, accompare l'heresie à vne belle fille, qui commence à faire banqueroute à son honneur, pour se prostituer, & ouurir la porte à toute impudicité.



Au commencement, vn chacun la careffe, il n'y a fils de Belial ou desbauché, qui ne vueille iouyr de ses amiables priuantez, & cueillir sa part des fruiçts de son Prin-temps. Mais apres qu'elle est deuenue commune, & vieille, chacun la quitte, & a honte de la voir. Ainsi l'heresie, au commencement estoit ceste pipeuse fardée, qui deceuoit vn chacun: Tout le monde couroit apres les Ministres maquereaux de ceste putain: Mais maintenant qu'elle a trop couru l'esguillette, ses rides apparoissent, le fard de sa fausse apparence est tombé. Il vous faut la quitter là, & chercher la legitime espouse l'Eglise, de laquelle la beauté est incontaminable, & qui ne peut estre ternie par le hasle des ans.

C'est vne grande consolation pour les Catholiques, & qui assure fort leur conscience: Que tous les Heretiques qui sont venus de tout temps, ont dit pour leur excuse, que l'Eglise auoit failly. Et neantmoins, c'estoient trompeurs, qui se sont esuanouis, & approuuez heretiques par les Conciles, & les tenez tels vous mesme. Quand Luther, & Calvin sont venus, ils ont dit. *l'Eglise a failly, il faut la reformer.* Nestorius, Iouinian, Arrius, Vigilance & les autres en disoyent autant. Mais en fin, cela s'est trouué faux. Dieu a blanchy les taches, dont ils vouloyent noir-

cir la blanche innocence de l'Eglise. Il faut  
que vous teniez vne maxime, *Que l'Eglise Catho-  
lique, Apostolique & Romaine ne peut faillir.*  
Elle en a la promesse, & l'effaiët s'en est en-  
fuiuy depuis que Iesus-Christ est mort. Vos  
Ministres ont encore demeurez cours à  
prouer qu'elle ait failly, ny iamais detuoyé  
de la foy, s'ils n'alleguent des Conciles tenus  
par la tyrannie des Empereurs: ou des vices  
des Papes, qui ont failly comme hommes:  
Mais n'ont gasté leui chere pour cela: com-  
me la melchante vie d'un Iuge n'inualide pas  
la sentence qu'il donne. Donc tous ceux qui  
ont dit que l'Eglise a failly, & ceux qui par ce  
vain apparent en sont sortis, s'abusent. Vous  
confesserez que nul Prestre, ny Pape ne pour-  
roit estre plus meschant que Iudas. Et neant-  
moins, il n'a point gasté l'Eglise des Apostres.  
Il n'a point honny la chère de son Euesché: &  
sa melchante vie n'a empesché qu'au i. des  
Actes, Mathias n'ait esté esleu en ia place, &  
légitimement succédé.

Vous me direz que vous estes l'Eglise, c'est  
vostre responce commune. Ce n'est assez de  
dire, il faut le prouuer avecques verité. Ce  
point est de remarque disputōs amiablemēt.  
La i. marque de la vraye Eglise est d'estre  
*Catholique* ou *uniuerselle*: Or ceste marque  
n'est point vraye si elle n'a ces 3. circonstan-  
ces

tes. Tenue de tout temps: Receüe en tout lieu: & creue de tous hommes. Vincentius Lyrinensis contre les Nestoriens; qui disoyent qu'ils estoient l'Eglise comme vous, en son liure contre les heresies dit. *Croyons en l'Eglise Catholique, ce qui a esté creu par tout: toujours: & de tous. Et alors nous ferons cela, si nous suiurons l'Vniuersalité; l'Amiquité: & le Consentement uniforme.* Or il n'y a que l'Eglise Romaine qui a ces 3. marques: elle est donc la vraye Eglise. De laquelle tous ceux qui s'en separerent sont perdus comme membres retranchez de leur Tronc: La Seue du S. Eprit ne donne la vie vegetatiue, qu'à cest Arbre verdoyant de l'Eglise Catholique. Je vous deplore en vne chose; en cē que periclitant de vostre salut si ne reuēnez à resipiscēse, vous perdez le fruiēt de toutes vos œuures. Vous estes comme le Saule, qui perd son fruiēt auāt que d'espanoir. Toutes vos aumosnes ne vous seruent de rien: & encore comme dit S. Augustin, que vous soyez Martyrisez, vous estes Martyrs du Diable, lequel a les siens comme Iesus-Christ. Si tels propos vous engendrent des frissons de crainte dedans l'ame: j'ay allegué les passages au traicté du Huguenot: Mais ie vous citeray le passage de la Bible au 6. d'Amos, qui est le plus beau du monde & bien à propos: D'autant que la

dispute estoit telle en ce temps là comme  
 maintenant : & Dieu la vuide luy-mesme. Il  
 y auoit vne dispute entre les enfans d'Israel,  
 & les Samaritains Heretiques qui s'estoyent  
 separez & disoyent contre les Israelites, qu'ils  
 estoient la vraye Eglise : ils chantoient les  
 Psalmes de Dauid comme les enfans d'Israel.  
 Mais Dieu les condamne, & leur dit qu'ils n'a-  
 uoyent la puissance de les chanter, il n'y auoit  
 qu'en l'Eglise Sion, ou l'on pouuoit les chan-  
 ter. *Va qui opulenti estis in Sion & confiditis in*  
*monte Samaria & c. Separati estis in diem malam,*  
*& a propinquatis Solio iniquitatis. Canitis ad vo-*  
*cem psalterii. Sicut Dauid putauerunt se habere va-*  
*sa Cantici.* Il les damne pour 3 choses Pour s'e-  
 sivre separez : pour s'estre corstrez en leur Carriere :  
 & pour auoir chanté les Psalmes de Dauid, n'en  
 auoir pas la puissance. Ce n'est pas assez d'en-  
 durer le feu, il faut que la cause soit bonne.  
 La peine ne fait pas le Martyre, ains la cause.  
 Il est escrit : *Beati qui persecutionem patiuntur :*  
 mais il y a apres, *propter iustitiam.* Ce que S.  
 Augustin dit aux Heretiques de son temps.  
*Multi Heretici nomine Christiano animas deci-*  
*pientes, multa talia patiuntur : sed excluduntur à*  
*iusta mercede.*

Comme le mot d'*Omoufios*, estoit la Pom-  
 me de discorde, entre nous & les Arriens :  
 Ainsi la dispute de la reale presence, est le

principal point qui nous tient en dispute. Re-  
ieter la creance que les Catholiques en ont  
ce seroit doubter de la foy de l'Eglise, &  
damner tous les morts.

L'agneau Paschal estoit la figure de nostre  
Pasque: & auoit trois ceremonies cachees,  
qui vous contenteront fort sur la realité la  
saincte Hostie. *Il ne fa!oit casser les os: il fa!oit  
ieter au feu ce qui restoit: & fa!oit appeler son  
voisin pour ayder, quand on ne pouuoit tout man-  
ger.*

*Il ne fa!oit casser les os.* Les articles de no-  
stre Foy, sont des os, qu'il ne faut pas casser,  
mais les aualer tous entiers. Il ne faut les fai-  
re repasser par la dispute sans grâde impieté.

*Il fa!oit mettre dans le feu ce qu'en ne pouuoit  
manger:* Ce que nous ne pouuons croire au  
sacrement. Il faut le ieter dans le feu du S. Es-  
prit, le priant de nettoyer nostre creance, de  
l'ordure d'incrédulité, & d'augmenter nostre  
foy. Il ne faut mesurer la grandeur de Dieu.  
dans l'estroit de nostre incapacité Il faut cer-  
cher raison aux choses subietes à raison. Il  
vaut mieux croire pieusement que chercher  
curieusement. Les entendemens les plus dei-  
fiez disent qu'il faut depestrir les articles de  
nostre foy, de l'eau de Theologie dans le Pe-  
tris des sciences les faire leuer en nostre Es-  
prit: Les manger avec les dets de nostre foy:

& puis les bailler au S. Esprit à digerer: & iama  
mais n'engendreront de cruditez en l'esto-  
mac de nostre conscience.

*Il falloit appeller ses voisins pour ayder à manger  
ce qu'on ne pouuoit manger tout seul. Il faut ap-  
peller nos voisins les Docteurs, Peres, & hom-  
mes sçauans pour nous aider à entendre ce  
que nous ne pouuons entendre tous seuls. Or  
ne pouuant manger seul cest Os. *Cecy est mon  
corps:* & ne le pouuant entendre, i'ay appellé  
mes voisins. Le plus loing de tous S. Cyrille  
m'a dit, qu'il ne faut vser de ce mot de *Quo-  
modo?* Mot de Iuif, mot de Diable, mot d'in-  
credulité, & des premiers Sacramentaires les  
Capharnaites. Demander du *Quomodo?* aux  
faits de Dieu, est digne de mort, & de tous les  
tourmens, gesnes, & croix du monde. *Quomo-  
do? Iudaicum verbum & extremi supplicii causa,  
& de Deo non sine magna impietate dici non po-  
test. Summis cruciatibus, digni sunt, qui Quomodo?  
in operibus Dei dicere audēt.* Tous les Docteurs  
anciens nos voisins nous aydent & disent que  
c'est le corps de Iesus-Christ, mais qu'il l'a  
couuert du sacrement, pour nostre infirmité:  
car si nous le voyons en sa maiesté, nous n'o-  
ferions le manger. Il ne faut vouloir veoir ce  
que Dieu a caché. Ne croyez pas que l'Eglise  
ait failly. Les deux vieillards de la sainte Su-  
fanne l'Eglise, Luther & Calvin, ne pouuant*

paillarder avec elle, l'ont accusée faussement d'adultere, mais l'accusation est retournée à leur dam.

Pauures desuoyez ie vous prie ne doubtōs plus, mais croyons. Gardons nous bien qu'on ne nous face l'ancien reproche : & qu'il ne nous aduienne comme aux anciens Philosophes, qui pour auoir trop disputé, ont perdu la verité. Faiçtes diuorcé irreconciliable avec ceste pernicieuse concubine, qui vous a tant abusez, reiettez-la avec autant de mespris & de desdain, comme vous luy avez porté d'honneur & de reuerence. Si c'estoit la premiere heresie, elle nous donneroit à penser. Mais c'est vn vieil mensonge refuté infinies fois par les Conciles. Je parle en premier lieu à tous ceux qui se sont desuoyez de la foy, en nostre France. Puis apres à vous autres Messieurs de Caen, qui vous laissez abuser par deux si ignorans Ministres comme les vostres. S'il m'estoit permis, ie demanderois cōgé de mettre vne anti chere dans vostre Presche : & faisant porter mes liures par vn crocheteux, tous les Dimanches nous viderions vn poinct, par poincts de la Bible & des Docteurs, sans crier. Et quand la permission me sera baillée par l'Eglise qui en a la puissance : ie desfiray la Bansserie, la vous verrez son ignorance. Je ne le veux plus attaquer par

escrit, mais de viue voix deuãt tous & en public. Et chaque point estant vuidé l'vn apres l'autre, il ne sera plus besoin que dressiez autel contre autel. Vous faictes vn tort à vos anciens Normans d'auoir receu ceste faulse heresie. Quatre cens ans sont passez quilz se monstrerent bien plus virils au refus de ce mensonge. Car Lanfrancus baille cet hõneur à la Normãdie que luy estant en ce pays Berãgarius taschant de semer son infertile Haue-ron luy enuoya ses lettres, & le Messager ne trouuant Lanfrancus, les bailla à quelques vns du Clergé, lesquels les ayant trouuees contre la foy vsitée de l'Eglise, les pillerent aux pieds : & eurent aussi mauuaise opinion de Lanfrancus comme de Beranger. *Quas mihi de corpore & sanguine Domini literas transmisisti, portitor Legatus tuus me in Normania nõ reperto, tradidit eas quibusdam clericis : Quas cum legissent, & contra vsitatissimam Ecclesie fidem scriptas animaduertissent zelo Dei accensifatum est, ut non deterior de te, quam me fuerit orta suspicio.* Normãdie, que voila vne belle louãge pour toy ! Pauures abusez huguenots, la vertu de vos Majeurs ne vous donne telle point de ialousie de les imiter : & vne hereditaire emulation de les suyute ? Braues Normans si vous viuiez encore, vous rougiriez de hõte, de voir voz nepueux embras-



fer si follement, ce que si sainctement vous  
 auez reietté. Je prie Dieu qu'il fasse la grace,  
 pour le moias à vous qui auez esté infatuez  
 de ceste forcellerie, comme Beranger : de  
 vous dediré, & de dire comme luy. *Ego Berā-*  
*garius corde credo, & ore confiteor panem & Vi-*  
*num que ponuntur in altari per misterium sacræ*  
*orationis, & verba nostri redemptoris substantia-*  
*liter conuerti in veram ac propriam & viuificatri-*  
*cem carnem & sanguinem Domini.* Et lors que  
 cela aduiendra, la Chrestienté en receura vne  
 grande ioye : la France vn honneur inesti-  
 mable : & toute l'Eglise vn repos & tranqui-  
 lité.

✠ F I N.

ΔΙΣΤΙΧ.

ΟΥΤΟΣ ΤΥΜΒΕΥΕΙ ΤΥΜΒΟΣ ΚΑΚΑ ΛΥΘΕΡΑΝΟΝΤΩΝ  
 ΔΟΥΜΑΤΑ ΚΑΙ ΘΥΗΣΚΕΙ ΩΣ Ε ΤΟ ΠΩΘΑΝΑΤΟΣ.


S V R L' A N A G R A M M E D E  
 Gilles Gaultier, la Banfferie.

Q V A D R A I N.

C'est Apostre subtil, par sa doctrine ardüe,  
 Gaultier te veut monstrer, du Ciel le chemin seur:  
 Confuter ton Escrit, confondre ton erreur,  
 Pour auoir mal senty de L'Eglise il t'argüe.

✠. S. R. Sicur d' Rhy.

i iij



A M. L'APOSTRE SVR  
son Tombeau des Heretiques.  
Stances.

Iete chery Bellonne & prie tes gen-d'armes  
De te ioncer d. fleurs, car parmytes effroys  
Est paru vn Apostre armé de saintes armes  
Qui vaine les huguenots: & les met aux aboys.

Et en Roys & en Foy, ô France bien-heureuse  
Reçoyle beaux exploits de ce ieune guerrier:  
Son bras estoufera la Secte Caluineuse  
Qui se terre desia au creux de son terrier.

Souuent le sort humain par sa vicissitude,  
Fait sortir vn grãd bien d'vn extreme malheur:  
Mars payant donc donné en ce lieu habitude  
C'est pour rendre à la foy sa premiere blãcheur.

Gaultier tu as raison d'en vouloir de la vie,  
Al' Apostre qui t'a si rudement deffait:  
Mais les traistres ont tort de luy porter enuie,  
Tousiours les gēs de bien loueront ce qu'il a fait.

Ne te fasche iamais pour vne mesdisance,  
Qui finit aussi tost qu'elle a commencement:  
Ton Liure fera voir à tout sain iugement  
Que l'heresie n'est rien qu'une sottise ignorance.

*Il ne faut point ça bas, que tu cherches de gloire.  
D'auoir tant soustenu la vray<sup>e</sup> Religion:  
Le Monde ne peut pas guerdonner ta victoire,  
L'Apostre attend du ciel, ta retribution.*

I. Le Valois.

SVR LE TOMBEAV  
des Heretiques.

QVATRAIN.

1.

*Plorez freres en Christ, vous en auez matiere,  
Vostre Gautier est bas, l'Apostre l'a dompté:  
Cherchez vn autre appuy, ou quelque autre Es-  
uenté,  
Pour Euangeliser dedans vostre Carriere,*

2.

*L'Apostre comme on voit, a tant bien combattu,  
Qu'en fin de son Gautier a remporté victoire:  
Soit doncques icy bas de l'honneur reuestu,  
Puis là haut couronné d'vne immortelle gloire.*

In Ministellum Gauterium  
Ecclesiæ Contemptorem.

*Di. Eham Gauteri, tu pēdes, impro-  
be, poenas:*

*Nam matrem rides, risit et ille Patrem.*  
D. E. R.

A Monsieur l'Apostre, Sur son  
Tombeau des Huguenots.

S O N N E T.

Que ton nom te conuient, l'Apostre ! qui suiuant  
Des Apostres les pas, te bastis des trophées,  
Enfonçant l'ignorance, & rendant estoüfées  
Des Apostres nouveaux les raisons & le vent.

Moindre gloire tu n'as que ceux qui parauant,  
Ont par leurs beaux escrits esté nos Coriphées,  
Des mains desquels on void nos parois estoüfées,  
Et cest Hydre vaincu qui s'allort esteuant.

Si Grand nombre a sué pour deffendre l'Eglise  
Ce Monstre n'a pourtant quitté son entreprise  
Car mi-mort on le void regimber de nouveau.

Mais toy tu as si bien tes armes affilées  
Que i'espere qu'vn iour leurs sectes desolées,  
Par tes mains, se verront conduites au Töbeau.

Cl. Gauchet Arch.

DV MESME

de Ba.

Q V A T R A I N.

Huguenot, voy ce liure, & va bien te goustant  
Si tu veulx du salut il t'en monstre la voye,  
Et tu croiras en fin ce qu'il faut que tu croye  
Ton erreur, ton Ministre, & Presche de testant.

A MONSIEUR L'APOSTRE  
Stances.

*Apostre dont le nom & le docte sçauoir  
Vole de toutes pars, & se lit par la France:  
Bien heureux soit le iour, que j'eü ta cognoissance,  
Je n'eusse peu iamais, plus grand heur recevoir.*

*Je te prise, ie t'ayme, & te reuere encore,  
Padmire tes vertus & ta constante foy:  
Et pas vn d'entre tous, n'a plus d'aise que moy,  
Quand il voit que chacun selon ton pris t'honore.*

*Si quel qu'vn rembarra iamais les heretiques,  
Leur fard, & leur poison, se monstre à ceste fois:  
Et fer. s maintenant apparoisire aux François,  
Leurs captieux desseins, & leurs feintes pratiques.*

*Il ne reste à ce coup rien plus à desmesler,  
L'Apostre a satisfait, à tous les points contraires:  
Reuenez Huguenots au giron de vos Peres,  
Et ne vous laissez plus à l'abandon aller.*

*Suyuez le bon conseil de l'Apostre fidele,  
Qui le chemin vous ouure en ses doctes Escrits:  
Retirez-vous bien loing de ses faux Antechrists,  
Contre qui pour l'Eglise il a pris la querelle.*

*Aussi toy, mon Apostre, accroy de iour en iour,  
Le saint desir du bien qui t'a l'ame eschauffée  
Ayant desja deux fois, remporté le trophée,  
Le troisieme t'attend en l'eternel seiour.*

Pierre Perier du Val.

A MONSIEVR L' APOSTRE  
Sur son Tombeau des Huguenots.  
Stances.

Combien qu'un fort chasteau basty sur un rocher,  
De sa nature soit beaucoup plus imrenable  
Que cil qui est posé, sur le mouuant du sable,  
Et espeure celuy qui en veut approcher.  
Toutefois le conseil d'un magnanime Roy  
Pose pour seureté dedans la Citadelle  
Le chef qu'il recognoit plus vaillant & fidele,  
Et qui mourra plustost que de fausser sa foy.  
Tout de mesme combien que nostre Eglise en soy,  
D'un surgeon Eternel retienne son essence:  
Son espoux toutefois, luy a par excellence  
Douze Apostres donné pour soustenir sa Foy.  
Ainsi par tes escrits, l'Apostre i'aperçoy  
Que pour la bien defendre en ce temps ou nous  
sommes  
A grand' peine on pourroit trouuer, entre les  
hommes,  
Un Apostre qui fust plus fidele que toy.

And. Bertot Cu. de S. Louet.

A Monsieur de Caumont.

Q V A T R A I N.

L'honneur qui veiallit de la plume seconde  
Qui dicta ses escrits est sorty de ta main:  
L'Apostre n'y a rien, il n'est que l'escriuain,  
Tues le seul Autheur qui l'as produit au monde.

Tout bien vient de la paix, Et tout mal de la  
guerre

Mais quelquefois la guerre apporte utilité:

Le mal a fait ce bien de nous avoir ietté

Par ces fascheux efforts l'Apostre en ceste terre.

Arme de verité fait viuent la chasse

Aux pauvres desuoyez, par ce docte Tombeau:

Il est leur ennemy, leur Attila & fleau,

Dont se voyant vaincus, n'osent paroistre en place.

I. de Valois.

## ANAGRAMME.

Gilles de Gaultier

De rag' il tu' l'Eglise.

Gaultier pour sa devise

Porte son Escusson

Orné de ce Blason,







De rag' il tu' l'Eglise.



A

MONSEIGNEUR DE LA  
Verunne, Bailly & Gouverneur  
de Caen.

S O N N E T.

  N a veu l'univers regorger de Car-  
nage,  
 O  Et la folle Enyon remplissant tout  
  d horreur:

On a veu l'aspre Mars combler tout de fureur,  
Et la France changée en un vray brigandage.

On a veu de nos iours liberté en seruage:  
Le fils piller le pere: & l'actif l'aboureur  
Estre adiugé butin au pillant Picoreur,  
Bref; tout n'estre que feu, que mort, que sang, que  
rage.


Caen tu peux, toy tout seul, te vanter bien heu-  
reux,

Qui n'as senty l'ardeur de ces consumans feux  
Et qui seure as noué en ce commun naufrage.

Tu as mon la Verunne, esté nostre Thetis,  
Et nous tes Alcions tu nous as garantis  
Et des Mers, & des flots, de ce cruel orage.

L'Apostre.





# SOMMAIRE DE CE qui est contenu au 1.liure.

<i>Vne Eglise</i>	7.
<i>Ministre signifie Bourreau</i>	11.
<i>S. Pierre estoit chef des Apostres</i>	15.
<i>Les Euesques sont Superieurs</i>	21.
<i>Les Aubes en la loy de Nature, Escrite &amp; Euan- gelique</i>	39.
<i>Les Apostres &amp; Docteurs ont dit la Messe avec vne Aube</i>	40.
<i>Le Prestre doit garder le Celibat</i>	52.
<i>Les Moines du temps des Apostres</i>	58.
<i>Nonnains du temps de S. Paul</i>	66.
<i>Le Huguenot cite l'Euangile du Diable</i>	86.
<i>Le Pape est chef de l'Eglise</i>	90.
<i>Le Pape est le Iuge des heresies</i>	92.
<i>La Bible n'est le Iuge des heresies</i>	96.
<i>La Bible est tres-difficile</i>	102.
<i>Vn chacune doit lire la Bible</i>	106.
<i>L'Eglise Romaine ne peut faillir</i>	113.
<i>Le Pape est l'Aron Euangelique</i>	107.
<i>L'Eglise Romaine est Iuge des Heresies</i>	118.
<i>Qui estoit Melchisedec</i>	129.
<i>Melchisedec a ofiert du pain</i>	132.
<i>Melchisedec n'a iamais sacrifié de bestes</i>	138.

<i>Melchisedec a offert pour Abraham</i>	138.
<i>Melchisedec communia Abraham en figure</i>	139.
<i>Melchisedec n'a fait la Collation</i>	143.
<i>Melchisedec a institué son ordre</i>	145.
<i>Iesus est Prestre de cest ordre pour auoir pris du pain &amp; du vin</i>	147.
<i>Il faut auoir des images en l'Eglise</i>	176.
<i>Les Pelerinages au Vieil Testament</i>	184.
<i>Les Pelerinages au Nouveau</i>	186.
<i>La dignité des Prestres au vieil &amp; nouveau Testa- ment</i>	189.
<i>Le Te Deum de Calvin</i>	198.
<i>Il ne faut dire la Messe en François pour 13. vari- sons.</i>	<u>200.</u>

F I N.





LE

# T O M B E A U

DES

# HERETIQUES

PAR

GEORGE L' APOSTRE.

*Ou le faux Masque des Huguenots est descouvert : Et les  
150 heresies du Ministre la Banfferie refutees, par le  
texte de la Bible, des Conciles & des Peres.*

Diuisé en trois Parties.

P R E F A C E.



ES valeureux combats, & beaux exploits de guerre, qu'on a tousiours veu guider les faicts belliqueux de ces deux maitres de vaillances Alexandre & Cesar, ont faict qu'en tous leurs veages, ils ont eu plus de Legions que les autres de Cohortes. D'autant que les soldats ne se ran-

A

gent que bien rarement avec ceux-là qu'ils voyent malencontreux au fait de la guerre, & qui apres plusieurs combats perdent la victoire : Mais au contraire, courent à la foule soubz les enseignes de ceux-là qu'ils voyent tousiours triompher de la gloire de leurs ennemys.

Aussi est-ce vn grand preiugé, que la verité & Iustice de la cause est en ce party là, qui subsiste contre tous les efforts de ses aduersaires.

Le grand nombre de Saincts Docteurs, qui se sont rangez au Camp de l'Eglise : les trophées dressez à sa vertu, le nombre infiny de tât de victoires cõtre les heresies : Et la si longue duree de son party, me font ranger plus hardiment de son costé, & sortir en la campagne Apostolique & Romaine pour combattre ces derniers restes d'heretiques, qui veulent ramasser vn gros, pour faire quelque course sur les terres de l'Eglise, afin de rauager le Patrimoine de S. Pierre, & attachez par la queuë comme Renars, brusler les moissons des Chrestiens.

le n'ay autre desir que de combattre soubz les bannieres & triomphantes enseignes de la Croix : Et combatant soubz telles esperances, si ie puis remporter quelque victoire contre le huguenot la Banfferie, i'en

appenderay toutes les despouilles au vieil cheſne de l'Egliſe. & le chargeant ſur mon eſpaul, ie le conſacreray non à Iupiter Feretrien, mais au temple du Dieu viuant.

L'armée que ie veux faire marcher contre eux, ſera ſi bien munitionnée de tout ce qu'il luy faut, que l'ennemy ne la pourra endommager.

Le mot du guet ſera *Credo in Deum omnipotentem*. Le corps de ceſt exercite ſera compoſé de ſoldats tous Antipilains, Primi-piles & Triariens. Aux eſtandars rien ne ſera dechiffré que le ſigne de la Croix ſemé des fleurs de lis du iardin de la France : & portera pour deuife, *In hoc ſigno vinces*. Le chef ſera Ieſus-Chriſt : S. Pierre le Lieutenant : Et tous les autres Apoſtres les membres des regiments : les Pontifes Romains, Les ſaincts Martyrs & Docteurs, ſeront les courageux ſoldats, qui combatront ſi vaillamment, qu'au lieu de fuyr & quitter priſe, courront au martyre. La ville de retraite, & aſſeuré refuge ſera l'Egliſe.

Marchant donc ſoubz la faueur de ſi bonne deſſence, ie ſuis auſſi eſloigné du peril, qu'eſt celuy, qui renfermé dans le Donjon d'une forte baſtille, void donner la bataille en la campagne voeſine.

Si ie fay ainſi marcher les troupes diui-

nes soubz les guidons prophanes : Salomon n'a point fait de doute , de comparer la beauté de l'Eglise à vne armée bien rangée en ses files. Joint que nous sommes deuenus en vn tel siecle, ou l'heresie cause de toute sedition regne, que le Huguenot entend mieux les mots de guerre, que son langage maternel : Et sçait mieux desmonter le rouet d'vne pistole, que tourner les fueillets de la Bible.

Au temps de S. Hierosme i'eusse esté contrainct de mendier tous ces mots d'vn Gendarme : Par ce que la France lors exempte d'heresie, remportoit tant d'honneur sur toutes les autres Nations, que sur les portes de ses villes escriuoit, *Gallia caret monst. is.* Mais puisque la France est vne seconde Affrique, qui produit tous les iours quelque monstre nouveau, & que nous sommes deuenus sur le declin de la bonté Ecclesiastique, où le schisme semble haster les ans : Il ne faut pas que nous perdions courage, & que nous monstrions degenerans en rien de nos Ancestres, qui ont si bien rembarré les Nouveaux dogmatifans, qu'ils n'ont point trouué de plus asseuré refuge, que dans vn perpetuel silence.

Si mes escripts ne sont si bien cimentez de science comme l'edifice le requiert, ie

ne seray marry qu'un plus habille que moy, bastisse aupres de mon petit Taudis, vn Palais plus superbe. Le Champ de l'Eglise est assez spacieux, pour tous ceux qui voudront y trauailler : Et si ie ne puis suer comme vn penible moissonneur, ie me contenteray de glaner & cueillir les espicz apres eux, avec Ruth, Car Boos a commandé aux moissonneurs, *vt de industria de manipulis spicas proiicerent.* Mais aux fins que le grain que ie veux semer soit pur, il faut premierement trier la Zizanie, & eslire l'uroye d'heresie, qui veut croistre parmy le bon bled.

## Heresie . I.

L'Auteur de la responce à mon escript soit la Banfferie ou vn autre : Au commencement de son Libelle dit, que *La doctrine qui est dans mon liure, est en partie contraire aux deux formes de Religion qui ont cours en France.*

## CONTRE.

Par ceste heresie premiere; il veut finement inferer trois choses. Qu'il y a deux Religions : Que sa *Caluin-mannie* est religi-

on: Et que i'ay dit des choses contraires à l'Eglise Catholique, si cela est il le verra tantost. Que son heresie soit religion, ie luy nie: De dire qu'il y a deux religions en ce Royaume, il fait tort à l'Eglise & à la France.

Il offence sa Patrie, de dire en general quelle est infectée de son venim: C'est comme celuy qui voulant louer la Grece, disoit qu'il y auoit beaucoup de Sodomistes: il n'y en a que le moins de la farine blotis en des terriers: le chancre du Berangarianisme, & Calvinisme n'a pas encore gagné le cœur, & la face de la France. On ne peut pas dire Dieu mercy *Tota Gallia Calvinauit*, comme anciennement on disoit *Totus mundus Arianauit*. Il y a de bons medecins pour empescher ce mal.

De dire aussi qu'il y a deux Religions, cela n'est iamais forté, que de la bouche d'une ame Hermaphrodite, qui put le schisme & faction. Ceste fausse mere veut que l'enfant soit diuisé. Salomon monstrez vostre sagesse. Cela est faux, il n'y a qu'une Eglise: nous ne sommes plus au temps de Ciceron qui disoit, *sua cuique civitati religio*. La robe de Iesus-Christ ne se peut separer. Il n'y a

*Qu'm* Dieu auteur de tout.



## DES HÉRÉTIQUES

- Qu'vn* Iesus-Christ.  
*Qu'vn* S.Esprit.  
*Qu'vne* Trinité.  
*Qu'vne* Eglise.  
*Qu'vne* Colombe.  
*Qu'vne* Espouse.  
*Qu'vne* Choisie à sa mere.  
*Qu'vne* Foy.  
*Qu'vn* Baptisme.  
*Qu'vn* Vicair de Iesus-Christ en terre.  
*Qu'vn* seul Euesque en toute l'Eglise Ca-  
 tholique dit S.Cyprian.  
*Qu'vn* seul Pasteur ou chef.  
*Qu'vne* Bergerie.  
*Qu'vne* Bouche en toute la Chrestienté, dit  
 S.Irenée.  
*Qu'vne* Arche pour le Deluge.  
*Qu'vn* Principe de toutes choses.  
*Qu'vn* Soleil au Ciel.  
*Qu'vne* Ame en l'homme.  
*Qu'vn* Cœur au corps. Dieu a choisy  
*Vn* Temple pour sa demeure.  
*Vne* Arche pour son adoration.  
*Vne* Lignée pour sa sacrificature.  
*Vne* Hierusalem pour sa ville.

Ainsi il n'y a qu'vne Eglise mere de tous  
 Chrestiens : Non *Vne* en lieu, mais *Vne* en  
 Esprit & vnité de Foy & creance. Comme  
 l'ame est vne, mais dispercée parmy les mem-

bres qui tendent tous à ceste vnité, comme toutes les lignes tirées de la circonference tendent à leur centre.

En S. Iean 11. Iesus-Christ n'est mort que pour assembler ceste Eglise en vn, & le diable la veut separer. *Prophetavit quod Iesus moriturus erat &c. ut filios Dei qui erant dispersi congregaret in unum.* Doctes considerez quel blaspheme c'est, de vouloir diuiser l'Eglise en deux. En la 1. aux Cor. chap. 12. *Corpus unum est.* Aux Eph. 4. *Unum Corpus, vnus Spiritus, vnus Dominus, vna Fides, vnum Baptisma, vnus Deus pater omnium.* Et en S. Iean, 10. Iesus-Christ dit. Pay d'autres brebis qui ne sont de ceste Bergerie ( parlant de nous autres Gentils ) il faut que ie les appelle. *Et fiet unum ouile, & vnus pastor,* Ces Antechrists font directement contre la priere de Iesus-Christ en S. Iean, 17. qui prie tant son Pere qu'il n'y ait qu'une Eglise. *ut sint unum, sicut & nos unum sumus.* Il est pire de separer la Religion en deux, que de tuer son frere: Dieu ne chastie pas tant le peché de Cain qui tua Abel, comme il punit celuy de Lamech qui espousa deux femmes: S. Hierosme dit que l'heretique fait comme Lamech: C'est en l'epistre à Agrouchle. *Vna est Ecclesia parens omnium Christianorum: sicut illam maledictus Lamech in duas*

*diuifit vxores, fic hanc hereticum in plures Ecclefias lacerant.*

Le nom d'Eglife fignifie *Union* dit S. Chryf. & ces Gautiers la veulent def-vnir. *Ecclifia nomen non feparationem, fed Unionem & conforantiam fignificat.*

Tout le monde dit qu'il n'y a qu'une Eglife, & il eft vray. Reiettons donc l'heretique avec fon paradoxe Androgin, & croyons qu'il n'y a qu'une Religion, fuyuant le confeil de Dieu, qui nous deffend de femer deux femences en noftre champ.

## ¶ Heréfie 2.

*Pour venir à mon efcrit, ie l'appelle premier Miniſtre de l'Eglife nouvelle de Caen. Il void bien que ie n'ay cogneu ſes predeceſſeurs: Il me reſpond, qu'il y en a eu pluſieurs deuant luy, & il eſſere qu'il y en aura pluſieurs apres.*

## CONTRE.

En ces trois mots, Premier, Miniſtre, Eglife nouvelle, il a fait autant d'heréfies. Mais il faut vn peu faire le procez à ce mot de *Miniſtre*, & qu'il ſoit pendu des premiers puis que c'eſt luy qui doit pendre les au-

tres. Ouy, mais si vous parlez si hardiment les Huguenots se fascheront: ie ne les offense point, si ce n'est en disant la verité. La reuanche est elle pas permise par escript, qu'ils ne m'espargnent pas. La Responce de la Banfferie, soubz vn faux semblant de modestie est toute pleine d'iniures: Pour celles qu'il a dites contre moy, ie ne m'en soucie pas: le luy diray comme Demostene, que ie suis bien aise d'estre inferieur au combat, ou le victorieux est vaincu luy-mesme. Les iniures sont les armes d'une ame basse, & abiecte, ie luy laisse ce qui luy siet si bien. Mais pour les Catholiques; en general, il leur chante pouilles en ces Carmes latins: il les appelle Putaciers, Faiseurs de Messe pour argent: idolastres: bourreaux ordinaires de Iesus-Christ: trompeurs: songe-malice: songe crime: artisans de tromperie: asnes noirs: ayme confusion: priuez de sens, damnez au fond d'enfer: Puis apres il appelle le Pape Antechrist: les Prestres charlatans, forciers, basteleurs, magiciens Appellez vous cela modestie? C'est Neron en Seneque, qui apres toutes ses cruautez, veut estre estimé clement. le reuiens donc à mon propos: ie luy ay fait trop d'honneur de l'appeller premier *Ministre* dit-il, mais ce n'est pas si

grand honneur qu'il estime, car

### *Ministre signifie Bourreau.*

Toujours en matiere de Sacrifice, ce mot de *Ministre* signifie Meurdrier, Assommeur de bestes, Executeur de gens, Coupe gorge, & Bourreau. Et en fait de Religion ce mot est abiect, vilain, contemptible, & infame. Car *Sacerdos* chez les payens, estoit celuy, qui presentoit la victime: & les *Ministres* estoient les Bourreaux & assommeurs, retrouffez au tour, qui desque le *Sacerdos* auoit finy, se iettoient sus la beste. Que le mot de *Ministre* signifie Bourreau, ie le prouue par 11. auctoritez.

Virg. au 3. des Geor.

*Inter cunctantes cecidit moribunda ministros.*

*La beste tomba morte au milieu des Ministres.*

Ouide 1. de la Met.

*Et densi circumstant sacra ministri.*

*Les assommeurs sont dru, autour de la victime.*

Et au 4. des Fast.

*A boue succincti cultros remouete Ministri.*

*Ministres retrouffez, retirez voz cousteaux.*

Et au mesme.

*Asi ubi visceribus vitulos rapuere Ministri.*

*Après que le Bourreau eut rauy les entrailles.*

Lucain L. 6.

*Cornua succincti premerent cum torua Ministri.*

*Les Ministres sanglants, tenant bien fort les cornes.*  
Iuuenal Saty. 12.

*A grandi ceruix ferienda Ministro.*

*Le col que doit couper le grand pendart Ministre.*

Ciceron en l'vnzième Phil. appelle les coupe-jarets de Dolabella *Ministres*. *Qui eius crudelissimi & teterrimi facinoris Ministri & adiutores fuerunt.*


Si Pheretique dit que ces Autheurs sont prophanes, il le faut prouuer par la Bible. En S. Math. 5. & S. Luc 12. Iesus-Christ nous commande de nous accorder avec nostre aduersaire, de peur qu'il ne nous baille au Iuge, & le Iuge au *Ministre* & bourreau. *Esto consentiens & c. ne fortè tradat te Aduersarius Iudicij, & Iudex tradat te Ministro.* Et en S. Math. 26. Iesus estant pris, S. Pierre s'arreste avec les *Ministres*, soldats & bourreaux, *& sedebat cum Ministris*: Et en S. Marc 14. ce sont les *Ministres* qui prennent le Messie, ce sont les meschans *Ministres* & bourreaux qui luy crachent en la face & qui le soufflettent tant. *Ministri alapis eum cedebant.* Ce sont encores les *Ministres* de maintenant qui soufflettent Iesus-Christ. Donc en la sainte escripture le mot de *Ministre* signifie Bourreau.

Beze mesme sur ces passages, les appelle bourreaux, & deffend de s'appeller, *Mi-*

*ministre*. Mais Diacres du mot Grec. *Quia vocabulum Ministri ambiguum est, cum de Ecclesiasticis personis fit mentio: hos malumus ex consuetudine Diaconos graconomine vocare.* Les Lutheriens ne les appellent pas *Ministres*: mais Ecclesiastes, Surintendans, ou Predicans.

Que Gautier ne pense pas que ie luy fasse grand honneur, quand ie l'appelle premier *Ministre* c'est à dire premier Bourreau. Il semble auoir esté comme les Vautours, qui sentent de loing les batailles, auant qu'elles soyent données, & voltigent sur l'armée qui doibt perdre. De mesme, il a chery ceste phrase *d'eschafauder son Ministère* sur toutes les autres: Sympatisant en quelque chose. à ce que ie deuois dire de ce mot de *Ministre*.

Ce mot se trouue dans l'Esriture, mais par la meschante vie des heretiques, il est fait des-honneste, qui veulent abatre tous les autres comme Euesque, Prestre, Predicateur, pour affecter celuy-là. Le mot de *Sophiste*, & de *Tyrand* chez les Grez, comme chez les Romains *Latro*, estoient honnestes, mais par traict de temps sont venus des-honnestes. Ainsi, celuy de *Ministre* pris absolument, tel qu'il est affecté par les Huguenots, ne vaut plus rien.

 Heresie. 3.

*Il n'est pas le premier : si j'entends premier en dignité, ie n'entends pas bien leur ordre & police. Ils sont tous esgaux & compaignons.*

## C O N T R E.

Suyuant le naturel du *Ministre* & bourreau, il veut faire son chef d'œuvre voulant decapiter l'Eglise, & luy oster son chef. Et c'est merueille, qu'il ne dit mot sans descouvrir sa nature heretique : Par ce que toutes les heresies sont venues dit S. Cyprian Ep. 55. à Cornelius, de ce qu'ils n'ont pas voulu recognoistre vn chef & Iuge en l'Eglise. *Neque aliunde hareses obor:æ sunt aut nata sunt chismata, quam inde quòd sacerdoti Dei non obtemperatur, nec vnus in Ecclesia ad tempus sacerdos, & ad tempus iudex vice Christi cogitatur.* ou ie remarque de particulier *ad tempus iudex vice Christi.* Il veut nier que S. Pierre fut le chef & superieur des autres Apostres, pour oster la superiorité & monarchie de l'Eglise. Ceste heresie est vieille, Pour eux, i'accorde qu'ils n'ayent point de superiorité, ils sont tous esgaux comme de cire, c'est la cour du Roy Petaut comme



l'on dit, tout le monde y est maistre, ils sont comme ratz en paille. Mais pour l'Eglise de Dieu elle a vn *chef* visible & ordonné de Dieu, sous son fils Iesus-Christ sur la terre, car

*S. Pierre estoit chef des Apostres.*

Que S. Pierre fust chef, le le prouue par infinis lieux de la Bible : puis par le tesmoignage des Peres, & par quatre lieux de Caluin mesme.

S. Pierre est le 1. appellé & fait Apostre.

A luy seul Iesus-Christ change le nom.

Iesus se met dans sa nacelle pour prescher, & non dans celle des autres.

Il iette tout seul les retz par le commandement de Iesus-Christ.

Il marche seul sur les eaux.

A luy seul Iesus promet de bailler les clefs du Ciel. *tibi dabo clauas & non vobis.*

Luy seul confesse Iesus estre le fils de Dieu.

Sur luy seul Iesus-Christ fonde son Eglise. *Tu es Petrus, & super hanc petram edificabo Ecclesiam meam.*

A luy particulier il est dit, *quacunque ligaueris super terram erunt ligata & in calis.*

Luy seul paye le tribut pour luy & son maistre.

C'est le 1. à qui on laue les pieds.

C'est le 1. nommé dans tous les Euāgelistes.

Il parle tousiours le 1. quand Iesus-Christ les interroge. -

Iesus pria particulièrement pour sa foy,  
*Oraui pro te, vt non deficiat fides tua.*

A luy seul Iesus Christ baille la puissance de confirmer les autres Apostres: qui confirme est superieur. *Confirma fratres tuos.*

A luy seul Iesus-Christ dit apres estre resuscité, par 3. fois *Pasce oues meas*, & non aux autres avec telle singularité. Il y a *Pasce* & non pas *Pascite*.

Par 3. fois apres la resurrection Iesus luy demande s'il l'aymoit bien.

Iesus-Christ apparut à luy le premier des Apostres, apres la resurrection.

L'Ange commande expres qu'on die à S. Pierre que Iesus-Christ estoit resuscité. *Et Petro.*

Comme le chef il assemble le 1. Concile entre l'Ascension & la Penthecouste.

Luy seul prononce l'arrest du Concile.

Il parle le 1. au second Concile, disant que Dieu parloit *par sa bouche*. Il ne dit pas *par nos bouches* Actes 15. *Ab antiquis diebus Deus in nobis elegit per os meum audire gentes verbum Euangelii.*

Il excommunie le 1. Ananias & Zaphira.

Il prêche le premier, Acte. 1.

Il se debende le 1. pour aller prescher l'E-  
uangile.

C'est le 1. qui faict des Miracles pour plan-  
ter la religion.

Saint Paul le vient trouver, le recognois-  
sant superieur. Acte. 15.

Saint Paul & Barnabé luy vindrent deman-  
der conseil en Hierusalem, & firent ce qu'il  
leur dit: Ils l'ont doncques recognu le 1. chef  
& superieur.

Caluin mesme, a esté contraint d'aduouer  
ceste superiorité. Sur le 10. de Sainct Mat.  
Il dit. *Pierre est le 1. de tous les Apostres.* & sur  
le 1. de Saint Iean, *Le conseil de Dieu a voulu,*  
*que Pierre qui deuoit estre beaucoup plus excellent*  
*qu'André fust toutefois amené par iceluy à la*  
*cognoissance de Christ.* & sur la 1. aux Cor. *Pier-*  
*re à qui le 1. lieu est donné par le consentement de*  
*tous.* Voila des mots qui sentent bien leur  
huguenot, toutefois au sens, il le recognoist  
superieur.

Il reste maintenant de produire tous les  
Docteurs, qui ont dit que Saint Pierre est le  
chef des Apostres: Affin de monstrier que la  
primitiue Eglise a tenu la mesme croyance  
que nous auons de ceste superiorité, dans  
les 500. ans ou Caluin dit qu'elle n'auoit  
point failly.

Anaclet disciple de S. Pierre & son 3. successeur en la Papauté, dit que la S. Eglise Apostolique & Romaine obtient la primauté par le commandement de Iesus Christ. *Sacro-sancta Roma. & Apostolica Ecclesia, non ab Apostolis, sed ab ipso Domino & Salvatore nostro primatum obtinuit. Sicuti beato Petro Apostolo dixit: Tu es petrus & super hanc petram edificabo Ecclesiam meam. Ca. Sacro-sancta. P. 1. dist. 22.* Il dit Romaine premier qu'Apostolique. Et au mesme lieu, il atteste, que les Apostres de foy, estoient tous esgaux: Toutefois que Iesus Christ voulut que S. Pierre presidast par dessus tous les autres. *Inter beatos Apostolos fuit discretio potestatis: & licet omnes essent Apostoli, Petro tamen à Domino concessum est, ut reliquis omnibus praeset Apostolis.* Ce mot de Pape vous fait bondir le cœur, vous recevez Origene aussi bien que nous, mais il n'est pas de vostre opinion en son homelie 2. sur les Euangelistes. *Nemo nos existimet Petro Iohannem praefere. quis hoc fecerit? quis estet altior Apostolorum eo, qui est & dicitur vertex eorum?*

S. Cyprian qui suit apres, en son traicté de l'vnité de l'Eglise dit que la primauté est donnée à S. Pierre, afin que lon puisse demonstrier vne seule Eglise de Iesus-Christ & vne seule chaire. *Primatus Petro datur, ut*

*vna Christi Ecclesia, & cathedra vna ministratur.*

*Petrus collocatus est in fundamento, dit S. Basile.*

Iouinian baguenaudoit ce que vous radeotez mesme, que S. Pierre n'estoit pas le chef des Apostres, & pour cela condamné heretique. S. Hierosme luy dit. *Super Petrum fundata est Ecclesia, & inter duodecim vnus eligitur, vt capite constituto schismatis tollatur occasio.* S'ils eussent esté tous chefs, il n'y eust pas eu d'vnité. S. August. sur le 6. de S. Iean dit que S. Pierre estoit le 1. des Apostres. *Quis enim nesciat primum Apostolorum esse beatissimum Petrum?* & en vn autre endroit il dit que S. Pierre auoit la primauté de l'Eglise. *Ecclesie Petrus primatum gerebat.* Si cela est faux tous les Docteurs sont heretiques. Si nous faillons c'est avec de braues maistres *Excusatissimus est error qui cum multis & magnis viris committitur.*

S. Iean Chrysoftome sur le 5. de S. Luc atteste comme Iesus-Christ a intronizé S. Pierre le Prince, le Roy, & le maistre du monde spirituel. *Christus Petrum intronisauit orbis terrarum magistrum.*

Et en infinis lieux de ses doctes escripts il califie S. Pierre de plusieurs beaux tiltres d'honneur, lesquels i'ay mis ensemble. Il est la bouche & le Prince des Apostres:

Le Prince & sommet de la compagnie : Le  
 Maistre des cieux : La bouche de Iesus-Christ :  
 La colomne de l'Eglise : l'Ornement des Dis-  
 ciples : *Os Apostolorum Princeps & vertex in suis*  
*cœtus : Petro orbem terrarum dedicauit. Petra est*  
*indelebilis : Crejido imobitis : Apostolorum ma-*  
*gnus : Primus vocatus : Primus obediens Princeps*  
*Apostolorum : Firmamentum imobile : Cœlorum*  
*magister : Orbis terrarum miraculum : Discipulorum*  
*decus : Theologorum pulchritudo Christi os : Ecclesie*  
*Princeps. Petra stabilis : Portus inexpugnabilis :*  
*Turris firma : Ecclesie colomna & propugnaculum.*  
 Ceste bouche d'or estoit l'an 407. ou l'Eglise  
 fumoit du sang des martyrs. La Chrestienté  
 toute empourprée de leur sang, croyoient que  
 S. Pierre estoit le chef de l'Eglise. Je pourrois  
 alleguer tous les Peres qui ont vescu depuis :  
 Mais ie me veux enfermer dans les premiers  
 4. & 5. cens ans, affin de conclure qu'il vaut  
 mieux suiure le grand chemin de l'Eglise brié  
 & frié de tant de docteurs, qui nous guident  
 au ciel, que de suiure la petite renardiere des  
 huguenotz menant au precipice d'Enfer :  
*noxissima eius ducunt ad mortem.*

## ¶ Heresie 4.

*Ils sont tous egaux & compagnons. fol 4.*

## CONTRE.

Par ceste coëgalité de compagnons il tasche de confondre l'ordre de l'Eglise, & au lieu de la S. Hierarchie, que Dieu & les Apostres y ont ordonnée, il y veut introduire vne Anarchie, Dysarchie & confusion: Apres qu'il n'a peu oster le chef s'efforce d'oster & abolir la superiorité des Euesques dessus les Prestres, diant, qu'ils sont tous esgaulx: Plus de dix heretiques ont dit cela. mais il faut monstrier que

*Les Euesques sont Superieurs.*

Le mot d'*Episcopus* en Grec, signifie celuy qui a l'œil & le soin sur quelque chose: *Euesque*, c'est proprement vn gouverneur surintendant: & *Diocese*, c'est vn gouvernement? *Euesque*, signifie charge maistrise, & superiorité par dessus les autres. Le mot de *Pape*, *Euesque*, *Diocese*, *Eglise* & *Prestre*, sont Grecz, en vsage des le temps d'Homere, long temps au parauant Iesus Christ & les Apostres: Et iceux s'en seruant en ont vsé en leur propre signification, ils n'estoyent pas ignorants de la langue Grecque.

Les Perses, Indiens, Grecz & Romains, ont eu leurs *Euesques*, & estoit vn estat profane, de la Royauté & couronne.

Chez les Indiens, l'office d'*Euesque* estoit de voir ce qui se faisoit en chaque Prouince, afin de le referer aux Rois & Magistrats. dit Arr. l. 8. de son hist.

En Perse, les *Euesques* estoient les Gouverneurs, & les yeux du Roy, comme les *Euesques* sont les yeux du Pape.

Les Atheniens enuoyoit tous les ans des *Euesques* & Delegates par les villes & Prouinces pour iuger : Comme les Romains les II. ou III. des Colonies : & comme font encore les Venitiens aux terres qui sont de leur Seigneurie. *Missi ab Atheniensibus considerare, quae singulis opus erat in ciuitatibus subditis. Episcopi & custodes dicebantur.* Dit le Scoliaſte d'Aristophane, & S. August. l. 19. ch. 19. de la Cité. Aristophane a dit luy-mesme. *Episcopus venio electus omnium suffragio.*

Les Romains auoyent aussi leurs *Euesques* & Gouverneurs. Pompee au 7. ad *Att.* vouloit que Ciceron fust *Euesque* & Gouverneur de la Campanie. Il m'en croy à ce qu'il en a escript, *Vult Pompeius me esse quem tota haec Campania & maritima ora habeat Episcopum, ad quem delectus & negotii summa reſteratur.* Les maistres de la Police s'appelloyent aussi *Euesques*, qui auoyent la charge que toutes choses fussent vendues à pris raisonnable. l. i. Co. de *Epis. aud.*



Tout ce discours tend à prouuer, que le mot d'*Euesques* signifie Superieur qui a la charge sur les autres, & *ad quem* comme parle Ciceron *delectus & negotii summa refertur*. Mais qu'est-il besoin d'aller mendier chez les Payens ce qui est dans la Bible? Aux Actes 20. S. Paul dit. *Attendite vobis & vniuerso gregi, in quo vos Spiritus Sanctus posuit Episcopos regere Ecclesiam Dei*. Que direz-vous à ce passage Gautier? Il y a *vniuerso gregi, & regere Ecclesiam Dei*. Regir & gouverner sent son supérieur. Beaucoup sont de vostre *Preſche*, qui n'en feroient pas si ce n'estoit que vous leur donnez voix en Chapitre. Ils sont aises d'estre les *Monsieurs* & de faire comparoistre deuant eux, le Frere qui a commis quelque petite faute, ou qui a fait le commandement de Dieu *Crescite & multiplicamini*, afin de luy faire vne verde reprimande. *Omnis hereticus dominationis est cupidus*.

Les Aëriens vos grands peres tenoyent ceste heresie, & pour ce, condamnez heretiques, & S. Epiphane disputant contre eux, pour les confuter, ne se sert que du 5. de la 1. à Tim. ou il luy commande de ne recevoir aucune accusation contre vn Prestre, s'il n'y auoit, deux ou trois tesmoings qui le raportassent: Les Euesques donc auoyent la superiorité sur les Prestres. Et de tout

temps, l'Eglise a eu sa Jurisdiction. Ce qui fera taire les libertins, qui demandent, qu'est il besoin, que l'Eglise cognoisse de la iustice? Qu'est-il besoin d'un Official? c'est l'interrogation d'un ignorant. Voila Timothée qui a la iustice par dessus les Prestres. *Aduersus Presbyterum accusationem noli recipere, nisi sub duobus aut tribus testibus.* Si Timothée Euesque, iugeoit les Prestres, il estoit superieur. Ce point a confuté les Aériens, & confutera encores les Huguenots.

S. Ignace appelle l'Euesque le Prince des Prestres & commande de l'honorer apres Dieu. *Honorate Deum, ut auctorem omnium & dominum: Episcopum autem tanquam Principem Sacerdotum.*

S. Hierosme sur la 1. à Timothée dit que les Prestres sont subiectz à celuy qui est estably sur eux: Aussi que les Euesques doiuent recognoistre qu'ils sont plus grands que les Prestres.

S. Paul en toutes ses Epistres commande, constitue: ordonne Tite, Timothée Euesques: leur impose les mains, les benit: qui benit est superieur. *sine vlla contradictione, quod minus est à superiore benedicatur.* Heb. 7.

En l'Apocalypse l'Ange n'escript-il pas aux 7. Euesques de l'Eglise, comme supe-

rieurs ? ne les repret-il pas d'auoir permis les maux ? que n'escrivoit-il à la plus chetive femmelette de Laodicée, ou au plus safrennier qui fust en Smyrne, s'ils estoyent tous esgaux & compagnons ? C'est la plus brutalle heresie de toutes les autres, que celle-cy, & qui n'est fondée sur aucun passage de la Bible : mais il la veut appuyer sur quelque lieu des docteurs pris par vn bout : Quand ie luy représenteray tout entier il le delcognoistra. Ce Lezart fait gloire de mordre tous les morts, & de les recourir de la cendre d'ignorance, & cependant il se veut parer du manteau Ducal de leur doctrine. Les passages qu'il produit n'ont iamais appris à prononcer que *Schibolet*, & il dit qu'ils prononcent *Sibolet*. Qu'il aprenne à fonder ses mensonges sur la sainte escripture, autrement euincé, aux fins de non receuoir. Il dit tant bien que ie luy vsay d'vn trait de sopercherie d'auoir apporté vn des Tomes de S. Augustin, & qu'il ne vouloit disputer que par la Bible. Il allegue de S. Cyprian vn *insolidum*: vn *pari consortio præditi* voyant qu'il ne pouuoit trouuer en l'Euangile aucun lieu, où il peust assoir son heresie.

Le Huguenot vray Sanglier, entrant dans la claire fontaine de l'Eglise, a tout troublé fouillé, & renuersé. Il a mis la teste où

estoyent les pieds. L'Eglise Romaine fait-elle cela? celle du diable fera le contraire. Le Ministre n'est que le valet. & ils l'ont fait le maistre. L'Apologue est triuial de la dispute que la Queue eust avec la Teste. La Queue dict qu'elle vouloit aller deuant sa fois: ce que luy estant concedé, mist tout le Corps en ruine. En l'Anarchie Caluinienne, le Surueillant qui deuroit estre l'Euesque est le dernier. Leur Eglise toutefois est reformée à l'Apostolique. Et S. Paul met l'Euesque ou Surueillant le premier: Le Prestre ou Ancien le 2. le Diacre ou Ministre le 3. & dernier. Il deffend aux femmes laïques de parler en l'Eglise: & aux Orgies des Huguenots sont les femmes & Bassarides qui leuent le chant, & commencent les Psalmes de Marot. mettans soubz le pied *mulieres in Ecclesia taceant*. Apprenez Predican, qu'en l'Apoca. 2. l'Euesque de Tyathire n'est repris que d'une chose, qui est d'auoir permis vne femme parler en l'Eglise.

Mais Gautier dites moy: Si vous estes esgaux que n'allez-vous prescher sur les villages comme les petits ministreaux? Si vous estes compaignons, pourquoy est-ce que, quand on vous rescrit de Geneue, ou de la Rochelle, sur les lettres il y a cest ambitieux tiltre, *A monsieur de la Bassserie Euesque de*

*l'Eglise de Bayeux.* Vous en avez le nom, mais vous n'en mangez pas le pain de chapitre. Je vous conseille de respondre comme Beze en la section 32. des marques de sa Synagogue qu'*Euesque* signifie *surintendant* & qu'il doit demeurer à Geneue.

## ¶ Heresie 5.

*Ils sont esgaux comme a dit S. Cyrian, comparant les autres Apostres avec S. Pierre.*

*Pari consortio præditi honoris & potestatis.*

## CONTRE.

L'heretique n'a iamais qu'une aparence de mots, qu'il agence à sa mode pour en tromper l'ignorant vulgaire, & la peu caute populace. S. Augustin contre Adamantus Manichien leur reproche qu'avec leur Euan-gille deschiré, & haillon des escriptures, ils decoiuent les ignorants, niaiz, & inhabiles. *Hæretici particulas quasdam ex scripturis eligunt, quibus decipiunt imperitos, & lacero suo Euan-gelio animas perdunt.* La Banquerie se declare

vray heretique, en prenant ce haillon, & chiffon deschiré du liure de l'vnité de l'Eglise de S. Cyprian, pour boucher les yeux de ceux qu'il abuse, afin qu'ils ne voyent la verité: Pauures Capifols quand on vous demande qui vous a frapez? Vous dites que ç'a esté le *Seigneur* vous vous trompez. C'est vn Gautier & vne G Rue qui vous frappent & deçoient. Debandez vos yeux du cresse d'obstination & heresie, & vous verrez que le S.Esprit ne ioue pas à vostre ieu.

S. Cyprian dit tout le contraire que la Banfferie, il parle de l'vnité de l'Eglise, & dispute contre les Nouatiens heretiques, qui disoient ce que vous dites: Comment pourroit il parler pour vous, s'il est contre? Lisant ce lopin & fragment de *pari consorrio* dans quelque liure huguenot, il pensoit auoir pris la Pie au nid, mais il n'a pas pris les plumes: S. Cyprian dit que la primauté au contraire est donnée à S. Pierre. Voila le texte tout au long, afin de declarer l'imposture de cest ignorant predican qui tourne le nez à ce texte, & dit *potestatis* & au liure il ya *dignitatis*, mais c'estoit pour trouuer son compte *Loquitur Dominus ad Petrum Ego dico tibi, quia tu es Petrus &c. Et eidem post resurrectionem suam dixit. Pasce oues meas: Super illum ipsum edificat Ecclesiam suam, & illi*

*pasce oves tuas. Et quamvis Apostolis omnibus post resurrectionem suam parem potestatem tribuat, & dicat: Sicut misit me Pater &c. tamen ut unitatem manifestaret, unam cathedram constituit, & unitatis eiusdem originem ab uno incipientem sua auctoritate disposuit. Hoc erant vique & ceteri Apostoli quod fuit Petrus, pari consortio pradii & honoris & dignitatis: Sed exordium ab unitate profiscitur. Primatus Petro datur, ut una Christi Ecclesia, & Cathedra una manseretur. Voyez comme ce Loup se couvre de la peau d'une brebis. Il a bien cité *pari consortio*, mais il ne dit pas les mots qui suivent. *Primatus Petro datur.**

S. Cyprian dit que Iesus-Christ est mort pour venir & metre son Eglise en un: & qu'encore que les Apostres eussent pareille puissance, toutefois pour conseruer ceste unite de foy, qu'il n'a constitué qu'une Chere, afin que la source de ceste unite procedast d'un seul. Car s'il y eust eu autant de cheres que d'Apostres, il n'y eust pas eu une unite de Foy. Notez en second lieu, qu'il dit que deuant la Resurrection, S. Pierre n'estoit pas encore constitué le chef du tout, mais Iesus-Christ le constitua chef & premier apres sa resurrection par ce que à S. Pierre seul, apres estre resuscité, il a dit par 3. fois *Pasce oves meas.* Auparauant il luy auoit

bien dit *Oravi pro te ne deficiat fides tua.* & en vn autre endroit *confirma fratres tuos* : Mais apres auoir vaincu la mort , *Pasce oues meas.* Voila le seau , & l'Arrest de la Primauté de S. Pierre.

Aussi S. Pierre ne s'est pas mis en effect de prendre possession de sa puissance , qu'apres l'Ascension : Ou il assembla le 1. Concile , & S. Mathias fust esleu Euesque au lieu de Iudas.

S. Cyprian dit que les autres Apostres estoient ce qu'auoit esté S. Pierre : il y a *quod fuit.* Au commencement ils estoient esgaux partant il y a *hoc erant quod fuit Petrus* , pour les autres *erant* , ils estoient encore : Mais pour S. Pierre il ne bestoit plus *quod fuit.* Par deux fois il baille du *sed* & du *tamen* parlant de S. Pierre *Apostolis omnibus parem potestatem tribuit, tamen ut, &c.* Et puis apres. *Hoc erant utique & ceteri Apostoli quod fuit Petrus. &c.* Et parlant de S. Pierre , *Sed Primatus Petro datur.* Il est donc faux que S. Cyprian a dit que S. Pierre estoit esgal aux autres. Et quand il l'auroit dit , cela ne fait rien : il dit qu'ils estoient esgaux en quoy ? *bonoris & dignitatis.* Il est vray ils estoient tous Apostres , il n'y a pas *potestatis* mais *dignitatis* , & c'est de la puissance & Jurisdiction que nous disputons , & non



du miniftère.

## ☞ Heresie 6.

*Pour leur Eglise que i'appelle nouvelle, el'e ne l'est pas comme ie pense: Sa doctrine est du temps des Apostres, voire des le commencement de l'Eglise que Dieu a recueillie au monde.*

### CONTRE.

I'ay failly. Vostre Eglise n'est pas nouvelle, elle est des le commencement du monde. Vostre premier pere Cain, estoit de ce temps: Il tua son frere pource que le sacrifice d'Abel fut agreable à Dieu, & le sien non. *Ad munera Cain non respexit.* De mesme vous auez tué infinis Abels Catholiques, pour ce que leur Sacrifice de l'Eucharistie luy est agreable, & le vostre, luy desplaist. Tantost ie prouueray vostre succession plus amplement. Ie deuois nommer vostre *Caluino-mantie*, puante carcasse, & pot pourry de toutes les Heresies passées. Ceux-la faillent ignoramment qui vous appellent *ceux de la nouvelle opinion.* veu que tous les Heretiques qui furent des le berceau de l'Eglise, tenoient ce que vous dites. Mais il y a eu

vn grand Chaos & Eclipse , entre vos ayeulx & vous , le chainon de vostre succession n'estoit point bien forgé , il s'est rompu. Toutefois si vostre opinion n'est point nouvelle: ou estoit elle auant que Luther & Calvin l'euueillassent ? on n'en parloit point. Si l'Eglise Romaine n'estoit point du tout , d'ou sont sortis Luther & tous les autres ? Ils estoient donc payens. Si l'Eglise Romaine n'estoit point l'Eglise, qu'est-ce qu'ils vouloyent refformer ? On ne guarit pas vn corps mort. Si l'Eglise n'estoit l'Eglise , qui a baptizé vos peres ? qu'etes a mariez ? Ils sont donc morts sans Baptême , & sont damnez. s'ils n'estoyent mariez , vous estes bastards & conceuz en concubinage. Si vous n'estiez de l'Eglise Romaine , qui vous a donné la puissance de la refformer ? Elle ne vous recognoist pour superieurs , puis que vous ne voulez de superiorité. Qui reforme est supérieur, vous voulez refformer l'Eglise , vous recognoissez donc vne primauté , & voulez plus faire que les Apostres, lesquels vous dites n'auoir point eu de superiorité entre eux.

*Aliud in ore aliud in pectore habetis.*

Here-

 Heresie 7.

Après qu'il a baillé quelques carmes latins, qui ne mordent & ne ruent, pour estre faits contre les Sophistes du temps passé, Il adioust ceux qui suivent pour exercer la sublimité de nos hauts parleurs. fol. 9.

*Candidauestigeri faciesimulanteseueri.*

*Pulibroperotumidi missa pecunifices.*

*Quotidiechristocrucifigi, &c.*

## C O N T R E.

L'heretique, dit Vincentius Lyrinensis, fait comme celuy qui veut faire prendre quelque medecine amere, à vn enfant: il frote le bord de la tasse de miel, afin que ceste age floüete & peu rusée ne la sente pas. *Faciunt quod hi solent, quia paruulis austeram quædam temperaturi pocula, prius ora melle circumlinunt, ut incauta ætas, cum dulcedinem præsenferit amaritudinem non refformidet.* Car Gautier, afin de nous couvrir le fiel de ses diaboliques vers, qui sont faits contre les Prestres, & contre la saincte Messe, & tous les Catholiques en general, il baille d'autres vers de mesme estofe, pour donner couleur & faire passer son pocson: Or afin

que ie ne sois ingrat enuers la Banfferie, pour reuanche de l'Épigrāme de Martial qu'il m'accommode, ie luy rends ce petit Dialogisme.

### *Heraclite.*

*Las! ie fonds tout en pleurs, voyant la Banfferie,  
Sotiser en bouffon dans son liure nouveau:  
Il est comme vn oison farcy de drollerie,  
Le gosseur Rablais ne fut iamais si beau.*

### *Democrite.*

*Et moy tout au rebours ie me pāme de rire,  
Ses mots me font enfler la rate insques au col:  
Et mais qui ne riroit de la facon d'escrive  
De ce saint Predican, qui gosse comme vn fol.*

### *Heraclite.*

*Je disois qu'il seroit remply de brauerie, (breux  
Qu'on ny verroit que Grec, & que points des he-  
Mais ie suis bien deceu, ce n'est que piperie.  
Pen ay pris tel ennuy, que i'en perdray les yeux.*

### *Democrite.*

*Je ne suis point trompé, du ben la Banfferie,  
Je scauois tousiours bien qu'il tromperoit les gës  
S'il a baillé vn trait de sanieserie,  
Il ne sort rien d'vn sac, que ce qui est dedans.  
Pour les Carmes qu'il me baille, pour Gri-  
fe & Enigme. Je les interpreteray par le  
menu, sans aller à Delphes ny consulter le*

Sphinx de Crassus. Mais pour le faire quinaut ou *reus* comme l'on dit, & le faire taire, ie luy baille, & à tous les huguenots, & autres Zoiles, ces vers qui suivent à interpreter, ils sont d'un auteur assez vulgaire, qui le fera, *erit mihi magnus Apollo.*

*Ny thalonini valon vithsi corathissima consih.  
Chym lachcbunyth mumys tyalmi elibari imischi.  
Lifho canet hyth bynithii ad adin bynuthii.  
Byrnarob sylto homalonin vby misyrbobo  
Eythblym mothyn noctothii velechanti dasmachon  
Yssidele brim tyfel yth chyls chon, tem lyphul.*

Si il ne peut interpreter ces premiers, voila pour le parenssus, douze autres vers de la mesme forge que les siens, que ie luy baille à vider, en curant ses dents apres souper.

*Furuifatanobarathri profundopropagimini stri,  
Dulcisusurraximacarnificinieces.  
Sanguiflammiduellostragifurentiloquentes,  
Aspidiui pereoscorpui enenicrepæ.  
Relliquigenimargentaurochlamydarpagones,  
Templosepulchricrucifanclsimulacbrifragæ.  
Aurifacerdoticrudelibresalticidæ,  
Sclopopresbytericlericosustofices.  
Diuominomnigenexecrabilapostatiproles;  
Fædipriapigenoclaustripudoriclepæ.  
Relligionipriscasprispennirecentes.  
Seditiosonouirrelligienifaces.*

Cependant qu'il labourera avec la genefse de Sampson, il faut desnouer les neuds de sable.

Le premier mot est *Candidauefligeri*. Il appelle les Prestres blancs-vestus: Par tout son liure il fait la guerre aux Aubes, & avec icelles se chatouille pour se faire rire: Mais il luy faut monstrier les Aubes & ornements des Prestres, en la loy de Nature, en la loy Escrite & Euangelique: Il n'y a que le seul huguenot Calviniste en France, qui veut seruir Dieu en habit commun & laiique, basté d'un petit mantelet, en crieur d'Almanacz: En Alemaigne, Boheme & Angleterre, les Calvinistes vsent encore d'Aubes *dum Orgiis suis operantur*. Toutes les Religions, tant saintes que prophanes, ont osté leurs habits gresseus, quand ils ont voulu celebrer le seruire de leur Religion.

### *Les Aubes en la loy de Nature.*

En la Loy de Nature dite *lex exlex*. loy sans loy. tout aîné estoit Prestre: Et lors qu'il sacrifioit, changeoit d'habits, autres que ses ordinaires. Il auoit des habits fort beaux, bien musquez, avec lesquels il sacrifioit à Dieu.

Esau en Genese 27. comme aîné exerçoit le Sacerdoce, & lors qu'il sacrifioit, &

faisoit l'office de Prestre, prenoit sa belle robe musquée, odorante & embasmée, laquelle sa mere Rebeca gardoit si curieusement dans son Cabinet : & d'iceux en vestit Jacob, quand il alla demander la benediction à son pere Isac, & surplanta Esau. *Et vestibus Esau valde bonis quas apud se habebat domi, induit eum.* Et fut ce qui occasionna Isac de benir Jacob, sentant ce parfum en le baisant: *Statimque ut sensis vestimentorum illius fragrantiam benedicens ait.* Il est pour constant que Rebeca figuroit l'Eglise Euangelique, qui a osté la primogeniture a l'ancienne Synagogue Esau, & a vestu Jacob des habits d'Esau. pour demonstrier que ces habits ne seroyent ostez en la loy Euangelique.

Jacob au mesme Genese 35. allant en Betel pour sacrifier à Dieu, dit à ses seruiteurs, qu'ils se lauassent, & changeassent d'habits, pour aller sacrifier. *Mundamini ac mutate vestimenta, ut ascendamus in Betel & faciamus ibi altare Deo.* Voila les habits expres & particuliers en la Loy de Nature pour le seruice de Dieu. Le Huguenot ne peut dire, que ces habits là soyent ostez. ce n'estoit en la Loy de figures & ceremonies: Ils sont donc demeurez. Il respondra qu'ils n'estoyent pas comme les *Aubes* des Prestres. ô la docte responce. Par les *Aubes*, j'entends les habits au-

trés que les communs pour seruir Dieu.

### *Les Aubes en la loy Escripte.*

Il est trop notoire qu'il y auoit des *Aubes* en la loy de rigueur: Car Dieu en a esté si curieux, qu'il les a commandées les vnes apres les autres à Moÿse, & comme il vouloit qu'Arôn fust vestu: Il en bailla l'Archetype & modelle en l'Exode 28. *Facies vestes sanctas Aron fratri tuo in gloriam & decorem.* Remarque *in gloriam & decorem.* Elles n'estoyent pas des choses figuratiues. Puis apres, il les appelle *sanctas*. Et ton crasseux Paltot est-il saint? Ces robes estoyent plus magnifiques en or & pierreries pretieuses mille fois que celles des Chrestiens.

Il falloit que les Leuites & Diacres qui assistoient à Arôn, eussent des robes autres que les crasseuses. Ils auoyent des *Aubes* & des *Estoles*. *Porro filiis Aron tunicas lineas parabis tu feras des Aubes & Balteos, & des Estoles:* Auectous ces ornemens sortit le grand Prestre ladus, au deuant d'Alexandre, qui venoit pour saccager Hierusalem. La rage du Huguenot surpasse celle qui faisoit escumer Alexandre: il porta du respect à ces habits & ces Lyons s'offensent du Coq blanc.

Si les vestemens du iadis estoyent ostez, S. Paul, qui a faict vn abregé de tout ce qui



est osté, en auroit parlé. Ils sont demeurez pour 2. raisons: Par-ce que la Prestrise n'estant pas ostée, mais changée, les habits sont demeurez avec: secondement les habits sacerdotaux n'estoyent pas, *de genere figuratum que sola per Christi aduentum abrogata sunt.*

*Les Apostres disoyent la Messe avec vne Aube.*

Puisque les vestemens du vieil Testament sont demeurez aussi bien que l'histoire, les Prestres de la Loy de Grace doiuent auoir des habits autres que les communs. Si les Apostres ne s'estoyent seruis de ces saincts vestemens, la prophetie d'Ezechiel ne seroit accomplie. *Lotos aqua indues sanctis vestibus, ut ministrent mihi.* les ayant lauez d'eau, tu les vestiras de robes sainctes afin qu'ils me seruent: Ce lauement fut faict au baptesme ou au lauement des pieds.

Quand Iesus-Christ dist la Messe, & institua ce sacrement, il n'auoit pas vn petit mantelet, mais au contraire vne longue robe, & vn Talet ou surplis dessus.

Les Apostres auoyent vne belle robe quand ils sacrifioyent, comme le tesmoigne le disciple de S. Pierre, S. Clement au l. 8. ch. 18. des Constitutions Apostoliques. *Cum veste magna.* Le Grec dit λαμπρῶν, avec

vne robe resplendissante : que l'heretique die tant qu'il voudra que S. Clement n'est autheur de ce liure, ie ne m'en soucie pas, quiconque l'a compose, estoit dans les 100. premiers ans.

S. Jaques qui le 1. dist la Messe le iour de la Pentecoste, auoit des habits de toile blanche, vne *Aube*, & par dessus le Chasuble dit *colobium*, & portoit vn *Mitre*, comme dit S. Hieros. lesquels habits durerent iusques à l'an 160 ou le Pape Estienne fut tué avec iceux, par les Valerians. Si c'est mal fait que d'auoir des *Aubes* & habits, ce n'est pas nostre faute, il s'en faut prendre à la Primitive Eglise qui les auoit.

*Les Docteurs disoyent la Messe avec des Aubes.*

Suiuant la doctrine des Apostres, les Papes, & Docteurs auoyent des vestemens en celebrant le seruice, autres que les ordinaires, L'an 239. S. Cyprian vsoit de 3. sortes d'habits en disant la Messe *Birro, Dalmatica, & Tunica linea utebatur.* dit Adon. *Tunica linea* c'est l'*Aube*.

L'an 260. le Pape Estienne fut cogneu avec ses habits sacerdotaux & tué avec iceux; & auoit deffendu aux Prestres de les plus prendre, en portant l'Eucharistie aux

malades. D'autant que les Valeriens les cognoissant, les tuoient.

L'an 300. Constantin le grand, se faisant l'escabeau des pieds de Dieu, bailla aux Diacres la Dalmatique, ou Tunique qu'ils ont seruant de Diacres: ce n'est donc pas de ce temps. Vos Pseudo-diacres ne sont pas habillez comme cela.

Le 1. Concile de Nice qui se tint ce mesme an, ne commande-il pas, qu'il y ait en l'Eglise, vn OEcõnome qui ait le soin des ornemens *Qui curam habeat vestimentorum & ornamentorum Ecclesie.*

S. Athanase qui fut à ce mesme Concile, est Autheur sans reproche, en son Epistre *ad Monachos*, se plaint que les Huguenots Arriens auoyent desrobé tous les vestemens Ecclesiastiques & dit le semblable des Nouatiens qui fourrageoyent l'vniuers.

En ce mesme temps les Euesques d'AEgypte font la mesme complainte en vn Epistre au Pape Marcus. *In tantum nostra vastarunt Arriani, vt neque vestimenta Ecclesiastica &c. reliquerunt.* Iustement & à bon droit nous pouons resangloter ceste complainte que *Caluinista nostra vestimenta Ecclesiastica vastarunt.*

Peu apres Optatus se plaint de ce mesme larcin contre les Donatistes: c'est

toufiours la couftume des heretiques de def-  
 rober les ornemens de l'Eglife. *Erant ex au-  
 ro & argento quamplurima ornamenta.* Et il  
 loue fort l'Empereur Constans de ce qu'il  
 auoit enuoyé en Affrique de beaux or-  
 nemens pour porter l'Euchariftie. *Ornamenta  
 sacra propter consortium Corporis & sanguinis  
 Domini.*

S. Hierosme estoit l'an 420. & en son l.i.  
 contre Pelagius dit que les Prestres estoient  
 habillez de blanc en administrant les sacre-  
 mens. *Episcopus & Presbyter & Diaconus &  
 reliquus ordo Ecclesiasticus in administratione Sa-  
 cramentorum candida veste procedunt.*

S. Chrysoftome en mille endroits dit que  
 les Prestres estoient habillez d'une belle ro-  
 be blanche & magnifique. *Alba & splendens  
 Tunica.* Et aux funerailles de S. Basile, il ra-  
 compte comme l'Empereur Valens hugue-  
 not Arrien estant entré dans l'Eglife fut ad-  
 miré de voir les Prestres si venerablement  
 vestus. *Admiracione fuit correptus, viso vene-  
 rando sacerdotum habitu.* Les Prestres estoient  
 habillez comme maintenant.

L'Empereur Iustinian qui chassa 3. for-  
 tes d'ennemis, Les aduerfaires de Dieu les  
 Arriens. Les ennemis des Muses l'Ignoran-  
 ce: & les ennemis de l'Empire Les Gots. En  
 la Loy *sancimus C. de sacro.* deffend de ven-

dre toutes les sortes d'habits qui sont en l'Eglise. Les Arriens disoyent comme les Huguenots qu'il ne falloit point de tous ces riches ornements en l'Eglise, afin qu'ils eussent occasion de les friper & desrober.

Pour le moins les Centuriateurs d'Allemagne disēt que ce fut le Pape Estienne, ce qui est faux, qui institua ces habits: ie le concede. Il estoit l'An 260. l'Eglise n'auoit pas encore failly. C'estoit au fort de la grande moisson des Martyrs: c'est dans les 500. ans ou Calvin la recognoist si pure. Toutes les sortes de Religion qui sont en Hierusalem, disent la Messe avec des vestemens sacrez & destinez à cest vsage. Il n'y a que le seul Calviniste François qui veut faire sa *Cene* avec le reistre la halbarde à la main, comme vn valet de Pique. Toutefois l'on m'a dict, que la Banfferie commence à se difformer, & qu'en faisant la *Cene* en hyuer, il prend vne grande Houpelande noire fourrée de peau de Loup, par dehors & par dedans.

### Heresie. 8.

*Misappecunifices.* Faiseurs de Messe pour argent.

CONTRE.

Il appelle les Prestres faiseurs de Messe pour argent : il deuoit dire *Misapecunidici*, à la Classe haudet apprens à parler latin, Ils ne font pas la Messe, mais ils la disent, Penses-tu que six blancs soit le iuste prix d'une Messe blasphemateur ? c'est vne certaine recompence de leur labour. Gautier ne veut point de six blancs, mais bien 200. escus. ô Simoniaque Giesite, & les Apostres preschoyent *Gratis*. Quand il sent que le terme approche, il se met à debagouler contre le Pape : & le temps venu, il reçoit le quartier d'un bel air : Et le surueillant avec vn aplaudissement de menuisier ou drapier luy dit *Courage Monsieur*, vous avez bien escorné l'Antechrist. La Lune a bien ouy d'autres chiens abayer qui ne l'ont pas empeschée d'aller son cours. Le Pape a bien veu d'autres animaux plus fascheux que les Gautiers, qui ne luy ont pas fait de peur.

### Heresie. 9.

*Quotidiechristocrucifigi*, Bourreaux ordinaires de Iesus-Christ.

### C O N T R E.

Yoyez le bel epithete qu'il baille à tous

les Catholiques, ce blaspheme ce refute assez de luy-mesme. Tant de fois on luy a dit, que nostre sacrifice est *incruent*, & non pas comme en la Croix *more cruento*, mais *Incruento*. Les Prestres ne font que représenter le sacrifice que Iesus-Christ fist la nuict qu'il fut trahy: ou il se sacrifia viuant, & se bailla à manger à ses Apostres. Au contraire, cest epithete luy est fort propre, car il ne crucifie pas seulement Iesus-Christ tous les iours, mais en tout moment d'heure qu'il blaspheme. Ils sont *Inichristocrucifigi*.

### ¶ Heresie 10.

*Idolicolentes, ficto sanctoculi*, Idolatres, adoreurs de faux Saints.

### C O N T R E.

Nous sommes Idolatres qui l'en voudra croire, tout cela est faux. Il y a des Images chez les Chrestiens, mais non point d'Idoles. Car *Idole* c'est représentation de ce qui n'est point, & ne fut iamais corporel comme le diable: L'idolatrie est vn rien qui desrobe l'honneur deu à Dieu. Les Idolatres sacrifient à leurs idoles, & nous à vn seul Dieu. Les *Idoles* estoient des statues creuses, dans

lesquelles le Diable parloit: Nos images ne parlent point, & ne sont mises pour cest effect, mais seulement pour nous refraischir la memoire des Saints, & de nous exciter à les suiure.

La Sainte Escriture est si subtile, que tous les yeux d'Argus, ne seroyent pas suffisants pour la regarder: le voudrois que mon Esprit fust tout d'yeux quand ie considere quelque passage. S. Paul ne dit pas que nous imitions Iesus-Christ, mais luy. *Estote mei imitatores, sicut & ego Christi.* En la 1. aux Corin. chap. 11. Il ne dit pas imitez tout droit Iesus-Christ, car il ne pouuoit pecher: Mais des hommes qui ont esté pecheurs comme vous. Il nous est enchargé d'imiter S. Paul *Estote mei imitatores.* Et S. Paul imite Iesus-Christ. C'est à nous à suiure les Saints, & à S. Paul à imiter Iesus-Christ. Vn Escorte ou Guide qui mene dix hommes, celuy qui va le 1. suit le guide, le 3. suit le 2. & le 10. le 9. & tous neantmoins suyuent le guide: Iesus-Christ est nostre conducteur, les Apostres l'ont suiuy les premiers: & nous suiurons les saints & Apostres, & si nous suiurons Iesus-Christ. S. Paul a bien failly de dire, que nous l'imitions & non pas Iesus-Christ, s'il est deffendu de suiure les Saints.

Au 6. des Hebreux il ne leur commande




point de suivre Iesus-Christ, mais Abraham  
*Non signes efficiamini, verum imitatores eorum  
 qui fide & patientia hereditabunt promissiones.*  
 Voila ou il nous commande de l'imiter &  
 Abraham, & ceux qui par foy & patience  
 ont herité la promesse faicte par Dieu le Pe-  
 re,

Si nous adorons les Saints, il nous de-  
 uroit appeller *Agio-latres* ou *Icono-latres*: No<sup>o</sup>  
 adorons les bien-heureux d'une adoration  
 réglée des bornes de leurs merites, d'une a-  
 doration de *Dulie*, de reuerece, & non sou-  
 ueraine: Et en cest endroit *Adorer* signifie  
 reuerer & honorer. Comme les Peres ont  
 adoré les Anges & hommes, c'est à dire re-  
 ueré. Nous adorons Dieu seul de l'adora-  
 tion de *Latrie* supreme & souueraine, qui  
 ne se fait que par le seul sacrifice de l'Eucha-  
 ristie.

Les Manichiens disoyent comme les Hu-  
 guenots: Mais S. August. l. 20. contre Fau-  
 ste leur respond, que iamais Prestre n'a dit,  
 ie t'offre Pierre, Paul, ou Cyprian. *Quis enim  
 Antistitum in locis sanctorum corporum, assistens  
 altari aliquando dixit, offerimus tibi Petre aut  
 Paule aut Cypriane? Sed quod offertur deo, of-  
 fertur qui Martyres coronauit.* Cela est si vieux  
 de nous reprocher les Images & les Saints,  
 que c'est manquer dequoy parler. Il y a

cens ans, que tout ce que le Huguenot dit est resolu: En tesmoignage dequoy, ie le renuoye au second Concile de Nice ou touchant ceste veruë des Iconomaches, on dressa ces 2. vers latins, du temps de Charle Magne 1. Empereur des François.

*Nam Deus est, quod Imago docet, sed non Deus ipsa  
Hanc videas sed mente colas quod cernis in ipsa.*

Le Caluiniste dit que nous faisons contre le 1. commandement, de faire des images, Dieu n'a pas deffendu de faire des images, ains au' contraire il a commandé d'en faire: comme les images des 2. Cherubins. & du Serpent au desert. Il a deffendu aux Hebreux de faire des Idoles & de les adorer, car ils ne faisoient iamais d'Idoles qu'ils ne les adorassent, & ne leur sacrifiasent, Tesmoin  Veau d'or au desert: Et ce commandement fut fait apres la faute: comme tous les commandemens furent faitcs apres le Peché. Sur quoy Beze par deux fois aux marques de sa Mosquée dit que les Catholiques, ont rongné le 1. precepte & qu'il n'y a point *pour les adorer*. Qu'elle phrase est-cela? La Papauté a adiousté *ut adoretis*, & il dit qu'elle l'a rongné. Je pense que son pere estoit cousturier il veut faire accroire que rongner c'est adiouster, ie ne veux de telle addition par Antiphrase. Si vous disputez contre vn fri-

quenelle huguenot, tout à l'heure il gagera qu'il n'y a point dans la Bible, pour les adorer, toutesfois ils se trouuent de mentis par 3. lieux. En l'exo. 20. & Deute. 5. il n'y a, *non adorabis eaqueque coles*, & le 26. du Leuitique parle plus apertement, il n'est offusqué de point ny de virgule. *Non facietis idolum & sculptile nec titulos erigētis, nec insignem lapidem ponētis in terra vestra ut adoretis eum*, voyla *ut adoretis*, que le Huguenot disoit n'y estre pas: nous n'auons donc rien adiouté ny rongné, & faulsemēt il nous calomnie.

Toufiours le Huguenot nous accuse du vice qui luy sert d'ornement: car eux au contraire faillent contre le 1. Precepte, *in seul Dieu tu adoreras*, C'est à dire à vn seul Dieu tu sacrifieras, d'autant qu'on ne peut adorer Dieu que par le seul sacrifice de l'Eucharistie. Or le huguenot ne sacrifie point, ergo il ne peut adorer Dieu. Le sacrifice de Louange, de Penitence & tous les autres ne sont point adoracion ce n'est qu'un hōneur, Car on prie, on se met à genoux deuant vn homme, on luy fait tout ce qu'on fait à Dieu, & de meilleur cœur peut estre & plus ardāment qu'à Dieu, excepté le seul sacrifice, ie fay autant d'hommage au Roy qu'à Dieu reserué le sacrifice. Par cela seul nous adorons Dieu seul qui est particulier à luy seul,

or il n'y a que le seul sacrifice de l'Autel, qui est présenté à Dieu seul plus qu'aux hommes, il ny a dōc que l'Eucharistie seule par laquelle on adore Dieu. Et par consequent l'heretique qui ne sacrifie point ne peut adorer Dieu, de sorte qu'il luy faut dire, *mutato nomine de te fabula narratur*. Tant de gens ont escrit des images & de l'honneur qui est deu aux saincts, que ce seroit esclairer au Soleil avec vne chandelle. De Sponde braue soldat Chrestien qui est mort les armes à la main combatant contre l'Hydre du lac de Geneue, a traité tres diuinement ces points en son liure qu'il a laissé postume : c'est vn œuure des plus polis de ce temps, & digne des plus saintes oreilles de nostre age.

### Creance.

Dieu n'a point deffendu de faire des images: car il a commandé les images des 2 Cherubins & du Serpent: Mais il a deffendu de faire des idoles. Dans la Bible il n'y a pas *tu ne feras point d'image taillée* c'est vertir en huguenot: mais il y a *tu ne feras point d'Idole*, au Leuit. 26. *non facietis vobis idolum & sculptile*. Et si Dieu n'a pas deffendu de faire des idoles: mais d'en faire pour les adorer, & dans la

Bible il y a *ut adoretis, pour les adorer*: & n'a esté adiousté. Le huguenot ne peut adorer Dieu, parce qu'il n'a point de sacrifice, veu qu'il n'y a que le seul sacrifice de la sainte Hostie par lequel on peut adorer Dieu, & faut contre le 1. Precepte.

## Heresie II.

*Connubis sancti fugæ*: qui fuyent le saint mariage.

### C O N T R E.

Il s'attache aux Prestres qui ne sont point mariez, & qu'ils le deuroyent estre. C'est la coustume des paillards de souhaiter qu'un chacun le soit comme eux; afin que personne ne les blasme: ou il faut noter que l'heretique fait tout le contraire, de ce qu'il void estre obserué en l'Eglise. Quand le Lutherien & Calviniste est venu, les Prestres n'estoyent point mariez, & pour couvrir leur paillardise ils ont dit qu'ils le deuyent estre. Tous les Ministres des Huguenots estoyent Prestres, & ont apostatisé pour courir apres la grand' paillarde. Luther estoit Moyne & Prestre dõt il se repend d'auoir dit la Messe 15. ans: Calvin estoit Chanoine de Noyon en Picardie: Beze

comme chacun ſçait eſtoit Prieur de Longmeau pres Paris. Tous les premiers predicans ont eſté moynes defroquez, & tous ont quitté l'Egliſe, diſans que les Preſtres deuoient eſtre mariez, qui eſt la vieille folie des louuians & Vigilantins, il y a plus de douze cens ans que cela eſt refuté.

### *Le Preſtre doit garder le Celibat.*

En la loy Euangelique les Preſtres ont toujours eſté chaſtes, & le Celibat leur a eſté enioint, pour imiter & ſuiure leur chef Ieſus-Chriſt.

En la loy de nature, encor qu'il fuſt commandé à vn chacun d'eſtre marié, afin de croiſtre & multiplier, toutesfois Abel fut chaſte & Melchiſedec garda le Celibat, comme atteſte S. Ignace, d'autant qu'il eſtoit la vraye figure de Ieſus-Chriſt.

En la loy Eſcrite, Iosué, Helie, Eliſée, Hieremie, Daniel, & les trois enfans de la fournaiſe n'ont iamais cogneu de femmes, comme diſent S. Ignace, Hieroſme & Epiphane.

En la loy Euangelique S. Iean Baptiſte, Ieſus-Chriſt, S. Iean l'Euangeliographe, S. Iaqués fils de Zebedée, S. Iaqués *frater Domini*. S. Paul & ſes 3. diſciples, Tite, Timothée, &

Euodius, tefmoin S. Ignace S. Clement & S. Hierofme. Que S. Paul ait tousiours esté vierge des fon enfance, Epiphane le dit, & fut anticipé par la grace, tefmoin S. Ambroïse à *pueritia spiritus seruiuit, Et iuuenculus anticipatus à gratia.* C'est pourquoy S. Clemēt (cōme refere S. Hierofme) disoit qu'il auoit tout parfumé & embasmé ses epistres de la virginité, *Epistolas omnemque sermonem suum de virginitatis puritate contexuit* : & S. Paul conseille plustost la virginité que le mariage, & en ceste seule fois conseillant le Celibat, a esté si hardy de dire, qu'il auoit le S. Esprit, *puto quòd ego, spiritum Dei habeam.* Qui conseille plustost le mariage que la virginité a donc l'Esprit du Diable.

Tous les Apostres en general, s'ils n'ont esté vierges, ils ont gardé chasteté apres estre appelez à l'Apostolat. Le huguenot n'en peut alleguer vn, qui ait cogneu sa femme apres, S. Pierre fut marié, mais cela fut lors qu'il estoit encore marinier, & en la loy escrete. Apres qu'il fut appellé par le Messie, il ne cogneut iamais sa femme, il quitta tout, dont luy en la personne de tous les Apostres dit. *Omnia relinquitur.* afin de le suiure : nul Apolstre n'a cogneu sa femme apres son election, ce que j'aprens de S. Hierofme en son Apologie cōtre Iouiniā *Apostoli vel virginēs,*

*Vel post nuptias continentes*: S. Epiphane interpretant, *Eunuchi qui se castrauerunt propter regnū*, dit que ce sont les Apostres & Religieux qui se sont chastrez volontairement non corporellemēt, mais en esprit, ils ont ceint leurs reins de la ceinture de continence. *Qui nam igitur hi fuerunt quām generosi Apostoli ac monasticam vitam degentes, & deinceps virgines?* La figure de ces Eunuques Euangeliques est en Hier. 38. d'Abdemelech & aux Actes 8. de l'Eunuque de la Reyne Candace. En l'Apoca. les vierges suiuent l'Agneau: & au 14. il y a 40. mil deuant le trosne qui chantent vn Cantique nouueau & n'y a personne que ces chastés, qui les puissent chanter. *Hi sunt qui cum mulieribus nō sunt coinquinati.* C'est pourquoy, il se lit en S. Math. 14. *Beati qui se castrauerunt propter regnum Dei*: comme l'or surpasse l'argent, ainsi la virginité predomine le mariage, le mariage remplit la terre, & la virginité le Ciel: dit S. Hierosme. *Nuptia mundum implent virginitas paradysum.*

Pour 3. raisons les Prestres ne peuuēt estre mariez ains doiuent viure chastement.

La 1. par-ce que Iesus Christ, les Apostres & tous ceux de la primitiue Eglise n'ot point esté mariez: & si quelcun marié estoit esleu prestre ou Euesque, tout à l'heure il quittoit sa femme.



La 2. par-ce que les Conciles le deffendent, comme enseigne le 3. Canon du premier Cōcile de Nice. *Prohibitum est, subdiaconos, diaconos presbiteros nubere & omnibus aliis.* Infnis autres Conciles tenuz contre Iouiniā & Vigilance pour ce mesme fait, le deffendent il y a 12. cens ans que cela est vidé. Les Iouinians baquenaudoient ceste faderie & furent Anathematisez Heretiques par les Conciles: Les Calvinistes donc qui disent le mesme, le font, & ne faut de Concile: par-ce que l'Eglise n'assemble les Conciles, que pour des heresies nouvelles.

En 3. lieu les Prestres ne doiuent estre mariez d'autant qu'ils sacrifient, communient, & prient tous les iours pour le peuple. L'hōme marié ne faict pas bien s'il cognoist sa femme aux iours de ieufne, des bonnes festes & huiet iours auant pasque: Qui veut bien prier Dieu ne doit pas cōnoistre les femmes S. Paul conseille à tout Chrestien qui veut vaquer à la priere de s'abstenir de sa femme *ut ad tempus vaccet orationi*: or puisque le Prestre doit prier toute sa vie, toute sa vie il se doit abstenir des femmes, comme dit S. Epiphane contre les heretiques Cathariens. *Decorum est propter repetita misteria, ac necessitates ut presbiter & diaconus & Episcopus Deo deditus sit, Si enim populo Paulus præcipit dicens ut*

*ad tempus vaccet orationi quanto magis sacerdoti idem praecepit?* Le Prestre dit S. Hierosme doit tousiours s'abstenir des femmes, puis qu'il doit tousiours sacrifier & prier pour le peuplé. *Sacerdoti cui semper pro populo offerenda sunt sacrificia, semper orandum est, si semper orandum, ergo semper carendum matrimonio.* En quoy le dire d'Origene me plaist fort, que c'est au seul chaste perpetuel d'offrir le sacrifice perpetuel. *Illius solius est offerre sacrificium indefinens qui perpetua se deuouit castitati.* Les Prestres du vieil testament s'abstenoïent bien 15. iours des femmes deuant que de faire leur sepmaine : Or toute la vie du prestre n'est qu'une sepmaine en laquelle il doit seruir à Iesus Christ : Il doit donc s'abstenir des femmes toute sa vie. Le prestre dit S. Cyrille qui quitte l'Eglise pour vne femme est Esau qui véd sa primogeniture pour vn morceau de chair. Les Poètes disent que iamais Minerue n'a esté defloree & ne s'est iamais mariee comme les autres, dont dite *inuicta virgo*, par Virgille : pour demonstrier que les femmes ne sont gueres propres à ceux qui veullent prier & estudier

La 4. cause est, qu'il communie tous les iours au precieux Corps & Sang de Iesus-Christ, ce que le Laique ne doit faire qu'il ne se soit long temps abstenu des femmes: dont

ils font long temps en Carefme à se preparer Ceste abstinence des femmes, estoit figuree aux pains de Proposition: il n'ya auoit que les seuls prestres qui les peussent manger, car il n'y auoit qu'eux seuls qui s'abstenoyent des femmes. Achimelec au 21. du 1. des Roys, n'eust iamais baillé de ces pains sanctifiez à Dauid, s'il n'eust dit qu'il y auoit long temps qu'il n'auoit point cogneu les femmes : A plus forte raison les Prestres qui tous les iours mangent le vray pain de Proposition, s'en doiuent abstenir.

La 5. & derniere raison est le vœu de chasteté qu'ils ont fait à Dieu. Vouë qui voudra, mais quand on a fait vn vœu, il faut l'accomplir, il vaut bien mieux ne vouer pas, qu'apres le vœu ne tenir sa promesse, comme il se lit au 30. des nombres, *Si quis virorum votum deo vouerit & omne quod promissit implebit.* Et en l'Ecclesiaste 5. *quodcumque voueris redde, multo melius est non vouere, quam post votum promissa non reddere.*

Au vicil & nouveau Testament il s'en trouue plusieurs qui ont fait vœu : ie passe soubs silence ceux du vicil, & viens au nouveau. Du temps des Apostres il y auoit des Religieux, Moynes, & razcz, & neantmoins les huguenots ont tant en horreur ces pauvres Moynes qu'ils disent que ie Diable les a in-

uentez, ce que les Valdenses & plusieurs autres canailles d'heretiques ont dit. le ne me veux seruir que du seul nouveau Testament pour prouuer que

*Les Moynes estoient du temps  
des Apostres.*

Aux Actes 18. plusieurs Moynes rafez, & qui auoient fait vœu, se trouuent entre les Apostres & premiers Chrestiens. Aquila qui suiuoit S. Paul auoit fait vœu, s'estoit fait razer la teste, & portoit Couronne. *Qui sibi totonderat in Cencris caput, habebat enim votum.* Il auoit fait vœu & portoit la teste raze, appelez vous point cela Moynes? s'ils ne s'appelloit point Moyne de nom, il l'estoit d'effect. Le nom de *Moyne* pour n'estre dans l'Euangile, il ne s'ensuit pas que la chose n'y soit. Le Sacrement du corps & sang de Iesus Christ n'y a point de nom, *ergo*, il n'y est pas.

Au 21. des mesmes Actes, il y a vn lieu encore plus preignant. *Sunt nobis viri quatuor, votum habentes super se. His assumptis sanctificata cum illis, & impende in illis vt radant capita.* De ce lieu nous apprenons 4. choses la 1. que plusieurs des Chrestiens faisoient vœu, *votum habentes super se.* La 2. qu'ils yñoiët

de quelques ceremonies en faisant ce vœu, & se rendant Moynes, *sanctifica te cum illis*. En 3. lieu, ils se rasoient les cheueux en faisant ce vœu, *ut radant capita*. Pour le dernier, S. Paul estoit Moyne, se sanctifia plus que les autres, & auoit la *Couronne*, & les cheueux raz: Il se sanctifia & ne fut refractaire au commandement qu'on luy fist *sanctifica te cū illis*, il estoit fils d'obeissance. Il falloit aussi qu'il eust la teste raze, car a quel propos eust il commandé aux 4. autres de razer leurs cheueux, s'il ne les eust eu razez luy mesme, *Impende ut radant capita*.

Je pourrois alleguer Beda qui dit que S. Pierre estoit raze, & tous les docteurs de la primitive Eglise, mais ie suis content de la Bible: si le Huguenot se mocque des courōnes des Moynes, qu'il se mocque de S. Paul, d'Aquila & des 4. autres qui auoient la teste raze. L'ignorance de l heretique le fait rire de ce qu'il ne sçait pas, mais ceste mesme ignorance fait qu'un chacun se rid de luy.

Pour reuenir donc a nostre propos: Le Chrestien ou prestre qui a fait vœu de chasteté, le doit garder, on luy a imposé les mains, & baillé les Ordres à telle condition. Le prestre a promis la foy à vne femme qui ne meurt point, l'Eglise.

Quiconque a fait vœu de chasteté, & se

marie apres est damné par la sentence de S. Paul au 5. chap. de la 1. à Timothee, ou il parle des Religieuses qui vouloiēt ietter le froc aux orties, ( les femmes faisoient aussi bien vœu que les hōmes ) apres qu'elles ont bien paillardé contre Iesus Christ se veulent marier, se damnent par ce qu'elles ont rompu leur foy premiere. *Cùm luxuriata fuerint in Christo nubere volunt, habentes damnationem: quia primam fidem irritam fecerunt.* Notez habentes damnationem. S. Augustin sur le Psal. 83. damne aussi ces Apostats & renegats: & dit qu'ils sont semblables à la femme de Lot qui regarda derriere elle. *Post votum quod Deo promissit, si duxerit, damnabitur.* Il n'est pas loisible de se marier apres le vœu dit Fulgence. *Post votum nec licet, nec expedit nubere,* deuant le vœu il est licite de prendre femme, mais apres il est illicite. Ce que j'apprens du 2. des off. d'Isidore, *per votum sit illicitum, quod antè erat licitum* Si ie demande à mon Predican, si les prestres & religieuses se doiuent marier, il dira qu'ouy, ô le grandissime Theologien & qu'il en a veu. Qu'il allegue vn seul passage qui die *oportet sacerdotes uxorem ducere.* Le Celibat n'est pas impossible, ja 20. sont escrits qui l'ont gardé, & plus de cent mille ne sont couchez dans les Archiues saintes, qui n'ont pas flechy le genoil deuant Cupidon. S. Jean

n'en a-il pas veu 40. mil qui n'ont iamais fait banqueroute à leur virginité?

I'entens le Ministre huguenot à qui le prurit demange, à qui les titilations fretilent dans les mouelles, qui armé de 9. heresies, vient argumenter avec vn, *ouy mais*.

Ouy mais les Prestres de l'ancien Testamēt estoyēt bien mariez, pourquoy ceux du nouveau ne le feront-ils? C'est *ouy mais* se refute par 4. raisons. Ils ne faisoyēt point vœu de chasteté. Ils estoyēt Prestres par succession & heritage, Leui eut la Prestrise pour sa part. Ils estoyent mariez, d'autant qu'il falloit qu'vn chacun le fust, pour participer à la benediction de Dieu *crescite* & afin de multiplier le peuple de Dieu. Pour la quatriesme, ils estoyent mariez, par ce qu'ils estoyent en si grand nombre, qu'ils estoyent plus de dix ans sans faire leur sepmaine: toute la lignée de Leui estoit Prestre. Au 23. du 1. Paralipo. Daudid les compta, mais il en trouua 38. mil dont il en ordōna 20. mil pour le Temple de Dieu: ils ne pouuoient faire leur sepmaine que bien rarement, d'autant qu'il n'y auoit qu'vn Temple, & encor quand ils faisoient leur sepmaine ils estoyent 15. iours sans voir leurs femmes, autrement ils n'eussent pas mangé à la fin de leur sepmaine les pains de Proposition qu'ils auoyent presen-

tez le 1. iour sur l'autel d'or, s'ils ne se fussent abstenus de leur compagnie Et afin de mieux obseruer ceste ceremonie, & chastrer leur concupiscence, ils n'entroyent pas dans leurs maisons durant ces 15. iours, comme dit le venerable Bede, *Non solum à complexu uxorum, sed ab ipso quoque domorum abstinebant ingressu.*

Ouy mais, dans l'Euangile, il se trouue des Prestres mariez comme Zacharie, & S. Pierre. Ceste obiection est des Iouinians & Vigilantins, non des Calvinistes. S. Hierosme leur respond, ce que ie respons aux huguenots: Zacharie estoit Prestre du vieil Testament, (encore qu'il soit en l'Euangile) ou il falloit qu'ils fussent tous mariez. La Loy de grace ne commence qu'à la Passion du Messie. Pour S. Pierre au vieil Testament il estoit marié, mais alors il n'estoit pas Prestre, ains pauure marinier & pescheur, il ne fut fait Prestre que plus de deux ans apres. Et dés qu'il fut appellé à l'Apostolat, il quitta sa femme & tout ce qu'il auoit, & ne la cogneut du depuis que pour l'animer au martyre. *Non cognouit secundum carnem, sed animauit ad martyrium.* Comme il est au liu. 7. des Tapisseries de Clem. Alexan. & Euseb. liur. 3. chap. 30. C'est ineptement argumenté aux huguenots de dire S. Pierre estoit marié, ergo



il faut que les Prestres le foyēt: & ils niēt que S. Pierre ait esté Prestre tel que les nostres.

Si les louinians huguenots vous obiectent dit S. Hierosme, que S. Paul a dit. *N'auons-nous pas la puissance de mener des femmes avec nous, comme tous les autres Apostres, & Cephas? &c.* Respondez, que les Apostres & Iesus-Christ menoyent plusieurs saintes femmes avec eux, pour les seruir. En S. Luc 8. Iesus-Christ mene par tout plusieurs femmes qu'il auoit guaries, qui le nourrissoyent de leur cheuance, & luy preparoyent tout ce qu'il luy estoit necessaire. Entre autres la Magdalaine damoyelle, Susanne, & Jeanne femme du Procureur d'Herode. *Iter faciens per ciuitates & duodecim cum illo, & mulieres aliquæ, quæ erant curatæ à spiritibus malignis & infirmitatibus, Maria quæ vocatur Magdalene, de qua 7. demonia exierant, & Iohanna Chusæ procuratoris Herodis, & Susanna, & aliæ multæ, quæ ministrabant ei de facultatibus suis.* Oserois-tu bien impie penser quelque chose de sale en Iesus-Christ, pour auoir ces femmes là avec luy? La seule pensée de mal en ce faiēt, est digne du feu. Au liur. & chap. 4. des Rois, le Prophete Elisée auoit vne femme, qui le receuoit, luy preparoit son boire & manger. S. Hierosme dit que selon le Grec de S. Paul, il y a, *N'auons-nous pas la puissance de mener nos*

sœurs, ce n'estoit pour les cognoistre charnellement à la huguenote. S. Paul n'en auoit pas à sa compagnie, par-ce que les Iuifs en eussent mal parlé: ioint qu'il alloit en diuerses regions, & ne les eust peu mener sans peine, par-ce que la femme & le Diadesme trainent bien du soin quand & eux.

Pour le 4 argument, que l'heretique obiecte, pour prouuer que les Prestres doiuent estre mariez, est que S. Paul a dit, *qu'il vaut mieux se marier que de brusler: Melius est nubere quam vri*, à quoy le Catholique doit respondre, que S. Paul ne parle pas de ceux qui ont fait vœu de chasteté. Ce *Melius nubere*, s'entend de *non pollicita virginitate*, comme dit S. Ambroise: C'est vn conseil que S. Paul concede comme le moins sainct & sage. C'est en derniere extremité qu'il lasche ce *Melius nubere quam vri*, cōme il se preueue par la consuiuance de tout le chapitre. Il ne parle pas aux Prestres, ny à ceux qui ont fait vœu: au contraire, il damne les religieuses en la 1. à Tim. chap. 5. qui vouloyent se marier apres leur vœu. Et dit que ces vefues religieuses, qui se remarioyent apres le vœu, couroyēt apres le diable, courant apres les hommes, *Quaedam conuersa sunt post Satanam*. En ce mesme lieu il n'est pas de l'opinion huguenote. car il defend expres à Timothée Prestre & Euesque,

de ce

de se marier ny de cognoistre les femmes. *Te ipsum castum custodi.* Voila vn commandemēt. L'heretique est de ceux qui parlent au i.cha. qui alleguent vñ lieu qu'ils n'entendent pas, *non intelligentes neque; u. loquuntur, neque de quibus affirmant.* S'il estoit meilleur aux Prestres de se marier que de brusler, que S. Paul ne se marioit il? Il semble qu'il brusloit, quād il a prié tant de fois Dieu, de luy oster l'aiguillon de la chair qui le colaphisoit : que ne se marioit-il, que ne se paroît-il de son propre *melius nubere*? Il faut donc resoudre avec S. Ambroise que, *melius est nubere quam vri*, s'entend de ceux qui n'auoyent point faict vœu de chasteté. Et en ce 7. de la 1. aux Corint il conseille à tous les hommes d'estre chastes comme luy. *Bonum est homini mulierem non tangere* : & veut que tous ceux qui n'estoyent point mariez demeurassent ainsi. *Dico autem non nuptis, & viduis: Bonum est illis si sic permaneant sicut & ego.* Et au commencement il ne concede le mariage que par indulgence, & aux Incontinens.

En 5. lieu le Caluiniste ameine le texte de S. Paul du 13. des Hebrieux, que le mariage est honorable entous, *honorabile matrimonium in omnibus*, pour soustenir que les Prestres doiuent estre mariez: Auquel passage le Chrestien doit respondre 2. choses. Premièrement

qu'il n'y a pas, *necessarium connubium*, nécessaire: mais seulement *honorabile* honneste. En 2. lieu que *in omnibus* n'est pas general, & *in omnibus*, c'est à dire *quibusdam*. Pin oste la generalité: quand il est general, il n'y a point d'*in*, comme en cestuy cy *predicatum Evangelium omni creature si in omnibus* s'entend, de tous que S. Paul n'estoit il marié, pourquoy commande il a Timothée d'estre chaste? du temps des Apostres il y auoit des Religieux & Religieuses de toutes sortes.

*Les Religieuses estoient du temps  
de S. Paul.*

J'ay prouué assez amplement cy deuant, comme il y auoit des Moines tonsus du tēps des Apostres, qui auoyent fait vœu. Il faut monstrer au huguenot qui se mocque des Religieuses qu'il y auoit deux sortes de femmes, des filles & des vefues, qui estoient Religieuses & gardoyent chasteté du temps de saint Paul.

Il se prouue du 5. de la 1. à Timothée qu'il y auoit des vefues âgées qui se rendoyent Religieuses & gardoyent chasteté: & il falloit que ces vefues eussent 2. qualitez: qu'elles fussent âgées, & qu'elles n'eussent esté ma-

riées qu'une fois, *Vidua eligatur non minus sexaginta annorum, quæ unius viri uxor*, ces vefues seruoient à prier Dieu iour & nuict, *Instet orationibus nocte & die*, & à receuoir les Pele-rins & passagers Chrestiens, dans les hospi-taux, de leur lauer les pieds, & prester tous les autres offices de charité. Ces vefues promet-toyent leur foy à Dieu, & vouïoyent chasteté. Dont il deffend à Timothée de ne receuoir entre ces bonnes vefues Religieuses, les vef-ues encores ieunes: par-ce qu'apres qu'elles auoyent demeuré quelque temps en ceste vie, venant à ressentir les chatouillemens & esclans de la chair, se vouloyent remarier: & en ce faisant, se damnoyent par-ce qu'elles rom-poyent la foy qu'elles auoyent iurée à Dieu. Ou de pres il faut remarquer, *quia primam fi-dem irritam fecerunt*. Elles promettoyent donc leur foy à Dieu, comme les vestales de main-tenant.

Qu'il y eust des filles Religieuses du temps de S. Paul, il se prouue par 4. textes du 7. de la 1. aux Corint. Le 1. est qu'il conseille à celles qui ne sont point mariees de ne se ma-rier pas. *Dico autem non nuptis, bonum est illis si sic permaneant*: Il y en auoit donc qui ne se marioyent iamais, & qui gardoyent chaste-té. Ce n'est donc pas mal faict, puis qu'il y a *bonum est*.

Le 2. est au verset 25. *de virginibus autem preceptum Domini non habeo: consilium autem do &c. quoniam bonum est homini sic esse.* Puis qu'il y a de *virginibus*, il s'ensuit qu'il y auoit des hommes & femmes qui gardoyent le Celibat.

Le 3. suit au verset 34. *Mulier innupta & virgo, cogitat quæ Domini sunt vt sit sancta corpore & spiritu* Il y auoit des vierges & femmes qui ne se marioyent iamais, *mulier innupta & virgo*, ces vierges ne faisoient que prier Dieu, *cogitat quæ Domini sunt.*

Le 4. lieu est en la resolution de ce chapitre, qu'il y en auoit pour lors, qui ordonnoyent en leur cœur de garder à tousiours virginité, comme les Religieux & Religieuses font en l'Eglise Catholique, *Nam qui statuit in corde suo firmus seruare virginitatem suam: bene facit.* Qui a constitué en son cœur de garder virginité, fait bien: s'il fait bien de conseruer la virginité, le diable n'a pas inuenté les Religieux & Religieuses, comme diaboliquement vous dictes avec les Arriens, mais Dieu. Du temps des Apostres, Il y auoit des hommes & des femmes, qui voüoyent fermement leur virginité, puis que S. Paul dit, *si quis firmus statuit in corde suo seruare virginitatem* ou *firmus*, demonstre le vœu. Il n'est pas besoin qu'vn chacun soit Religieux, ce n'est

pas vn Precepte, mais vn conseil Toutes-fois le pere fait mieux de rendre sa fille religieuse que de la marier *qui matrimonio iungit virginem suam bene facit : & qui non iungit melius facit.*

Les prestres Grecs sont mariez, & par consequent ceux de l'Eglise Romaine le doiuent estre dit l'heretique : Il faut respondre 6. solutions à cet antecedent. La 1. que cela leur est maintenant permis pour euiter le peché de Sodomie, auquel vice la Grece a esté adonnée, & de ce crime taxee par S. Paul au 6. de la 1. aux Corin. *Masculorum concubitores.* La 2. l'Eglise Grecque est Schismatique. La 3. les Grecs n'ont pas la religion bien chaste & pure, *Græci non habent castam Religionem.* La 4. si cela leur est apresent concedé. il ne l'estoit du siecle de S. Hierosme, lequel disputant contre le marieur des Prestres louinian luy dit, *Que dira la Grece, l'Egipte, & le saint siege Apostolique ou les prestres sont chastes?* Pour la 5. Si l'Eglise Grecque a ce priuilege pour estre en vn climat plus chaud, la Romaine ne l'a pas. Pour le dernier, ce n'est bien argumenté de l'Eglise Orientale à l'Occidentale, par-ce qu'en tout l'Orient il n'y a plus de sincere forme de Religion.

Si le huguenot voyant toutes ces heresies ja enseuelies dans ce Tombeau, en reueille

vne 7. de l'orque Iouinian, que les Prestres estoyent mariez en la primitiue Eglise: Respondez cela estre faux. D'autant que dés qu'ils estoyent esleus Prestres ou Euesques ils quittoyent leurs femmes: comme fist S. Pierre & tous les autres Apostres. Ce que i'appuye de 5. auctoritez. La 1. de Leon le Grand, qu'ils quittoyent leurs femmes & que, *de carnali fiebat spirituale matrimonium.* La 2. se lit en S. Hierosme, que, *si uxores habuerunt mariti esse desinunt.* La 3. se prend du mesme contre Iouinian. *Episcopi, Presbyteri. Diaconi aut virgines eliguntur, aut vidui, aut certè post sacerdotium in aeternum pudici.* Pour la 4. on void clairement qu'ils quittoyent leurs femmes dés qu'ils estoyent esleus. Et à ce doute esclaire Paphnutius qui requist au 1. Concile de Nice, qu'il fust relasché aux Prestres qui pour lors estoyent mariez auant que d'estre choisis, de iouir de leurs femmes: mais le Concile les osta du tout: La 5. respondra, que cela se faisoit pour la necessité, & que maintenant on ne prend plus d'hommes mariez, il y en a assez d'autres. La 5. est prise des Iurisconsultes. L'on prenoit des mariez, pour la necessité, *cum non inueniretur ministerium,* afin que ie parle avec Epiphane, heresie 54. contre les Cathariens: ou bien pour leur bonne vie. Car visible-



ment deuant vn chacun, le peuple assemblé, le S. Esprit descendoit sur celuy qui estoit digne d'estre Euesque : & estant esleu, il ne cognoissoit plus sa femme, si l'Euesque la vouloit retenir avec l'Eglise, il estoit depose. Les femmes voyant la saincteté de leurs espoux, s'en alloyent loing se rendre en vn monastere : Et leurs maris Euesques ou Prestres leurs donnoyent des biens pour viure. Dont Hermogenes en la loy, *utricus P. de d. nat. Inter virum & vxor.* dit que les Donations ne vallent rien entre l'homme & la femme durant le mariage, mais qu'elles sont bonnes pour la Prestrise, *propter sacerdotium.* Quand vn Prestre donnoit quelque chose à sa femme afin de viure, quand il la quittoit. A quoy Gregorius Tholosanus adiouste, *putares cum sacerdotio, matrimonium retineri non posse commodè.*

Pour le 8. argument, l'heretique dit que du viuant de S. Paul, les Prestres estoient mariez : car il a dit, *oportet Episcopum vnus vxoris esse virum.* Il y a 12. cens ans que 3 heresies ont voulu marier les Prestres : les Cathariens le disoyent l'an 200. & les Vigilantins & Iouinians l'an 345. & alleguoyent ce passage d'*oportet, Episcopum.* Or comme il est aisé aux huguenots d'apporter les passages, que leurs ayeulx ont citez : Aussi il m'est fa-

cile de produire ce que les Docteurs de ce temps là leur ont respondu. Anciennement comme maintenant. on prenoit des hommes vefuiers, qui n'auoient esté mariez qu'une fois, & espoufé vne fille, & non vne vefue: & non pas ceux qui auoyent conuolé en secondes nopces, & qui estoient Bigames: cōme escrit S. Epiphane heresie 54. *Adhuc viuentem & liberis gignentem vnus vxoris virum non suscipit: Sed eum qui se ab vna continuit, aut in viduitate vixit.* Ou le nouueau Gamophile Gautier remarquera, *qui in viduitate vixit.* Ce qu'il n'a pas faict S. Paul dit à Timothee, qu'il prenne des Euesques qui n'ayent esté mariez qu'une fois. Mais il faut mettre le texte de S. Paul sur le tapis, & que S. Hierosme en soit le rapporteur. *Non dicit Paulus, eligatur Episcopus qui vnā ducat vxorem, & filios faciat,* au futur mais au passé. *Sed qui vnā habuerit vxorem.* Et continuant contre Iouinian dit que si S. Paul cōmande aux Laïques de s'abstenir quelque temps de leurs femmes pour prier, que le prestre doit tousiours s'abstenir du mariage. *Si laicus & quicumque fidelis orare non potest, nisi careat officio coniugali: Sacerdoti cui semper pro populo offerenda sunt sacrificia, semper orandum &c. Ergo semper cendum matrimonio.* S. Ambroise explicans ce lieu, note qu'il y a *filios habentem* & non pas

*facientē.* Dans tout ce chap. 3. de la 1. à Timo. il ne parle que de chasteté. Si les Euesques doivent estre mariez. S. Paul estoit Euesque, & Tite & Timothée, que ne se marioient ils? & ils ont esté vierges. S. Paul a faict donc contre son *oportet episcopum vnus vxoris esse virū.* Qui voudroit interpreter ce texte mystiquement. c'est a dire que le prestre ne doit auoir qu'vn benefice : il faut montrer à la Banfferie qu'il a esmouué la villennie, & que par plusieurs points de la Bible il a faict contre le commandement de Dieu, de s'estre metamorphosé en Cupidon, & avec les ailles amoureuses est reconuole en secondes nopces, veu que les Xantipes sont si dangereuses, & les Mecenes encores d'auantage à redouter. Il a combattu directement contre 4. lieux du 7 de la 1 aux Corin. Il conseille aux vefuiers, & non mariez de demeurer ainsi. *Dico autem non nuptis & viduis : Bonum est illis si sic maneant.* Il parle aux vefuiers comme vous estiez, mais vous n'avez voulu du *bonum* de S. Paul. Apres il deffend à ceux qui sont destinez à seruir Dieu, d'estre sans femme, afin d'estre sans soin : Il conioint la femme & le soin ensemble, ie m'asseure que si vous auiez leu ce 7. chapitre, que vous ne vous fussiez remarié, *Volo autem vos sine solitudine esse : qui sine vxore est, &c.* Le propherbe de Cheremon

n'a-il point trouué place chez vous? que *melius est vxorem sepelire quam ducere*. Plus bas S. Paul parlant au vefuier dit, *beatior erit si sic permanserit*, Vous n'avez pas voulu estre heureux en Comparatif, vous estes contenté du positif. Le Critique pourroit en ce lieu me reprendre, que j'ay dit que la Banfferie a fait contre le commandement de Dieu de s'estre remarié estant Predican comme il est. Ouy, c'est contre le commandement de Dieu: car S. Paul disant cela, pense qu'il a le S. Esprit: or il deffend expres aux vefuiers de se remariier en ce lieu mesme. Il a donc fâict contre le commandement de Dieu enoncé par la bouche de S. Paul. *Solutus ab vxore, noli querere vxorem*: Il commande *noli*. Quand le repenty vous gesnera, vous resouuiendrez que vous auez fait vn grand esclandre à tous les huguenots: & les plus iudicieux & reformez, disent que vous auez malfaict, & ne pouuez aller au deuant avec le Mantelet de *melius est nubere quam vri*. Car cela n'est dit que pour les *Incontinens*. Il faut donc que vous confessiez que vous estes *Incontinent*, par le texte de S. Paul. *Quod si non se contineant: nubant: Melius est nubere quam vri*. Et si vous regardez de plus pres, il ne permet cela qu'aux ieunes, & vous estes en l'hyuer de vostre age. Saturne le temps, châttra le vieillard

Celus : d'autant que le comble des maux en vn homme agé est d'estre amoureux: *Extremum malorum amor in sene.*

Il restela 9 teste de Hydra à couper : Le bon pere Paphnutius fist ordonner au 1. Concile de Nice que les femmes fussent laissez aux Prestres, dit l'heretique.

Contre ce faux ie fay marcher 8. solutions veritables. La 1. Il n'est pas vray, pource que cela ne se trouue dans les Canons de ce Concile: Gratian l'a pris de Cassiodore. La 2. cela est repugnant au 3. Canon ou les femmes sont du tout ostées aux Prestres, excepté la mere, sœur, ou mere grand. La 3. tout au cōtraire, il dit deuant tous qu'il trouuoit bon que l'on deffendist aux Ecclesiastiques de se marier apres leur ordination : La 4 il requist seulement, qu'il fust permis aux Prestres qui estoient ja mariez auant que d'estre esleuz Prestres, d'habiter avec leurs femmes. La 5. le Concile n'eut esgard à son opinion, puis qu'il osta les chambrieres mesmes aux Prestres. La 6. Tous les auteurs que l'heretique cite, sont heretiques. La 7. Paphnutius parloit pour les Grecs, & non pour l'Eglise Romaine. En dernier lieu ie diray avec Epiphane que plusieurs Prestres ja desuoiez de la premiere integrité de l'Eglise, vouloyent auoir des femmes. *Iam in Sacerdotibus elan-*

*guescebat morum integritas.* Mais cela leur fut deffendu.

### *Creance.*

Tous les Apostres n'ont iamais esté mariez : Ils ont esté tous vierges ou continens apres auoir esté appellez à l'Apostolat. S. Pierre auoit esté marié, mais il quitta sa femme des qu'il fut Apostre. On choissoit anciennement pour la necessité des hommes mariez pour estre prestres, qui estoient pieux : mais ils ne voyoient plus leurs femmes apres estre esleuz. Vn homme vefuier qui a espousé vne fille & qui n'a esté marié qu'une fois peut estre prestre. C'est pourquoy S. Paul commande à Timothee de prendre des vefuiers qui n'eussent eu qu'une femme pour les faire prestres & Euesques, d'autant que plusieurs mariez deux fois, le vouloyent estre. L'Eglise reiecte les Bigames, parce qu'elle ne benit pas les secondes nopces.

### Heresie 12.

*Connubianctifuga.* Fuyans le S. Mariage.

### C O N T R E.

J'ay amplement refuté l'erreur que les pre-

stres doiuent estre mariez. Mais il veut aussi accuser l'Eglise d'heresie, & qu'elle deffend le mariage. Quand le Predican veut faire dresser les aureilles à ses Auditeurs, il leur dit, *petit troupeau*, vous estes bien heureux de vous estre retirez de ceste Babylon heretique: Et pour prouuer que l'Eglise Romaine est heretique, il cite le 4. de la 1. à Timo. ou S. Paul dit qu'il doit venir des heretiques qui deffendrôt de se marier, & de manger de la chair: *Atqui*, l'Eglise Romaine deffend de se marier en l'Aduent & en Careme, & de manger de la chair, *ergo*, elle est heretique.

Ce discours semble auoir quelque apparence en le considerant par dessus, mais il faut esclarcir ce scrupule, de peur que le huguenot ne fasse broncher les Catholiques qui n'ont pas estudié: Or pour faire passer l'esprit du Chrestien du soupçon à l'assurance, & du doute à la verité, il doit entendre que *l'Eglise est plus sauante que tout ce qui est au monde*. Toutes les heresies que tiennent les heretiques ont esté soustenues par d'autres, & l'Eglise, ou pour mieux dire toute la saincteté & doctrine ensemble, y a donné solution. Quand le Catholique ne peut respondre à ce que le huguenot luy obiecte, il ne doit pas croire pourtant que ce qu'il dit soit vray, mais il le doit renvoyer à l'Eglise, de la-

quelle c'est le mestier & office de donner solution à tous les erreurs des huguenots. Il doit répondre qu'il croit, tout ce que l'Eglise croit. Par l'Eglise i'entens toute la saincte Esriture, tous les Docteurs & Predicateurs, & bien cent Conciles legitimement amassez, qui ont tout resolu.

La Prophetie de S. Paul predit 2. sortes d'heretiques, les premiers *deffendront de se marier.* Les 2. *deffendront de manger des viandes, que Dieu a creez.*

Il viendra des heretiques qui deffendront de se marier, il est vray, & sont ia venus: Depuis que S. Paul est mort 13. heresies sont venues, qui ont deffendu de se marier, disant que c'estoit chose diabolique que de faire des enfans. Les voyla qui suiuent. Simon Magus, Saturnius, qui dit que c'estoit chose diabolique que de se marier, comme a dit, il y a 14. cens ans passez. S. Irenée liur 1. chap. 22. *Aspernit nubere, & liberos gignere à diabolo esse.* Les Marcionistes, tenoyent les nopces n'estre permises: *Nuptias illicitas esse crudeliter:* tesson S. Hieros. liur. 1. contre Iouinian. Tatianus resuoit le mesme. Les Encratites l'an 150. du temps de S. Irenée tenoyent toutes les 2. heresies predictes par S. Paul, & c'est d'eux formels, qu'il entend parler: ils blasphemoyent que le Diable a inuenté le mariage,



ils ne mangeoyent chair ny poisson & ne beuoyent de vin. Les Heraclites heretiques declarez par le S. Esprit, furent vne secte qui estoient tous Moines & abhorroyent tant le mariage, qu'ils ne receuoyent que des Moines. *Monachos tantum admitabant.* Les Adamiens dit S. Augustin, heresie 31. contre Manichée. Les Eustatians dit Socrate liu. 2. chap. 33. Les Apostoliques dit S. Bernard sermon 66. sur le Cantique : & les Albigeois tenoyent cet erreur. Les Priscillians avec les Encratites tenoyent les 2. heresies. Ils deffendoyent de se marier, & abhorroyent tellement la chair, qu'ils disoyent que le Diable en estoit l'auteur, & de tout ce qui s'engendre par coït.

Cesse pauvre abusé de dire que cela s'entend de l'Eglise, c'est de tous ces heretiques & de toy. L'Eglise ne deffend pas de se marier, mais elle conseille de ne le faire pas en l'Aduent & Carême, temps plus propre à penitence qu'à gayeté. Elle ne dit pas, que le mariage ne vaut rien, que Dieu ne l'a point crée, comme dit S. Paul, ains au contraire elle assure que le mariage est tres-honeste, que Dieu l'a institué. Elle fait bien plus d'honneur au mariage que toy, elle dit qu'il est Sacrement, & tu dis que non. L'heretique pereclite tousiours en vne extremité:

Ces 13. disoyent qu'il ne falloit que personne fust marié, & les huguenots pour faire le contre poids, se sont assis en l'autre bout de la planche d'erreur, & disent qu'il faut qu'un chacun le soit. Mais la vertu, l'Eglise marchât au milieu de ces deux extremitez vicieuses, dit qu'il se faut marier, & non en tout temps: Que le mariage est necessaire, & non à tous.

La 2. heresie doit *deffendre de manger des viandes que Dieu a créés*. Ou le huguenot pensant mieux faire tomber son blasphemie sur les Catholiques, a dit *qu'ils deffendron de manger de la chair*, ce qui est faux il y a *à cibis*. Mais ie luy accorde de que ces huguenots doiuent deffendre de manger de la chair, ils sont ia venus. Cinq heresies tres grandes, & des plus meschantes, ont deffendu de manger de la chair. Les Marcionites: les Tatians: les Manichiens: les Encratites, & les Prisciliens.

Les Manichiens & Prisciliens furent 400. ans apres, qui deffendirent, comme auoit dit S. Paul, de manger de la chair, nyans Dieu en estre l'Autheur: ils la tenoyent abominable disant que le diable l'auoit créé: Ils n'eussent pas voulu seulement gouster des herbes cuites avec de la chair. La solution est dans le texte, *quos Deus creauit*; ce qui brila la teste à l'heresie Manichienne: Ces heretiques doiuent deffendre les viandes, disant que Dieu

ne

ne les a pas créés, mais le diable. elle ne peut donc pas se dire de l'Eglise. Car elle ne dit pas que Dieu n'a point créé les viandes : l'Eglise ne dit pas que la chair, le poisson, & le vin ne valent rien: Ces heretiques deuoient deffendre toutes sortes de viandes, il y a, *à cibis*, & non pas *à carne*. Elle ne deffend pas le poisson ny le vin, comme ont fait les Encratites, Abstemiens & Puritains. Elle ne parle que de la chair, & si elle ne la deffend pas à ceux qui sont malades, qui ne s'en peuuent passer, elle commande de s'en abstenir à certains iours. S. Paul ne dit pas que ces heretiques deffendront de se marier, & de manger de la chair *en certain temps*, comme fait l'Eglise: mais tousiours.

Les Manichiens & Prisciliens deffendoient de ne manger iamais de chair: Et les Antimanichiens de ceste derniere lie les huguenots, tout à l'opposite commandent d'en manger tousiours au Vendredy & Carefme: comme disoyent les Aériens & Iouiniens. Les Manichiens s'en abstenoyent, *heretiquement*. les huguenots en mangent *heretiquement*, & à la Iouinienne: Par ce que Iouinian plantant la gentille liberté de conscience, disoit qu'il falloit manger de la chair en tout temps. Et les Catholiques qui en mangent en temps deffendu, en mangent *heretiquement à la bu-*

guenote & Calviniste.

Les huguenots veulent ignoramment dire ce lieu du 4. de la 1. à Timot. des Catholiques: mais tout au rebours ils sont les vrais, propres & essentiels heretiques, prophetisez par le S. Esprit. le laisse toutes les marques, que ces heretiques doiuent auoir, lesquelles conuiennent du tout aux huguenots, & ne prens que la derniere, qui est, *Prohibentium nubere, abstinere à cibis, quos Deus creauit*, pour les declarer vrais heretiques.

La marque que doiuent auoir ces heretiques est *prohibentium nubere*, ils doiuent deffendre de se marier: ce qui est accompli aux Calvinistes. Car c'est deffendre le mariage de dire qu'il n'est point Sacrement, c'est le deffendre tacitement. Il n'y a que les Sacremens par la vertu du sang de Iesus-Christ, qui ostent le peché: or le mariage oste la paillardise, *Quisque habeat suam uxorem ad fornicationem vitandam*, dit S. Paul, ergo, le mariage est Sacrement.

Pourquoy le marié ne peche-t'il mortellement comme le Concubinaire, si le mariage n'est Sacrement? Dire que le Mariage n'est point Sacrement, c'est dire qu'il n'oste point le peché & conseiller de ne te marier pas: Le marié dira: si le mariage n'est Sacrement i'offence mortellement iouyssant des amiables

priuautez de ma femme : si ie peche, ie suis bien fol, d'estre asseruy aux caprices & meschancetez d'une femme, & de trauailler iour & nuict pour nourrir vne beste si diuerse: Dire donc que le mariage n'est point Sacrement, c'est deffendre de se marier.

Le dernier poinct s'entend propremēt des huguenots & par vne règle infalible les declare herétiques. *Abstinere à cibis*. Ces Ministres Demons deffendront de s'abstenir des viandes & de ieusner : en l'Eglise on ieusnoit mais il viēdra des heretiqués qui deffendront de ieusner & de s'abstenir des viandes, comme ont fait les Aëriens & Louinians 12. cens ans y a, & maintenant les Calvinistes.


Doctes, qui estes la seule roche d'aymant vers laquelle l'esguille de tous mes escripts tourne, ie vous prie de prendre vostre Bible, & voir de pres avec moy ce lieu. Il continue au genitif ce mot de *demoniorum* (il appelle les huguenots diables) *Demoniorum, loquentium mendacium, habentium conscientiam, cauteriatam, prohibentium nubere, abstinere à cibis*. Puis qu'il y a deux infinitifs, *nubere, abstinere*. Il faut repeter le genitif *prohibentium*, deffendans de s'abstenir des viandes, *s'abstenir des viandes* c'est *ieusner*. Construisez selon la Grammaire, & vous trouuerez qu'il faut dire, *prohibentium nubere, & prohibentium abstinere à cibis*. Voila

donc l'Orion que le huguenot amassoit pour faire plouuoir sur l'Eglise, qui est tombé sur sa teste.

Doctes considerez encore s'il vous plaist: que ces fausseurs de Bibles en François, ont adiousté ce mot *commandans*.

Il falloit dire & vertir, *deffendans de s'abstenir des viandes*. Dans le texte Grec & Latin le mot de *commandans* n'y est point. Il n'y a pas *αρχίστων Iubentium*, mais bien *κωλύουταυ prohibentium*. S'il faut repeter vn mot c'est *prohibentium*. Or *prohibere* ne signifie pas *commander*: mais au contraire *deffendre*: dequoy la deffinition de *lex* nous fera certains. *Lex iubet qua sunt facienda, prohibet verò contraria*, Voila *iubet* & *prohibet*, qui sont opposez. Regardes dans tous les Dictionnaires & Calepins *prohibere*, signifie *deffendre*, *prohiber*, *engarder*: & iamais *commander*. Toute Bible ou il y a, *commandans de s'abstenir des viandes*, est huguenote. Vous recognoistrez encore ces Bibles Françoises en infinis endroits, & principalement au 1. de la 2. Epistre de S Pierre verset 15. ou il dit qu'il aura soin d'eux apres sa mort. Or afin d'oster la priere des Saincts, ils ont verty faussement le texte de S Pierre, *Dabo autem operam* & *frequenter habere vos post obitum meum, ut horum memoriam faciatis*. Ils ont tourné, *ie mettray veine qu'apres ma mort*

vous ayez souuenance de ces choses. Le venin est à ce mots qu'apres: Car il faut dire, *ie mettray peine apres ma mort, que: Ils ont mis vt deuant post obituum, & il doit estre apres, par ce qu'il y a, dabo operam post obituum vt, & non pas, dabo operam vt post obituum.* Les bonnes gens n'y regardent pas de si pres: La Saincte Bible est bien chatouilleuse, & tres-dangereuse à translater en François, & souuent pour vn vt, vn &, ou vne virgule transposée, tout est gaste. Le peril & la difficulté de vertir la Bible d'une langue en vne autre, se remarque, en ce que le Roy Ptolomée & le grand Prestre Eleazar ne le contenterent pas d'un ou de deux pour vertir la Bible d'Hebreu en Grec, mais en choisirent 70. tant ils y recognoissoyent de difficulté: ce qui doit faire herisser les cheueux à nos outrecuidez, d'auoir esté si hardis, que d'oser interpreter ces secrets selon leur folle fantasia; sans en prendre le iugement des 70, & de la Sorbonne. Le huguenot ne se peut sauuer, qu'il ne soit maudit par le texte de l'Apocalipse, d'auoir adiousté en la sainte Escriture, & ie desfie de bon cœur la Banfferie, de prouuer que la prophetie de S. Paul n'est point accomplie aux huguenots.

 Heresie 13.

*Sanguinigrudibiba.* Beuueurs de sang crud.

C O N T R E.

Ceste heresie est plus digne d'horreur que de refutation : nous mangeons le corps & beuons le sang de Iesus-Christ sanctifié, tel qu'il est au ciel. Au ciel est-il cuit fricassé rosty à la Capharnaïte & huguenote ? Ce Predican poussé par la brutale brutalité de sa raison naturelle, fait profession d'humaniser la diuinité, & de mortaliser l'immortalité. Caiphe Gautier a prophetisé que i'aurois assez d'autres choses à refuter, ce qui est vray : D'autant qu'il n'a vomy mot, qu'il n'ait craché vn couple d'heresies, en citant mesme l'Euangile, car

*Le Huguenot cite l'Euangile  
du Diable.*

Comme Midas conuertissoit en or tout ce qu'il touchoit, de mesme l'heretique rend toute l'Escriture sainte qu'il allegue, heretique : C'est comme vn malade duquel l'estomach vicié corrompt toutes les bonnes



vian des qu'il prend: La sainte Escriture proferée par la bouche d'un Ministre huguenot n'est point l'Euangile : Il se fasche de ce que i'ay dit *son S. Paul*, ouy c'est ton S. Paul, & non pas celuy de l'Eglise : Si tu le cite en son sens, c'est celuy de l'Eglise, mais le citant mal, c'est le tien : C'est Alton d'Arcadie n'entend rien en Humanité, ny en Theologie : Martial luy fera ce reproche.

*Quem recitas meus est ô Fidentine libellus:*

*Sed malè cum recitas incipit esse tuus.*

La parolle de Dieu deprauee, n'est plus parolle de Dieu : il la faut citer au sens de l'Eglise. Tout homme qui allegue la sainte Escriture n'en vse pas. Il faut suiure le sens que l'Eglise luy baille: il n'y a que la seule Eglise Catholique qui garde la pure parolle de Dieu. Ce qu'a tres-bien dit vn Ancien, *Deprauatum verbum Dei, desinit esse verbum Dei: purum putum verbum Dei seruat Ecclesia. Non qui verbum Dei sonat, verbo Dei vititur, sed qui eo sensu, quem consensus Ecclesie docet sequitur.* C'est donc son S. Paul, & le huguenot citant la Bible, c'est le Diable qui parle par sa bouche. Je m'attens bien que Momus fera icy son office, & trouuera vn peu crud, que ie dy que le diable parle par la bouche de l'heretique: Qu'il cite l'Euangile du diable, & que i'ay dit l'Euangile du diable.

Vincentius Lirinensis l'an 400. du temps de S. Augustin, disputant contre les Nestoriens, dit que le diable parle par la bouche des heretiques. *Quando aliquos, Apostolica, vel prophetica verba proferre contra Catholicam fidem viderimus, Diabolum per eos loqui minimè dubitemus.*

S. Hierosme sur la 1. aux Galates dit que par vne fausse interpretation, l'Euangile de Iesus-Christ, est fait l'Euangile de l'homme, & qui pis est, il est fait l'Euangile du diable. *Interpretatione peruersa, de Euangelio Christi, hominis fit Euangelium, aut quod peius est diaboli:* Voila que c'est que d'estre heretique. Que nul Catholique desormais ne die, que le huguenot cite la sainte Escriture, cela est faux: Il allegue l'Euangile du diable, & son propre mensonge.

## ¶ Heresie. 14.

*Bombardagladiofundbastaflammiloquentes. Qui parlent feu & sang.*

## C O N T R E.

Vne putain y appelle vne autre la premiere. de peur qu'elle ne luy appelle elle mesme. Les huguenots nous reprochent leur gloire:

Ils nous accusent de ne parler que de feu & flamme : & eux rien, doux comme agneaux, leur espée est encore pucelle, & toutesfois qu'ils la tirent, elle donne 3. pots de laiçt, ô la bonne beste. Ils n'ont iamais faiçt la guerre, iamais pris ville, iamais donné de batailles, iamais essaillé de Prestres, abbatu d'autels, rompu de croix, desmoly de Temples, fondu de cloches. Mais ie me mocque: Ils sont venus à la façon de tous les heretiques, avec vn Christ empistolé : d'un mesme ventre sont fortis les heretiques & la sedition. Pourquoi sont-ils venus troubler nostre repos & brouiller le calme de nostre paix & tranquillité? Ils nous ont attaquez, nous sommes defendus. *Vim vi repellere licet.* Si vous entrez en la Mosquée des Calvinistes, pour vn Temple, vous y verrez vn donjon : leur encens est la pouldre à canon : le parfuiñ, le brussin d'une corde à mesche : leur cierge, vne pique : leur Prestre vn coupe-iarets : pour Autel vous y verrez vn rempart : pour victime vn Catholique : leurs cloches sont des couleurines & à la sortie pour benefier la gueulle d'un canon. De sorte que Gautier tout vlcéré veut guarir les autres.

La Religion Catholique n'a esté plantée par les armes, mais par le sang des Martyrs, tout blanc d'innocence. On a dit à S. Pierre

*Mitte gladium in vaginam*, L'espee que Iesus-Christ a baillée, est l'humilité & le martyre, avec laquelle elle a tout surmonté, perdant elle a gagné, mourant elle a remporté la vie. Les larmes sont les armes des Catholiques & Prestres. S. Ambroise a répondu pour nous, *rogamus Auguste, non pugnamus*. Retenez donc ce bel Epithete qui vous est mieux seant qu'a nous, & sans lequel vous ne pouuez vous passer comme d'un accident inseparable.

## ☞ Heresie. 15.

*Auant que d'entrer en matiere, ie vous fesse ( mot bien coiffé) conuenir de iuge : & d'autant que la Bible ne le peut estre, ie demandasse le Pape que ie pretens estre le chef, & par ce que ie vuy qu'on s'y oppose, j'allegue le Passage du Deuteronomie. 17.*

## C O N T R E.

Il frappe deux coups sans faire mal : que le Pape n'est point le chef de l'Eglise, & qu'il n'est le iuge des controuerses, qui arriuent pour les articles de la Foy. Pour le 1. Il faut prouuer que

*Le Pape est le chef de l'Eglise.*

J'ay amplement prouué, que S. Pierre estoit

le chef de l'Eglise & des autres Apostres, s'il estoit le chef, ses successeurs ont la mesme puissance: Que l'Eglise Romaine soit le chef des autres, ie le prouue par 10. argumens.

L'Eglise se gouuerne par monarchie, il faut donc qu'il y ait vn chef: & tousiours ceste Eglise a eu vn chef, comme en celle des Iuifs Aron fut le chef & tous ses aînez de mesme. Ceste Eglise la est le chef des autres. laquelle a esté recogneuë telle, par l'Eglise Galicane, Grecque, Afriquaine & les autres: or ces Eglises, de tout temps, l'ont recogneuë pour la Dame & maistresse, elle est donc le chef.

S. Irenée de l'Eglise Galicane li. & chap. 3. dit que, *Toute Eglise se doit ranger à elle.* Il viuoit l'an 143.

Tertulian appelle le Pape le *Roy du monde,* & *Rome le i. siege:* & seule à qui il faut auoir recours pour les doubts.

S. Cyprian de l'Eglise Affriquaine liu. 1. Epist. 3. appelle Rome, *Sedem principalem.*

S. Athanase califie Rome, du nom du *siège Apostolique* & de la *cyme des puissances.* *Romã sedem Apostolicam,* & *potestatum culmen:* Ou l'heretique remarquera, que S. Athanase qui estoit l'an 300. a dit *culmen potestatum,* parlant de l'Eglise Romaine.

S. Hierosme & S. Augustin estoient de

l'Eglise d'Affrique, & non de la Romaine, toutesfois ils la recognoissent Superieure: ne veulent rien croire que ce qu'elle croid.

Vincentius Lirinensis contemporain de S. Augustin dit que Rome est le chef de l'Eglise. *Roma Ecclesie caput.*

Si le Pape n'est point le chef, pourquoy tous les successeurs de S. Pierre, Clement, Linus, Anactet, & tous les autres commandent ils aux autres par leurs Canons & Epistres? il y a tousiours du *mandavit, iussit, statuit*, mots qui ressentent bien leur maistre.

Pour le dernier, le Concile d'Alex. parlant de Rome dit qu'elle est, *sacer vertex in quo omnis Ecclesia vertitur.* Toutes les Eglises par ce moyen ont recogneu l'Eglise de Rome Superieure, il reste a prouver que

### *Le Pape est le Iuge des Heresies.*

N'ignorant pas que la prolixité est ennemie des vifs esprits, & que les doctes ayment la brefueté: Par 9. tesmoignages ie vay prouver, qu'il n'y a que le seul Pape, ou l'Eglise Romaine qui est le Iuge des controveries & debats qui surviennent, touchant les affaires de la Foy. Et premierement par le vieil Testament.

Le 1. est du 17. du Deutero. où Dieu com-

mande aux enfans d'Israël, d'aller consulter le fouuerain Prestre pour les choses douteuses, de l'en faire iuge, & de luy obeyr.

Le 2. est que Moÿse constitua 10. Iuges pour les causes communes, au commencement: Mais il reserua les causes difficiles à luy seul.

Pour le 3. les causes difficiles estoÿent renuoyez en Hierusalem.

Malachie au 2. chap. nous fournira le 4. & meilleur, ou Dieu commande d'aller querir la loy de la bouche du Prestre, & que ses leures garderont la science. *Labia sacerdotis custodient scientiam, & legem requirent ex ore eius:* Predican, reconnoissez que c'est vne prophetie, qui ne s'est accomplie au vieil Testament, mais au nouueau: il y a à l'aduenir, *custodient & requirent.*

Le 5. argument se lit en l'Euangile, ou Iesus-Christ commande, que si quelqu'un ne se veut corriger, de le dire à l'Eglise. Il y reconnoissoit donc vn iuge.

Iesus-Christ estant le chef, viuant sur terre, ne iugeoit-il pas tous les differens? comme il estoit iuge, il a laissé vn iuge apres luy, & leur a commandé de gouverner l'Eglise comme il faisoit, *exemplum dedi vobis vt sic faciatis.*

Le 7. se tire de ce que S. Pierre a iugé & presidé aux deux premiers Conciles, & pro-

noncé l'arrest.

S. Paul, & les autres Apostres, aux Actes 15. vindrent trouuer S. Pierre, & le consulter de la premiere controuerse qui arriua pour les affaires de la Foy, touchant l'abolition de la Circoncision, & du sang estouffé, & fist ce que S. Pierre ordonna avec les autres.

Il reste à prouuer par les Docteurs, comme l'Eglise Romaine est le Iuge des heresies.

Tertulian qui escriuoit auant que nul Concile general eust esté tenu, & auant que le Pape se fust mis en possession actuelle de sa puissance, recognoist ce droit luy appartenir, disant que c'est au seul siege Romain qu'il faut auoir recours des choses douteuses de la Foy.

*Ad quam recurrendum est de rebus fidei dubiis.*

l'ameneray pour le 8. le beau texte du Pape Iule 1. qui l'an 315. tenoit le siege, du regne du Grand Constantin, qui est vn poinct digne de remarque: Que l'Eglise Romaine a toute seule la plenitude de puissance, que les autres ont bien vne partie du soin: mais qu'elles n'ont pas la plenitude de puissance. *Alia Ecclesia vocata sunt in partem sollicitudinis, sed non in plenitudinem potestatis* ce qu'on ne doit trouuer estrange, veu que S. Athanase en ceste melme saison, auoit dit, *Roma potestatum culmen.*

S. Augustin comme la neuuiesme Muse, acheuera ce propos, iceluy en son 1. liur. con-



tre Cresconius chap. 33. nous acertaine, qu'il faut aller consulter l'Eglise Romaine, quand il y a quelque point de la sainte Escriture en difficulté. *Quisquis falli metuit huius obscuritate questionis, eandem illam Ecclesiam consulat.*

Si la pratique a tousiours esté telle, si le consentement de tous les Docteurs & Conciles sy accorde, que l'Eglise Romaine ou son chef est le iuge des procez de la Religion, pourquoy l'heretique s'esleue-il contre ces vs & coustumes si anciēnes? Il n'allegue pas vn texte: Il nie: à quoy il faut luy respondre que, *plus negaret a sellus quàm probaret philoſophus.*

## ¶ Heresie 16.

*Pay tort de reietter la parolle de Dieu, que Dauid appelle lampe pour esclairer nos pieds: Que S. Paul dit estre puissante de nous rendre sages à salut. La loy qui porte la vie & la mort. pa. 13.*

## C O N T R E.

Vous avez le tort de vostre costé Gautier, tous vos passages ne disent point, que la Bible est le Iuge des heresies & querelles de la Religion, Vous ne voulez point d'autre Iuge que la Bible: mais pour vous monstrier qu'ineptement

vous jasez, par 7. auctoritez, ie vous maintiens que

*La Bible ne peut estre le Iuge des  
heresies & differens.*

L'Eglise a esté plus de 2040. ans sans es-  
criture. En toute la loy de Nature, il n'y a  
point eu d'escriture, & encor lōg temps apres  
s'il y fust arriué des difficultez pour la Keli-  
gion, qui eust esté le Iuge, puis qu'il n'y auoit  
poinr de Bible? Il falloit bien que ce fust vn  
homme. La premiere escriture qui se trou-  
ue dans la Bible est, celle que Dieu escriuit  
de son propre doigt, sur les tables de pierre  
qu'il bailla à Moyle: & Moyle est le 2. escri-  
uain: encor qu'aucuns, plus fabuleusement  
que veritablement, en preferent d'autres.  
Gautier respōd que, *l'escriture n'estoit pas: mais  
la mouelle*: nous voila bien payez. La mou-  
elle donc iugeoit, & il falloit que des hom-  
mes enseignassent ce qu'il falloit faire, ce n'e-  
stoit donc le Pentateuque de Moyle, qui a iu-  
gé en la loy de Nature: car il n'estoit pas en-  
core escrit: Moyle par vne prophetie poste-  
rieure ou pour mieux dire science infuse, à  
luy vniquement reuelée de Dieu, a mis en es-  
crit, & a sceu, ce qui auoit esté auant luy, sans  
qu'il

qu'il fust écrit. Si parmy ces choses sérieuses la risée pouuoit entrer, ie dirois de mesme, que vous estes bien vieil, & que dès Adam vous estiez, si non *actu*, à tout le moins *potestate* dans les reins & la mouelle de Cain. Vostre raison & la mienne sont entre deux fers. *L'écriture n'estoit pas, mais la mouelle.* Il s'ensuit que vous creés tout des-lors: donc *des-lors vous estiez*. Aussi ne parlez vous que naturellement. Venons au vieil Testament & en la loy de rigueur, pour voir si vous serez plus rigoureux. Voyons vostre solution de *mouelle*. La mouelle & le sens de l'écriture estoit, encor qu'elle ne fust écrite: Il est vray & faux: nous ne disputons pas que la parole de Dieu n'ait tousiours esté, mais du iuge: si la parole estoit, il falloit vn homme pour la proferer. Il est vray qu'il y auoit vne partie du sens. Et il est faux, que le sens fut du tout: car la sainte Écriture consiste en histoires, lesquelles s'ot arriuees de iour en iour long temps apres: *ergo*, ny le sens ny la mouelle ny la Bible n'estoit point.

La sainte Écriture de la loy de Nature, contenuë aux premiers liures du Pentateuque, ne pouuoit estre le iuge des querelles du vieil Testament, car au vieil Testament, Dieu bastit comme tout de nouveau la Religion des enfans d'Israël: il ne leur en charge

pas de suiure rien du passé, Mais leur baille deux Iuges, Moyse pour le temporel en la fin & Aron pour le spirituel.

Quand Choré & les autres huguenots de sa cordelle furent en dispute pour le point du sacrifice, ils ne s'adresserent à l'escriture pour disputer de leur differēt: mais au Iuge Moyse.

Au 17. du Deutero. Dieu ne dit pas au peuple qu'il s'en aille consulter son differēt avec le *volumen fæderis*, car il ne l'auoit pas entre les mains: Mais le Grand Prestre, qui estoit en ce temps.

Pour le 6. argument, au 2. de Malachie Dieu commande *d'aller consulter les leures du Prestre*, & non les fueillets des liures. C'est flageoller ineptement de dire que la Bible soit Iuge. Affin d'oster toute la chiquanerie de France, ie ne veux aporter que le Code ou le Digeste pour vuidier les procez, si l'escriture est le Iuge.

Après que Nabuchodonosor eust bruslé le temple de Hierusalem, & tous les liures: qui eust iugé les differens? Il n'y auoit plus d'escriture, Abus, Quand vous escriuiez cela on vous deuoit renvoyer *ad Agnatos & gentiles*, ou vous embarquant dans la nacelle d'indiscretion, vous enuoyer en Antycire prendre vne dose de Veratre blanc.

Si vostre l'Helebore a operé, prouuez

moy en tout le vieil Testament, que les Iuifs ayent pris l'escriture pour iuger le different qu'ils auoyent, s'il falloit sacrifier en Hierusalem ou en Garisi : ils ne scauoient pas la finesse huguenote.

Vous n'avez point trouué ce liure iuge au 2. Loys passez, cherchez en l'Euangile. Apres la mort de Iesus-Christ, il n'y auoit point d'Euangile. Le 1. fut S. Matthieu qui l'escruiuit 15. ans apres: s'il y fust arriué different, ou heresie qui l'eust iugée.

Apres l'Ascension les Chrestiens ne se sont adressez à l'Escriture, mais à S. Pierre: tefmoin la 1. dispute, qui fut pour la Circoncision: ils n'auoyent garde de prendre pour Iuge le vieil Testament, car ils faisoient contre.

Pourquoy S. Paul & Barnabé vindrent-ils de si loing consulter S. Pierre, s'il falloit encore prepucier? que ne consultoit-il la Bible?

L'Eglise peut bien estre sans escriture, mais non pas sans Iuge: d'ou Tertulian dit vn beau trait, *Qu'il n'y eust point eu d'heresies, s'il n'y eust point eu d'escritures.* C'est pourquoy l'escriture n'est pas si necessaire à l'Eglise: Toute celle de la loy de Nature s'en est bien passée.

Si la Bible est le iuge, prouuez moy que i. mais on ait apporté le Liure en vn Concile, pour iuger toutes les heresies qui s'ont passées: si on la fait apprenez le nous.

Si la Bible est le iuge de vous & de nous, pourquoy demandez-vous vn Concile? vous sçauiez que la Bible ne iuge pas là, que c'est le Pape aux OEcumeniques, & les Archeuesques ou Euesques aux Prouinciaux.

Pour le 15. & dernier il se presente vne absurdité fort grande. Nous sommes en different de l'intelligence de l'escriture avec le huguenot : comment la Bible pourroit-elle se iuger & s'expliquer soy-mesme? Chaque heretique a voulu fonder son mensonge sur la Bible : Dont assez mal, vn certain l'a nommée le liure des heretiques. A t'on iamais dit entre gens d'esprit, que les sacs de deux plaideurs se iugent? Il faut vn tiers qui iuge les pieces en controuerse, vous alleguez dictes vous l'Euangile, & nous l'Euangile, qui decidera ce different? L'heretique ne veut iamais de iuge, pour immortaliser le procez : Ceux qui ont mauuaise cause reculent tousiours, & tous Iuges leur sont suspects. Le Chameau ne peut boire en eau claire, il la trouble y entrant : Ces Chameaux n'acceptent de iuge & veulent laisser l'eau de l'Eglise troublée afin de pescher mieux. S'ils estoient conuenus d'Arbitre, leur cause seroit bien tost perduë : Hé que feroit le bon Gautier, *sovere non valet*. Pour la G-Rue, qui en son presche s'est voulu mesler de refuter mon liure, ie

ſçay vn bon paire de bas, qui luy feront bien propres: qu'il ne laiſſe pour cela de quitter ſa ſyna gogue: car luy mettant le Carquan au col, il tournera la meulle du Moulin.

## ¶ Hereſie 17.

*L'eſcriture parle ſi clairement, qu'il n'y a homme du monde qui peuſt parler plus clairement.*

### CONTRE.

Les Catholiques ne diſent pas cela, ils l'a trouuent tres-difficile, mais le huguenot la trouue ſi claire & aiſée, qu'il l'entend comme ſon *Pere eternel*. La plus crotée & roupicuſe de leur *Mosquée*, la ſçait deuider en vn fil de coton. *Le Seigneur luy a reuelée*, ô arrogance plus que Gigantine, eſt-ce pas abuſer impudemment de la patience d'vn chacun? nul homme ne pourroit parler plus clairement que la Bible: Et la Banſſerie ia tout gris, & courbé de regarder dans la fiante de Calvin, s'il y trouuera des marguerites, n'y entend que le haut Almand:

Si elle eſt ſi claire, pourquoy faut il tant eſtudier? Pourquoy tant de Docteurs & d'heretiques meſme l'ont-ils cōmentée? c'eſtoyēt de grands Afnes que les heretiques d'auoir

commēté vne chose si claire? Si elle est si claire, pourquoy les heretiques de ce temps ont-ils baillé 300. interpretations à ces mots, *hoc est corpus meum*? La Banſſerie ne ſçauroit produire aucune raiſon, pour prouuer qu'elle est ſi claire, & ne cite aucun paſſage, mais ie m'en vay luy en monſtrer 16. que

### *La Bible est tres-difficile.*

S. Pierre en la fin de ſa 2. aux Romains, leur dit que S. Paul leur a reſcrit des Epiſtres auxquelles il y a pluſieurs choſes difficiles. *Sicut chariſſimus frater noſter Paulus &c. in quibus ſunt quædam diffiçila intellectu*: puis que les Epiſtres de S. Paul ſont difficiles, la Bible n'eſt pas ſi claire. S. Pierre qui auoit vne ſcience infuſe trouue les eſcrits de S. Paul obscurs, & c'eſt ignorant les entēd bien: qu'elle preſumption & ſtolide inſuffiſance?

S. Hieroſme au Prologue ſur la Bible, dit que perſonne ne peut entendre ny expoſer 4. Prophetes & demande, *Iſaiam, Ieremiam, Ezechiam, & Daniëlem, quis poteſt intelligere, vel exponere*? Il faut reſpondre à ceſt Eroteme, que ſera le plus aſne huguenot du monde.

Et parlant des Epiſtres Canoniques des Apoſtres, dit qu'elles ſont ſi difficiles, que peu de gens ne les liſent ſans ſe tromper. *Bre-*



*ues in verbis, longas in sensu, ut rarus sit, qui non in harum cacutiat lectioe.*

Le mesme sur la fin escrit, *non sum tam petulans & hebes, ut h.ec me nosse policear.* S. Hierosme n'est pas si outrecuidé, de dire qu'il entend bien la Bible, il la trouue donc difficile, & dit que *non in legendo sed intelligendo consistit.* Si elle est si claire d'ou sont venus 334. heretiques du depuis Iesus-Christ? ils se sont tous fondez sur la Bible, & ne sont en rien d'accord ensemble, & l'ont deprauée, à leur perdition comme a dit S. Pierre, *ad quam ipsorum perdition. m:* elle n'est donc pas si claire.

Dauid au Psalme 114 trouue la sainte Escriture tres-obscure, & prie Dieu de luy éclaircir, *Reuela oculos meos, & considerabo mirabilia de lege tua.*

S. Augustin qui estoit si bien recuit dans le fourneau de science qu'il merite le nom d'Aigle entre les Docteurs, dit qu'il y a bien des obscuritez en l'Escriture, *quisquis falli metuit huius obscuritate questionis,* & cite plusieurs passages qu'il tient tres-mal aisez.

Ce mesme en ces Epistres confesse qu'il ignore beaucoup plus de choses en l'Escriture qu'il n'en entend. Il deuoit venir à l'escole de la Bâserie, qui la trouue sans neud, & difficulté.

La Bible, par la Bible mesme se preuue

difficile. En la 1. aux Cor. chap. 3. *littera occidit spiritus autem viuificat*: puis que la lettre tue, elle n'est pas si claire.

S. Chrysostome dit que le sens de l'écriture n'est pas en la lecture & superficie, il est donc caché au fond, *scripturae mens non est in superficie*. C'est en son Homelie 46. sur le 5. de S. Jean.

Iesus-Christ a déclaré l'écriture difficile, parlant aux Scribes & Pharisiens, *scrutamini scripturas: scrutari*, signifie chercher vne chose difficile. Si l'Écriture estoit si claire, que les Scribes Prestres, & Phariséens ne l'entendoient-ils bien? Pourquoy ne cognoissoient-ils le Messie? Pourquoy le crucifioient-ils?

Iesus-Christ declara encore les Écritures estre difficiles, lors que les Iuifs luy demanderent, à qui appartiendroit la femme apres la resurrection laquelle auoit eu 7. maris? Il leur dit qu'ils n'entendoient pas les écritures, en S. Matthieu 22. *Erratis nescientes scripturas*: s'ils ne sçauoyent pas les écritures, elles ne sont pas si claires: C'est vn Paradoxe que ce que dit nostre heretique, de dire que l'écriture est si claire, car iamais heretique ne l'a entendue ny trouué claire: Ces Saduciens estoient heretiques, nyans la resurrection, & Iesus-Christ leur dist, qu'ils failloient & n'entendoient les écritures. Ce qu'il faut re-

procher à tous les huguenots en leur disant.  
*Erratis nescientes scripturas.*

En parlant à ses Disciples leur dit, *non omnes capiunt verbum istud.*

Si elle est si aisée, pourquoy falut-il soixâte & dix hommes, comme toute l'esslite du monde, à la vertir d'Hebreu en Grec?

S. Paul au 14. de la 1. aux Cor. desment le huguenot, & dit que la parole de Dieu est tres-obscur & cachée. *Loquimur dei sapientiã quæ abscondita est.*

Les Iuifs trouuooyent Ezechiel, & le Cantique des Cantiques si difficiles, avec la Genese, qu'il n'estoit pas permis aux Leuites ieunes, de les lire, Tesmoing Prosper liu. 1. chap. 6. de *vita Constan.* car ils se fussent gastez ne l'entendant pas.

Le Pape Innocent en ses Epistres dit que la profondeur de l'escriture est si difficile, que tant s'en faut, que les begaux la puissent entendre que les plus doctes n'y peuuent pas penetrer. *Tanta est diuina scripturae profunditas, vt non solum simplices & illiterati, sed etiam prudentes & docti non plane sufficiant ad illius intelligentiam indagandam.* La Mosquée huguenote a vne vertu mirifique, c'est vn autre mont de Parnasse, il ne faut que dormir au-pres, on deuiet sçauant: Hesiodé de Pastre deuint Poète: mais au Presche, le fauetier, y de-

uient predican, douteur & Euangeliste.

Vostre pere Luther, ne dit pas cela, vous luy faictes tort, & l'accusez d'ignorance, il dit *qu'il ne peut entendre l'Apocalipse*. & vous dites que la Bible est si claire, vous estes donc plus sçauans que vostre maistre. Si Ciceron viuoit, il vous demanderoit, *Quo vsque tandem abuteris paciētia nostra Catilina?* le pourrois citer mille passages, ou la Banfferie ne verroit goutte, eust-il les yeux de Lyncée, & la lampe de Diogene. Vn iour on demanda à vn Ministre croté, que signifoit le lieu de David Psal. 59. *Moab olla sibi mea*, que *Moab est la marmite de son esperance*. Il respondit qu'il n'estoit pas chaudronnier, mais sauetier. Or puis que la saincte Escriture est si difficile

### *Vn chacun ne doit lire la Bible.*

L'Empereur Alphōce disoit, que plusieurs negligeoient les arts bien faciles: Mais qu'un chacū desiroit de regner, qui est l'art de tous les arts le plus difficile: Ainsi (dit S. Hierosme) l'escriture est tres-difficile, & vn chacun se veut mesler de l'interpreter. *Sola scripturarum ars est, quam sibi passim omnes vendicant. Qui permetroit à vn chacun de lire la Bible, se perdrait ne la pouuant pas entendre, il y auroit autant d'opinions que de testes, autant*

qu'il y a de huguenots, il y a autant de sectes, l'Eglise ne permet à tous de la lire, de peur de se galler à faute de science: ioint qu'il y a des misteres, qu'il ne faut pas qu'un chacun sçache par-ce que les choses saintes trop diuulgues sont rendues prophanes: & leur sainteté & reuerence vilipendée. Entre les honnestes femmes, il y a quelque secrets particuliers à ce sexe, lesquels reuelez offense-roient leur honneur, & qui les decouvroit, passeroit les bornes d'honesteté, & logeroit l'impudence dans la chambre de la honte & vergongne: de mesme ceste chaste Vierge l'Eglise, a quelques secrets & mysteres, qu'elle ne veut pas qu'un chacun cognoisse. Car ce qui est trop commun, on le mesprise, & le pris s'en perd par la vilité. Toutesfois d'autant que le huguenot veut qu'un chacun la lise, & l'interprete: il luy faut monstrier par les Payens, par le vieil & nouueau Testament, par le tesmoignage de Iesus-Christ & d'infinis autres que le peuple ne la doit pas lire. Seyons-nous vn peu sur le Theatre du Monde, & considerons ceste grande tourbe de Payens qui fut autresfois, & considerons s'ils ont pas esté plus religieux en leur Religion que les huguenots.

En Grece personne n'entroit dans le Temple de Ceres que ceux qui en estoient: dont

deux Acharnaniens non initiez, y estant entrez, furent tuez: Ce qui enflamma la 2. guerre Macedonique contre les Romains. Si nous estions Grecs & seditieux, que feroit-on aux Ministres qui indignes sont entrez en nostre prestise & sacrifice, en estant indignes & non initiez? on n'entroit aux sacrifices de Ceres, pour declarer que tout le monde n'est digne des mysteres de la Religion.

Le peuple estoit tellement reietté de la lecture de leurs liures, qu'il n'estoit pas seulement loisible de luy dire, que s'estoit que les Orgies. tesmoin Euripide.

*Orgia quam speciem habent, tibi  
Non dicenda sunt, non iniciatis*

*Non fas est te id audire, quãquam sit dignũ sitũ.*  
Ce qu'il faut respondre à l'heretique, qui veut qu'vn chacun lise la Bible, *non fas est te id audire, quamquam sit dignum sitũ.*

Chez les Romains, le Prestre chassoit toujours le peuple quand il traitoit les affaires de la Religion, *Procul ô procul este prophani.*

On n'entroit pas dans les sacrifices de la Bonne Deesse: Clodius y estant entré ne luy appartenant pas, fut bien fessé.

Auguste ne voulut pas cognoistre les affaires de la Religion, deuant le peuple, *Noluit causas religionis aperto foro cognoscere*, dit Suetone. Le huguenot deuroit estre vn peu

plus remis & secret, en sa Religion qu'il n'est & imiter les Romains, desquels il a pris ce mot de *Religion*, qu'il ambie tant *ceux de la Religion*: mais c'est par ironie, chez eux nulle marque de Religion, Chrestienne ny Payenne.

Ouurons le vieil Testament. La 1. Bible qui fut escrite, fut le *volumen fœderis*, lequel Dieu deffendit de bailler au peuple, il n'y auoit que le Grand Prestre qui le gardoit, & l'interpretoit au peuple.

Le Temple de Salomon estoit diuisé en 3. parties, & au *Sancta Sanctorum*, toutes les choses saintes estoient cachees, afin que le peuple n'en eust la communication: Ce qui denotoit qu'on ne deuoit tout reueler, en la loy Euangelique. *Non sunt danda sancta canibus, nec conicienda margarita porcis.*

Les enfans d'Israël auoyent le nom de *Iehoua* en si grande reuerence que le grand Prestre ne le prononçoit qu'une fois l'an: Le peuple n'osoit prononcer ce mot. De 7. ans en 7. ans on l'apprenoit aux Prestres & iceux capables de benir. Il n'y a que le Prestre qui presche qui doit sçauoir la Bible, ce n'est pas l'office du peuple d'estre Docteur. S. Paul commande de demeurer en la vocation ou l'on est appellé. *La S. Escriture porte la vie & la mort*, comme a dit mon aduersaire: la vie pour ceux, qui l'entendent, & la mort pour

les indoctes heretiques, qui ne l'entendent pas, ains la corrompent à leur perdition, selon S. Pierre.

Salomon au 20. de ses Prouerbes deffend de reueler les misteres de la Religion au peuple, & nous deffend d'estre de la Religion des huguenots qui les reuelent, *qui reuelat mysteria ne commiscearis.*

En Malachie 2. Dieu encharge au peuple d'aller querir la sainte Escriture de la bouche du Prestre. *Legem requirent ex ore eius.* Il ne leur dit pas lisez la Bible, mais interrogez le Prestre.

Prenons l'Euangile: En S. Matt. 13. Iesus-Christ dit aux Apostres que c'est à eux seuls de lire les Escritures, & de les cognoistre: Ce tesmoing ne fait-il point rougir la Banfferie de honte? *Vobis datum est nosse Mysteria Dei,* au peuple *in parabolis*: Aussi Iesus preschant le peuple, il ne luy presche pas des choses hautes, mais des paraboles & similitudes simples.

Si le peuple deuoit lire la Bible que Iesus-Christ & les Apostres ne composoyent ils vn liure, & ne le bailloyent à lire au peuple.

Si c'est à tout le monde à prescher, pourquoy a-il donné seulement ceste puissance aux Apostres?

Pour confuter du tout l'Asnerie de la Banfferie, ie le veux mener au Sermon de Iesus-




Christ en S. Luc 8. ou il ne veut pas que le peuple voye & entende la sainte Escriture, & le deffend expres, c'est aux Apostres à l'entendre: *Ceteris in parabolis, ut videntes non videant, & audientes non intelligant.* Le huguenot fait contre le commandement de Iesus-Christ: il ne veut pas que le peuple l'entende, *non intelligant*, & ne la lise mesme, *non videant.* Iesus-Christ n'estoit point huguenot, & s'il estoit encore mortel, Gautier luy reprocheroit qu'il est Papiste, de deffendre au peuple de lire & entendre la sainte escriture.

Huguenot responds moy: si le peuple doit lire la Bible, & estre sçauant, pourquoy le S. Esprit fit-il seulement les Apostres sçauants? que ne faisoit-il tout le peuple aussi bien? Si le salut du peuple despend de la lecture de la Bible tous les premiers Chrestiens, du temps des Apostres sont damnez, car ils n'auoyent rien à lire.

Iesus-Christ a dit aux seuls Prestres, *scrutamini scripturas*, & il a commandé au peuple de faire ce que les Prestres luy diront: *quæ dicunt facite.*

S. André ayma mieux mourir, que de declarer le mystere de l'Eucharistie au tyrand AGeas: n'estimant pas vn chacun digne d'entendre les mysteres: selon la doctrine de son Maistre, qu'il n'appartient qu'aux Prestres &

ſçauans d'entendre la S. Eſcriture, *Vobis datum eſt noſſe myſteria dei, cæteris in parabolis.*

 Hereſie. 18.

*Le paſſage du Deuteronomie ne les renuoye pas au Pape.*

CONTRE.

Cela eſt faux. Tous les Docteurs l'interpretent du chef de l'Egliſe. Voyons vn peu ſa belle probation: *Les cauſes difficiles eſtoyent renuoyez en Hieruſalem, pour en auoir reſolution: auſſi il nous faut renuoyer en ce monde, à ceux qui ſont ordonnez pour nous enſeigner: Mais il ne ſ'y faut pas arreſter, ſ'ils nous abuſent appertement.*

Il faut eſcrire ſur la porte de la Banſſerie l'Embleſme d'Alciat, *Oeni eſſigiez*, & luy conuiendra fort bien pour plufieurs raiſons: ou vn Cordier eſt depeint, lequel apres qu'il a bien pris de la peine à corder, ſon Afne eſt en l'autre bout qui mange toute ſa corde: Ainſi Gautier apres qu'il a bien eſté à reculoirs, & pris de la peine: en ceſt endroit ſon Afne deſfait tout, & dit tout le contraire, de ce qu'il auoit dit: il chante la Palinodie, & à commis 10. abſurditez. *Les cauſes difficiles, ergo: l'Eſcriture n'eſt pas ſi claire: eſtoyent renuoyez*  
*ergo*

*ergo vn renuoy & vn iuge: renuoyez en Hierusalem*, cela est faux, Hierusalem: ne s'appelloit ainsi, & n'estoit encore en la possession des enfans d'Israël, ce fust apres: *pour auoir resolution*, ce n'estoit donc l'Escriture qui iugeoit & donnoit resolution. *Nous sommes renuoyez*, ergo des superieurs & non tous esgaux: *pour nous enseigner*, il y a par consequent des Docteurs, & le peuple escolier. *Mais il ne s'y faut arrester*, s'ils sont ordonnez de Dieu, il s'y faut arrester, *obedite propositis vestris: quæ dicunt facite*. Il ne s'y faut arrester, voix de libertin & d'heretique pour donner occasion à toute ceruelle esuentée, de ne s'arrester à rien, & dire qu'on l'abuse: *s'ils nous abusent*: cela ne se peut: car la vraye Eglise ne peut errer: *s'ils nous abusent*. Iesus donc nous a enuoyez à des trompeurs: ils ne nous peuuent abuser, car il a enuoyé le S. Esprit qui enseigne toute verité. *Ille vos docebit omnem veritatem*. Voila comme son asnerie a mangé tout ce qu'il auoit cordé.

### *L'Eglise Romaine ne peut faillir.*

Tant plus i'entre en matiere, la besongne s'augmente deuant mes yeux: ie suis semblable, à vn qui demare du port, tant plus qu'il auance, il entre en la grand' Mer; Il faut taf-

cher d'estre le plus succint que ie pourray.

Par 12. auctoritez ie prouue que l'Eglise Romaine ne peut estre heretique.

En Isaye 59. verset 21. Dieu parlant à l'Eglise luy dit, *Spiritus meus qui est in te, &c. non recedet de ore tuo, & de ore seminis tui, & de ore seminis seminis tui, à modo usque in seipiternum*: ou le S. Esprit pour nous asseurer de ceste assurance, & de confondre le huguenot, a doublé *de ore seminis seminis*, pour monstrier que ce que Iesus Christ a dit, il ne l'a pas dit aux Apostres seuls: mais à leur semence & successeurs, & pour tousiours *usque in seipiternum*.

En S. Matth. 16. Iesus dit à S. Pierre que l'heresie & les portes d'Enfer ne pourront rien faire contre son Eglise, & *portæ inferni non preualebunt aduersus eam*.

Au 28. verset 20. Iesus les enuoyant prescher, leur dit, qu'ils ne pourront faillir, qu'il les tiendroit tousiours par la main, & seroit tousiours avec eux: *Ecce ego sum vobis cum usque ad consummationem seculi*: & Isaye a dit, *usque in seipiternum*. Si Iesus est avec, il ne la laissera faillir.

Le 4. est de S. Luc 22. vers: 32. ou Iesus-Christ dit à S. Pierre qu'il a prié pour sa foy, afin qu'elle ne defaille iamais & ne soit heretique: *orauit pro te, vt non deficiat fides tua*. La

prière de Iesus Christ a esté exaucée, *nunquam deficiet fides Petri*, ou *nunquam* ne s'entend pas de S. Pierre tout seul, car il n'a pas duré tout le temps de ce *nunquam*.

En S. Iean 14. vers. 14. Il promet d'enuoyer le S. Esprit. Esprit de verité, *spiritum veritatis*: & sera tousiours avec eux, *ut maneat vobiscum in aeternum*. Et ceste verité ne dira que verité, *docebit omnē veritatem*: elle ne peut dōc faillir.

L'heretique ne peut dire que la priere de Iesus-Christ n'est que pour les Apostres, en ce qu'ils ne faillirent iamais: Car en S. Iean 17. verset 20. Il clot la gueule du huguenot, & dit que la promesse est aussi pour nous, *non pro eis tantum rogo sed & pro eis, qui credituri sunt per verbum eorum in me*. Que dira plus le Calviniste? en quel coin se cachera-il?

Au 3. de la 1. à Timo. verset 15. il dit que l'Eglise est le base, la colomne, & le ferme pedestal de verité. *Ecclesia Dei, columna & firmamentum veritatis*. Or donc ceste Eglise ne peut faillir, & doit demeurer.

S. Cyprian Epist. 55. au Pape de son temps Cornelus, parlant des Romains, dit *ad quos perfidia non potest habere accessum*.

S. Bernard Epist. 190. au Pape Innocent, dit que iamais la foy ne peut deffaillir en l'Eglise Romaine. *Dignum arbitror ibi p̄tissimum resarsiri damna fidei, vbi non potest fides sentire*

*defectum* : à Rome, *fides non sentit defectum*. selon la priere de Iesus-Christ, *ut non deficiat fides tua*. C'est son privilege de ne faillir jamais. *Hac est quippe huius prerogativa sedis*, dit le mesme S. Bernard.

S Hierosme Epist. 57. au Pape Damase, parlant des Romains a dit, *apud vos solos incorrupta patrum servatur hareditas*.

Le Concile general de Calce. Action 4. resolt, que, *Apostolica Ecclesia nonquam à via veritatis in qualibet erroris parte deflecta est*.

Et le mesme en la mesme, *Apostolica Ecclesia per Dei omnipotentis gratiam à tramite Apostolicae traditionis nõquam errasse probabitur, &c. Illibata sine tenus permanet* : & plus basil continue : *nulla haeretica erroris terra caligine tenebrata, nec falsitatis nebulis confœdata*.

Toutes les Sectes ont failly, & sont finies : La seule Eglise Romaine s'est gardée innocente parmy tant de fautes : entiere au milieu de tant de corruption, fresche parmy tant de hasse : & tousiours ieune & belle au milieu d'infinis ans & siecles qui se sont escoulez.

## ¶ Heresie. 19.

*Il n'est le Presire de Leui, ny le Inge ordonné en ce temps. Da. 14.*

## CONTRE.

*Il n'est le Prestre de Leui*, cela est faux en vne façon, & vray en l'autre: Il n'est le prestre de Leui en nature: car ceste Prestrise est faillie, nous ne deuions luy obeyr, sont les Iuifs: mais en puissance.

*Le Pape est l'Aron Euangelique.*

Que S. Pierre fut le grand Pontife du nouveau Testament, & le Prestre de Leui en puissance, ie le prouue d'Isidore qui dit que *Le 1. grand Pontife de la Loy de rigueur fut Aron.* Et que le 1 grand Pontife de la Loy de grace fut S. Pierre: Dieu (dit-il) prit Moÿse, Moÿse constitua Aron grand Prestre du vieil Testament: De mesme Dieu a pris Iesus Christ, & Iesus a constitué S. Pierre grand Prestre en la Loy Euangelique: Et S. Pierre a baillé sa puissance à ses successeurs, comme Aron la bailla à son fils Eleazar. Le Pape donc estant le successeur de S. Pierre est le grand Prestre de Leui.

*Il n'est le Iuge ordonné en ce temps*, vous reconnoissez d'oc qu'il y auoit vn iuge en ce tēps, s'il y en auoit vn lors en l'Eglise, il y en a encore vn. *Il n'est le Iuge ordonné*, si est: l'ay prouué que le Pape est le Iuge, il reste à produire les Docteurs qui disent que;

L'Eglise Romaine est le Iuge des  
heresies.

Comme les causes difficiles estoient renuoyees en Hierusalem, ainsi en la loy Euangelique les causes difficiles sont renuoyees à Rome siege Apostolique.

Anaclet disciple de S. Pierre, en son Epist. 1. commande *quod si difficiliore ortæ fuerint quæstiones &c. aut maiores causæ fuerint, ad sedem Apostolicam refferantur: Quoniam Apostoli hoc statuerunt, iussione saluatoris.* Cet Anaclet estoit trop pres de Iesus-Christ pour faillir.

Marcellus Pape qui tenoit le siege l'an 333. soubz Diocletian, en son Epistre aux Euesques d'Antioche, dit qu'il faut rapporter les affaires de l'Eglise au siege Romain, *ad quam cuncta maiora ecclesiastica negotia, diuina disponente gratia iussa sunt referri: il dit diuina disponente gratia, & Anaclet iussione saluatoris: c'est donc par le commandement de Iesus-Christ.*

Cy dessus Tertulian a dit, *ad quam recurrendum est de rebus fidei dubiis.*

S. Hieros. demande congé à Damase Pape de confuter l'heretique Melitus Arrien.

S. Augustin Epistre 9. au Pape Innocent, parlant des Pellagiens dit que c'est au siege Apostolique d'Anathematiser ceste heresie.



*Error ipse & impietas & c. autoritate sedis Apostolicæ anathematizanda est.*

Et en l'Épistre 92. le mesme au mesme dit, que quand il y a des doubtes en la foy, qu'il faut auoir recours à S. Pierre, c'est à dire à celuy qui a son nom & son autorité *Quoties fidei ratio ventilatur, arbitror omnes fratres, & Episcopos nostros, non nisi ad Petrum, id est, sui nominis & honoris auctorem referre debere.*

Le Concile Mileuitain, tenu l'an 408. contre les Pelagiens implore l'authorité du siege Romain, comme escrit S. August. epist. 92.

Celuy d'Alexandrie recognoist le Pape Felix 2 pour Iuge des heresies. *Tu prophanorum hereseum deponitor: & ce Concile luy promet de ne rien determiner sans luy. Absque Romano Pontifice, nos de maioribus causis nihil debere decernere.*

S Bernard en son Epistre au Pape Innocent, nous atteste qu'il faut renuoyer à Rome toutes les disputes de la Foy: *oportet ad vestrum referri Apostolatum pericula queque, & scandala emergentia in regno Dei: & presertim que de fide contingunt.* Car là la Foy est racourcée ou iamais elle n'a esté depecée, & retrouvée ou iamais elle n'a defaillie, *ibi potissimum damna resarsuntur, ubi fides non potest sentire defectum.*

Si c'est mal fait de recognoistre l'Église Romaine pour Iuge des heresies, que le hugue-

not prenne toute l'antiquité à partie, & non pas nous: nostre creance est fondée sur le vieil & nouveau Testament, sur les Conciles les Peres, & la coustume. Le huguenot ne sçauroit alleguer aucun Concile general, ou le Pape n'ait presidé luy-mesme, ou par son Legat, ou qu'il ne l'ait confirmé & approuué apres. Si l'heretique en cite quelques vns, ou le Pape n'a presidé, ny approuué: le Catholique doit respondre, que ces Conciles ne sont generaux, & que s'ont esté des Empereurs, tyrans & heretiques, qui les ont fait assembler par force, plustost contre l'Eglise, que pour icelle, & par ambition & maistrise y ont presidé: Se sont plustost Monopoles, que Conciles.



## Herésie 20.

*Rome n'a esté choisie au lieu de Hierusalem.*

### CONTRE.

On dit que tant plus vn Cinge monte haut sur vne maison, qu'il decouure sa honte & monstre sa vilennic: de mesme tant plus que la Banfferie va en auant, il declare son ignorance. *Rome n'a esté choisie au lieu de Hierusalem.* Cela est vray & faux: par faute de sçauoir la

Cronologie, il fait de grands pas de Clerc. Dieu n'a iamais enuoyé les causes difficiles en Hierusalem *mediate* car au Deuter. 17. quand il constitue le grād Prestre chef des querelles & heresies, il ne les enuoye pas en Hierusalem: Car ce commandement est fait au desert, auant qu'ils eussent aucune ville, auant qu'ils fussent en la terre de Promission, & auant que Hierusalem fut en la puissance des enfans d'Israël: voyez vous comme ie decouure l'ignorance de mon Predican. Toutesfois, long temps apres qu'ils eurent gagné Hierusalem sur les Iesubeans ( qui ne s'appelloit pas encore Hierusalem ) les causes y furent renuoyez, d'autant que les grands Prestres y faisoient leur residence, à cause du Temple qui y fut basti, & ce fut comme par coustume, & de droit positif: Dieu ne leur commande pas de prendre vn lieu certain, mais *ascende ad locum quem elegerit Dominus*. Par-cel lieu s'entend toute ville choisie par le S. Esprit, pour tenir le Concile: on ne dit pas qu'il faut tenir tous les Conciles à Rome, *sed ad quemconque locum elegerit Dominus*, aussi n'y ont-ils pas esté tenus tous.

Quand ie seray à ce lieu, en ceste ville que Dieu a choisie pour tenir le Concile, à qui m'adresseray- ie? *ad sacerdotem Leuitici generis*, aux Prestres, & non au peuple, & à qui en-

core, *Et ad iudicem qui fuerit illo tempore: Au chef & Iuge. Qu'est-ce qu'ils me feront? Iudicabunt iudicii veritatem: les croyray- ie, Gautier dit qu'ils m'abuseront: non feront, iudicabunt veritatem: feray- ie ce qu'ils me diront? ouy. Facies quodconque iudicabunt: & si ie ne fay ce qui a esté ordonné en ce Concile, qu'elle punition auray- ie pour mon heresie & obstination? on te bruslera, on te lapidera, nolens obedire imperio sacerdotis ex decreto iudicis, moriatur homo ille: Deuteronomie 17. Voila des termes qui donneroyent de la foy & creance aux plus douteux. Il se faut donc adresser à ce chef & Pape, lequel encor qu'il ait le centre de son siege à Rome, comme le Soleil dans son AEquans, toutesfois les lignes de sa puissance s'estendent esgalement par la circonférence de tout le monde, dont dicte vniuerselle, laquelle doit dissiper par sa lumiere toutes les tenebres d'heresie, qui s'esleuent sur l'Orison de l'Eglise, pour avec vn schismatique brouillard obscurcir sa clarté & son beau iour: & avec les fumées de mensonge, esblouir l'œil de la verité.*

## ¶ Heresie 21.

*Rome n'a point esté choisie au lieu de Hierusalem.*

## CONTRE.

Ce n'est pas assez de dire, il faut prouuer, il ne scauroit citer aucun auteur, menteur de son mensonge, que son grand Pere Iouinian, qui 1200. ans y a resuoit le mesme. S'il le fait ie luy diray ce que S. Hierosme luy ietta au nez. Que Rome est la Dame du Monde, la ville que S. Paul a tant louée. *Roma vrbs potens, vrbs orbis Domina, vrbs Apostoli voce laudata.*

Je luy respondray en 2. lieu, ce que le Pape Marcellus dit aux Euesques d'Antioche, il y a 1300. ans passez : que Iesus-Christ commanda à S. Pierre de quitter Antioche, & de transférer le siege Apostolique à Rome : Parce que l'Euesque d'Antioche faisoit querimonie, que S. Pierre auoit esté quelque temps en Antioche. *Eius sedes primitus a iud vos fuit, que postea iubente Domino, Romanam translata est.*

La Religion ne deuoit pas demeurer en Hierusalem, ny la Prestriſe en la lignée de Leui: mais comme il y a eu chāgemēt de loy, aussi le siege a esté transferé : La Religion deuoit passer de l'Affrique en Europe, des Iuifs aux Gentils, tel qu'estoit Melchisedec. Et comme nous estions Gentils il estoit decent & conuenable, que le siege fust en la

ville qui estoit la maistresse de la Gentilité: Si Gautier veut encore recognoistre Hierusalem pour le siege, & obeyr aux Iuifs, qu'il le fasse, qu'il se fasse prepucier & circoncire, afin qu'il n'engendre plus des huguenoteaux. Saphora despechez vous, de peur que l'ire de Dieu ne tombe sur luy: ie dy donc, que Rome doit estre le chef denoté par ceste teste trouué en ses fondemens: qu'elle doit estre ceste Pierre de S. Pierre, sur laquelle Iesus-Christ a edifié son Eglise, figurée en la Pierre immobile du Capitole. Ce-pendant que Rome sera, la Religion sera: quand sa puissance terrienne a failly la celeste a commencé.

*Rome, belas! que les Dieux te furent bië propices,  
 Que tu pris fondemēt dessous heureux auspice  
 ,, Ton Empire sans fin nullement limité,  
 ,, A pour lieu l'vniuers, pour temps l'Eternité.  
 Apres que ton courage, inuincible à la guerre  
 Eust dompté sous ses loix, le globe de la terre:  
 Tu esleuas la teste, aussi haut dessus tous,  
 ,, Cōme vn Cedre au Liban, s'esleue sur les bous  
 ,, Nul Empire iamais n'a regné per durable,  
 ,, Tout ce qui vit ça bas est changeāt & muable.  
 Mais ou le temporel de tes loix a cessé  
 L'estat spirituel heureux a commencé.  
 Lors tu as eschangé, tes armes temporelles  
 Au paisible repos des clefs spirituelles:  
 Et c'est Empire saint l'est promis icy bas*

*Iusqu'à ce que ce tout, s'approche du trespas.*

*Et lors que tes subiects, auront tes loix en haine,*

*La fin de ce grand monde, approchera prochaine.*

## ¶ Heresie. 22.

*On estoit renuoyé vers le Iuge, non pour decider les articles de la Foy: mais pour les meurtres & playes: comme le texte le porte. Quand la chose sera trop difficile pour iuger entre meurtre & meurtre, entre cause & cause, entre playe & playe.*

## C O N T R E.

Cela est plus faux que la falsité mesme: Ce 17. du Deuteronomie, establit 2. Iuges, vn pour le spirituel, & l'autre pour le Ciuil. Doctes prenez vostre Bible, & voyez le mensonge de mon Predican. Premièrement, *venies ad sacerdotem Leuitici generis.* Voila le Iuge pour l'Eglise: *Et adiudicem qui fuerit illo tempore.* Voila le Iuge pour le Ciuil. Ils estoient 2. *quæres ab eis, & puis iudicabunt iudicii veritatē:* & pour faire mieux esclater son ignorance, il fait Dieu autheur de sa faute, & falsifie le texte. En tout ce chapitre il ne parle d'autre chose que de la Religion: Toutefois ce fausfaire à verty, *inter sanguinem & sanguinem, entre meurtre & meurtre*, quelle glose d'Orleans

qui passe le texte? Or pour luy monstrier qu'il ne parle de querelles, mais de la Religion, ie prens le sens dès le chapitre precedent, qui ne traite que des sacrifices *non imolabis Domino Deo tuo bouem & ouem in quo est macula*: puis apres il commande de lapider les idolatres, & ceux qui sacrifront aux faux Dieux. *si vir aut mulier transgrediatur pactum illius ut vadant & seruiant diis alienis & c. lapidibus obruatur*. Puis qu'il y a, *si difficile & ambiguum iudicium*, s'il se trouue vn cas difficile, cela ne s'entend pas des meurtres: Les loix du meurtre estoient si claires, qui auoit tué, estoit tué, œil pour œil, dent pour dent, vie pour vie, *oculum pro oculo, dentem pro dente*: dans le Genese 9. la Loy du meurtre y est, *quiconque effuderit sanguinem humanum, fundetur sanguis illius*, & en l'Exo. 20. estoit-il pas deffendu de tuer? *Non occides*: c'est donc faussement verty, *inter sanguinem & sanguinem*, entre meurtre & meurtre. Le huguenot ayme tousiours les meurtres, il est huguenot, & par consequent leditieux. Mais il faut vertir, *inter sanguinem & sanguinem*, entre sang & sang: & ce sang, s'entend de celuy des bestes sacrifiez. En ce chapitre il ne parle que de l'idolatrie: Or les Idolatres disoyent qu'ils faisoient aussi bien d'offrir le sang aux Idoles, comme les Iuifs à Dieu. Ainsi raisonne le huguenot-Idolatre: le fay aussi bien



d'aller au presche, comme le Catholique d'aller à la Messe. Cela semble ambigu à quelques vns: Qui iugera entre le sang de Iesus-Christ, que les Catholiques offrent à Dieu, & entre le vin que le huguenot presente aux Idoles, *venies ad sacerdotem*, tu viendras au chef & non pas, *ad sacra Biblia*, qui iugera entre le sang & le sang, & te dira que cest presenter du sang aux Idoles que d'aller au presche, que la doctrine de Calvin ne vaut rien: & qui ne voudra croire ce Iuge, *lapidibus obruatur: morte moriatur*. Voila vn rigide iugement, mon Dieu le huguenot vous reprochera que vous estes vn Dieu seditieux de tuer les Heretiques, est-ce point mal fait de faire mourir ceux qui demeurent obstinez apres le Concile? non *ausers malum de Israel*. Pourquoy fait-on cela? afin que nul esceruelé ne vienne plus brouiller l'Eglise, *vt nullus deinceps intumescat superbia*.

En 2. lieu, il vertit, *Inter lepram & lepram*, entre playe & playe: le barbier n'ayme que playe & bosse. Qui iamais a leu que *lepra*, signifie playe, il falloit dire, *inter lepram & lepram*, entre ladrise & ladrise ou entre lepre & lepre: car *lepra* en son sens grammatical signifie ladrerie corporelle: & en son mystique, *simonie, heresie*, ladrerie de l'ame. Dieu ne parle pas de la lepre corporelle, quand il dit, *inter*

*lepram & lepram*, car elle est assez aisée à cognoistre: mais de la spirituelle idolatrie & huguenoterie: laquelle il appartient au Prestre de cognoistre, Ne dit-on pas que le Prestre doit estre sçauant, afin de cognoistre *lepram à lepra*: l'heresie d'avec ce qui n'est point heresie, des pechez qu'il peut remettre, & ceux qui sont reseruez à l'Euesque. Badaudement donc, il a dit que Dieu nous renuoye au iuge, pour les noises & meurtres & non pour les affaires de la foy: que le sang des sacrifices, signifie meurtre: & que la lepre d'heresie, signifie blesseure.

### Heresie 23.


*Je me trompe* (dit il, page 19.) *d'introduire deux Prestries, l'une de Melchisedec, & l'autre d'Aron.*

### C O N T R E.

Je ne me trompe point de faire 2. sortes de Prestrie, j'en feray plus de 5. tantost. Le Sacrifice de Melchisedec est le *Coupe-gorge* des huguenots, & les Ministres n'ont iamais presché ce sacrifice à leur abusez, de peur que les plus simples en estant eclarés, ne iugeassent appertement que leur Cene est sacrifice & que malicieusement on les deçoit. Or affin que iamais l'heretique ne dispute de Melchisedec: j'en vay faire vn Traicté à part, pour en resoudre tout ce qu'il en faut sçauoir.

# TRAITE' DE MEL- CHISEDEC.

## *Qui estoit Melchisedech.*

 A Sainte Escriture, & les auteurs prophanes, differēt bien souuent aux noms : Ce que la Bible nomme d'une façon, les Poètes l'appellent d'une autre. L'Escriture dit Noé, la fable dit Janus, Bacchus. La Bible nomme le fils puisné de Noé Iaphet, & les Historiens prophanes Zoroaster. L'Exode appelle le Roy d'Egypte Pharaon, & les Gentils Amenophis. Esdras dit Assuerus, & les autres Cronologies, Darius.

La Sainte Escriture mesme baille diuers noms aux hommes : Le fils aîné de Noé, a deux noms, Sem & Melchisedec, qui communia Abraham. Achimelec de mesme, qui communia Daud en figure, luy baillant des pains de Proposition, a 3. noms. Au 1. des Roys chap. 21. Il est nommé Achimelec : au 14. chap. il s'appelle Achias : Et en S. Marc 2. Iesus-Christ le nomme Abiathar. Le Roy Ozias a 3. noms : il est dit Asias au Paral. 2. chap. 26. Azarias au 4. des Roys chap. dernier & Osias au 1. de S. Mathieu, S. Pierre

auoit 4. noms, Simon, Cephas, Bariona, Pierre. S. Mathieu a 2. noms: Mathieu, & en S. Luc 3. Leuin, & infinis autres ont eu plusieurs noms.

Or Sem (ou son fils Arphafax) surnommé Melchisedech Gentil, habitoit en la terre de Canaan, qui est ceste bonne terre promise de Dieu aux enfans d'Israel long temps apres, & pour ceste cause dite *la terre de Promission*, & les Iuifs & Hebrieux, ou enfans d'Israel, payant gaignée changea de nom, & fut dicté la Iudee Palestine, & maintenât *la Terre Sainte*. Ce Sem Melchisedec estoit Roy de la ville de Salem metropolitaine des Chananeãs, comme dit le 14. de la Genese: & Prince de Bethlehem tesmoing S. Hierosme Epi. 14. à Pauline: ceste ville de Salem, apres la mort de Melchisedech, fut dicté de leubeans, & les enfans d'Israel en ayant chassé iceux leubeans, fut nommée Hierusalem.

Sem Melchisedech vesquit 600. ans, 00. ans apres le deluge, iusques au temps d'Abraham, lequel Pan du mōde 2000 s'en alla avec Lot habiter en la terre de Chanaan, & Lot demeura avec ceux de Sodome & Gomorrhe pres le Iourdain. En ce temps les Roys de Sodome & Gomorrhe ayant esté defaits, leurs ennemis vindrent piller leurs villes: & amenerent Lot prisonnier de guerre, & pil-

lerent toute sa cheuance. Abraham aduertiy de la prise de son frere , amasse tous ses gens, & la nuict allant donner vne charge à ces 4. Roys victorieux, les deffit , & recouft Loth & tout le pillage. Abraham reuenant victorieux, tous les Roys des villes voisines par ou il passoit sortent au deuant de luy , pour luy gratifier, luy offrir de leurs viures s'il en auoit affaire : Le dernier de tous Melchisedech Roy de Salem qui estoit Prestre , voyant la grace que Dieu auoit faicte à Abraham, qu'avec vne si petite poignée de gens il auoit deffit tous ces Roys victorieux prend du pain & du vin, l'offre en sacrifice à Dieu, pour luy rendre grace de la victoire dont il auoit couronné l'espée d'Abraham, & luy chäter comme vn *Te Deum*. Et prenant de ce pain & vin sanctifiez en presenta à Abraham , & à tous ses gens, les communia en figure, & le beneist. Pour reuanche Abraham luy bailla la disme de tous les biens & despouilles , qu'il auoit gagnées sur ses ennemis. Il ne se lit point que Melchisedec ny personne du depuis ait continué ceste sorte de sacrifice.

Ceste façon d'offrir du pain & du vin en sacrifice a esté si agreable à Dieu le Pere, que quand il a voulu declarer de quelle sorte de Prestrie il vouloit que son fils Iesus-Christ fust, il n'a point dit, ny selon celle d'Abel , ny

de Noé, ny d'Aron, mais de Melchisedech: dont David a chanté, *Iuravit Dominus & non pœnitebit eum tu es sacerdos in aeternum secundum ordinem Melchisedech.*

L'heretique voyant ceste claire lumiere qui luy faisoit mal aux yeux, a voulu cracher dessus pour la desteindre, & se fondant sur le mouuant de ses opinions ornées, a dit que Melchisedech ne presenta ce pain & vin à Dieu en sacrifice, mais à Abraham en collation & rafraeschissement. Ce qui luy faut mōstrer estre du tout faux.

*Melchisedech a offert du pain  
& du vin à Dieu.*

En la Genese 14. Abraham reuenant de la deffaicte des Roys, Melchisedech grand Prestre, offrit du pain & du vin en sacrifice à Dieu, pour le remercier de la victoire qu'il auoit donnée à Abraham: Melchisedech estoit le grand Prestre des Chananeans où Abraham se tenoit, & comme Curé chanta vn *Te Deum*, & beneist Abraham. *At verò Melchisedech rex salem proferens panem & vinum (erat enim Sacerdos Dei altissimi) benedixit ei.*

Tous les Docteurs qui ont esté dans les 100. 200. 300. 400. & 500. ans, qui sont les

5. premiers ages de l'Eglise, ont tous dit que Melchisedech offrit du pain & du vin en sacrifice. l'en pourrois alleguer plus de 40. dont en voyla 18. qui le disent.

Clem. Alex. 64. *stroma* SS. Irenée, Hipolite, Chrysofome, Ambroise en 4. textes, Hierosme en 6. lieux, Epiphane heresie 55. Augustin en 7. endroits, Leon le Grand sermon 2. l'attestent, Arnobe, Theodoret, Cassiodore, Euthimius sur le Psalme 109. le disent. Eusebe Emissene sermon 5. *de paschate*, l'escriit. Primarius, OEcumenus, S. Ancelme le tesmoignent sur le 5. des Hebreux. Et Eucherius liu. 2. chap. 18. sur la Genese, afferme que l'Euesque & grand Prestre des Gentils & Chananeans, Melchisedech presenta à Dieu du pain & du vin en sacrifice. le me contenteray de produire 8. des plus beaux textes.

S. Cyprian Epist 63. à Celius dit, *Melchisedech sacerdos Dei altissimi fuit, quod panem & vinum obtulit.* Et en vn autre passage escrit, qu'il sacrifia du pain & du vin, afin que la benediction qu'il donna à Abraham fut meilleure. *vt benedictio circa Abraham posset rite celebrari pracesit ante imago sacrificii Christi, in pane & vino scilicet constituta.*

Eusebe liu. 5. chap. 3. de la preparation Euangelique, nous assure qu'il sacrifia du pain & du vin & non des bestes. *Nusquam videtur sa-*

*crificiis corporalibus functus: Sed vino solo & pane dum ipsi Abraham benedixit.*

S. Ambroise parlant du Sacrifice d'apres la Cene, dit que la figure de ce Sacrement preceda du temps d'Abraham, quand Melchisedech sacrifia du pain & du vin, *Cognouimus sacramentorum illorum figuram, Abrahæ temporibus præcessisse, quando obtulit sacrificium Sanctus Melchisedech.*

S. Hierosme en l'Epist. 17. à Paule clot la bouche à l'heretique, *Panem & vinum obtulit, mysterium christianorum in saluatoris sanguine & corpore dedicauit.* Et en l'Epist. 126. à Euagrius, resoult tout ce que les huguenots pourroyent mensonger. *Pane & vino simplici, puròque sacrificio, Christi dedicauit Sacramentum.* D'autant que ie prise autant le tesmoignage de S. Hierosme en Theologie, comme celuy d'Aristote en Philosophie, ie citeray encore ce qu'il dit de Melchisedech sur le 26. de S. Mathieu, explicans pourquoy Iesus-Christ institua ce sacrifice immediatement apres l'Agneau Paschal. *Post quam typicum fuerat impletum & Agni carnes cum Apostolis comederat assumpsit panem qui confortat cor hominis, & a verum Pascha transgreditur sacramentum, ut quomodo in præfiguratione eius, Melchisedec summus Dei sacerdos panem & vinum offerens, fecerat: Ipse quoque veritatem sui corporis & sanguinis præsentare*



S. Augustin sermon 2. sur le Psalme 33. nous apprend que le sacrifice que Iesus Christ institua de son corps & de son sang apres souper, est selon l'ordre de Melchisedech. *Ipsa de corpore & sanguine suo instituit sacrificium secundum ordinem Melchisedech.* Ausquels tesmoignages il faut remarquer de S. Cypriā *obtulit*: de S. Ambroise *obtulit sacrificium*: de S. Hierosime *panem obtulit*: & de S. Augustin *instituit sacrificium*. S'il est ainsi que Melchisedech ait offert du pain & du vin à Dieu. Iesus-Christ estoit Prestre selon cest ordre: il faut que le sacrement qu'il institua apres souper soit sacrifice, lors que prenant du pain & du vin comme auoit fait Melchisedech, il transubstantia la substance du pain & du vin, en la substance de sa chair & de son sang: Or puis que la figure que Melchisedech offrit estoit sacrifice, il faut que ce que Iesus Christ offrit soit sacrifice, puis que c'est la realité. car il n'a point realisé & accompli ceste figure, qu'apres son dernier souper: il faut donc conclure que le sacrement de l'Autel, que le huguenot appelle heretiquement de la Cene, soit sacrifice. L'heretique estant contraint de confesser que Melchisedech a sacrifié, puis qu'il estoit Prestre & Sacrificateur, il dit qu'il a sacrifié des bestes cōme ceux de son temps. Ce qui est faux.

*Melchisedec n'a iamais sa-  
crifié de bestes.*

Par 5. des plus anciens Docteurs tres-proches des Apostres, ie prouue que iamais il ne sacrifia de bestes, mais du pain & du vin.

Eusebe contemporain de Lactance, Pan 300. au 3. chap. de son 5. liure escriuoit, *nusquam videtur corporalibus sacrificiis functus, sed vino solo & pane.*

S. Hierosme en l'Epistre à Euagrius, dit que quelques Rabins disoyent qu'il auoit sacrifié des bestes, mais il les reffute bien, & dit qu'ils n'estoyent croyables, par-ce qu'ils estoyent Hebreux qui vouloyent oster du tout le sacrifice de Iesus-Christ pour continuer celuy d'Aron & sacrifier encore des animaux: mais au contraire il allegue le témoignage de S Irenée & de tous les autres, comme il offrit du pain & du vin: & ne voulut resoudre ceste matiere qu'il n'eust leu tous les liures, *hanc questionem soluere noluit, nisi postquam maiorum libros reuoluisset.* En fin, en ceste Epistre 126. au Prestre Euagrius resoult qu'il ne sacrifia iamais de bestes: mais du pain & du vin. *Neque carnis & sanguinis victimas imolauerit, & brutorum animalium san-*

*guinem dextra susceperit, sed pane & vino simplici, & apres il dit qu'il n'offrit iamais des bestes irraisonnables comme Aron, mais du pain & du vin. *Mysterium in verbo ordinis significatur, nequaquam per Aron irrationabilibus victimis, sed oblato pane & vino.**

Iuuenius dit qu'il ne sacrifia iamais des sacrifices priuez de raison & bestes, mais du pain. *Melchisedech sacerdotem & regem esse, & offerentem Deo non sacrificia ratione carentia, sed panem & vinum.*

OEcumenius sur le 5. des Heb. dit que Melchisedech fut le 1. qui sacrifia sans sang. *Melchisedech primus fuit qui hostiam sine sanguine obtulit.*

Primasius sur le mesme lieu ou S. Paul parle de Melchisedech dit, *Melchisedech secundum legalia non fuit sacerdos: sed secundum cuiusdem singularis sacerdotii dignitas, panem offerendo Deo non brutorum animalium sanguinem.* Il n'a pas sacrifié des bestes, d'autant que cela ressent quelque cruauté. Car si Melchisedech en auoit offert, il eut fallu que Iesus-Christ qui estoit Prestre selon son ordre, eust sacrifié des bestes, ce qu'il n'a iamais fait: par ce que cela estoit selon l'ordre d'Aron. S'il a pris l'Agneau Paschal, c'estoit pour accomplir & abbatre la loy: & si l'Agneau n'estoit pas selon l'ordre d'Aron, il fut institué en Egypte

deuant l'establissement & naissance de la Prestrie Leuitique: il ne s'offroit pas comme Prestre, car tout pere de famille estoit obligé de le sacrifier tous les ans. Calvin, Kemnitius & telles autres pestes, voyans leurs deux heresies premieres euincées, disent qu'il n'est pas Prestre parce qu'il a sacrifié: mais parce qu'il donna la benediction: ce qui est aussi faux que les autres.

*Melchisedech est Prestre parce qu'il a offert du pain & du vin.*

Le huguenot est ignorant, de dire que S. Paul attribue, & refere la Prestrie à la benediction, car il ne parle nullement du sacrifice de Melchisedech au contraire le passe souz silence, par ces mots *grandem, & ininterpretabilem sermonem.*

S. Cyprian Epistre 63. à Celius, dit que Melchisedech est Prestre pour auoir offert du pain & du vin. *Melchisedech sacerdos Dei fuit, quod panem & vinum obtulit:* Melchisedech donc est Prestre pour auoir offert en sacrifice du pain & du vin à Dieu.

*Melchisedech a offert pour Abrahā.*  
Si Melchisedech estoit Prestre, il a offert

pour quelqu'un, puis que l'office du Prestre estoit d'offrir pour le peuple comme dit S. Paul. Sur laquelle raison le fondant. S. Hierosme, interpretant le 22. de S. Math. dit que Melchisedec offrit pour Abraham, afin de remercier Dieu. *Melchisedech pro Abrahamo obtulit panem & vinum.*

S. Cyprian en la lettre 63. qu'il enuoye à Cecilius eicrit que, Melchisedech offrit, & dist la Messe en figure, premierement afin que la benediction fust meilleure en la fin. *Vi benedictio circa Abraham possit ritè celebrari præcessit imago sacrificii Christi, in pane & vino constituta.* Il a donc dit la Messe en figure, *imago sacrificii Christi*, & sacrifié pour Abraham. Le huguenot afin d'euader toute ceste verité, dit qu'il presenta de ce pain à Abraham, mais que c'estoit vne collation & reciné: Ce qui est faux.

*Melchisedech communia Abraham en figure.*

S. Epiphane deuancier de S. Augustin, en son liure des heresies heresie 55. dit que Melchisedech presenta la figure & l'exemplaire de nos mysteres à Abraham. *Quando Abraham fuit annorum octoginta, tunc Melchisedech ibi obuiam venit, & proposuit ijs panem & vinum*

*mysteriorum enigmata praefigurans & exemplaria.*  
 Donc le pain qu'il luy presenta, estoit la figure de nostre sacrement : & le communia en figure, comme Achimelec communia Dauid.

Clement Alexandrin dit que Melchisedech presenta du pain sanctifié à Abraham, & qu'Abraham m'agea la figure de l'Eucharistie. *Melchisedech rex Salem, sacerdos Dei altissimi qui vinum & panem sanctificatum dedit nutrimentum, in typum Eucharistiae* : puis qu'il y a *panem sanctificatum & typum Eucharistiae*, il le communia en figure, & non pour vne gourmande colation.

S. Augustin en la missiue 45. & 45. qu'il enuoye au Pape Innocent, parlant du pain que Melchisedech bailla à Abraham dit *pro lato sacramento*, ce n'estoit par ce moyen vn pain prophane.

S. Iean Chrysoftome homelie 35. sur le Genese dit qu'Abraham mangea de ce que Melchisedech auoit offert. *Ab eo Abraham accipit oblata* : s'il receut ce qui auoit esté sacrifié, il le communia.

S. Iean Damascene liu. 4. chap. 14. *ortodo.* dit qu'il presenta de ce pain sacrifié (ou pour parler plus proprement offert) au bon Abraham, & à tous ses gens, afin qu'ils participassent au sacrifice. *Vt de sacrificio participarent.*

Ces passages declarēt assez que S. Melchi-

sedech, qui estoit doué d'une sainteté si sainte, que les heretiques Melchisedecians l'ont estimé le S. Esprit n'a pas dressé vne collation Epicurienne, au Pere des croyans, mais qu'il l'a communié en figure, luy baillant à manger le Sacrement qui representoit le corps de Iesus-Christ: & vn Sacrement bien plus excellent, que celuy que son fils Leui dormant encore dans ses reins, deuoit offrir apres.

*Melchisedech n'a fait la  
Collation à Abraham.*

Par neuf raisons on fait taire le huguenot, qui mensonge que Melchisedec presenta ce pain & vin, pour vne colation & refreschissement.

Si c'estoit vne colation, elle luy fut présentée, ou par honneur, ou par nécessité: or elle ne fut preparée pour la nécessité, parce que le texte dit, qu'il partit le soir, la nuit desist les ennemis, & le matin s'en reuint, Le guerrier doit bien patir d'auantage. Secondement, ce ne fut pour la nécessité, d'auant que les Roys estans passez par le trenchant du coutelas, il prit tout leur butin, & leurs viures: fist bonne chere luy & les siens, ce qu'il tesmoigne luy-mesme, disant qu'il ne

veut rien de tout ce qu'il a recouft, que ce que fes foldats ont mangé. *Exceptis his quæ cō-  
mederunt iuuenes.* Ce pain donc ne luy fut pre-  
fenté pour la neceffité. S'il en euft eu affaire  
les premiers Roys à qui il rendit tant de biēs,  
defquels il auoit defaiçt les ennemis, luy en  
euſſent baillé.

Si c'estoit vne collation d'honneur & pro-  
phane, pourquoy les premiers Roys, qui al-  
lerēt au deuant d'Abraham paſſant par leurs  
terres ne luy presenterent-ils ceſte collation,  
auſſi bien que Melchitedech fiſt le dernier?  
Si i'ouſois rire dans ce traicté ſi ſerieux, ie di-  
rois qu'ils eſtoient mal courtois, ils deuoyēt  
apprendre la Ciuilité huguenote, & le bien  
feant du monde.

Pour la 4. raiſon, ſi c'estoit vn reciné & ra-  
fraiſchiſſement, quel beſoin eſtoit-il de dire  
que Melchitedech eſt Preſtre. *Erat enim ſacer-  
dos Dei altiffimi.*

Si c'estoit vne collation mondaine, pour-  
quoy ne fait on mention que du pain & du  
vin? Au 18. de la Genefe Abraham receut  
bien mieux les 3. ieunes hommes: car pour  
les rafraiſchir les miſt ſoubs la fueillade &  
fraiſche ramée, leur apola du laiçt, du beurre,  
& du veau gras & tendre, *vitulum tenerum  
apoſuit.*

De dire que c'estoit vne collation, c'eſt



faire Melchisedech, Prestre sumptueux: & Epiphane dit que ce n'estoyent que mysteres.

Si c'estoit vne collation, il faut que Iesus-Christ qui deuoit représenter ce qu'auoit fait Melchisedech, ait préparé vn goustier & la collation huguenote à quelque Capitaine reuenant de la guerre, ce qu'il n'a point fait.

Pour le dernier, ce ne peut estre vne Collation d'autant que ces mots *d'offrir*, de *benir*, de *Decimes*, ressentent leur sacrifice à pleine bouche: A quoy i'adiouste le tesmoignage de tous les Docteurs qui disent que c'estoit vn sacrifice.

Si c'estoit vne Collation prophane 16. absurditez s'ensuiuent auxquelles ie deffie la Banfferie & tous les Ministres huguenots de respondre & leur demande.

Si pour vne Collation, on donnoit la dime comme fist Abraham?

Si la Collation se faisoit au matin comme celle-là? la Collation est au soir. Il deuoit dire vn desieuner.

Si on presentoit ceste Collation sans en goustier. Car la Bible ne dit pas qu'Abraham en mangea.

Si Melchisedech deuoit plustost presenter ceste Collation que les autres Roys veu qu'il n'en auoit eu nul profit?

Si le grand Prestre estoit tenu de presenter

ceste Collation luy-mesme, comme fist Melchisedech?

Si Melchisedech Roy & Prestre & plus grand ne se fust pas faiçt tort. de presenter la Collation à vn moindre que luy?

Si en ces Collations on donnoit la benediction?

Si en ces Collatiōs on chātoit vn *Te Deum*?

Si il estoit besoin qu'il fut dit Prestre, si ce n'estoit qu'un refreschissement?

Si tous les mots ne sont pas de sacrifice?

Si le verbe *hosi*, n'est pas en Hebreiu de la coniugaison sacrée & des sacrifices?

Si dans tout le chapitre, il y a mot qui represente sa Collation mondaine?

Si pas vn des Docteurs de l'Eglise a dit que c'estoit vn reciné pour le plaisir?

Si Abraham n'eust pas fait mal en braue Capitaine, de s'amuser à gouster, l'ennemy n'estant pas du tout deffaict. & s'il n'eust pas plustost remercié Dieu? le crains que les Calendes Grecques ne se passent, auant que la Banfferie desnoue tous ces neuds Gordiēs: s'il le fait il acheuera de couper l'Hissime, ou parfera la Venus d'Apelle. L'heretique ne pouuant que respondre, dit qu'il n'a pas sacrifié du pain & du vin, mais comme ceux de son temps, & se baille telle licence qu'il luy plaist. Tantost il dit qu'il n'a point sacrifié.

Tantost

Tantost qu'il a sacrifié, mais qu'il a offert selon ceux de son temps : lesquelles heresies sont tres-fausses, car il a sacrifié & non selon ses contemporains.

### *Melchisedec a institué son ordre.*

Il faut selon l'argument des huguenots conclure que Melchisedec a sacrifié : & si ce n'a esté ny selon son temps, ny selon ceux de l'age prier.

Si il a offert selon ceux de deuant luy, il a offert des fruiets de la terre, comme Cain: ou des premiers nez du troupeau, comme Abel: ou des bestes & des oyseaux, comme son ayeul Noé. Or il n'a sacrifié des fruiets, par-ce qu'il ne se lit pas que personne l'ait fait que Cain, à qui nul n'a succédé, pour n'estre agreable à Dieu. Il n'a pas offert des bestes & premiers nez, ny de la gresse de son bestial, comme Abel, j'ay asseuré qu'il ne sacrifia iamais de bestes, à quoy il faut adiouster que personne n'a succédé au premier martyr Abel. Il n'a pas aussi sacrifié des oyseaux comme Noé, d'autant que la Genese s'en tait, & que nul ne luy a succédé. Il n'a donc sacrifié selon ceux de deuant luy.

Si il a offert selon ceux de son temps, il n'a offert que selon son ordre, car en son age, il

se trouue tout seul Prestre & sacrificateur.

De dire qu'il a sacrifié comme ceux d'apres luy, c'est bailler à rire à vn chacun: il n'a pas offert comme ceux qu'il n'a point cogneus: Tous les sacrifices d'Aron, ses bestes, ses Gasteaux, ses pains de Proposition, n'ont esté inuentez qu'infinis ans apres: Et OEcumenius a dit que Melchisedec *secundum legalia non fuit sacerdos.*

Puis que l'on dit selon l'ordre de Melchisedec, il faut bien qu'il ait institué son ordre: L'ordre prend son nom de l'instituteur. Et si on ne lit point que personne ny deuant ny apres ait offert du pain & du vin que Melchisedec. Si quelqu'un auoit offert du pain, on diroit selon son ordre: Melchisedec donc a institué son ordre: Dont S. Hierosme se fonde sur ce mot d'ordre escriuant à Euagrius: *Mysterium nostrum in verbo ordinis significatur.* Apres ces raisons il faut produire les tesmoings qui deposent comme Melchisedec a institué son ordre.

S. Augustin liur. 6. chap. 22. de la Cité dit, qu'au sacrifice de Melchisedec apparut premierement le sacrifice des Chrestiens. *Ibi primum aparuit sacrificium, quod nunc à Christianis Deo in toto orbe terrarum offertur.* Il a donc institué, considéré qu'il dit, *primum aparuit.*

Primasius dit que c'est le premier qui a sa-

erifié sans sang, *primus fuit qui hostiam sine sanguine obtulit, ou primus obtulit*, prouue ce que ie pretens.

Cassiodore sur le texte de Dauid, *secundum ordinem Melchisedec*, dit le mesme: *Quem ordinem Melchisedec, per mysticam similitudinem rex iustissimus instituit*: il a par ce moyen institué son ordre, & la maniere d'offrir du pain & du vin à Dieu en sacrifice. Le huguenot estant nécessité de confesser que Melchisedec a offert le premier du pain & du vin: pense euader par vne autre heresie, disant que *Iesus-Christ n'est pas Prestre selon l'ordre de Melchisedec, par ce qu'il a offert du pain & du vin à la cene, mais par ce qu'il benit*. Ce qui reste à prouuer estre encore plus absurde que tous les autres mensonges.

*Iesus-Christ est Prestre selon l'ordre de Melchisedec, par ce qu'il prit du pain & du vin.*

Puis que Iesus-Christ est Prestre selon l'ordre de Melchisedec, il faut que ce soit quelque chose qui soit particuliere entre eux deux: or si Iesus-Christ est Prestre selon l'ordre de Melchisedec, il l'est pour vne des 27. considerations qui suivent.

Ou par- ce qu'il estoit prestre seulement.

Ou par- ce qu'il estoit Roy & prestre tout ensemble.

Ou par- ce qu'il est dit Roy de paix & de iustice.

Ou par ce que personne ne luy a succedé

Ou par- ce qu'il ne fut oinct.

Ou par ce qu'il a benit.

Ou par ce qu'il est le 1. autheur de son ordre

Ou par ce qu'il a pris les dismes.

Ou par- ce que son sacrifice f. t agreable à Dieu.

Ou par ce qu'il chanta vn *Te Deum*.

Ou par ce qu'il est sans genealogie.

Ou par ce qu'il n'estoit Iuif.

Ou par ce qu'il est descrit eternal.

Ou par ce que son sacrifice est d'eternelle duree

Ou par- ce qu'il bailla de ce pain sanctifié à Abraham.

Ou par ce qu'il figuroit Iesus-Christ

Ou par ce qu'il a sacrifié du pain & du vin.

Or il n'y a que le seul sacrifice du pain & du vin, qui leur est particulier, Iesus-Christ dōc est prestre selon l'ordre de Melchisedec: d'autant qu'apres son dernier souper il offrit la realité dont Melchisedec en auoit offert la figure.

    Sil est prestre selon l'ordre de Melchise-

dec, par- ce qu'il estoit Prestre, cela ne leur est particulier: il y en a eu plusieurs autres.

Si est Prestre selon cet ordre, par ce qu'il estoit Roy & Prestre: cela leur est commun avec Cain Noé, qui estoient Roys & Prestres.

Si c'est par ce qu'il estoit Roy iuste & paisible: Salomon est appellé Roy pacifique: Noé homme iuste.

Si c'est par- ce que nul ne leur a succédé: nul n'a succédé à Cain, Abel, & Noé.

Si c'est pour n'auoir esté oincts: Cain, Abel, Noé, ne l'ont esté.

Si est Prestre selon l'ordre de Melchisedec, par- ce qu'il benit: cela leur est commun avec tous les Leuites, femmes & autres qui n'estoyent pas Prestres.

Si est Prestre de cet ordre, pour auoir pris les decimes: cela ne leur est particulier, tous les Leuites les ont prises, c'estoit leur heritage, & Iesus n'en prit iamais.

Si c'est par- ce qu'ils sont sans genealogie: cela ne leur est particulier: Helie & Iob, sont sans genealogie, de Iob il est escrit *ex terra Hus*: d'Helie, *Thesbite* & de Melchisedec, *rex Salem*.

Si c'est par- ce que Melchisedec estoit Gentil: cela leur est commun avec Iob, & Tobie qui estoient Gentils, & Iesus-Christ estoit Iuif.

S'il est Prestre selon cest ordre, pour estre d'escrits eternels & non morts: Henoc, Helic, sont comme eternels, & encores viuans.

S'il est Prestre selon l'ordre de Melchisedec, par-ce que leur sacrifice fut agreable à Dieu: celuy de Noé l'a esté aussi.

Si c'est par-ce que leur sacrifice est d'eternelle durée. celuy de Noé a ce privilege, il durera tousiours, & empeschera le deluge de venir plus par eau.

S'il est Prestre selon ceste façon, pour estre le premier, & l'auoir institué: cela leur est commun avec Abel, Noé. Dont S. Epiphane heresie 55. fait 3. sortes de Prestrie en la loy de Nature. La 1.<sup>e</sup> d'Abel, la 2.<sup>e</sup> de Noé, la 3.<sup>e</sup> de Melchisedec.

S'il est Prestre selon l'ordre de Melchisedec, pour auoir chanté vn *Te Deum* plusieurs autres, & des femmes mesme en ont chanté.

S'il est Prestre selon cet ordre, pour auoir baillé du pain sanctifié: Achimelec en bailla à Dauid.

Si c'est par-ce que Melchisedec le figura plusieurs autres ont esté la figure du Messie.

Il faut par necessité conclure, que Iesus-Christ est Prestre selon l'ordre de Melchisedec, par-ce qu'ils ont offert du pain & du vin, veu qu'il n'y a que ceste seule chose, qui est particuliere entre eux deux. Dont le grand




Athanase sur le 5. des Hebrieux dit que *Iesus-Christ seul, à la façon de Melchisedec, à sacrifié en pain & vin.* Et par conséquent, le Sacrement de l'Autel que l'heretique sobriquete du mot de Cene, est sacrifice: car si ce que Melchisedec offrit en figure estoit sacrifice, il faut que la Cene qui est l'accomplissement, perfection & realité de ce sacrifice soit sacrifice aussi. Voila comme la dispute de Melchisedec bien entendue abat la plus grand partie du Presche, d'autant qu'un des plus grands poincts que nous debatons contre les huguenots est du sacrifice, & ils nient que leur Cene soit sacrifice. Si donc il est resolu que leur Cene est sacrifice, ie les prie de ne se laisser plus abuser de croire plustost la verité & tout ce qui fut oncques de sçauoir & science au monde, que non pas la crasse & supine ignorance des ignares Ministres & Predicans qui les perdent.

## ¶ Heresie. 24.

*Ie me trompe d'introduire deux sortes de Pre-  
sches oposites, l'une de Melchisedec & l'autre  
d'Aron.*

Ie n'ay dit oposites, car il faudroit que l'une fust de Dieu, & l'autre du Diable: mais i'ay dit differentes.

 Heresie 25.

*Il maintient que depuis le commencement du monde iusques à la venue de Iesus-Christ, il n'y a eu qu'une Prestriſe, & deuant la loy, & du temps de la loy, qui a esté l'ombre de la vraye Prestriſe de Iesus-Christ.*

## C O N T R E.

Il maintient, ce qu'il ne ſçauroit prouuer. Il deuoit dire, que tout ce que les Prestriſes ont ſacrifié, figuroit le ſacrifice de Iesus-Christ, institué durant la trahison, & auroit parlé avec S. Auguſtin, qui dit que l'Eucharistie est la realité de tous les ſacrifices anciens. *Ipsa figura fuerūt, & omnia talia multis & variis modis vnum ſacrificium, cuius nunc memoriam celebramus, ſignificarunt.* Tous les ſactifices figuroyent le corps de Iesus-Christ: & pour les Prestriſes, il en a aboly les vnes, & accomplis, comme celle de Cain, d'Abel, de Noé, d'Abraham & d'Aron: Mais il n'a pas aboly celle de Melchisédec qui est la ſienne en la realisant, ains l'a continuée, en y mettant le plain au lieu du vuide, le corps au lieu de l'ombre.

Je ne veux rien dire de moy: mais ſeruir d'organe aux Docteurs. L'ignorance Ban-

ferine dit, qu'il n'y a eu qu'une sorte de Prestriſe, depuis le commencement du monde iusques à Iesus-Christ: Et S. Epiphane heresie 55 en met 3. en la loy de Nature. La 1. d'Abel: la 2. de Noë la 3. de Melchisedec. *Primum enim sacerdotium in preputio per Abel: sed & deinceps per Noë: tertium verò per Melchisedec.* La Prestriſe de Cain, tient le 4. lieu, celle d'Abraham le 5. & celle d'Aron le 6. il y a donc 6. sortes de Prestriſes, & non pas seulement vne ny deux: Nul n'a continué celle de Cain avec des fructs: ny celle d'Abel, avec des premiers nez: ny celle de Noë avec des oyèaux: ny celle d'Abraham avec inuocation, ny celle de Melchisedec, que Iesus-Christ, comme dit S. Paul. Ou il ne sera hors de propos de remarquer, qu'il n'y a que le seul Melchisedec qui est appellé Prestre iusques à luy.

### ¶ Heresie 26.

*La Prestriſe de Melchisedec, & celle d'Aron, ont esté en soy & en leur substance vne meſme Prestriſe.*

### CONTRE.

Par 10. repugnances, ces deux Prestriſes ne peuuent estre vnes. La 1. Melchisedec estoit Gentil & Aron Iuif, & Dieu auoit tant deſiendu au Iuif de communiquer avec les

Gentils, la 2. Melchisedec, comme dit S. Paul n'a point eu de successeur: si Aron estoit Prestre selon l'ordre de Melchisedec, il luy auroit succedé *mediate* ou *immediate*. S. Paul auroit menty, & Iesus-Christ seroit frustré de sa succession à ceste Prestrise: Quels blasphemes on alambiqueroit des puanteurs de ceste heresie. La 3. la Prestrise d'Aron n'estoit pas encore instituée, comme pourroit-elle estre vne avec ce qui n'estoit pas. La 4. la nation Iuifue n'estoit pas encore: donc Melchisedec n'a peu offrir selon les Iuifs. La 5. Melchisedec offrit du pain & du vin, & Aron des animaux. La 6. ce qui est vn, a vne mesme durée: or la Prestrise de Melchisedec dure encore, & celle d'Aron est abolie, *ergo*, elles n'estoyent vnes, La 7. Ce qui est vn, ne se peut separer, or la Prestrise de Melchisedec est separée de celle d'Aron, elles ne sont donc vnes. La 8. ce qui est vn, est institué d'un mesme temps: mais la Prestrise de Melchisedec estoit en la loy de Nature, & celle d'Aron en la loy écrite, elles ne sont donc vnes. La 9. si elles estoyent vnes, Melchisedec auroit sacrifié selon la loy: or *non fuit secundum legem ilia sacerdos*. La 10. si elles sont vnes, Iesus-Christ a esté Prestre selon l'ordre d'Aron, ce qui est faux: elles ne sont donc vnes, ny en temps, ny en substance, ny en nation.

## ¶ Heresie. 27.

*Melchisedec est sacrificateur comme Abel, Abraham, Isaac, Jacob, & sacrifioit selon les Peres de ce temps-là.*

### CONTRE.

J'ay refuté cela au traicté de Melchisedec, il ne fait que nier : si on croid les gens pour nier, il s'en trouuera qui diront qu'il n'y a point de Dieu. Contre sa negation, j'apporte 4 auctoritez, s'il a sacrifié selon Abel, Noé, & ceux de deuant, il a sacrifié des bestes, des oyseaux, ce qu'il n'a fait, comme ont dit cy dessus Eusebe, S. Hierosme, OEcumenius, & Primasius : S'il a sacrifié selon ceux de son temps : il a voulu sacrifier des hommes comme Abraham Isac, à la Phalaricene. S'il auoit offert comme ceux de deuant, il ne seroit dit, l'auteur de son ordre, l'ordre ne seroit des-nommé du dernier, & il auroit succédé à eux ce que personne n'a fait. S'il a sacrifié comme ceux d'apres luy, ç'a esté comme Isac, & Jacob & il ne les vit iamais, ô le grand Cronologiste ! que sçauoit-il comme ceux de 400. ans apres luy, deuoient sacrifier, pour sacrifier comme eux ? il n'a donc sacrifié ny selon le

passé, ny selon ceux de son temps, ny selon l'aduenir.

## ¶ Heresie 28.

*Iesus Christ a esté plus Prestre selon l'ordre de Melchisedec que d'Aron: à cause de son Royaume de Iustice, & de paix, & de sa sacrificature eternelle. fo. 24.*

### C O N T R E.

• Quelle façon de parler: *plus Prestre*. Il seroit donc de deux ordres de Prestres? cela est faux, il n'est que selon celuy de Melchisedec. La Bible ne dit iamais qu'il fust selon celuy d'Aron, autrement il dureroit encore, Comme il n'y a qu'une Eglise, aussi il n'y a qu'une Prestre. Il ne faut point dire *plus ny moins*: car S. Augustin sur le Psal. 33. dit qu'il reietta & repudia l'ordre d'Aron. *Dimisit eum & abiit, quia erat ibi sacrificium secundum ordinem Aron.* (Il parle de l'Agneau Paschal) *& postea ipse de corpore & sanguine suo instituit sacrificium secundum ordinem Melchisedec: Mutauit ergo vultum suum in sacerdotio, & dimisit gentem iudeorum, & venit ad gentes.* Il a donc quitté l'ordre d'Aron: & a institué apres la Cene, le sacrifice de son corps selon l'ordre de Mel-

chisedec. S. Augustin ne parle pas pour vous pauvres huguenots : aussi on dit que vous ne donnez rien à ceux qui vous soustiennent, presentez luy quelques chandelles.

En 2. lieu si Iesus-Christ auoit esté en quelque chose prestre selon Aron, les Iuifs ne l'auroyent pas oublié : Dauid neaumoins estoit Iuif, & n'en a parlé : Mais ce n'est assez ie veux mettre le doigt de la Banfferie sur la lettre, & luy reprocher qu'il a blasphemé directement contre S. Paul, & destruit tout ce quil a tant de peine de bastir au 7. des Heb. où il n'a autre but que de prouuer que Iesus-Christ n'est en aucune façon prestre selon l'ordre d'Aron, par ce que les Iuifs & Hebrieux huguenots, disoyent comme l'heretique la Banfferie, que Iesus-Christ estoit prestre selon Aron, afin d'oster le sacrifice quil institua la nuit derniere. Apres que j'ay considéré de fort pres, le 7. des Heb. ie trouue que S: Paul aporte 13. Antitheses & repugnances, pour prouuer que Iesus-Christ n'est point prestre selon Aron.

Doctes, ie vous en recognoy iuges, prenez vostre Bible & lisez mot à mot comme moy. La 1. est que l'ordre d'Aron estoit finy, *consumatio per sacerdotium Leuiticum erat.* La 2. quil estoit necessaire quil vint vn autre prestre non selon Aron, mais selon melchise-

dec: adhuc necessarium fuit *Et*. secundum ordinem Melchisedec dici, *Et* non secundum Aron. La 3. que la Prestriſe a eſté changée, *translatio sacerdotio*, il ne pouuoit donc eſtre ſelon celle-là. La 4. la Prestriſe appartenoit en heritage à Leui, & leſus eſtoit de Iuda, & par conſequent vn meſchant de prendre ce qui ne luy appartenoit en rien. La 5. que la Prestriſe d'Aron eſtoit charnelle, de laquelle les Prestres mouroyent, *secundum legem mandati carnalis*: Mais que celle de leſus eſtoit ſpirituelle ſelon la vertu d'vne vie; qui ne meurt iamais, *secundam virtutem vitæ indissolubilis*. La 6. que la Prestriſe d'Aron ne menoit à perfection: mais que celle de leſus Chriſt y menoit. La 7. que celle d'Aron auoit eſté faicte ſans ferment: mais que celle de leſus auoit eſté avec ferment. La 8. que celle d'Aron deuoit finir: mais que celle de leſus-Chriſt ne failliroit iamais, *in æternum*. La 9. Aron offroit pour ſes pechez, & ceux du peuple: & leſus n'a offert que pour ceux des hommes: s'il auoit offert comme Aron, il ſ'enſuiuroit qu'il auroit peché. Il ne ſe faut pas iouer en Theologie, car dire vn mot crument, c'eſt forger vn enfer dans le Ciel. La 10. Aron offroit tous les iours, & leſus n'a offert qu'vne ſeule fois, apres ſouper. L'vnzième, l'offrande Leuitique eſtoit finie, & celle de leſus Chriſt infi-



nie. La 12. la Prestrise d'Aron' offroit tous les iours quelque chose de nouueau, & celle de Iesus-Christ, n'offre tousiours qu'vne mesme chose : dequoy ie parleray amplement au traicté de *Semel*. La 13. la Prestrise Iuifue auoit des Prestres imparfaicts, *constituit sacerdotes infirmitatem habentes* : mais que Iesus estoit parfait, *fitium in aeternum perfectum constituit*.

Dire donc que Iesus estoit Prestre selon Aron, c'est faire crier la verité d'ahan : c'est desmentir Dauid : c'est frustrer la volonté de Dieu le Pere : c'est estre Iuif : c'est desmentir S. Paul en 13. passages : c'est remettre encore le sacrifice des boucs : c'est bailler du peché en Iesus-Christ : c'est le faire imparfaict : en fin, c'est estre pire que le Diable : & puis laissez grongner les pourceaux heretiques qui d'un seul mot conuertissent le Paradis en Enfer. Quand ie n'aurois que ce seul passage, la Bâfferie est vray Iuif, indigne d'estre veu entre les Chrestiens, & de respirer l'air en la loy de grace : Voulant faire Iesus-Christ assommeur de bestes & attribuer autant de force en la mort d'un puant bouc, qu'à l'odorant & bien-flairant sacrifice de nostre Sauueur Iesus-Christ.

### ¶ Heresie. 24.

Il appert que l'Apostre recognoist Melchisedee semblable à Christ, en ce qu'il adit de son Royau-

me de iustice & de paix, & de sa sacrificature eter-  
nelle.

## CONTRE.

S. Paul recognoist Melchisedec semblable à Christ. Vous ne disiez pas ainsi quand nous disputames, vous disiez que Christ estoit semblable à Melchisedec: Vous auez appris à parler: en ce lopin vous faillez 3. fois.

Semblable à Christ, ô mal'heureux, craignez vous de dire Iesus-Christ, craignez-vous de nommer le plus beau nom qui soit au monde ? le Christ, le christ, dictez Iesus-Christ tout à fait. Par-ce que l'Eglise Catholique dit Iesus Christ, nostre Seigneur, ces rongneurs d'Euangile ont dit le christ, le Seigneur. Ils ont honte de dire nostre, aussi n'est-il le leur: pour nous autres, c'est nostre Seigneur, nostre seul Sauueur, nous n'auons d'autre nom que les Chrestiens, & n'auons honte de ce nom, comme vous auez quand on vous appelle Lutheriens, Calvinistes & Gantiers, vous craignez de nommer ce beau nom de Iesus, de fleschir le genoil quand on le nomme, & de decourir vostre teste: en quoy vous pechez contre le commandement de S. Paul, Philipen'se 2. In nomine I. S. V. omne genu flectatur. Il n'est pas ineffable comme le I E H O V A ancien. C'est le seul nom ou il faut que nous  
- Toyons

foyons sauuez, comme dit S. Pierre aux Actes 4. *nec enim aliud nomen est sub celo datum hominibus in quo oporteat nos saluos fieri*: par-ce que l'Eglise le nomme, le huguenot la en horreur. Puis que la Banfferié me cite des *ouy dire*, il luy en faut alleguer de mesme, i'ay ouy dire que comme ils faisoient le presche dans vn pré à Venois, quand on parloit de celuy qui auoit presté la prairie chacun se deffuloit (comme on parle) mais quand il eschapoit au Predican de dire *Iesus*, personne n'ostoit son chapeau: dont quelque Catholique y estant entré l'ostant on l'en voulut reprendre, & alors il respondit, que nostre Seigneur meritoit bien qu'on l'ostast, comme quand on nommoit le maistre du pré.

*S. Paul recognoist Melchisedec semblable à Iesus-Christ, par-ce qu'il est Roy de paix & de iustice & à l'eternité de sa sacrificature.* Cela est faux: ne faiçtes point S. Pau! huguenot i'ay prouué qu'il n'y a qu'une seule chose qui est particuliere entre Iesus-Christ & Melchisedec, *d'auoir pris du pain & du vin.* Ceste heresie n'est de la Minerue de Gautier elle est trop crasse pour rien inuenter, c'est de l'imodeste Kemnitius, qui dit que S. Paul refere la Prestrie à l'eternité: s'il dit cela, il ne dit pas *seulement.* Car entre eux deux il y remarque 10. choses, qu'ils sont Prestres: qu'ils sont Roys

de Iustice : & de paix : sans pere : sans genealogie : sans natiuité : sans mort : sans fin : sans commencement : qu'ils ont benit.

Iesus est Prestre *eternellement*, par ce qu'il prit du pain & du vin, comme raporte Arnobe vn des plus vieils peres de l'Eglise, interpretant *sacerdos in aeternum* : disant *Christus per mysterium panis & vini factus est sacerdos in aeternum*.

Quand ie diray que l'ordre de ceste Prestrise consiste en l'*eternité*, il n'y a aucun inconuenient. S. Augustin en l'Epist 95 au Pape Innocent dit que l'*eternité* est d'offrir du pain & du vin. *Melchisedec prolato sacramento mensa Dominica nouit aeternum eius sacerdotii m. figurare.*

La Prestrise de Melchisedec, de Iesus, & la nostre, est *eternelle*, par ce qu'elle durera tousiours : S. Paul en la fin du 7. aux Heb. dit qu'elle est *eternelle*, par la force du serment, *Iurauit Dominus.*

La Prestrise d'Aron est finie, par ce que Dieu n'auoit point iuré en l'establissant : mais celle de Iesus est *eternelle* par ce qu'il a iuré, le faisant Prestre de cet ordre.

S. Athanaïe baille 3. interpretations à *in aeternum* Il est *eternel* par ce que *eternellement* il prie pour nous : il est *eternel* par ce qu'il sera offert tousiours iusques à la fin : ou bien il est *eternel*, par ce que l'oblation qu'il

offrit est d'eternelle puissance & force.

S. Cyprian liure de *Cœna domini*, met l'eternité, en ce que la sainte Eucharistie sera toujours offerte & durera iusques au dernier iugement, le huguenot ne la pourra oster. Catholiques ne craignez, que le huguenot abolisse la Messe, il ne sçauroit. *Perpes est hoc sacrificium & semper permanens holocaustum* il est perpes & semper permanens, dont Daniel l'a nommé iugé. La Messe demeurera iusques à l'Antechrist.

S. Hierosme Epist. 126. à Euagrius constitue cet ordre en plusieurs choses. *Ordo autem eius multis modis interpretatur, quod solus rex & sacerdos, & ante circumcisionem sanctus sacerdotio: ut non gentes ex iudeis, sed iudei à gentibus sacerdotium acceperunt neque unctus oleo sacerdotali, ut Moysis precepta constituunt, sed oleo exultationis & fidei puritate.*

O Ecumenius sur le 5. des Heb. dit que l'eternité de cet ordre consiste, en ce que le sacrifice de la Messe durera iusques au dernier iugement. *Oblationem dixit in æternum, non respiciens ad oblationem, & hostiam quæ facta est semel, sed ad nostri temporis sacerdotes inspiciens, per quos Christus, & sacrificat & sacrificatur.*

S. Anselme sur ce mesme 5. interpretant *in æternum*, dit qu'elle est eternelle, par-ce qu'elle durera autant que ce monde, & qu'elle

le ne sera changée pour en mettre vne autre, comme fut celle d'Aron. *In æternum, id est quandiu durabit hoc seculum: quia non transibit sacerdotium Christi, vt aliud succedat, sicut transit Leuiticum.* Si vous bastissiez aussi bien vos heresies comme ie les abats & desmolis, vous seriez digne *Bezam de ponte deicere*, & de vous seoir à Geneue.

### ¶ Heresie 30.

*La Prestrise de Melchisedec, & celle d'Aron sont semblables: par ce qu'Aron a offert des gasteaux & fait des persusions de vin. fo. 25.*

### - C O N T R E.

Cela est purement faux: iamais la Prestrise d'Aron n'a sacrifié ny vin ny gasteaux. La Banflerie est vn gros Bec qui ne void non plus qu'une Taupe, en l'Antiquité. L'ignorance de l'humanité le fait choper à tous coups & n'a iamais appris que quand les Payens sacrifioyent, ils amenoyent la beste, deuant l'Autel, ou estant arrestée on prenoit de l'orge ou du pain esmié, qu'on luy versoit sur la teste, entre les deux cornes, & ne falloit pas que la victime remuast en rien, ny frestillast quand on luy versoit cela: car si elle hochoit la teste, c'estoit mauuais signe. Or ce pain

( que nostre friand Predican appelle *Gasteau* ) estoit fait de 3. choses , de froment rosty ou moulu : de sel : & d'encens masse : & à cause du sel, dite *mola salsa*, & de ce gros morceau *mola*, on a dit *imolare* pour *sacrifier*. Apres que ce pain esmié estoit versé : le Prestre prenoit du vin : en goustoit vn peu , & en bailloit à toute l'assistance , qui touchoit le bord de la tasse, & s'apelloit *libare*, & cela fait il en versoit sur la teste de la Beste , avec vn vase dit *Symphulum* , ou *Symphonium* , prononçant ces mots : *Mactus hic vino inferio esto*. Dont ce vin s'apelloit *vinum inferium*. Tout cela n'estoit pas sacrifice, mais ceremonie du sacrifice : la beste estoit le sacrifice : laquelle le Sacrificateur presentoit apres & les *Ministres* & assommeurs, se iettant dessus & l'assommoyent & l'esgorgeoient.

Aron de mesme soit qu'il l'ait pris d'eux, ou eux de luy, auant que d'offrir la beste prenoit vn petit pain despestry d huille dit *Simila* , qu'il esmioit dessus la teste de la victime, puis apres il versoit vn *hin* de vin dessus encore, comme faisoient les Payens. Or cela n'estoit pas sacrifice mais ceremonies qui se faisoient deuant , Apendice du sacrifice. Apres on presentoit la beste , & estant tuée on la mettoit ou toute entiere ou vne partie dessus l'Autel, puis on la brusloit. Dieu n'en

auoit, que le flair & la fumée. Aron donc n'a pas sacrifié des Gasteaux, ny du vin: car la beste estoit le corps du sacrifice: mais à celuy de Melchisedec le pain & le vin estoient le corps & matiere du sacrifice: Gautier deuoit dire qu' Aron presenta long temps apres les pains de Proposition: mais pour tout cela rien. pour 3. causes. Car ces pains sont bien posterieurs: ils sont nombrez 12. & en 3. lieu, il n'y auoit que du pain, point de vin: ils ne pouuoient dōc estre semblables au sacrifice de Melchisedec: il deuroit prouuer qu'on sacrifioit ce *Simila* & cet asperges de *bin* ou infusion toute seule, mais la Bible le desment, ce n'estoit que ceremonie Si ces miettes, & ceste infusion de vin estoit sacrifice: il faut que les chapeaux & festons de roses qu'on mettoit sur les cornes, & infinies autres ceremonies fussent sacrifice.

### ¶ Heresie 31.

*En l'Epistre aux Hebrieux il ne fait aucune mention de l'offrande de pain & de vin.*

### CONTRE.

Cela n'est de vostre inuention, c'est du Legislatteur des huguenots Calvin, en ses in-



stitutes liur.4.chap.18. §. 2 qui dit. *S. Paul ne parle point du sacrifice de Melchisedec, ergo il n'a point sacrifié.* C'est bien conclud: comme si S. Paul deuoit parler de tous comme si S. Paul n'auoit rien escrit Melchisedec laisseroit d'auoir offert du pain & du vin. S. Paul ne dit pas qu'il a sacrifié du pain & du vin il est vray. Il ne dit pas aussi qu'il n'en a point offert: & si cela est faux. S. Paul parle du sacrifice de Melchisedec: Mais par-ce que les Hebreux ne pouuoient encore comprendre vn si beau mystere, parlant de Melchisedec, interrompt le fil de son discours, disant, *de quo grandis sermo, & ininterpretabilis ad dicendum, quoniam imbeciles facti estis ad audiendum:* par ce mot *λόγος δυσεμκνυτός sermo ininterpretabilis, sermo difficilis interpretatu,* il entend le sacrifice de Melchisedec. En second lieu S. Hierosme rompt le cola Caluin, qui dit que S. Paul, a obmis & laissé le sacrifice de Melchisedec, *Paulus omisit quoddam sacramentum Melchisedec.*

## ✠ Heresie. 32.

*La Prestriſe de Melchisedec n'a pas esté agreable à Dieu par-ce qu'elle estoit la figure de la Prestriſe de Christ, mais par-ce qu'elle estoit conforme à son ordonnance.*

## CONTRE.

La bestise de la Banfferie, disant choses si hors de raison, m'arrache la patience d'entre les mains : & pour prouuer ceste bestise ( si on dit que i'ay tort ) ie ne veux mettre en auant que ce verbiage. *La Prestrise de Melchisedec est agreable à Dieu, non par-ce qu'elle estoit la figure de la Prestrise de Christ. mais par-ce qu'elle estoit conforme à son ordonnance.* Cela est tres-faux, la Prestrise de Melchisedec n'estoit point selon l'ordonnance de Dieu. Dieu n'auoit fait encore aucune ordonnance pour la Prestrise: c'estoit en la loy, sans loy, sans commandement, & sans ordonnance: elle n'estoit donc selon l'ordonnance. Pensant euader Scylle, il est abyrmé dans Charybe. Il deuoit dire conforme à la volonté de Dieu: & non pas à son ordonnance. Tous ceux de la loy de Nature, ont sacrifié de leur bon gré & sans contrainte: Mais ceux de la loy escrite, par le commandement de Dieu: Melchisedec a sacrifié, *spontanea voluntate*, & Aron *Iubente domino*, comme dit Isidore liur. 2. chap. 5. *de off. Eccle. Initium quidem sacerdotii Aron fuit, quamquam & Melchisedec prior sacrificium obtulerit, & post hunc Abraham &c. Sed isti spontanea voluntate, & s'uiuant Aron primus in lege &c. victimas ob-*

*tulit, iubente domino.* La Banfferie doit apprendre vne autre fois à ne parler pas si ignoramment que cela.

## ¶ Heresie 33.

*Il est faux & conioinct avec blaspheme de dire que Dieu se soit repenty des promesses iurées à Abraham, & autres Peres.*

### CONTRE.

Cet argument est *ad hominem*, c'est vne des heresies que ie deuois auoir faictes; de dire que Dieu se repend. *Il est conioinct avec blaspheme*: Tout beau Gautier vostre rage a rompu la bride de modestie de laquelle vous vantiez estre bridé. Ce n'est blaspheme de dire que Dieu se repend: mais c'est *Anubeme* de dire le contraire: Si ie prouue par 8. lieux de la Bible, que Dieu se repend, ie ne seray plus heretique.

Le 1. est du 6. de Genese ou Dieu auoit fait des promesses que son esprit demeureroit en luy: mais voyant que l'homme estoit deuenue au dernier poinct de meschaceté, qui est de conuertir l'vsage de nature: Dieu se repend d'auoir fait l'homme. *Pœnituit eum quod hominem fecerat in terra*: & Dieu parlant

luy-mefme, *pœnitet me feciffe eos.*

Le 2. est pris du 1. des Roys chap. 5. ou Dieu dit au grand Prestre Hely, qu'il auoit promis que la Prestrise seroit touliours en la maison d'Aron, mais d'autant qu'il auoit mieux aimé ses fils que Dieu, Dieu le reprend de ceste promesse, & la retracte. *Loquens locutus sum vt domus tua & domus patris tui ministraret in conspectu meo in sempiternum: nunc autem dicit Dominus: hoc absit à me &c.* Dieu se reprend Gautier: Dieu fait des promesses: mais c'est à vne condition, *si custodierint mandata mea.* Il faut demeurer au cult & Religion de Dieu, si nous voulons participer à ces promesses. Il nous a promis le Paradis, mais en faisant ses commandemens.

La 3. est au 10. ou Dieu fait de belles promesses à Saul 1. Roy: mais par-ce qu'il a fait deux fautes, d'auoir sacrifié ne luy appartenant pas, & d'auoir compté son peuple: Dieu se reprend de l'auoir fait Roy: dont Samuel en ploie à chaudes larmes au 15. chap. *Pœnitet me quod constitueram Saül regem, quia derelinquit me, & verba mea opere non impleuit.*

Le 4. lieu est au 15. du 1. des Roys, ou Samuel quitte, & abandonne le Roy, par-ce que Dieu se repentait. *Iugebat Samuel Saulem, quoniam Dominus pœnitebat, quod constituisset regem Saul super Israel.*

Le 5. est de Dauid. *Iurauit Dominus, & non pœnitebit eum.* Dieu a iuré & ne s'en repentira point, il s'ensuit d'oc à tout bon Dialecticien, que Dieu a iuré quelque fois & s'en est repenty: ou il n'estoit besoin de dire, *& non pœnitebit eum.*

Le 6. est du 3. des Roys chap. 8. ou Dieu promet d'exaucer toutes les prieres faites dans le Temple de Salomon: mais au 4 liure d'hap. 21. par-ce que le meschant Roy Manasses mist l'idole du Diable sur l'autel de Dieu, alors Dieu retracte sa promesse, & dit que la Royauté ne sera plus en la maison de Dauid.

Le 7. est que Dieu se repend d'auoir fait tout ce qu'il a changé: or il a changé tout ce qui estoit au vieil Testament, ergo il s'est repenty de toutes les promesses du vieil Testament, & d'auoir institué la Prestre d'Aron. Il ne s'est point repenty de la Prestre de Melchisedec, ny de la promesse qu'il fist à Abraham, ausi cela estoit deuant le vieil Testament: Que Dieu se soit repenty de tout ce qu'il a changé: ie l'apprens de S. Augustin liu. 1. chap. 20. contre les aduersaires de la loy & des prophetes. *Iurauit Dominus & non pœnitebit eum. Dei eimatio Incredulorum est increpationis, & quod Deus non pœnit. bit significatio est quia hoc sacerdotium non mutabit, mutauit quippe sa-*

*cerdotium secundum ordinem Aron.* Voila donc mon heresie & blaspheme soustenu de 8 bonnes auctoritez de la Bible. Quand la temerité vous a pouffé à escrire contre moy, vous eussiez bien mieux fait Gautier d'imiter Bupale ou bien Lycambe. Si j'auois failly ie m'en desdirois, *in male pactis rescindenda fides*, & ne voudrois demeurer heretique. Je prie le S. Esprit d'espanser le basme de ses graces sur moy, & d'illuminer les yeux de mon entendement, pour ne voir vne chose louche & fausse sur la claire glace de l'escriture.

### ✠ Heresie. 34.

*Balam a parlé plus veritablement que cela, disant que Dieu n'est point comme l'homme pour se repentir.*

### C O N T R E.

L'asne de Balam a mieux dit la verité, que la Banfferie: cet heretique fausse le texte. Il n'y a pas que Dieu ne se repend point: mais qu'il ne ment point, pour faire du sçauant il quotte le 23. des Nombres à la marge, mais le voyla au naturel. *Non est Deus quasi homo, vt mentiatur, nec vt filius hominis, vt mutetur.* Dieu n'est

comme l'homme qui ment, & se change. Il n'y a pas *qu'il ne se repend point*: mais qu'il ne ment pas, il est la verité: & ne se change, car luy-mesme dit, *Ego sum & non mutor*, allez à l'escole de vostre maistre l'asne de Balan & apprenez à dire la verité. Je veux aduertir icy les Catholiques, que la Banflerie a corrompu tous les textes de la Bible & des Peres qu'il a citez, il n'en a pas cité vn en son sens.

## Heresie 35.

*Que la Prestrise d'Arone estoit des-agreable à Dieu, cela est faux.*

### C O N T R E.

Qu'est-il besoin de soustenir la Prestrise d'Arone qui est finie, au raualllement de celle de Iesus-Christ, c'est à faire aux Iuifs: mais par ce que c'est encore *de ma doctrine qui est contraire aux deux formes de Religion qui ont cours en France* si on l'en veut croire, il faut tirer 7. bonnes pierres de la Bible pour acrauer ce crapaut qui est fortly des ruines de la Prestrise Iudaïque, & le lapider comme le faux Prestre de Baal tel qu'il est.

Dauid Psal. 50. avec sa fonde ruë la premiere *Holocausis non delectaberis.*

En Ozée 6. Dieu le Pere mesme m'ayde à lapider ce faux Prestre, *victimæ vestrae non placuerunt mihi*, & Gautier luy en veut empuan-tir le nez.

Iesus-Christ iettez vostre pierre. *Holocausta & pro peccato tibi non placuerunt*, toutesfois le huguenot vous desment & dit qu'elle luy estoit agreable: ce-pendant qu'on assommera la Banfferie, ie suis content de garder les man-teaux & tels persecuteurs. S. Paul baillez-moy le vostre, prenez 4. bonnes pierres, & frappez viuement.

Heb. 7 *reprobatio quidem facta est precedentis mandati, propter infirmitatem eius & inutilitatem*, & au 6. *holocausta vestra non sunt accepta*, & au 10. *Impossibile est sanguine taurorum, aut vitulorum auferri peccata*, & au 9. *non placita sunt tibi quae secundum legem offeruntur*.

S. Augustin acheue d'assommer ce crapaut, ou il dit que le sacrifice de l'agneau Paschal desplaitoit à Iesus-Christ, par-ce qu'il estoit selon Aron. *Mutauit vultum suum, & dimisit eum & abiit, quia erat ibi sacrificium secundum ordinem Aron*, c est sur le Psal. 23.

Theodoret sur le 67. de la Creation, dit que Dieu ne vouloit point l'ordre d'Aron, elle n'estoit donc agreable ny a Dieu le Pere ny à Iesus Christ. Si les heresies de la Banfferie estoient aussi bien estançonnez comme



celles qu'il dit que l'ay faiçtes, elles ne tomberoyent pas. mais ie suis certain que le premier coup de pied que le temps donnera contre le huguenotisme, qu'il l'abatra. Ceste heresie ne viura point cent ans.

## ✠ Heresie 36.

*Ou est-ce que l'on trouuera que Dieu a voulu que ce qui estoit offert aux idoles luy fust offert pour diuertir le peuple de l'idolatrie, pourquoy s'est-il courroucé du veau d'or?*

### C O N T R E.

Lisez les liures, ignare, & vous trouuerez que Dieu a receu les sacrifices des bestes des enfans d'Israel pour les empescher de les offrir au Diable. Vous le trouuerez dans Sainct Chrysofome homelie 24. sur la 2. aux Corin. *quem offerebant sanguinem, & ipsum accipere uoluit, ut ab idolis eos auerteret.*

S. Hierosme dit aussi qu'il a requis ces sacrifices, de peur qu'ils ne les offrissent aux Idoles. Voyla Gautier bien caparançonné d'ignorance. Les Israëlites sacrifierent au Diable premier qu'à Dieu, tesmoing le veau d'or: & vouloyent auoir des Idoles, comme ceux d'où ils partoyent les AEgyptiens. Quand

Dieu a baillé les 10. Commandemēs à Moÿse, luy a il parlé de sacrifices? non. Deuant le Decalogue, ils sacrifierent au Diable Dieu voyant leur meschante nature, institua apres la Prestrise & prit les sacrifices des bestes afin qu'ils ne les presentassent plus au Diable. Le sacrifice des bestes est vne des 4. choses que Dieu a permises par conuience.

*Pourquoy s'est-il courroucé du veau d'or? vous parlez contre vous: c'est par- ce qu'ils luy ont sacrifié, premier qu'à luy. Moÿse deuenant ne se fasche il pas? ne rompt- il pas les premieres tables? n'abat il pas le veau d'or : vous estes le vray veau d'or, & ceux qui vous escou- tent, vrais Idolatres. Il nous faut vn Moÿse qui abate le veau d'or d'heresie qui le brusle, & qui vous en fasse boire à tous la cendre, afin que la barbe vous deuienne rouge. Je dy cecy en cachette comme le barbier son *auri- culas afin: Mida. habet.* Mais ie crains que les roseaux qui croissent sur ceste fosse ne disent, *il faut abatre le veau d'or d'heresie.**

Puis que l'interpretation du 1. commandement se presente, il faut monstrer comme

*Il faut auoir des Images en l'Eglise.*

Quand on demande aux huguenots, pour- quoy ils sont sortis hors de l'Eglise? par- ce- que

que nous sommes idolatres: appellât les images des Saints *Idoles*. J'ay refuté cela. mais ie veux interpreter le 1. commandement, pour leur monstrier qu'ils sont bien loing de leur compte.

*Tu n'auras point d'autres Dieux deuant moy.* Ils auoyent donc d'autres Dieux: *Vn seul Dieu tu adoreras & luy sacrifieras:* Ils sacrifioyent donc à d'autres Dieux qu'à Dieu seul. Et dès que les Gentils auoyent quelque Dieu, ils le faisoient eriger en quelque forme d'Idole: & luy sacrifioyent. C'est pourquoy Dieu defend d'auoir d'Idoles *non facies Idolum*, au Leuitique 26. *Sculptile*, ne s'entend pas des images des Saints: il auroit dit *picTUR.am*, ou *imaginem* ou *statuam*, ou *figmentum*. Vous auez verty, *tu ne te feras point d'Image taillée*: vous deuez dire, *tu ne te feras d'idole ou de graueure*. *Sculpo* signifie ie graue, ie taille ie burine, ie cizelle. *Sculptile* signifie la similitude de toute chose grauée. Aussi, conioint-il *Sculptile & similitudinem*: il ne dit pas *imaginem*: mais il dit: *Tu ne feras point d'idole: ny aucune figure grauée ou similitude des choses qui sont au Ciel ny en l'Air, ny en l'Eau, ny en la Terre.* Les Gentils ont adoré tout cela: Les choses du Ciel, comme le Soleil, la Lune, & les 7. Planettes. Les choses du Feu, comme Vulcain, Vesta, Iunon, Iris, les oyseaux, les Thesaliens, la Ci-

gongne, les Romains l'Oye, Ils ont adoré les choses de l'Eau, comme le Dauphin & autres poissons: Neptune, Thetis: Les choses de la Terre, comme les hommes & toutes sortes d'animaux, serpens, voire iusques aux plus sales parties de l'homme, desquelles les Matrones en portoyent la figure & le pourtrait en leur sein. Les Romains auoyent plus de 8000. sortes de Deitailles. Ils ont adoré ce qui est sous Terre, & les Enfers tous entiers, comme Pluton, Proserpine: Les choses de dedans le Centre, comme l'or, l'argent, *non facietis deos argenteos, nec deos aureos*, se deffend Dieu en Exode 20. Et par ce mot de *sculptile*, il entend tout cela.

Et si Dieu ne deffend pas de faire ces *idoles, graueures & autres figures*: mais il deffend d'en faire pour les adorer *ut adoretis* par ce qu'ils ne faisoient point de telles choses qu'ils ne les adorassent, & ne leur sacrifiasent, S'il auoit deffendu de faire rien de graué, ou buriné, il auroit deffendu l'art de sculpture, de peinture, & auroit fait contre son propre commandement. Car le Temple de Salomon, & l'Arche d'Aliance, n'estoit rien que graueure, que cizelure, que figures. Il a donc deffendu le *sculptile*, de peur qu'ils ne l'adorassent, *non facietis idolum & sculptile &c. ut adoretis*. Les images ne sont point deffendus, mais de les

adorer. Nous n'adorons point les images des Saints qui sont en nos Eglises, c'est pour l'ornement, & nous exciter à les suiure. Si ie prouue qu'il y auoit des images & figures aux deux Eglises du vieil Testament, comme il y a aux nostres, le huguenot aura la bouche fermée.

La premiere Eglise que Dieu commanda fut l'Arche d'Aliance, qui estoit *l'Eglise portative* des enfans d'Israël: à la forme de laquelle nos Eglises sont basties (ie suis vn peu prolix, par-ce que le poinct le merite (*l'Arche* c'estoit vne chose longuette, comme est toute la nef, & le creux de l'Eglise: & le *Propitiatoire* estoit vne chose esleuée dessus, au milieu comme est le clocher. En ceste premiere Eglise il y auoit *les images des Cherubins* qui estoient comme les figures de 2. hommes, & Dieu estoit si idolatre, pour parler en huguenot, qu'il estoit tousiours entre ces deux images quand il parloit aux enfans d'Israël.

En la 2. Eglise qui fut le Temple de Salomon, il auoit des images & figures d'hommes, d'Ange, de Cherubins, de Lyons, & de Bœufs pour l'ornement. Il est aussi decent, qu'il y ait en nos Eglises, les images des Saints & des Anges, que non pas des bœufs & Lyons. Il faut amener les textes de la Bible. Au 3. des Roys chap. 7. verset 25. ce n'est rien que

vostre *sculptile*. Salomon fait faire les images de 12. bœufs 3. regardoyent Orient: 3 Midy: 3. Septentrion: & *stabant duodecim boues, è quibus tres &c.* & au 24. il fait les images des Lyons, & des Anges Cherubins: *Et inter cornutas &c. Leones, & boues & Cherubin.* Les images de ces Cherubins esleuez en bossé, estoient en plusieurs endroits du Temple: au verset 36. *sculpsit quoque in tabulis &c. Cherubin & Leones, & Palmas:* & les images de ces Anges estoient comme les images d'hōmes & des Saincts en nos Eglises: *quasi in similitudinem hominis stantis, notez hominis stantis,* c'estoyent statues debout: le contexte me fait parler ainsi, ils n'estoyent pas seulement peints ou grauez, mais en statue *non calata sed apesita per circuitū.* Ces statues & images estoient autour comme nous mettons les images des 12. Apostres autour de la nef de nos Eglises.

En inhnis endroits les figures des Cherubins, des 12. Lyonceaux & des 12. bœufs se voyent dans le Temple de Salomon: Mais au 10. chap. verset 19. vous voyez l'image & statue d'un homme qui tient le trosne avec ces deux mains, *duæ manus hinc atque inde tenentes.*

Au 2. liure du Paral. chap. 3. verset 14. Salomon fait planter l'image & statue des 2.

Cherubins esseuez debout toutes entieres, cō ne sont les images des saints en nos Eglises. *Stab̄ erectis pedibus, & facies eorum erāt versæ ad exteriorem Dm̄ n.* Il y auoit donc des images aux deux Eglises du vieil Testament, & ne faisons mal d'en auoir en nos Eglises puis que telle a esté la coustume du vieil & du nouveau Testament. Que le huguenot ferme sa bouche avec la clef d'vn perpetuel silence, & qu'il sçache que son ignorance de n'auoir leu la Bible, ou de n'auoir iamais veu ce passage interpreté comme il est, le fait perdre, & rendre inepte à vn chacun.

### ¶ Heresie. 37.

*Quand les idolatres ont offert aux idoles, c'est qu'ils auoyent veu offrir au vray Dieu: & les Gentils ont pris cela des Iuifs.*

## C O N T R E.

S. Hierosme vous desment, que les Iuifs ont pris la Prestise des Gentils: *sic & Melchisedec &c. ut non gentes ex iudeis sed iudei à gentibus sacerdotium acciperent.* Ils auoyent veu offrir aux idoles en AEgypte, deuant qu'ils offrissent à Dieu: & les Chananeans leurs voisins estoient idolatres. Ils voulurent auoir

des Dieux & des Roys comme eux, ils ont donc pris cela des idolatres.

### ¶ Heresie. 38.

*Ce n'est assez de dire la verité, il ne faut pas la maintenir par mensonge & fausseté.*

### C O N T R E.

La verité ne se soustient par mensonge, vous estes vn mensonge: sont deux contraires, elle n'a que faire qu'on la soustienne, comme dit la Bible. *Super omnia vincit veritas.*

### ¶ Heresie 39.

*Les anciens font Noé en son yuressse, & les autres Peres avec leur vices, figures de Iesus-Christ.*

### C O N T R E.

Cela est faux, les Peres n'ont point de vices, ce sont autant de mysteres. L'yuressse de Noé n'est pas vice, au Genese, il est *iustus atque perfectus*. Impudent aprenez à bien parler: S. Cyprian Epist. 63. à Celius appelle l'yuressse de Noé *Sacrament. Circa sacramentū Noé, hoc ipsum pracesisse & figuram Passionis*. Ceste yuressse fi-



guroit le grand amour qui deuoit enyurer Iesus-Christ à mourir pour nous. Maudit Chan, vous decouurez les parties honteuses des Peres, les appellans vices, vous en riez, & ce S. Personnage les recouure du manteau de sacrement. Vous aurez la malediction, deuë recompense de vostre impieté,

## ✠ Heresie 27.

*Il voudroit q̄ l'Eglise Romaine remarquast, que les enfãs d'Israël auoyēt l'asseurãce de leurs pechez en leurs sacrifices : ils n'attribuoyent pas la remission de leurs pechez à leurs pelerinages & deuotiõs.*

## CONTRE.

L'Eglise Romaine l'a bien remarqué: Israël n'auoit point l'assurance en ses sacrifices. S. Paul a dit qu'il est impossible que les pechez soyent ostez par les sacrifices. *Impossibile est sanguine taurorum auferri peccata.*

Les Catholiques n'attribuent la remission de leurs pechez à leurs pelerinages: mais à la seule passion de Iesus-Christ, qui leur est appliquée par le sacrifice de la Messe, par le Baptisme & autres sacremens. Ils n'attachent pas le nauire de leurs esperances, à vn Ancre si debile, & foible que les Pelerinages. C'est

bien fait d'aller *en pelerinage* avec vne sainte & chaste deuotion, visiter les lieux des martyrs, pour pener son corps. La Banfferie est semblable aux petits enfans qui esueillent les chiens qui les viennent mordre: il ne deuoit parler des pelerinages pour son honneur. Voila ce qu'il faut sçauoir pour faire taire les Gautiers huguenots qui veulent disputer des Pelerinages.

### *Les Pelerinages au vieil Testament.*

L'Eglise ne fait rien qu'on n'ait fait tousiours deuant la mort de Iesus-Christ, & apres. Par 3. textes de la Bible ie prouue que les enfans d'Israël alloient en pelerinage en des lieux bien loing, & faisoient des vœux comme font les Chrestiens.

Au 3. des Roys, chap. 8. verset 41. il se lit comme toutes sortes de nations non seulement de luifs: mais aussi des Gentils venoyent en pelerinage au Temple de Salomon prier Dieu: & en ce lieu Dieu entendoit du Ciel la priere de ces Pelerins, & exauçoit tout ce qu'on luy demandoit. *Alienigena qui non est de populo tuo Israël, cum venerit de terra longinqua propter nomen tuum & orauerit in loco hoc, tu exaudies in Cælo, & facies omnia pro quibus inuocauerit te alienigena.* Il faut remarquer que

ces estrangers n'estoyent Iuifs, mais Gentils qui alloient si loing en pelerinage, ce qui denotoit les *pelerinages* de nous autres Gentils.

Au 2. des Roys chap. 15. verset 7. & 8. Absalon estant en peine & en fuite chez Gessur Roy de Syrie pour la crainte de son pere Dauid, estant en ceste misere fait vn veu d'aller *en pelerinage* en Hebron, & d'y faire dire la *Messe*, & sacrifier, si Dieu permet qu'il r'entre en grace avec son pere Dauid, & fist tout ainsi, comme font les Chrestiens, quand ils sont en aduersité. Voila Absalon qui parle a Dauid. *Vouens enim vouit seruus tuus cum esset in Gessur Syria, dicens: Si reduxerit me Dominus in Hierusalem sacrificabo Domino*, & il demande congé à son pere d'aller *en pelerinage* en Hebron rendre ses vœux. *Vadam & reddam vota mea quæ voui domino in Hebron*. Absalon estoit vn grand Catholique de faire des vœux en son affliction: de prendre la peine d'aller en pelerinage si loing, que ne prioit-il Dieu en sa chambre, sans aller si loing: pourquoy faisoit-il dire la *Messe* & sacrifier en ce lieu d'Hebron? Que dira l'incensé huguenot. Voila les *pelerinages* chez les Gentils, & les Iuifs, qui auoyent accoustumé d'aller bien loing en pelerinage rendre leurs vœux & faire dire la *Messe*, pour remercier Dieu qui les auoit sauuez du danger.

*Les Pelerinages au nouveau Testa-  
ment.*

C'a tousiours esté la coustume de la primitive Eglise d'aller en *Pelerinage* visiter les lieux ou les Martyrs auoyent esté tuez, ou ils estoient enterrez, & ou ils auoyent fait des miracles: Tant de gens ont escrit de cela que ie n'enrichiray point la pauvreté de mon discours, de la richesse de leurs labeurs. Je renuoye seulement le huguenot ( qui se rid de ce qu'il ignore ) aux Epistres de S. Hierosme qui a tant esté en pelerinage à Hierusalem, qui s'en alla tenir en Bethlehem & qui exhorte tant ces 2. braues femmes Romaines Paule & Eustochium d'aller *en Pelerinage* aux saincts lieux: de s'aller mettre à genoux sur le trou ou fut fichée la Croix, & de s'imaginer de voir encore Iesus-Christ fiché en Croix, afin d'attrister leurs pensées sur vne tristesse qui vaut mieux que toute la ioye du monde. D'aller au sepulchre de nostre Sauueur, plorer, baiser la pierre, lecher le lieu ou le tres-sainct corps auoit reposé. C'est S. Hierosme qui est ainsi bigot. Nul ne lit ces belles Epistres qui n'ait l'ame eschauffée d'aller recognoistre le digne lieu ou le Sauueur du monde a pris naissance. C'est le diuin X<sup>e</sup>

nophantus qui nous excite & iette hors de nous mesmes, avec vn saint Euthusiasme, pour passer la mer, & aller combattre les Iuifs & barbares qui tiennēt prisonniere nostre liberte, & nous empeschent de posseder ce qui est nostre.

## ¶ Heresie 41.

*Melchisedec s'offenseroit de se voir comparé à vn Curé de village. C'est peu de discretion de mettre Iesus-Christ au rang des Prestres crotez, qui disent la Messe pour six blancs, c'est à dire pour la bribe. C'est mal fait de bailler des Prestres crotez pour compagnons à Iesus-Christ.*

## CONTRE.

Voyez comme ce Cecrotipete & raboliné Predican parle indignement des Prestres: ses souliers sont bien mieux decrotez que les autres. Si ie voulois peindre vn mal-otru, vn Epopillard, vn Satyre, vn Esope ou Therfite, & tout ce qu'il y a de mal faict au monde, ie peindrois vn Ministre huguenot, pour patron de toute inciuilité: Qu'il est gentil, toutes les filles de ioye courent apres luy, *In odorem vnguentorum illius currunt adolescentulæ*. Il n'estoit besoin d'attaquer les Prestres: si ie l'ay offen-

cé qu'il ne m'espargne pas, ie le deffie, qu'il me reproche la paillardise, & tout ce qu'il voudra, ie ne luy en ressemble que de mieux, ie seray de ses truyes. Ainsi parloit S. Hierosme au huguenot louinian. *Obiice crimina que volueris: Argue luxurie & deliciarum, magis me amabis, si talis fuero, ero de tua armēto.* Si il y auoit autant de Ministres que de Prestres on n'en tiendrois pas grand compte: Quand il y aura seize cens ans que le presche dure, ie pense que son Automne sera bien laid.

Les Apostres n'estoyent guere mieux decrotez, on leur reprocha qu'ils mangeoyent sans lauer leurs mains: si le Peintre ne faisoit point son pinceau, & qu'il voulust représenter au naif, le pourtrait des Apostres sans les endimancher, il les représenteroit en bons Capucins, & non en frisez, frisez Ministres. S. Iean comme estoit-il habillé? si le huguenot les voyoit, il les appelleroit le *Mardy gras*. *Purpura imperatorem facit, non sacerdotem.* Ce n'est pas d'a cec' heure, que les meschans se moquent des Prestres: Aux Actes 4. les luifs appellent S. Pierre & S. Iean idiots: & au 4. de la 1. aux Corin. S. Paul dit qu'on les estimoit *les balieures du monde*. *Tanquam purgamenta huius mundi facti sumus omnium per ipsema:* mais en tout ce chapitre, il console les Prestres que *maledicimur, & benedicimur:*

les vituperes d'un meschant leur estant louanges.

## *La grandeur des Prestres au vieil Testament.*

La dignité des Prestres est si grande, qu'elle marche immediatemēt apres Dieu: c'est la premiere dignité du monde. *Sacerdotum genus regale*: & ont commandé à tous les Roys.

En la loy de Nature, la *Prestrise* estoit le fief noble, que l'aîné prenoit par *Preciput*, Tout aîné estoit Prestre: & la Prestrise & primogeniture sortirent d'un mesme ventre: Dont la Prestrise est l'aînée de toutes les grâdeurs. Melchisedec estoit Prestre & Roy.

En la loy escrite Dieu a commandé d'honorer le Prestre le second d'apres luy, comme il se lit au 7. de l'Eccles. *Ex tota anima Deum time, & sacerdotem eius sanctifica*. Qui mesprise les Prestres, mesprise Dieu, comme il dit à Samuel au 1. des Roys chap. 8. *Nin te spreuerunt, sed me spreuerunt*. Ou ie prieray les doctes de remarquer ce trait de S. Cyprian. Epist. 65. à Rogatian: *Que les Roys ne sont creez en terre, que pour venger les iniures des Prestres: Car les Iuits ayant murmuré contre le Prestre Samuel, Dieu crea Saul 1. Roy afin de les tour-*

menter & vexer, pour ce mespris.

En l'Exode 22. Dieu appelle les Prestres Dieux. *diis non detrahes.*

Au Psal 104 il deffend de les toucher ny iniurier. *Nolite tangere Christos meos, & in Prophetis malignari.*

En Malachie 2. le Prestre est appellé l'Ange des exercites. *Angelus Domini exercituum est.* & au Deutero. 17. commande de lapider ce luy qui ne luy obeyra.

En Zacharie 2. qui touche les Prestres, touche la prunelle de l'œil de Dieu: *Qui tetigerit vos, tangit pupillam oculi mei.*

En l'Exode 22. il deffend de detracter des Prestres. *Principi populi tui non maledices.* Dont S. Gregoire dit que nous deuons auoir tousiours sur nous le iouc de reuerence, quand nous parlons d'eux. *Diuino timore constricti, ferre sub nobis in gum reuerentia.* Le huguenot neantmoins fait son Paradis, de mal parler des Prestres. Melchisedec ne trouuera donc mauuais de ce que ie l'ay comparé à vn Curé.

### *La dignité des Prestres en l'E- uangile.*

Au nouueau Testament, la plus belle dignité est la Prestriſe, Iesus-Christ n'a voulu



prendre d'autre qualité. Il a tant honoré les Prestres, qu'en S. Matthieu 8. ayant guary le Lepreux luy dit *Mōstrate Sacerdoti*. Et il appelle encore Caiphe Prestre, encor qu'il sceust bien qu'il estoit simoniaque & sacrilege: comme a remarqué S. Cyprian. *Sacerdotem adhuc appellat Caipham quem sciebat sacrilegum*: & ayāt receu vn soufflet il ne respondit rien, parce que c'estoit au grand Prestre, à qui il parloit, *sic respondes Pontifici*. Deux ou trois ans apres estre monté au Ciel, & ayant rendu S. Paul au eugle l'enuoya au Prestre: *vade ad sacerdotem*. La Banfferie n'auoit-il point leu tous ces passages: Iesus-Christ ne trouuera mauuais, si ie luy baille les Prestres crotez pour compagnons: il les a pris luy-mesme. Qui mesprise les Prestres, mesprise Iesus Christ: En S. Luc 10. *Qui vos spernit, me spernit*. Il leur baille son mesme honneur & puissance, qui est de pardonner les pechez, en S. Iean 20. & S. Matth. 18. *Quaecunque ligaueritis super terram erunt ligata & in caelis*: Sur quoy S. Chrysostome dit que le Prestre est plus grand que l'Ange, & que les Roys: les Anges n'ont ceste puissance. Et les Roys peuuent lier les corps, mais les Prestres l'ame. *Habent terrestres principes vinculi potestatem, verum corporum solum: id autem quod dico sacerdoti vinculum, ipsam etiam animam contingit, atque ad calos peruadit.*

Il leur a dit qu'ils feront sis avec luy, au dernier iugement, qu'ils iugeront. En infinis endroits il les appelle *ses enfans, ses freres, ses amys, ses coheritiers* : Au 2. des Heb. *non confunditur fratres eos, vocare* : & en S. Matth. *non dico amplius seruos, sed amicos*, & en vn autre *facit coheredes & participes regi*. Je n'ay donc failly de faire les Prestres crotez compaignons de Iesus-Christ. ●

Aux Actes 23. S. Paul porte encore respect au Prestre, *nesciebam fratres, princeps est sacerdotum*.

S. Ambroise monstra bien la puissance sacerdotale, à l'Empereur Valens, quand il le chassa de son Eglise de Milan, & luy fit faire 6. moys durant penitence au porche de son Eglise.

S. Chrysostome liu. 3. *de sacerdotio*, dit que le Prestre va deuant le Roy & est plus grand. *Sacerdotem merito, non modo plus vereri debemus, quam vel principes vel reges, verum etiam, &c.* & en l'Exhortation aux vierges. *Habemus nos sacerdotes, nostram nobilitatem praefecturis & consularibus praefendam*, & au 1. allegué. *Sacerdotium, Principatus est, ipso rege venerabilius ac maius*.

S. Gregoire Epist. 35. à Felix, dit qu'il ne faut mal parler des Prestres, *Cauendum est ne inuicem detractiois aut vituperationis, seu indiscretionis*

*Etionis aut deshonorationis mittere in vnūm Domini, aut Prædicatorem sanctæ Ecclesiæ.* S. Martin de Tours estant à table avec l'Empereur, la coupe luy estant présentée, beut le premier, puis la bailla au Prestre qui estoit venu quand & luy, & puis apres à l'Empereur.

S. Bernard dit, que si vn Ange estoit descēdu du Ciel, & qu'il veist vn Prestre pres de luy, qu'il iroit premierement baiser les mains du Prestre, que d'aller à l'Ange. Voyla comme les Prestres sont honorez, & quiconque en detracte, est l'ennemy de Iesus-Christ & de l'Eglise, cōme dit S. Cyprian Epist. 55. à Cornelius, *Christi aduersarius, & Ecclesiæ inimicus est.*

## ¶ Heresie 42.

*D'ou ay-ie recueilly que Melchisedec ait offert du pain & du vin, il peut auoir offert de la farine, des Gasteaux du vin, & de l'huile.*

Tout cela est refuté. Il ne pouoit offrir ces gasteaux ny huile, car ils n'ont esté inuentez que 600. ans apres. On n'offroit ces choses en son temps: il fait Melchisedec Munnier, Paticier, Tauernier, Espicier ou Apoticaire. Il le deuoit appeller aussi iardinier ou bouquetier: car on mettoit aussi des Teurtis & Guirlandes de fleurs sur les cornes: & Sau-

nier, veu qu'en la loy écrite on ne faisoit sacrifice, qu'il n'y eust du sel. Au Leuitique 2. *In omni oblatione offeres sal.* Il n'auoit pas remarqué ce passage.

### Heresie 43.

*Les anciens ont rapporté à Iesus-Christ, tout ce qu'ils ont trouué au Vieil Testament, soit à propos ou non.*

C'est la coustume des heretiques d'accuser les Peres d'ignorance: pensez qu'il est bien mieux à propos de dire que Iesus a offert des bestes, de la fleur, des gasteaux, de l'huile & du sel: car si Melchisedec en a offert il faut que Iesus-Christ en ait offert de mesme.

### Heresie. 44.

*Il ne dit pas tout seul que Melchisedec a porté le pain à Abraham: voila ce que dit S. Ambroise. Tunc victor venit, occurrit illi Melchisedec sacerdos, & obtulit ei panem & vinum. S. Augustin de mesme: obuiauit Melchisedec sacerdos Dei summi Abrahæ reuertenti à cade regum, & protulit panem & vinum, & obtulit ei.*

## CONTRE.

Le vous dy que ces Peres ont dit cela mal

à propos, selon vostre doctrine, mais ie me moque. S. Ambroise dit qu'il presenta de ce pain à Abraham: le dy qu'il luy en presenta aussi: mais il l'offrit premièrement à Dieu, puis bailla à Abraham de ce pain sanctifié. Il ne dit pas *soli & non Deo*. Vous presentez vn lieu qui n'a teste ny pieds. Et pour vous mōstrer que S. Ambroise dit qu'il sacrifia du pain à Dieu, lisez le 5. chap. du 1. liu. des Sacremens. *Cognouimus sacramentorum istorum figuram*, (parlant de la sainte Hostie) *Abrahe temporibus precessisse, quando obtulit sacrificium sanctus Melchisedec*. Il l'appelle *Sacrement*, & *sacrifice*.

S. Augustin dit *panem obtulit ei*, qu'en est-il, en cet endroit il ne parle que de la dernière action de Melchisedec: & en infinis endroits il parle de la première, cōmmē au chap. 22. du 16. de la Cité. *Ibi primum aparuit sacrificium quod à Christianis offertur*: & en plus de 6. endroits il dit que Iesus-Christ institua le sacrifice de son corps, selon l'ordre de Melchisedec. Ie ne rebute là creance de S. Augustin, ains l'embrasse pour orthodoxe qu'il offrit ce pain & vin à Dieu, puis à Abraham.

## Heresie 45.

S. Augustin parle ouuertement en l'Epist. 95.  
à Innocent: *Melchisedec pro lato sacramento mensē*

*Dominicæ, nouit eius sacerdotium figurare. Pour cela il ne s'ensuit pas qu'il ait offert du pain & du vin.*

Il parle appertement, mais c'est contre vous, il appelle ce pain *Sacrement*, ce n'est d'oc vne collation & pain prophane, & en plusieurs lieux il le nomme *sacrifice*. S. Cyprian bien plus vieil que S. Augustin parlant de la Cene, en l'Epist, & liur. 3. à Celius, dit *sacrificium Deo patri obtulit, & obtulit hoc idem quod Melchisedec obtulerat.*

## ¶ Heresie. 46.

*Examinons vn peu le texte de Genese & c. Apres qu'il s'en retournoit de la deffaiete de Kedarlabomer, & c.*

### CONTRE.

Si ie l'examine ce sera à sa honte & ignominie. Apres qu'il a tourmenté le vieil interprete, & qu'il a esté si cruel que de ne laisser dormir les deffuncts en repos: en vertifiant le texte il a fait 7. fautes. Il a verty. *Et le Roy de Sodome*: Il n'y a point d'*et*. Puis *Kedarlabomer*: & 4. fois dans le texte il y a *Chodorlabomor*: Il accuse S. Hierosme de s'estre trompé il oste la parenthese, & se fâche d'estre enfermé dedans: il a si peu d'esprit qu'il ne scauroit affourcher par dessus vne parenthese, vn

coup de plume l'a fait broncher le lourdaut. *Il fist offrir*, cela est faux : Car *offerens*, ou *protulit* est actif, il falloit dire *presentant* ou *presenta*. *Il fist offrir*. Cela est faux ce fut luy-mesme. Et *melchisedec*, il y a *at*, & vn point deuant. *Dei alissimi*, du Souuerain, version gaulre & poetique. En dernier lieu il aime tant les conionctions copulatiues que par 3. fois il a adiousté, &, mais pour oster & adiouster il n'a trouué son compte.

### ¶ Heresie. 47.

*Il n'y a pas d'aparence qu'il ait offert ce pain pour chanter vn Te Deum. Le te Deum n'estoit encore basty : & ceste façon de seruir Dieu en langage estranger n'estoit encore en vsage.*

## CONTRE.

Quel mal y a il de dire, parlant selon nostre temps, chanter vn *Te Deum* à Dieu, pour luy rendre grâce, d'vne victoire : ie pouuois dire chanter vn *In exitu* : & autres qui se sont chantez pour des victoires. Le *Te Deum* n'estoit encore basty. On le sçait bien : S'ont esté S. Ambroise & S. Augustin qui l'ont composé il y a plus de 12 cens ans passez. Si le *Te Deum* n'estoit inuenté, aussi n'estoit celuy de Calvin qui ensuit.

## Le Te Deum de Calvin.

*Te Calvinum damnamus, te hereticum confitemur.*

*Te errorem patrem, omnis Ecclesia detestatur.*

*Tibi omnes Angeli, tibi celi & vniuersae potestates:*

*Tibi Clerici & Laici incessabili voce proclamant.*

*Satan Satan Satan rebellis Deo Sabaoth.*

*Pleni sunt celi & terra horrendae blasphemia tua.*

*Te luxuriosus Apostatarum chorus.*

*Te hypocritarum damnabilis numerus.*

*Te fornicatorum maculatus laudat exercitus.*

*Te per orbem terrarum sancta anatematizat Ec-  
clesia.*

*Patrem immense prauitatis.*

*Vane possum dogma tuum & iniquum consilium.*

*Falsum quoque per tuum decipimur spiritum.*

*Tu rex iniquae sectae.*

*Tu patris Diaboli execrandus es filius.*

*Tu ad perdendos fideles homines, horruisti virginis  
filium.*

*Tu abiecto veritatis fundamento aperuisti tibi por-  
tas inferorum.*

*Tu ad dexteram Luciferi sedes in rigore ignis.*

*Iudicandus crederis, in aeternum arsurus.*

*Te ergo quae unius tuis discipulis subueni quos per-  
nicioso dogmate perdidisti.*

*A Ete:na facies eos cum reprobis flamma cruciari.*

*Saluum fac populum tuum Calvine, & maledic  
impietati tuae.*



*Non reuocabis eos, sed conculcabis illos vsque in  
aeternum.*

*Per singulos dies maledicimus te.*

*Et damnamus nomen tuum in seculum & in seculum  
seculi.*

*Dignare Caluine die isto à peccato tuo reslire.*

*Miserere tui Caluine, miserere tui.*

*Fiat iustitia Dei super te, & tuos, quemadmodum  
sperauerunt in te.*

*In te Caluine sperantes confundantur in aeternum.*

Venons à ceste façon de seruir Dieu en langage estrangier : Il entend en Latin. Prier en Latin est-ce langage estrangier ? Vous deuez dire en François. Car prier en François c'est langage estrangier à l'Eglise: Deuant que Marot eust verty les Psalmes, en quelle langue priez vous ? Vn de vos surueillant respondit l'autre iour à vne Damoyfelle d'honneur, que vous n'estiez pas encore. Vostre Mosquée donc est vn Champignon. Et Dieu vous gard Champignon. Si Neron viuoit encore il vous aualleroit comme vn huitre à l'escalle : car il ayroit tant les Champignons qu'il disoit que c'estoit la viande des Dieux : & que son predecesseur estoit deuenu Dieu pour en auoir mangé. Il n'y a pas cinquante ans que la Bible est en François c'est ceste derniere couuée de viperes qui l'a vertie: Tous les heretiques qui

furent iamais ont prié en Latin, vous les auez voulu surpasser en ce blaspheme. Si vous estiez, vous priez en Latin, & faisiez mal : Les premiers qui mirent la Bible en François, furent ceux de l'Euesché de Mets, du temps d'Innocent 3. ou le vulgaire mesprisant les Prestres, fist vertir la Bible en François, & les mariez, & fēmes mesme se mesloyēt de prescher. Voila le plus loing. Si vous n'estiez point : vous n'estes pas l'Eglise Catholique, elle a eu son commencement avec le monde & finira quant & luy. Prier en François c'est prier *barbaresquement*. Allez Grimault apprendre vostre Despautere & la regle *Græca suo generi*, comme toutes les langues (excepté le Grec & Latin) sont langues barbares : Le François, Anglois, Espagnol sont langues barbares, Comment dictes vous que chanter *Te Deum* est langage estranger ? Depuis Iesus Christ, a t'on prié Dieu en autre langue qu'en Hebreu, Grec, & Latin ? C'est le langage maternel de l'Eglise. Le huguenot veut couper ceste franche branche, pour y enter vn sauuageon : mais il t'uy faut monstrier comme

*Il ne faut dire la Messe en François.*

Les Catholiques ont deux sortes de Prieres : les particulieres & les publiques. Pour

les *mentales*, l'Eglise permet de les faire en François, afin qu'un chacun demande à Dieu ce qu'il luy est necessaire en sa langue: & de sçauoir en François les commandemens. Laquelle coustume Beze aux marques de son Eglise recognoist tres ancienne disant que

Vn seul Dieu tu adoreras  
Et aimeras parfaictement

Est vne rhytme fort barbare & mal-otruë. Or pour les prieres publiques, comme le ser- uice de l'Eglise, & la Messe, il les faut dire en Latin pour 13. raisons.

La 1. c'est que de tout temps on a dit la Messe en Latin, Hebrieu, ou Grec, & iamais en François.

La 2. ce n'est le peuple qui doit dire la Messe, il ne faut donc en François: ains le prestre qui doit entendre la langue Latine. Anciennement chez les Iuifs le peuple ne chantoit pas, c'estoiēt les châtres & prestres seuls: ce que denote le tiltre des Psalmes de Dauid: c'est tousiours pour vn chantre. Le peuple ne disoit mot, il estoit separé des chantres: voyez les plus anciennes Eglises de l'Euangile, la nef est pour le peuple, & le cœur pour les chantres. Les doctes sçauent bien que *cho-*

*rus* signifie vne troupe de gens qui chantent. Donc au vieil ny au nouveau Testament, le peuplen'a point chanté le seruice public dans l'Eglise, comme vous faictes en vostre Mosquée. Dieu dit la verité par la bouche des enfans. L'autre iour vn petit enfant, des nobles maisons de ceste ville, estant allé dans vostre Carriere par compagnie, voyant vn chacun qui hurloit & brayoit ainsi sortit, & s'enfuyant dit: *ils chantent tous & ne sont pas Prestres.*

La 3. en la Messe on parle à Dieu qui entend toutes langües, & non au peuple.

La 4. on celebre la Messe en Latin: par ce que *sacrificii actio consistit magis in re quam in verbis*, & le plus souuēt on parle à l'element le pain & le vin, qui n'entendent aucune langue.

La 5. Quand S. Denis vint en France, il ne celebra la Messe en François, mais en Grec, sil eust esté bon, il l'eust mise en vulgaire.

La 6. l'Eglise Galicane est subiette à la Romaine qui prie en Latin, elle doit faire de mesme.

La 7. sur la Croix de Iesus. Christ, il n'y auoit que les 3. langues, Hebreu, Grec, & Latin. *Hebraicè, Grecè & Latine*, qui sont les 3. langues saintes, dās lesquelles est gardé le thresor des sciences.

La 8. l'Euangile n'a esté escrit qu'en ces 3 sortes de langues: que le S. Esprit ne per-

mettoit-il qu'il fut escrit en François? Iesus-Christ sçauoit bien, que toutes sortes de nations deuoient receuoir son Euangile. Que l'Euangile n'a il este elcrit en autant de sortes de langues qu'il y a de nations? Il y auroit plus de 6000. sortes d'Euangile. Si chaque Nation l'auoit en sa langue. & qu'il n'y eust que la François qui ne l'eust point, pour le bien de mon pays, ie serois hnguenot de ce costé là. Pourquoy elle n'est qu'en ces trois langues? Dieu l'a ainsi voulu: *pourquoy* est vn heritage particulier à Dieu, qui ne se partage avec les hommes. *Mitte arcana Dei* il n'y a point d'autre raison que la *bien-complacence* de Dieu.

Le 9. si la Messe se disoit en François & langage vulgaire, vn grād inconvenient s'enfuiuroit: C'est qu'un François allant en Italie, Allemagne & pays estranges: & au reuers, si vn estranger venoit en France, comment diroit il Messe, n'entendant le langage? Il seroit contraint de porter son Messel. Le huguenot seroit b. en aise qu'il n'en dist point.

La 10. s il faut parler en langage commun afin qu'un chacun l'entende, pourquoy a t'on laissé tant de mots Hebreux *Abba, Osanna, Eeli, Eli, alama, sabatani, Alleluja*? Pourquoy S. Paul escriuant aux Grecs a il parlé Hebreu *maranatha* Pourquoy le huguenot a t'il laissé dans son François l'*Osanna, l'Alleluja, le Se-*

*lach*? que ne le tournoit-il. ô faux prestre vous gardez l'intelligence de ce Kalendrier pour vous, vous estes de meschantes gens, de celer cela à la plus loquetée lauandiere qui louë les formes en vostre presche.

L'vnziesme raison est que l'Eglise vse de 2. langues: de la françoise a prescher, & de la Latine à dire la Messe.

La 12. Toutes les sortes de nations qui sont en Hierusalem, parlent toutes diuerfement, en leur vulgaire: mais au seruice de l'Eglise, ils prient tous en Grec, ou Hebreu, ou Latin. Le seul huguenot est Anomal, heteroclite & irregulier.


La 13. si on auoit gardé la Bible en sa langue, tant d'inconueniens ne seroient arriuez Tant de gens ne se seroient perdus, ny faits heretiques, pour auoir voulu lire la Bible ne pentendant pas. Les prestres auoyent estudié, qui se fians à ce François pensant bien pentendre, n'ont estudié.

Quelle raison apportez vous pour dire quil faut prier en François? le me destie que c'est le chap. 14. & 27. de la 1. aux Corinthiens, ou S. Paul dit *qu'il faut parler vn langage entendu* Il est vray: mais vous demonstrez tousiours de plus en plus vostre ignorance: S. Paul dit qu'il faut parler vn langage commun: il ne dit pas *prier* mais *parler & prescher*. Il reprend

quelques vns qui vouloyēt prescher les Grecs en Hebreu : & dit qu'il faut *parler & prescher* en l'Eglise en langage intelligible. S'il dit *orare* ou *precari*, produisez vos pieces. Aussi l'Eglise ne dit pas, qu'il faut prescher le peuple en Hebreu, Grec ou Latin, *On fait le Sermon en François*, par-ce qu'on parle au peuple : & *on dit la Messe en Latin*, par-ce qu'on parle à Dieu. Je prouue par 2. passages de la Bible qu'il faut prescher vn chacun en vulgaire : Le 1. est que le S. Esprit apprit aux Apostres le iour de la Pentecouste toutes sortes de langues : & toutes les Nations qui estoient en Hierusalem ( qui est vn des grands miracles qui se peut remarquer ) entendoient les Apostres prescher chacun en sa langue, encor qu'ils ne parlaissent que d'vne façon, c'estoit comme deuant la Tour de Babel. Le 2. c'est que S. Paul commande à ses disciples d'apprendre les langues, afin de prescher vn chacun en la sienne propre : Pour le seruice de l'Eglise, il ne se trouuera point que les Apostres ayent iamais escrit ny prié en d'autre langue qu'en Hebreu, Grec, ou Latin, en quelque Nation qu'ils se soyent trouuez. Prouuez-moy que S. Paul pria en François, quand il y passa : ny Espagnol ny aucun langage des nations ou il a esté : nous demeurerons donc en ceste

*Creance.*

Il faut prescher en François, par-ce qu'on parle au peuple: Mais il faut faire le service diuin & dire la Messe en Latin d'autant qu'on parle à Dieu, & que telle à tousiours esté la coustume.

 Heresie 48.

*Qui est-ce qui m'a dit qu'il y a vne parenthese au Grec, il n'y en a point* ΚΥ ΔΕ ΙΕΡΕΥ, ΤΟΥ ΕΙΟΥ ΨΑΙΟΤΟΥ.

CONTRE.

Qui est-ce qui luy a dit que les Grecs ne marquent point leurs deux points, & leurs autres parties de Periode autrement que les Latins? il a bien de la peine: il cite la version commune: celle de S. Hierosme, l'Ancien: celle de Pagninus: il est incense ie dy licencié à toute folie: & si ie m'e destourne de la commune, soudain il braque les Canons du Concile de Trente sur ma teste.

En rotissant ainsi ce texte, il a commis 6. fautes. Il oste la parenthese: il a mis deux points, & il n'y a point, ny virgulle: il separe *benedixit* d'avec *proferens*. En toute bonne Rhethorique, la parenthese mise ou ostée le



sens demeure parfait, si nous posons il y aura *proferens panem & vinum benedixit ei*. Puis en 6. mots Grecs, il a fait 3. fautes: s'il en auoit bien cité, il y auroit bien à corriger: il a dit, *Et erat sacrificator deo altissimo* vertissant, *δε &*. Qu'il me montre que *δε* mis apres vn mot signifie *&*: il deuoit vertir *enim*. Les Grecs de mœurs, se voudront meller icy. En fin, il a dit *ἱερεὺς θεοῦ ὑψίστου*, *sacrificator deo altissimo*. Il parle contre luy de dire *sacrificator*. Il sacrifioit dōc en ce lieu, & n'est fait mention d'autre matiere que de pain & de vin: & non d'animaux, huile, gasteaux, encens, sel, farine, oyseaux ny autre chose. Quel Ephore l'a contraint de dire *deo altissimo* de vertir vn datif pour vn genitif. Il estoit plus seant *dei altissimi*.

### ¶ Heresie. 49.

*Je pense que Melch. est Prestre par-ce qu'il a offert du pain, mais ie m'abuse: c'est par-ce qu'il benit Abraham.*

### C O N T R E.

Tout cela est refuté. Ce n'est de vostre inuention, mais de Calvin liur. 4. til. 18. §. 2. de ses Institutes, qui dit que S. Paul met la préstrise à la Benediction: mais cela est faux

pour 5. raisons: La 1. S. Paul ne parle point de cela: & ne cite le texte de Genese. Il ne parle que de la seule *benediction*, pour monstrier aux Hebreux, que la Prestise de Iesus est plus excellente que celle d'Aron, si tant est que Melchisedec a benit leur grand pere Abraham. En 3. lieu, S. Paul se tait de ce sacrifice, comme i'ay dit, *de quo grandis sermo*. La 4. vostre Patriarche Luther, dit que l'Epist. aux Hebreux n'est de S. Paul, ny d'aucun homme Apostolique, par-ce qu'elle contient des poir ets contraires à la doctrine Euangelique: Elle ne contient rien de contraire à sa doctrine *Satanique*, que ce sacrifice. La derniere, c'est abus de dire, que Melch. est Prestre par-ce qu'il a benit: Car la benediction n'appartenoit seulement au Prestre, mais à tous & aux femmes mesmes.

## ✠ Heresie 50.

*Abraham n'auoit que faire de pain & de vin, par-ce qu'il auoit eue les viures des ennemis, il ne le nie pas: Mais les Roys n'enuoyent pas des viures seulement, mais aussi des rafraichissemens.*

C'est Kempitius qui dit cela, rien n'est de la Bâllerie. I'ay refuté ceste collation prophane.

✠ FIN du 1. Liure.

LE  
T O M B E A V  
DES  
H E R E T I Q U E S

PAR

G E O R G E L' A P O S T R E.

Ou 50. Heresies du Ministre la Ban-  
serie sont refutées.

*Avec vne tres-ample declaration de la Messe, &  
institution d'icelle.*

LIVRE II.



A C A E N,

Par C H A R L E S M A C E', Imprimeur  
du Roy.

*Avec privilege de sa Maiesté.*

---

1 5 9 9.

1870

1870

1870

1870

1870

1870

1870

1870


1870

1870

1870

1870

1870



# SOMMAIRE DE CE qui est contenu au 2. liure.

- Iesus-Christ ne deuoit transubstantier son corps en  
celuy d'un Agneau.*
- Le Sacrifice de la Croix n'est selon Melchisedec ny  
selon Aron.*
- Dieu & Moÿse ont inuenté la Messe.*
- Le mot de Missa est dans la Bible.*
- Le mot de Missa est Hebreu.*
- Le mot de Cene est Huguenot.*
- La Messe estoit au Vieil Testament.*
- La Messe prophetisée.*
- Iesus-Christ a dit la Messe.*
- Les Apostres ont dit la Messe.*
- Les 1. Papes ont dit la Messe.*
- Les Conciles dans les 400. premiers ans parlent  
de la Messe.*
- Les Docteurs ont esté Prestres & dit la Messe.*
- Les diuers noms de la Messe.*
- Sans la Messe on ne peut estre sauué.*
- La Messe est Sacrifice par le texte de la Bible.*
- La Messe est Sacrifice par les Conciles.*
- La Messe est Sacrifice par le tesmoignage des Peres*
- En la Messe il y a Consecration.*
- En la Messe il y a Transubstantiation.*

*En la Messe est la Realité du corps de Iesus Christ.*

*En la Messe il faut adorer lá saincte Hostie.*

*Il faut garder l'Eucharistie.*

*Hoc facite in meam commemorationem,  
bien interpreté.*

*Helie & Henoc ne sont morts.*

*Iesus a fait les hommes ses freres.*

*La Messe est sacrifice Propitiatoire.*

*La Messe est l'accomplissement de tous les sacrifices  
Anciens.*

*Le Ciel est le Sancta Sanctorum.*


*Le Semel huguenot bien expliqué.*

*Il faut encore représenter le sacrifice de la Cene.*

*Iesus est mort pour nous, sufficienter non effica-  
cier.*

*Les Iuz s ont sacrifié Iesus-Christ, & luy c'est  
offert.*





## P R E F A C E.

Ceux qui veulent bailler vn exemplaire, pour bien conduire la regle de nos portemens, nous presentent Hercule, comme vn beau Mirouer : dans lequel nous deuous souuent recourir au conseil, & monstrier la contenance de nos actions, afin de voir si elles ne font point quelque laide mine, auãt que de les faire paroistre sur le Theatre des choses publiques. Apres que ce grand Alcide eut mis fin à ses 50. labeurs, prit vn peu de relache, afin d'adoucir l'aigreur de tãt de peines amaires, par la douceur du miel, de ce peu de repos.

Si ce Patron est exposé au public, afin qu'vn chacun s'y mire & prenne exemple. Les Satyriques & Momus les plus reprenãs ne trouueront mauuais, qu'apres auoir refuté, comme petits labeurs, 50. Heresies, en mon premier liure, ie me suis vn peu reposé, attendant que mon Erysthée huguenot fasse renaitre d'autres Hydres. Mais ie voy, que ma Marastre Iunon, l'heresie n'estãt assouuie, s'efforce de faire encore sortir d'Enfer, 100. autres monstres : Pour lesquels dompter, il

ne se faut pas monstrer en rien rualé de courage & de hardiesse. Ma main droicte estant enforcie de la Massuë des escritures, & ma gauche du Tyrse de diligence: Dieu me fera la grace qu'en ce 2. liure j'auray la victoire de 50. autres.

### ¶ Heresie. 51.

*L'Apostre dit que c'est au plus grand à benir le moindre: or le sacrificateur est le plus grand: Pourtant Melch. estant venu comme Roy & sacrificateur, a eu raison de benir Abraham.*

Voila mal conclu. Vous deuiez dire: *c'est au plus grand à benir: or Melch. estoit le plus grand ergo il deuoit benir.* Melchi. n'estoit point le plus grand, par-ce qu'il estoit sacrificateur, car Abraham l'estoit aussi: il ne deuoit pas aussi le benir, ny pour estre Roy, par-ce que ce n'estoit leur office: ny en qualité de sacrificateur, d'autant que la benediction n'appartenoit particulièrement aux sacrificateurs, mais à tous. Abraham a benit aussi bien que luy. Mais Melch. le benit pour 2. causes: la 1. par-ce qu'il representoit Iesus Christ. La 2. par-ce qu'il estoit en dignité Episcopale & Pontificale: Quand ie n'aurois d'autre argument, ie prouuerois que Melchi. sacrifia puis



qu'il benist : Car les grands Prestres ne benissoyent iamais, qu'ils n'eussent sacrifié au parauant.

### ¶ Heresie. 52.

*Il estoit sacrificateur, partant il benit Abraham, Iosephe l'interprete ainsi.*

A cela 4. resolutions. Abraham estoit sacrificateur il deuoit donc rebenir Melchisedec: Iosephe ne dit pas que Melchi. est sacrificateur, par ce qu'il benist seulement, & non pour autre chose: La 3. Iosephe estoit Iuif, qui parle pour sa nation, & son sacrifice des bestes: il estoit du temps de S. Paul, & du nombre de ces Hebreux qui vouloyent encore offrir des bestes. La 4. s'il est sacrificateur par ce qu'il benit, les Leuites benissoyent *ergo* ils estoient sacrificateurs: ce qui est faux. Il n'est donc sacrificateur pour auoir benit.

### ¶ Heresie. 53.

*Je suppose que Melchi. ait offert du pain. ce qui n'est point: s'ensuit-il que Iesus ait offert du pain & du vin? c'est donc le sacrifice de Ceres, & de la Bonne Deesse.*

J'ay prouué que Melchi. a offert du pain & du vin. Tantost au traicté de la Messe ie prouueray l'autre. Pour le sacrifice de Ceres nous

laissons à ce Payen sacrifier sa Truie. Pour sa Cene, c'est le sacrifice de Bacchus, puis qu'il n'y a que du pain & du vin. Quant à celuy de la Bonne Deesse, s'il est *Mimistremeni* amoureux, qu'il prenne sa Vielle & qu'il s'y en aille, mais qu'il garde, qu'une chambriere ne le decouvre: car s'il est pris, il sera galé en loup marin:

### ¶ Heresie. 54.

*Si Iesus-Christ a offert son corps en la Cene sous les aparences de pain, la substance du pain estant transubstantiée en sa chair, il falloit qu'il prit un Agneau tout de mesme, & le transubstantiast en son corps. Mais il ne l'a pas fait, baillant son corps à descouvert à la Croix: que Messieurs vident ses difficultez en leur Sorbonne, cela ne leur sera si aisé qu'à vesperiser un nouveau Docteur.*

### CONTRE.

Ce difforme Sphinx baille des Enigmes bien aisées: Par 13. raisons il luy faut prouuer que

*Iesus-Christ ne deuoit transubstantier son corps en celuy d'un Agneau.*

La 1. solution, pour vider sa difficulté est: Que Iesus a sacrifié son corps en la Cene sous

la forme du pain : & en la Croix sous la forme humaine. La 2. le sacrifice de la Cene deuoit estre couuert du manteau de Sacrement : & celuy de la Croix à descouuert. La 3. En la Cene il deuoit prendre du pain pour accomplir le sacrifice de Melch. de l'ordre duquel il estoit Prestre : mais il ne deuoit transubstantier son corps en vn Agneau , par-ce qu'il n'estoit pas Prestre selõ l'ordre d'Aron, qui offroit ces bestes. La 4. il falloit que le sacrifice de la Cene fut couuert du pain : par-ce que cest vn sacrement & sacrifice , le sacrement doit estre couuert : mais celuy de la Croix à descouuert , d'autant qu'il n'est que sacrifice. Il n'est sacrement si ce n'est pris largement , c'est à dire Mystere. La 5. il falloit selon sa promesse que les Apostres mengeassent son corps , luy estant encore viuant , & qu'il demeurast apres pour estre crucifié pour nous , & ne l'a voulu faire que sous la forme de pain. La 6. il falloit qu'il fut couuert des especes de pain, autrement les Apostres eussent eu horreur de manger de la chair viue. Et de peur que le mal de cœur des Capharnaïtes ne les prist. La 7. il falloit qu'il fust enuelopé sous ce pain, afin que les Apostres le mangeassent tout entier. La 8. il falloit que ce corps fut mangé & pendu. La 9. il ne deuoit changer son corps en celuy d'un Bouc , car

les Iuifs n'eussent voulu pendre ce bouc pour luy. La 10. s'il auoit conuertý son corps en celuy d'vn bouc, il auroit esté Sorcier, Magicien: L'vnziésme, s'il auoit transubstantié son corps en celuy des Animaux, l'ame & la diuinité de Iesus eust esté dans le corps de ces bestes: blaspheme non encore blasphemé! Ce seroit remettre la Palis-genésie & Metempsycose d'Epicure, Pythagore & autres fols, qui disoyent que les ames passoyent de corps en autres. La 12. il ne deuoit transubstantier son corps en celuy d'vn bœuf, veu qu'il abolissoit la prestrise iuifue: *transubstantier*, denote quelque continuation & prolongemēt: or il a continué & realisé la Prestrise de Melchisedec: il deuoit donc transubstantier la substance du pain en sa chair. La 13. s'il s'estoit mué en vn Agneau, il eust semblé se cacher & recuser de mourir: Voila ses difficultez esclarcis mieux qu'il ne pensoit, encor qu'il die *que ie ne suis pas grand Docteur en matiere de Religion*. C'est trop de temerité de vouloir sçauoir pourquoy Iesus-Christ a fait tout ce qu'il a fait. S. Paul dit qu'il a veu des choses, *que non licet homini loqui*. La question meritoit bien vn *malem alios de hac re audire quam docere*. Toutesfois pour bien empescher tous les Ministres de France, Angleterre, Allemagne, ie leur dis que

*Le Sacrifice de la Croix n'est selon  
Melchisedec ny Aron.*

Pour les faire broncher dès le commencement, ie leur baille vne Anti-nomie, que S. Paul au 5. des Hebreux par deux fois, dit que le sacrifice de la Croix est selon Melchisedec. Le sacrifice de la Croix est si parfait & absolu, qu'en le considerant en foy, il n'est ny selon Aron, ny selon Melchisedec.

Dix contrarietez empeschent qu'il ne soit selon Aron. Il n'estoit Prestre selon c'est ordre, & s'estant offert en la Croix, il auroit offert comme Aron. Il n'estoit de Leui, ains de Iuda, & ne luy apartenoit d'offrir selon luy. Le sacrifice d'Aron estoit imparfait, & celui de la Croix tres-parfait. Le sacrifice d'Aron estoit Typique & figuratif, ce n'estoit que la Croix real. Celuy d'Aron offroit  
& le sang des animaux, en  
l'homme, & le sang hu  
des choses priuées de  
l'homme plain de raisc  
bestes mortes, & il a esté  
brusloit ses bestes ou vne partie  
fut bruslé ainsi qu'auz respo  
ron n'offroit point d'Ame, en

corps & l'Ame. On mangeoit la chair des sacrifices d'Aron, & on ne mangea la chair de la Croix. Pour la 10. le sacrifice d'Aron, se faisoit par des Prestres & celuy de la Croix par des Ministres & bourreaux. Donc le sacrifice de la Croix n'est selon l'ordre d'Aron: Deux choses luy conuiennent qu'il estoit cruent, & que la mort s'est ensuiue.

Le sacrifice de la Croix ne peut estre aussi selon l'ordre de Melchisedec, pour dix Antitheses qui s'opposent.

Celuy de Melchisedec n'estoit que figure, & celuy de la Croix veritable.

Melchisedec n'offrit que du pain, & en la Croix de la Chair.

Celuy de Melchisedec estoit *incruent*, & celuy de la Croix *cruent*.

Celuy-là estoit sans mort, cestuy-cy avec mort.

endura, icy il patit.

croix il estoit apert, & selon Mel-

& sacrifice; le dernier

en forme humaine, en

me de pain,

de Melchisedec se rompoit, ce-

*non non comminuetis ex eo os.*

la Croix s'offrit par vn Iuif, &

le premier par VII Gentil.

On mangea du sacrifice de Melchisedec: & de celuy de la Croix point.

Il n'est donc selon l'ordre de Melchisedec: toutefois S. Paul le fait Prestre selon Melchisedec, plorant & criant en la Croix.

S. Paul ne l'a pas trouué si aisé, ie croy que tous les Predicans ne seront pas plus habilles que luy. Parlant de cela, il rompt son discours le nommant *haute parolle & difficile à interpreter*. le m'attens que Gautier sera ce de *plebe togatus*, qui desnouera ces neuds, lors que toutes les Planettes auront fait leur cours.

Il n'est aussi tout ensemble, ny selon l'ordre de Melchisedec, ny selon celuy d'Aron, par-ce qu'il ne fut mis en la Croix, ny sous la forme de pain, ny d'Agneau.

En 2. lieu, on mangea de tous les deux sacrifices, & on ne mangea point de celuy de la Croix.


## ¶ Heresie 55.

*Que Melchisedec ait offert tout ce qu'il a voulu, c'estoit la figure de la Croix. fo. 46.*

## CONTRE.

Il vous en croira qui voudra, il faudroit


le prouuer: i'ayme mieux croire tous les Docteurs qui disent que le pain que Melchisedec offrit estoit la figure du sacrifice de la Cene. le vous ay prouué que le sacrifice de la Croix ne peut estre selon Melchisedec.

 Hereſie. 56.

*Le corps offert en la Creix, est l'accomplissement & verité de tous les sacrifices anciens.*

C O N T R E.

Prouuez cela par texte de la Bible, ou des Peres : & on vous croira. S. Augustin vous desment au 20. chap. du 17. liu. de la Cité. & dit le contraire : Que l'Eucharistie est l'accomplissement de tous les sacrifices : car l'instituant il abatit tous les sacrifices anciens. *Id enim sacrificium successit omnibus aliis sacrificiis quæ molabamur in umbra futuri.*

 Hereſie 57.

*Quant à ma Messe il la recognoistra, quand en luy monstrera les reliques de son Aube, de son Chasuble & de son Fanon. fo. 45.*



## CONTRE.

Il faut faire planter vne chere en l'Eglise S. Pierre, pour mettre le bon la Banſſerie, quand il viendra à la Meſſe lors que ie luy monſtreray ſes Aubes: ie les luy ay monſtrez. Il deuoit dire *les marques ou l'vſage des Aubes* & non pas les *reliques*. Je ne pourrois pas monſtrer les Reliques des Aubes qu'ils ont volées aux Eglises. Il en a peut eſtre dans ſon bahu les reliques bien blanches, dequoy il a fait de bons draps ou chemiſes. S'il me vouloit ouurir ſon coffre & reliquaire, ie luy en pourrois monſtrer les reliques, & luy reprocher qu'il eſt idolatre de garder des reliques des choſes qui n'ont point d'ame. Il ne ſ'en ſoucie pas, *lucris bonus odor ex re qualibet*. Mais pour quitter la riſée, & venir aux choſes ſerieuſes, ie veux faire vn traicté de la ſaincte Meſſe, & luy monſtrer que c'eſt autre choſe qu'il ne penſe.



Faint, illegible text, possibly bleed-through from the reverse side of the page. The text is arranged in several paragraphs and is mostly obscured by the low resolution and fading of the scan.



LA  
SAINCTE  
MESSE.

PAR

George l'Apostre.



A CAEN,

Par CHARLES MACE', Imprimeur  
du Roy.

---

1599.

18

THE UNIVERSITY OF CHICAGO

LIBRARY

1911


CHICAGO



1911


CHICAGO

1911



A MONSIEUR DE  
LA LANDE CONSEILLER  
& Secretaire du Roy, Maison  
& Corone de France.

S.




*E* calme & la douce tranquillité que  
i'ay ressentie depuis quelques ans, au  
port de vostre saueur & courtesie  
apres m'estre echappé des cruels ora-  
ges de la guerre, & de la fascheuse disette de Paris:  
m'ont tant rendu vostre redevable, & hypotequé à  
vostre service, que ie serois iniquement ingrat, si ie  
ne recognoissois tels plaisirs, pour le moins avec  
vne memoire soucieuse de s'en pouvoir reuancher:  
Qui se confesse librement estre redevable, rend le  
bien-faict: mais au contraire celuy-là est vn mes-  
chant, qui ne le commemore seulement de parole.  
Il n'eust esté decim d'attendre plus long temps, à  
rendre tesmoignage, des benefices que i'ay receus  
de vous. Vouloir tard, est ne vouloir pas: Duquel  
vice de peur de me rendre coulpable, ie conlure  
maintenant, sous vostre nom, Ce traicté de la  
Messe, à la posterité. Afin que si elle iuge, la peine  
que i'ay prise à le composer digne de quel que salai-  
re, elle vous en recognoisse l'Auteur. Laquelle chose

arrivant, ne pourra toutesfois desgager mon obligation : Par- ce que vostre main sagement liberale, a tant imprimé. de bien-faits sur le papier de mes im-merites : que tous les traicts de ma plume, ne les pourroyent effacer du fueillet ou la Memoire escrit les benefices. L'eau forte des gratifications verbales ne les peut rayer. Il faut que ie die comme Echine dans Senegue à Socrate, que ie me donne moy-mesme, à vous mesme. A fin de vous asseurer que ie ne viuray iamais que pour estre

Vostre tres-humble seruiteur,

G. L' APOSTRE.





*Proëme.*

**L**A plus grand' charge qui soit au monde, c'est d'estre homme : & tous les maistres de sagesse qui ont veu clairement, au plus profond de la Nature de chaque chose, n'ont point trouué de plus grand fais, que d'auoir la figure humaine emprainte sur la face. Ceux qui desrobēt vne demie heure à leurs affaires mondaines pour descendre en eux-mesmes s'en apperçoient quelque peu, & disent que le fardeau d'Athlas ou Hercule est vne plume, estant pese contre *la condition d'estre homme*. Si le Payen est descendu si bas, par la seule eschelle naturelle : Le Chrestien illuminé de la clarté Euangelique, doit penetrer iusques dela le Centre de telles considerations, afin d'apprendre qu'il est créé de Dieu pour estre sauué : & que le chemin de ceste saluation ne se trouue que dans l'Eglise. Auquel lieu, il faut apprendre de point en point, en quoy consiste *la Sainte Messe*, & tous les autres Sacremens, qui nous seruent d'Escalier, pour monter en la felicité eternelle. En la 1. consideration, le mot de *Messe* se presente. d'autant que quand le Huguenot Heretique, est venu ietter avec la main d'ignorance la

Pomme de discorde & diuision , dans le paisible banquet de l'Eglise: A reietté tous les mots vsitez dans la Bible, desquels l'Eglise se seruoit pour y en mettre d'autres impropres & nouueaux. Disant que le mot de *Missa* ne valoit rien, parce qu'il n'estoit dans la Saincte escriture, & que celuy de *Cene* estoit meilleur, pour estre dans l'Euangile. Ce qu'il faut iuger tout au contraire. Car le mot de *Cene* est *buguenot*, & n'est dans l'Euangile pour signifier le sacrifice de l'Eucharistie, mais celuy de *Messe* y est.

*Le mot de Missa est dans la Bible,  
Dieu & Moysse l'ont inuenté.*

Plusieurs Catholiques peuuent dire: nous voyons bien que ce mot de *Cene* est dans la Bible, mais celuy de *Messe* y est-il? ouy il y est, en 3. endroits: celuy de *Cene* n'y fut iamais, pour signifier le sacrement du corps de Iesus-Christ: Mais celuy de *Missa* y est: Au Psal. 71. au Leuitique 23. & au Deuteronomie 16. il y est appertement, & la matiere mesme de nostre Messe. Au verset 10. Dieu commande à Moysse que 7. sepmaines apres la Moisson il prenne du pain de pur froment & qu'il luy offre. Le texte dit, *Septem hebdomadas nume*



*vabis &c. & celebrabis diem festum Domino Deo tuo iuxta oblationem spontaneam manus tue.* Ce langage est Latin : & n'a pas laissé *Missa* qui est dans l'Hebreu, le langage ou Dieu a parlé, & celuy ou Moÿse a escrit l'Autographe, premier exemplaire & original du Deuteronome, est Hebreu. Or, à ce que le Latin dit, *Oblationem spontaneam*, en l'Hebreu il y a *Misá Nedabí*, dit Genebrad : Mais dans les grand' Bibles qui sont en Hebreu, Caldean, Grec, & Latin, imprimées à Anuers, ie trouue qu'il y a *מִסָּה נִדְבָה מִסָּה נִדְבָה* *Missat Nidebat*, c'est à dire *Messe nouvelle, oblation volontaire, Sacrifice de chair couuert de pain*. Ou si on prononce le *Tauf*, cōme il faut sans *daghes*, il y aura *Missas*. Le texte Caldaïque y adiouste vn *iod* *מִסָּה נִדְבָה יוֹד* *Missá Nidebá*, *Messe nouvelle, volontaire*. Ce sacrifice de pur froment estoit la figure de la Messe, & conuiennent en tout, avec la *Messe* Euangelique. Je me puis vanter à la huguenote que l'Hebreu a descouuert le pot aux Roses : voila le mot de *Messe* dans la Bible : mais ceux qui la lisent en latin y trouuent *sacrificium nouum* ou *oblationem spontaneam* : Car les 70. qui la vertirent d'Hebreu en Grec, du temps de Ptolomée Roy, & du grand Prestre Eleazar, lors que Fabius & Marcellus combattoient Hannibal en Italie, ny ont pas laissé le mot He-

breu *Missat*, ny S. Hierosme & les autres qui l'ont vertie en latin, ains ont verty *מִסָּח* *Missa*, *sacrificium oblationem*: Ceux qui l'ont aussi translatée en François, ny ont pas laissé le *מִסָּח* *Missa*, des Hebreux ny Caldeans, mais ont dit *sacrifice volontaire*. Voila que c'est d'auoir verty la Bible hors de sa langue: que le Deuteronomie se lise en celle ou Moysé l'a escrit, vous trouuerez *מִסָּח* *Missa*: Messe & oblation pure.

### *Le mot de Missa est Hebreu.*

J'ay prouué comme Dieu a commandé & institué ce sacrifice dit *Missa*, composé de chair, & de pain par dessus, qui estoit la vraye figure de nostre Messe Chrestienne: & ay produit le texte de la Bible, ou le mot *Missa* est originaiement Hebreu. Aucuns ont dit qu'elle est dicte *Missa* de *Messie*: ou du Grec *μῆσις* *operation myſique*. Les autres de *Missio*, *don*, *present*, *enuoy au Ciel*. Les Huguenots heretiques disent qu'elle est dicte, de ce que l'on dit à la fin, *Ite Missa est*, *coſgé*, *renuoy*: la nommant de la queue & du taon: il faudroit dire *Ite missio est*. Ou est-ce que lon trouuera que *Missa* soit substantif? c'est bien manquer de plu fort argument: On dit à la fin *Ite Missa dicta est*, *supple*, *allez vous en*, *la Messe est dicte*,

le sacrifice est acheué : & cela se fait parce que les premiers Conciles deffendent de s'en aller iusques à ce que la Benediction soit faite : La Benediction est vne des bonnes actions qui se fassent en la Messe. Jamais les grands Prestres ne benissoient, qu'ils n'eussent sacrifié premier : Melchisedec sacrifia afin que la benediction de la fin fut meilleure pour Abrahā. Le huguenot ne void pas qu'en batifsāt vne pierre, il en abat vne autre : il prise tant la Benediction qu'il dit que Melchisedec n'est Prestre que par-ce qu'il benit Abrahā. Hugo de S. Victor dit qu'elle est dictée *Missa* du latin *Mitto*, par-ce qu'on enuoye vn sacrifice à Dieu : *quia mittitur ad Deum oblatio*. Ce que suiuant Belarmin, est tombe en la mesme fosse, disant que si elle estoit dictée de l'Hebreu, il faudroit dire *Missah*, raison qui se refute par *he in fine quiescit* : puis, il y a vn *Tauf* à la fin.

Je ne veux dire de mon chef que *Missa* est Hebreu : i'ay huiet bons auteurs. Le mot de *פסח* *Missa* est dās l'original du 16. du Deuteronomie Hebreu & Caldean. Alcuin dit qu'elle est dictée de l'Hebreu. Isidore liu. 6. Rabanus liure 1. chap. 32. Cassian liu. 3. chap. 7. disent qu'elle en est dictée aussi. Melancthon tout huguenot le dit mesme. Reuchlin liure 2. de ses Rudimens, dit que

*Missæ* n'est ny Grec ny Latin : mais Hebreu. *Missæ* neque Græcum neque Latinum est, sed Hebraicum vocabulum: significans oblationem quæ fit superiori Domino.

Mustere en son Lexicon dit que *Missæ* est Hebreu. *Missæ* oblatio, munus. pensum quod manu offerri solet Deuteronomii 16. &c. ex nostris quidem putarunt hinc *Missam* nomen sortitum.

Le 9. argument que *Missæ* est mot hebreu, est fondé sur 4 bonnes raisons. La 1. que le 1. Euangile fut escrit en hebreu par S Math. La 2. que la lāgue Hebraïque, Cyriaque ou Caldée, estoit la langue maternelle des Iuifs qui les premiers ont célébré la Messe: La 3. la Messe a esté premierement instituée & célébrée au pays des Hebreux, Hierusalem. La dernière & la meilleure est, que plus de 100. ans encore apres la mort de Iesus-Christ on celebra la Messe en hebreu, iusques au temps de Trayan ou Adrian qui fut 118. apres ou l'on commença à dire la Messe en Grec, dit Durand liu. 4. chap. 1. *Rati. In primitiua Ecclesia, mysteria Hebraicè celebrabantur, sed tempore Adriani Imperatoris, græcè capere in Ecclesia orientali:* donc Dieu a institué la Messe & le mot, Moÿse l'a escrit, & est purement Hebreu.

*Le mot de Cene est huguenot &  
ne vaut rien.*

Le Ministre huguenot me reproche, que ie n'ay retenu les Sermons de Monsieur Birette, de dire, *le sacrement de la Cene*, parce qu'il auoit presché, qu'il ne s'y pouuoit appeller. Si ie estois ambitieux, ie luy respondrois le traict de Seneque que *extra me. quod imitari velim exemplar non quero*. Toutesfois ie luy maintiens, que le sacrement du corps & sang de Iesus-Christ ne se nomme point de la *Cene* dans la Bible, & ne s'y peut nullement appeller. Iamais nul ne luy a nommé, que les Carpotians heretiques, qui l'appelloyent *Cene*, & faisoÿent ce que firent les huguenots au Patriarche aux faux-bourgs S. Marceau à Paris, soufflans les chandelles la nuict, au milieu du Presche, & sacrifioyent à Venus sur l'autel de Laïs: Comme leur reproche Clement Alexandrin, *Ad Cenas suas conuenientes viros simul & mulieres amoto lumine commiscebantur cum quibus volebant*. Si le mot de *Cene* n'est prescrit par l'espace de 1460. ans qu'il y a que ces Carpotians estoient, vous le pouuez calenger & repeter comme de vos ayeuls.

La Sainte Hostie ne se peut aucunement appeller *Cene*. Par-ce que Iesus-Christ, ny les

4. Euangelistes, ny aucun des Apostres ne l'ont iamais nōmée ainsi. Luy bailler vn nom qui n'est point dans la Bible, & que Iesus-Christ ne luy a point baillé, c'est tres-impieusement fait. Ouy: mais ce sacrement n'a il point de nom? nenny. Iesus ne luy a point baillé de nom, ny ceux qui ont décrit l'Euangile. Regardez quand il l'institua, il en parle sans le nommer. Il n'a point de nom dans le nouveau Testament, comme sa figure la Manne n'en a point dans le vieil. Dont les Apostres voyant cela, l'ont nōmée *Messe* du nom de son autre figure du 16. du Deuteronomie. Par consequent nostre Messe est bien fondée, puis que Dieu le Pere a inuenté ce mot de Messe, la prononcé: la commandé: Moyses la escrit & se trouue dans la Bible: & a esté receu, vité & pratiqué de tout imemorial en l'Eglise. Au contraire iamais Dieu le Pere, ny Iesus-Christ n'ont vité de ce mot de *Cene*, il n'est dans la Bible: il n'a esté vité d'aucun Apostre, ny pratiqué en l'Eglise: le Diable a inuenté ce mot. La Banfferie se fust bien passé de dire que ie n'auois pas bien retenu le sermon. Ouy, mais ce mot de *Cene* ne se trouue il pas dans l'Euangile? Ouy, mais il ne signifie pas ce sacrement: mais vn banquet, vn souper, ou bien le sacrifice de l'Agneau Paschal. Il s'appelloit plustost le sacrement

chasse-Diable, parce qu'il chasse Sathan des Energumenes & possédez, que de le nommer le sacrement de la *Cene*.

Puis que le Sacrement du corps & sang de Iesus-Christ, n'a point de nom : si on luy en baille vn, il faut le prendre, où de l'Auteur: où de la Matiere: où de la chose contenuë: où des mots: où des figures accomplies : où du iour & de l'heure : où du lieu: où de la fin, vertu & cause efficiente.

Si on le nomme de l'Auteur : il faut dire *le Sacrement institué par Iesus-Christ*.

Si on luy en baille vn de la matiere: il faut dire *le Sacrement du pain & vin*: puis que les huguenots disent qu'il n'y a autre chose.

Si on le nomme de la chose contenuë: il faut dire *le Sacrement du corps & sang de Iesus-Christ*.

Si on le veut desnommer à la huguenote: il faut dire *le Sacrement spirituel, de la spiritualité*.

Si on le nomme des mots: il faut dire *le Sacrement de Consecration, de la Benediction, de l'action de grace, Eucharistie, ou de la transsubstantiation*.

Si on luy baille vn nom du lieu: il faut dire *le sacrement du Galas, du Cenacle, de la barte salle tapissée, ou qui fut institué dans Hierusalem, ou en la maison de l'homme qui portoit la croce*.

Si on luy en baille vn du Temps: il faut

dire *le sacrement du 14 de la Lune: ou de la sepmaine des Azimes: ou de Pasque.*

Si on luy en baille vn de la realisation: il faut dire *le sacrifice qui a accompli & perfectionné tous les sacrifices anciens; comme dit S. Augustin: ou le Sacrement tout-consumans avec S. Cyprian.*

Si on luy baille vn nom du iour qu'il fut institué: il faut dire, *le sacrifice d'apres la Cene, & non pas de la Cene.* Car il y a *Caena facta*, il auoit soupé, quand il se leua de table: osta sa robe: ceignit vn linge deuant luy. fist vn sermon, à ses Apostres, leur l'aua les pieds, reuestit sa robe & son *Taliet*: se remit en table, puis institua ce Sacrement, voila bien du tēps. ce ne fut pas en la Cene & souper: il faut donc dire *le Sacrement de la Collation ou d'apres souper, ou du loir ou de la nuict qu'il fut trahy, ou du post-souper, ou de la 3 Cene.*

Si on le desnomme de la table ou autel: il faut dire, *le Sacrement qui fut institué apres l'Agneau Paschal ou sur la table de l'Agneau Paschal.*

Si on le desnomme de la fin: il faut dire, *le Sacrement de la remission des pechez, le Sacrement qui se mange, par lequel enri presente la Passion de Iesus-Christ.*

Si on le veut desnommer de son Anonimie: il faut dire, *le sacrifice à qui Iesus & l'Euangille*



*ne baille point de nom: le sacrement sans nom.*

Si ce n'est qu'une figure, ou memoire, ou signe comme disent les heretiques, ils doiuent l'appeller *le sacrement de la memoire, du signe, ou de la figure.* Tous ces mots luy conuiendroyent mieux que le be-nom & soubriquet de *Cene*: Vous deuriez plustost dire *faire la matinale*, que non pas *la Cene & vespale.*

La Banfferie est vn mauvais *Here* & maistre de faire souper les gens des le matin, & souper avec vne petite croustelette, ce n'est pas pour estre trop gras.

Les Catholiques communient à ieun au matin: par-ce qu'il a pleu au S. Esprit que le corps de Iesus-Christ entrast le premier dans l'homme, comme dit S. Augustin en son Epist. 118. *Placuit spiritui sancto, ut in honorem tanti sacramenti in os Christiani, prius Dominicum corpus intraret quam ceteri cibi.* L'Eglise celebre la Messe au matin à ieun: d'autant que dans les Actes, les Apostres la disent au matin, ieusnans. Et S. Cyprian dit qu'on la celebre au matin: par-ce qu'au matin la resurrection fut annoncée.

La Banfferie cotte effrontiement en la marge l'vnziesme de la 1. aux Corinthiens, voulant dire qu'il y a *canam Dominicam manducare*: mais c'est vn ignorant: Par cela, S. Paul parle d'un banquet general, que tous

les Chrestiens faisoient ensemble le Dimanche dont dit *Dominica*, ou bien en l'honneur de Dieu: Tous les Chrestiens qui venoyent de loing apportoient leur disner, & apres le sermon fait, & auoir communié ils dressoyent des tables au bas de l'Eglise, ou au porche & disnoyent tous ensemble: mettoient les pauures avec eux, comme Iesus Christ fit seoir les Apostres avec luy: & ce banquet se nommoit le banquet de Charité, dit en Grec *αγαπή* *agapé*: laquelle charité se refroidissoit ja du temps de S. Paul. Ce *Cena Dominica* ne signifie pas le Sacrement de l'Autel: car apres qu'il a bien crié, apres ceux qui yurognoyent & se comportoyent insolemment, les bat de deux choses: de la reuerence du lieu, & de ce qu'ils ne deuoient pas faire telles folies, apres auoir communié, & que ce qu'ils auoyent mangé estoit le corps de Iesus-Christ: Alors il se met à parler du S. Sacrement de la Messe & de son excellence: Mais il en parle sans le nommer, & ne luy baille nul nom.

L'heretique se voyant euincé de le pouuoir prouuer dans la Bible dit que S. Cyprian a fait vn liure qui s'intitule de *Cena Domini*: mais il pille son Castorion, & allegue à sa perte. S. Cyprian a fait vn liure de *Cena Domini* il est vray, ergo il faut appeller de la Cene C'est bien conclud. Mes chers François, ils  
vous

vous abusent. L'epigraphe & intitulement de ce liure a deux parties: *de Cena Domini*, qui est la 1. ou il parle de la Cene & sacrifice de l'Agneau Paschal. La 2. & *de prima institutione omnia consumantis sacramenti*, ou il parle du Sacrement de l'Autel, & ne l'appelle pas *Cene*, mais Sacrement qui cōsomme tous les sacrifices anciens. Dans ce liure mesme S. Cyprian l'appelle: *Dominicum non quid ergo Dominicum post cenam celebrare debemus?* Imposteurs rebastissez vostre croustelette: Calvin estoit biē endormy dās le pauot de sa crasse & supine ignorance de l'appeller *Cene*: Si vous amenez quelques Docteurs qui l'ōt ainsi appellée, ie respond qu'ils l'ont fait à l'imitation de la Parabole du 14. de S. Luc. *Homo fecit cenam magnam*: ou bien ie diray la solution de Luter, *qu'en de si hauts faits, nous ne nous soucions pas des inuentions des hommes*. Nous reiettons ce mot de *Cene*, par- ce que Iesus Christ, ny tous les Apostres ne s'en sont seruis, & n'est dans la Bible, mais nous seruons de celuy de *Messe*, par- ce qu'il y est, & par- ce que Dieu le Pere & Moyse l'ont institué: il ne se faut esmerueiller si tu ne lis ce mot de *Messe* dans l'Euangile, car Il n'y est pas: le Sacrement n'y a pas de nom. Vous eussiez dit au commencement à ouyr les huguenots, que le mot de *Messe* n'estoit point dans la Bible, que c'estoit

quelque mot barbare, du Peru, inuenté depuis soixante ans : il y a plus de trois mil cent soixante ans qu'il est en vſage: il fut inuenté au Desert, apres la sortie d'AEgypte. Le huguenotisme est venu en vn age d'ignorance, & par vn seul mot faisoit fuir vn chacū : Mais Dieu a illuminé les yeux des hommes, on a deserté l'ignorance & barbarie, & a t'on semé la vraye semence de doctrine, qui maintenans par son abondance, suffoque & estouffe le faux haimeron des huguenots. Il est tēps qu'ils s'en aillent abuser ailleurs vne autre nation, leur Galimatias est euenté.

### *La Messe au vieil Testament.*

Depuis le commencement du monde iusques à Iesus-Christ, on a tousiours sacrifié & dit la Messe en figure, & ie ne faux, de dire qu'on a dit tousiours la Messe en tous les sacrifices, car la Messe est l'accomplissement de toutes ces oblations, si elle est l'accomplissement, ils disoyent Messe en figure, en sacrifiant. S. Cyprian appelle le sacrement de l'Eucharistie, le sacrement qui accomplit & consomme tout. *Sacramentum omnia consumens.* Et saint Augustin chapitre 20. du 17. de la Cité, dit que l'Eucharistie que Iesus, pre-

sente de son corps: est le sacrifice qui suffit à tous les anciens. *Sacrificium quod sufficit omnibus sacrificiis quæ imolabantur in umbra futuri:* & plus bas, dit, que le corps de Iesus-Christ, est offert au lieu de tous les sacrifices legaux. *Pro illis omnibus sacrificiis, & oblationibus corpus eius offertur.* Le sacrifice de la Croix n'est l'impletion, que pour la mort. *Nisi quantum ad ipsam mactationem.* Entre toutes les figures de la Messe, en voila 12. des plus belles, qui se raportent du tout en toutes les circonstances, avec l'Eucharistie.

Abel est le 1. qui typiquement dit la Messe: aussi fut-il le 1. martyr. Tertulian l. & chap. 1. contre les Juifs, dit que son sacrifice representoit l'Eucharistie: & qu'il est spirituel, parce que le S. Esprit le fit offrir, ce qu'il le rendit agreable.

Melchisedec est le 2. qui a dit plus apertement la Messe en figure, en offrant du pain & du vin à Dieu, puis bailla de ce pain offert à Abraham: comme le Prestre communie les Catholiques, apres qu'il a sacrifié.

La 3. figure de la Messe, est l'Agneau Paschal: S. Hierosme sur le 26. de S. Matth. dit qu'apres auoir mangé l'Agneau figurât, qu'il mangea l'Agneau figuré. *Postquam manducauit Agnum, assumit panem: qui confortat cor hominis: Et ad verum Pascha transitur sacra-*

mentum. S. Chrysofome dit que sur la mefme table on mangea la figure, & la realité. *In ipsa mensa utrumque pascha, & typi & veritatis celebratum est, veritatem figura adiunxit.* S. Iean a dit que Iesus-Christ estoit le vray Agneau, *Ecce Agnus Dei.* Donc l'Agneau Paschal estoit la figure du sacrement qu'il institua apres la Pasque ioinct, qu'à ces tesmoignages, les 14. circonstances de l'Agneau se rapportent à ce sacrifice d'apres souper, & nullement à la Croix. L'agneau s'immoloit au soir apres souper : de mesme, apres souper Iesus imola son corps sous les especes de pain & vin. Comme l'agneau s'immoloit au soir dit S. Gregoire Nanzi. *Sic Christus ad vesperam corporis sui sacramentum discipulis suis tradidit.* L'Agneau s'immoloit en la memoire du passage : Iesus a commandé d'offrir son corps en memoire du passage de ce mode à son Pere. *Facite in me ammemorationem.* Israel le mangea apres estre deliuré de la captivité d'AEgypte, & de Pharaon : nous le mangeons pour auoir esté deliuré de la seruitude du peché, & de Pharaon le diable. Il le sacrifioit le 14. de la Lune : le sacrifice d'apres la Cene fut institué ce mesme iour. Ils mangeoyent l'Agneau comme Pelerins : Ainsi l'Eucharistie, est le pain des Pelerins, *factus cibus viatorum,* c'est le *viaticum christianorum,* sans lequel on ne doit partir de

ce monde. Les Pelerins d'Emaus le mangerent. C'est le pain transubstantiel que nous demandons en nostre *Pater noster*, comme dit S. Augustin *Panem nostrum supersubstantialem da nobis hodie* αρετου εω του σιου. En l'hebreu de S. Matth. il y a *אמנין* *Ameny*, c'est à dire *sempiternel, jamais defaillant, sempiternum, iugem*. Il ne parle du pain naturel, car on l'auoit auparauant que Iesus fist le *Pater*: il parle donc d'un autre pain que l'ordinaire. L'agneau ne se mangeoit que par les Preputiez: l'Eucharistie que par les baptisez. Il s'imo- loit en chaque maison: La sainte Hostie en toute Eglise. Il estoit la representation typique de la mort de Iesus-Christ: Le sacrement est la commemoration reelle de la Passion. *Mortem meam annuntiabit*. Il falloit qu'il fust cuit: Le pain dequoy on cōsacre est cuit. Il falloit que ce pain fut sans leuain: celuy de l'Hostie n'est point leué. Il falloit estre sans peché pour le manger: il faut estre sans peché, pour communier. Ils s'alloyent deuant confesser & purger à Moysé & Aron: deuant que de faire nos Pasques nous allons à confesse. Il estoit commandé de garder ce sacrifice à iamais *in aeternum ex diebus in dies*: il n'est commandé de sacrifier par S. Paul, iusques au bout du iugement: *mortem domini annuntiabit donec veniat*. Celuy qui n'estoit pas

net ne le sacrifioit qu'un mois apres: Les Chrestiens qui ne sont bien preparez & confessez, ne communient, qu'apres Pasque. Voila comme la Messe est l'accomplissement de l'Agneau. Il n'y a que la seule maectation accomplie en la Croix.

Le sacrifice de la Croix ne peut estre la realité de l'Agneau: par plusieurs Antipaties. Il s'imoloit le 14. de la Lune: & celuy de la Croix fust le 15. L'agneau se mangeoit: & le corps de la Croix ne se mangea. L'agneau estoit cuit: & celuy de la Croix crud. Il s'imoloit dans Hierusalem: & Iesus fut imolé dehors. Il s'imoloit au soir: & le sacrifice de la Croix fut fait le matin à midy.

La Manne est la 4. figure de la Messe. Iesus-Christ le dit luy mesme en S. Iean 6. qu'il baillera le pain qui est la vraye Manne: *Panem de calo verum*. Cest autheur me suffit, i'en pourrois amener cent. Toutes les circonstances de la Manne, conuiennent avec le sacrement de l'Autel. On gardoit plain un *Comior* ou *bouete d'or* de ceste Manne: On garde l'Eucharistie. Il y eust bien du murmure quand il bailla ceste Manne. Il y eust bien du murmure quand Iesus promit de bailler son corps la vraye Manne à manger, tesmoin les Capharnaïtes. Ils mangerent ceste Manne iusques à ce qu'ils fussent entrez en la Terre de Pro-



mission : nous mangerons l'Eucharistie iusques à ce que nous soyons en la Terre de Promission le Ciel. Celuy qui cueilloit plus ou moins de ceste Manne, en auoyent autant l'un que l'autre : Ceux qui communient en vn petit, en vn grand, en participent tous esgallement, nous mangeons tous le corps de Iesus-Christ tout entier. La Manne se mangea apres le Baptisme de la mer Rouge: apres le Baptisme nous mangeons le sacrement de l'Autel. La Manne n'a point de nom dans le vieil Testament, elle est dite de l'interrogation que firent les enfans d'Israël voyant le matin ceste Manne tombée *Man-hu? quid hoc est? qu'est-ce que cela.* de mesme le sacrement du corps de Iesus-Christ n'a point de nom dans l'Euangile.

La 5. figure tres-expressse de la Messe, est en l'Exode 24 (qui est le 2. poinct d'ot pay disputé contre la Banfferie) ou Moysse enuoye querir 12. bœufs, apres auoir escrit les commandemens dans le volume d'aliance, & les sacrifie. Je prie la digne Postérité, qui iugera sans enuie & sans faueur, de nos escrits, de prendre la Bible, & de considerer soigneusement les 16. circonstances de ce sacrifice, comme elle se cōioignent au sacrifice de l'Eucharistie, l'appetant comme la matiere la forme. Moysse enuoye les Israëlites preparer ce sa-

crifice: Iesus y enuoya ses Apostres. Moÿse fait dresser l'autel au pied du Mont: Iesus fait dresser la table au haut Cenacle. Moÿse sacrifia: Iesus sacrifia aussi. Par ce sacrifice sollemnel Moÿse dedie le vieil Testament: par celuy d'apres souper Iesus dedie le nouveau. Moÿse dit *voicy le sang du Testament de Dieu*: Iesus dit *voicy le sang de mon nouveau Testament*: Moÿse sacrifia deuant les 12. lignez: Iesus-Christ deuant les 12. Apostres, Moÿse separa le sang en deux: Iesus aussi. Moÿse respandit premieremēt le sang de dedās le Calice ou tasse, sur le peuple, puis renuersa le reste sur l'autel avec le corps des bestes: Iesus respandit premier son sang qui estoit dans le Calice, dans le corps des Apostres, & puis apres respandit le reste sur la Croix. C'estoit vn mesme sang que celuy du Calice, & celuy qui fut bruslé: c'estoit vn mesme sang que les Apostres beurent, & celuy qui fut respandu en la Croix. Les bestes que Moÿse sacrifia estoient les mesmes qu'il mist apres sur l'Autel: c'estoit vn mesme corps que Iesus sacrifia apres la Cene, & celuy qui fut mis apres sur l'autel de la Croix. Moÿse fit ce sacrifice auant que mōter au mont Sinay: Iesus fit ce sacrifice auāt que mōter au Ciel. Apres ce sacrifice les Iuifs mangerent: apres le sacrifice, nous communions, Apres auoir mā-

gés ils virent Dieu : Apres auoir communié nous voyons & receuons Dieu. Dieu comāde à Moysē, Aron, Nadab, Abiu, & aux 70. vieillards d'aprocher de luy : Toutefois, il n'y eut que Moysē qui monta & parla : Iesus a pris les Apostres & les 70. Disciples : mais il n'y a que S. Pierre, qui monte, qui parle, à qui on a dit *pasce oues meas*. Moysē montant laissa Arō pour gouuerner le peuple : Iesus-Christ montant au Ciel, a laissē S. Pierre Gouverneur de son Eglise. Moysē signa le vieil Testament, avec ce sang : Iesus de son sang propre a paraphē le nouueau, comme dit Tertulian liu 4. contre Marcion : *In Calicis mentione testamentum constituit sanguine suo obsignatum*. Le sang de Iesus est l'encre indelebe que le temps ne pourra manger. Le poil folet des huguenots ne voudroit pas dementir la barbe blanche & chenuē de ce vieillard Tertuliā agē de 1300. vn iour ne voudroit pas desdire tant de siecles. Si sa temerité le fait ie luy mōstreray par toutes les circonstances requises à vn Testament, que ce qu'il appelle *Cene* est la constitution du nouueau Testament & nō pas le sacrifice de la Croix.

Qui teste doit estre viuant : en la croix il estoit mort, & en la Cene viuant : le testant doit viure iusques à ce qu'il ait signē : en la Croix il estoit mort. Qui legue doit estre li-

bre : en la Croix pas. Qui est condamné ne peut plus tester, en la Croix il estoit iugé. Qui legue laisse quelque chose: il nous a laissé son corps. Qui teste commande quelque chose, apres la Pasque dit, *hoc facite*, & apres *hoc est preceptū meū vt diligatis inuicē*. Qui teste, promet quelque chose: Iesus nous promet la remission des pechez. Qui legue en charge d'auoir souuenance de luy. Iesus l'a dit, *facite in cōmemorationem: mortem annuntiabitis*. Qui teste a des tesmoings en la post-cene les Apostres le furent, en la Croix personne: Qui fait testament doit bailler vn Contrat & instrument: l'Euangile est le contrat de nostre don. Le testament doit estre passé deuant deux Notaires: les 4. Euangelistes sont les incorruptibles Tabellions. Le testament n'a force qu'apres la mort: les Apostres ne se sont mis en possession qu'apres. Qui teste doit faire son testament, afin de le ratifier par la mort: Iesus en la derniere nuit, a fait son testament, & le lendemain le ratifia par la mort: Qui legue doit viure apres: & en la Croix, il mourut. Qui teste doit parler apertement: Iesus a parlé tres-clairemēt disant, *hoc est corpus meū*. Dōc le sacrement d'apres la Cene est le nouveau Testament de Iesus-Christ, & non pas la Croix.

La 6. figure de la Messe, est au Leuitique

23. & Deuterono. 16. ou le mot de מִסָּחָה  
*Missa* est: & ce sacrifice dit *Missa*, est la vraye  
 Messe en figure qui conuient avec la Messe  
 Euangelique, en tout en figure ronde: en  
 temps: en matiere, en vsage, en mot. Le lais-  
 se aux doctes, & à ma chere Posterité, de voir  
 si soigneusement & de pres, i'ay recherché  
 les circonstances. Dieu commande, que 7. se-  
 maines apres Pasques, & la moisson, on pren-  
 ne le bléd le premier mur (pour ce dit *des pre-*  
*mices*) qu'on en face du pain rond: qu'on le  
 mette sur deux Agneaux viuans: que le pre-  
 stre leue ces deux Agneaux couuerts de ce  
 pain en haut, & les presente à Dieu: puis les  
 ayans ainsi leuez & offerts: qu'il les mange. Et  
 ce sacrifice s'appelle dans l'Archetype & ori-  
 ginal hebreu *Missat*. Laquelle Messe conuiet  
 en 16. choses avec la nostre. Ce sacrifice est  
 appellé *Missa*, & le nostre aussi: il est dit *vo-*  
*lontaire, nouveau*: & Iesus sacrificia volontaire-  
 ment: Dauid auoit dit *volōtariē sacrificabo tibi*.  
 Ce sacrifice estoit de pain: aussi est l'Eucha-  
 ristie: sous ce pain estoit la chair de deux  
 Agneaux viuans, ce qui denotoit la chair vi-  
 uante de Iesus-Christ sous les especes de pain:  
 le huguenot dira que c'estoit vn pasté: rie fol  
 qui voudra, il est dans la Bible. Ce sacrifice  
 s'offroit le iour de la Pentecouste: le sacrifi-  
 ce de Liturgie fut aussi celebré le premier

iour de la Penthecouste, Ce sacrifice ne fut offert que 7. sepmaines apres que Dieu l'eut commandé, à Moÿse : Les Apostres n'ont dit la Messe, & offert cest oblation volontaire que 7. sepmaines apres qu'on leur dit, *hoc facite*. On faisoit la benediction sur ce pain & deux agneaux selon le commandement, *iuxta benedictionem Domini* : de mesme Iesus-Christ fit la benediction sur le pain & vin. *gratias agēs benedixit* : & S. Paul, *calix benedictionis cui benedicimus*. Ceste oblation de pain & chair se leuoit en haut : comme Iesus prit le pain en ses mains le leua, & comme le Prestre leue la sainte Hostie. Elle s'offroit à Dieu : Iesus offrit son corps à son pere, viuant sous les apparences de pain. Apres que le Prestre l'auoit offerte c'estoit pour luy, il la mangeoit : apres que le prestre a sacrifié : se communie & le mange. Ceste Messe & oblatiō sous le pain estoit viuante : Aussi est l'Hostie : Ce pain s'appelloit le pain des premices, aussi fait l'Eucharistie comme dit S. Iean Damascene. *Iste panis est primitia futuri panis, qui est substantialis*. Dieu commande que ce iour ou l'on offroit ceste Messe, fust le plus celebre, & le plus grand iour de tous : *habebis hūc diem celeberrimum atque sanctissimum*. Les Chrestiens n'ont point de iour plus saint, que le iour de Pasques & autre ou ils communient. Ce

sacrifice est appellé l'Hostie des pacifiques, *hostias pacificorum* : de mesme le sacrement de la sainte Hostie, est ce qui nous remet en bon mesnage & en paix avec Dieu. Ce sacrifice estoit fait en commemoration de la sortie d'AEgypte, *recordaberis, quoniam seruus fueris in Aegypto* : de mesme, il nous est enchargé de reiterer le sacrifice du corps de Iesus-Christ, pour môstrer que nous sommes hors de la captiuité du Diable. Apres ce sacrifice & Messe de chair viuante couuerte du pain, il leur est commandé à tous de manger, *coram domino Deo tuo, tu & seruus tuus, & familia tua*: Deuteronome 16. De mesme la Messe dicte, le iour de Pasques, tant maistres que seruiteurs communient : ou bien cela figuroit le banquet general que les Chrestiens faisoient ensemble dans l'Eglise apres la Messe.

La 7. figure de la Messe est qu'en l'ancien Testament il y auoit 2. Agneaux Paschals: vn qui ne s'offroit, qu'une fois l'an : & l'autre qui s'offroit tous les matins.

La 8. figure est au Leuitique 16. verset 9. ou Dieu commande de prendre deux Cheureaux : de ietter le sort, & que celuy sur lequel le sort tōbera qu'il soit tué : qu'on l'offre mort, & l'autre qu'on l'offre tout viuant, en disant beaucoup de prieres dessus, *statues viuam coram Domino vt fundat preces super eam.*

apres on le laissoit aller, dont dit *le Cheureau Emissere, relaché en la solitude, congedié.* Celuy qui estoit offert mort representoit le sacrifice de la Croix: & celuy qui estoit offert tout viuant, estoit le sacrifice d'apres la Cene, ou apres plusieurs prieres Iesus-Christ s'offrit tout viuant.

La 9. figure sont les pains de Proposition en l'Exode 25. ou Dieu commande d'en prendre 12. & de les offrir & proposer tous chauds sur l'autel d'or 8. iours durant: & il n'y auoit que les Prestres qui s'estoyent abstenus 15. iours des femmes qui les mangeoyent. S. Ieã Damascene liu. 5. des Orthodoxes, dit que ces pains figuroyent l'Eucharistie. *Hunc panem, panes figurabant Propositionis.*

La 10. est aux luges 6. ou Gedeon offre du pain & de la chair tout ensemble sur vne pierre: la chair estoit le corps de Iesus-Christ, & le pain, les especes du pain qui seruent de manteau pour couvrir le Sacrement.

La derniere figure est au 5. des Roys chap. 19. où Helie mange vn pain si excellent & confortatif qu'il fut 14. iours sans māger iusques à ce qu'il fust au mont Oreb. Le pain que Iesus-Christ nous baille est si excellent qu'il nous soustient iusques à ce que nous soyons montez au Ciel.



## La Messe prophetisée.

La Messe est vne chose si excellente, que Dieu en a baillé le mot, les figures & les propheties en la loy ancienne: à fin que celuy-là soit extremement meschant qui la niera en l'Euangile. Entre autres propheties, la plus veritable est au 1. des Roys chap. 2. Doctes lisez vn peu ce lieu quant & cecy. Là vous cognoistrez vn Prestre Gentil, incognu, hōme de Dieu, par la bouche duquel Dieu parle au grand Prestre Hely, que la prestrise d'Aron sera ostee & qu'apres il y aura vn Prestre qui fera selon sa volunté & qui luy offrira vne tourte de pain. *Suscitabo mihi sacerdotem fidelem qui iuxta cor meum, & animam meam faciet & edificabo ei domum fidelem, & ambulabit coram Christo meo cunctis diebus, & offerat Tortam panis.* Le huguenot ne pourroit que respondre, ceste prophetie s'entend de la Messé & de l'Euangile, ou l'on deuoit offrir ceste tourte de pain: il dit premierement que ce sera apres que la prestrise d'Aron sera ostée: 2. c'estoit vn Prestre gentil cōme nous. 3. c'est vne prophetie. 4. il dit *suscitabo*, ce n'estoit donc de la prestrise Leuitique, car il y auoit long temps qu'elle estoit. 5. il y a *coram christo*, cela donc s'entend de la Loy Euangelique. 6.

Il y a *cunctis diebus*, & celle d'Aron est ostée: en 7. lieu, *offeret Tortam panis*, qui s'entend de l'Eucharistie, & ne se peut entendre des pains de Proposition, ny du *Sin.ila*. d'autât que cecy est à l'aduenir, & lors il y auoit plus de 400. ans qu'ils estoyent inuentez, & qu'on les offroit. Donc la prophetie s'entend de la Messe, & ceste *Tourte de pain* que nous offros, est sacrifice, puis qu'il y a *offerat*.

La 2. est au 31. de Iob, ou il demande, qui l'aimera tant que de luy bailler de sa chair à manger? *Quis daret nobis vt de eius carnibus implemur?* Quel desir auoit Iob, de vouloir manger de la chair d'un homme. Parmi les amitez & aliances Payennes, il se trouue des couples d'amys qui ont biē aymé l'un l'autre: Mais il ne s'en trouue point qui ayent baillé de leur chair à manger, ny qui se soyent faits pendre pour leurs amis. Ceste prerogatiue estoit reseruée au vray Damon Iesus-Christ. Il est cest amy tant cherché & désiré par Iob.

La 3. est au Psal: 71. Ceste oblation de pain, que l'on deuoit offrir en l'Euāgile a plusieurs noms dans la Bible, *Missā, Minha, Torta panis, le pain desirable, Toda*, & dans Dauid *Pissa*. En ce Psalme il parle de tout ce qui se doit faire à la venuë de Iesus-Christ comme ie diray au 3. liu. En la venuë du Messie on doit offrir vn pain, vne hostie, ronde, faite comme vn  
 petit

petit gasteau: & dedans l'hebrenu il y a *Pissa*, Laquelle dictiõ on a vertie, *panis*, *placenta*, *furmentum*, ou *memorable triticum*. Or en ce lieu David prophetiquement a dit *Pissa* pour *Missa* *D m* en *D p* pour demonstrier qu'en ce sacrifice de pain il y auroit vne chose changée & transubstantiée en vne autre, la substance du pain en la chair de Iesus-Christ. Il se lit, que quand il y a eu quelque changement, les lettres ont esté aussi changées. C'est vne chose contre l'ordre de Nature qu'une vierge enfante: Aussi quand le prophete a dit *Ecce virgo concipiet*, il a changé l'ordre des lettres hébraïques: car il a mis la lettre *m* au milieu, qui ne se met qu'à la fin. David aussi a changé *m* en *p* & au lieu de dire *Missa* a escrit *Pissa*. parce qu'il y deuoit auoir vn changement: Ce changement & transubstantiation n'est point difficile à croire: les Iuifs la croyent, ils nient que Iesus soit le Messie: Mais que quand il sera venu, il y aura vn changement au pain: le Iuif est plus fidele que le huguenot: Les Rabbins qui sont les maistres & Docteurs des Iuifs le disent, entre autres le Rabbi Kimhi. *Magistri facilibus memoria exponunt quod erit transmutatio natura in tritico in futurum quando venerit redemptor.*

La 4. est aux Prouerbes 9. ou la Sapience dit qu'elle s'est edifié vne Eglise, qu'elle a

meſlé ſon vin. *Sapientia edificauit ſibi domum, imolauit victimas ſuas miſcuit, vinum & poſuit menſam.* Tertulian interprete cela du ſacrifice d'apres la Cene.

La 5. eſt au meſme lieu, *Venite comedite panem meum, & bibite vinum quod miſcui vobis.* Laquelle choſe ſentend du ſacrifice de la Meſſe comme dit S. Cyprian. *Per Salomonem Spiritus Sanctus, typum Domini ſacrificii ante præmonſtrati molatæ hoſiæ panis & vini.*

La 6. eſt en Eſaye 19. ou il prophetiſe qu'à l'aduenir il y aura vn Autel. *In die illa erit altare Domini in terra Aegypti.*

La 7. eſt dans le meſme que les Aegyptiens vn iour deuoyent cognoiſtre Dieu & luy ſacrifier, ce qui a eſté apres la mort de Jeſus-Chriſt, donc il faut encore des Autels & des ſacrifices. *Cognoſcent dominum in die illa Aegyptii & colent eum in beſtiis.*

La 8. prophetie eſt en Daniel 10. qui ſe faſche qu'il n'eſt du tẽps de la loy de grace pour manger le pain deſirable. *Vae nobis qui panem deſiderabilem non comedimus* Tant de gens ont deſiré de manger ce pain que nous auõs, & nous n'en faiſons pas d'eſtat.

La 9 eſt en Sophonie 3. ou il parle appertement, comme on deuoit luy ſacrifier en Aethiopie apres la reſurrection. *Expecta me dicit Dominus in die reſurrectionis meæ in futurum &c.*

*deserent munus si in dispersorum.*

La dernière est en Malachie 1. ou Dieu dit qu'en la loy Euangelique, par tout on luy doit offrir *une oblation nette*, qui est l'Eucharistie. Je videray cela au 3. liure. Il faut que Iesus-Christ ait accompli toutes ces figures & perfectionné toutes ces propheties.

### *Iesus-Christ a dit la Messe.*

Iesus-Christ estant incarné au ventre de la Vierge, & nay au monde, deuoit accomplir toutes les figures & propheties que le Messie deuoit accomplir, & qui esloyent dictes de luy. En tout le cours de sa vie il en a perfectionné, accompli & réalisé quelqu'une: mais sa principale charge estoit d'accomplir les sacrifices: C'est pourquoy il estoit Prestre. En la dernière action de sa vie estant encore bien libre, il voulut faire son office de Prestre, & sacrifier son corps, afin d'abolir & accomplir toutes les figures, vmbres & sortes de prestries, comme d'Abel, Noé, Melchisedec, Abraham & Aron. Entre lesquelles prestries, il en a aboly 4. les accomplissant, & n'en a gardé qu'une qui est celle de Melchisedec, de laquelle il estoit, *Tu es Sacerdos in æternum se. undum ordinem Melchisedec.* Il l'a accomplie, mais ne l'a pas abatuë comme les autres: Par-

ce que toutes les autres auoyēt eu leur temps & reiterez plusieurs fois , mais celle de Melchisedec, n'auoit esté faicte qu'vne seule fois. Il n'a voulu & ne deuoit prendre des bestes, oyseaux, gasteaux, sel, huille ny autre chose, mais du pain , & du vin , comme sa figure. C'est pourquoy en la nuit qu'il fut trahy comme dit S. Paul , apres auoir fait la Pasque de l'Agneau Paschal figuré , passa au sacrifice du vray Agneau son corps : comme a dit S. Chrysostome , *ad verum Paschæ transgreditur sacramentum.* Il se leue de table , faict vn long sermon à ses disciples , leur laue les pieds, le remet en table, sacrifie & dit la Messe , prend du pain & du vin comme sa figure, & l'ayant pris en ses mains , leuē en haut , présenté à Dieu , rendu grace dessus , & conuertis en sa propre substance par la vertu de ses paroles, *Hoc est corpus meum. Hic est sanguis meus noui Testamenti:* Le bailla à manger & à boire à ses Apostres , leur disant, *prenez, mangez. Ceci est mon corps : c'est mon sang du nouueau Testament.* En ceste action il a accompli toutes les figures & propheties que i'ay amenez , comme ont dit tous les Docteurs : & ce sacrifice & Messe d'apres l'Agneau de Pasque, a succedē à tous les anciens sacrifices comme a dit S. Augustin & les a consumez comme a dit S. Cyprian.

Le pain qu'il prit, estoit pour realiser le pain de Melchisedec, le pain des Premices: les pains de Proposition: le Simila: le pain de Gedeon: le pain de Salomon: & le pain tant desiré de Daniel. Il prit *du vin*, le conuertissant en son sang, pour accomplir le vin de Melchisedec: le sang de toutes les bestes: le *lin* de vin & infusion d'Aron: le vin de Salomon. Il falloit qu'il conuertist la substance de ce pain *en sa chair*, afin de realiser la chair de tous les animaux & oyseaux: la chair qui estoit avec le pain que Gedeon offrit. Il falloit que sous les especes de pain sa chair fut viuante, pour accomplir le Cheureau Emissere sacrifié viuant: & pour realiser le sacrifice des 2. Agneaux offerts viuants sous le pain au Sacrifice dit *Missa*. Iesus Christ ne deuoit prendre autre chose que du pain & du vin, par ce qu'il n'estoit Pretre selon vn autre ordre, que celui-là. Et s'il eust pris autre chose, il n'eust pas bien accompli tout: Car s'il auoit pris vne beste: il auoit sacrifié selon Aron: il n'eust accompli tous ces pains offerts, ny le vin: il auoit continué l'ordre d'Aron: & n'auoit offert selon son ordre. Regardant de si prés de tels mysteres dans la Bible, ie fremis iusques au centre, & tremble iusques aux racines de l'humanité. Catholiques qui lirez ce traicté, deschargez tou-

tes autres affaires terriennes, & avec toute consideration, considerez, si la doctrine que ie vous dy, est Apostolique, & consono à mon nom. Or entre tous les sacrifices anciens, pas vn n'a de nom propre, que celuy du Deuteronomie 16. qui s'appelle *Missa*, *Messe*, *sacrifice*, *oblation*. Ceste Messe est appellée *volontaire* & *nouvelle*, mais c'est pour l'aduenir: Car en ce lieu-la, il baille tous les autres sacrifices & ceremonies, & ne les appelle nouvelles comme il fait ceste Messe: c'est donc pour le futur, & la loy Euangelique.

Après donc la Pasque de l'Agneau Paschal, il sacrifia son corps viuant sous les especes de pain & de vin, & ne l'a fait qu'une fois, en non plus que Melchisedec. Ce sacrifice, & action derniere, n'a point de nom dans toute l'Euangile. C'est pourquoy les Apostres l'ont nommée *Messe* du nom de sa figure: voyant que tous les autres sacrifices Anciens n'auoyent point de nom: ny celuy mesme de Iesus-Christ. Et le S. Esprit la fait pour plusieurs raisons: Par-ce qu'il n'y a que ce sacrifice du Deuteronomie qui s'appelle *sacrifice* par Antonomase *Missa*: c'est à dire *sacrifice*. En 3 lieu, par-ce qu'en la Messe, la chair de Iesus Christ est viuante: sous les especes du pain: comme sous le pain des Premices estoit offerte la chair & le sang de deux Agneaux ou Che-



ureaux viuants. C'est pourquoy il a dit la vraye Messé, & non pas Cene. Car le sacrifice de l'Agneau Paschal ne s'appelle pas Cene, mais *Pischa* comme il dit luy-mesme, *desiderio desideravi manducare pascha*: il ne dit pas *facere Cenam*: il faut donc dire que Iesus-Christ instituant le sacrement de son corps, celebra la Messé, ou fist la Pasque, il ne se trouuera iamais, qu'aucun sacrifice s'appelle Cene: ny que le sacrifice de l'Agneau Paschal s'appelle Cene dans aucun passage de l'Escriture. Mais il se trouue que Iesus a dit qu'il vouloit faire la Pasque, & celebrer la Messé, lors qu'il institua le sacrement & sacrifice de son corps & de son sang.

### Les Apostres ont dit la Messé.

Iesus-Christ instituant la Pasque & sacrifice de son corps, & realisant le sacrifice dit *Missa*, commande à ses Apostres de le reiterrer: *hoc facite*. Et comme le sacrifice dit *Missa* du Deuteronomie. ne fust célébré que 7. semaines apres que Dieu le Pere l'eut commandé à Moïse, qui fut le iour de la Pentecouste: De mesme les Apostres n'ont point célébré la Messé, & la Pasque que Iesus-Christ leur commanda, que 7. semaines apres, qui fut le iour de la Pentecouste, ou lors ils ac-

plirent la Messe du Leuitique & Deuteronomie, comme a bien remarqué Hesy chius cōpagnon de S. Hierosme, sur le 9. du Leuitique. *Apostolos impleuisse die Pētecostes, quod scriptum erat in Leuitico & Deuteronomio, de oblatione noua; & voluntaria, dum sacra mystica peragerent.* Au 1. des Actes il se voit qu'ils n'ont dit la Messe ny faict la Pasque, que le iour de la Pentecouste, car il n'y a que *erant perseuerantes unanimiter in oratione & obsecratione.* Il n'y a point encore faire la Pasque, ny fraction de pain. Mais au 2. chapitre qui est le iour de la Pentecouste, il y a *Erant perseuerantes in doctrina Apostolorum, & communicatione & fractione panis & orationibus:* ou *Doctrina Apostolorum* estoit le sermon: *communicatione & fractione panis*, est faire la Pasque & communie, vous ne trouuerez iamais faire la Cene. Le 3. & *orationibus* sont les oraisons & sacrifice de louange & prieres que l'on fait à la fin de la Messe apres la communion.

Aux Actes 13. les Apostres disent encore tous ensemble la Messe, lors qu'ils esleurent S. Paul & S. Barnabé pour aller prescher, les enuoyât par l'imposition des mains. Le texte dit, *Ministrantibus autem illis Domino & ieiunantibus.* Iceux celebrant la Liturgie, disant la Messe. Ce que l'hebreu & l'Eglise Romaine dit *Missa* la Grecque dit *Liturgia*: or au

grec cōme a parlé S. Luc il y a *λιτουργουντων*  
*δε αυτων το κυριω* *Liturgiātibus, sacrificiātibus*  
*missantibus Domino* : *sacrifiant, ministrant à Dieu.*  
 Il faut remarquer que ceste seule fois il y a,  
*Ministrantibus Domino*, & non pas *ministranti-*  
*bis* tout seul : Car Calvin, de peur de confes-  
 ser que la Cene est sacrifice, dit que c'est pres-  
 cher : mais le 1. texte *in doctrina Apostolorum*,  
 le desment qui est prescher, il y a *Liturgiantibus*  
*Domino* sacrifiant à Dieu : C'est moquerie de  
 dire prescher Dieu, Dieu n'a que faire de  
 estre presché : puis il y a *Domino*, & non pas  
*populo*. Iamais le mot de *Liturgier* ny de *Mini-*  
*strer* ne signifie prescher. Quand les Apostres  
 preschent, il n'y a iamais *ministrer* : au mesme  
 lieu, *predicabant verbum Dei* : & en S. Iean 8.  
*Exurgens Petrus in medio, dixit* : & puis apres.  
*Petrus leuans vocem suam locutus est* : & au 4 lo-  
 quentibus illis ad populū. Ceste seule fois le mot  
 de *λιτουργουντων* y est, iceux sacrifiant. *Mini-*  
*strer*, c'est seruir à l'Eglise, & *Ministre* & *Dia-*  
*cre* c'est seruiteur : comme au mesme, Iean ser-  
 uoit S. Paul & Barnabé, *habebant Ioannem in-*  
*ministerio* : & au 19. S. Paul enuoye 2. de ses ser-  
 uiteurs & Ministres Diacres, *mitens duos ex*  
*ministrantibus*. On sçait bien que les 7. Dia-  
 cres & premiers ministres ne furent pas esleus  
 pour prescher ny dire la Messe, mais seule-  
 ment pour aider aux Apostres, pour com-

munier le grand nombre de croyans. Au 16. des Rom. la femme Phebe ministroit & seruoit S. Paul à l'Eglise, *Phæbe quæ in ministerio Ecclesie est.* Vous ne direz pas qu'elle preschoit, ou celebrait le Pasque. Les Apostres estant separez ont dit la Messe.

S. Pierre a dit la Messe: & est le 1. qui a fait vn Messel, comme dit Isidore en ses off. Eccle. liu. 1. chap. 15. *Ordo Missæ &c. primum à S. Petro institutus est.* Abdias dit qu'il la celebra en Antioche & à Naples, l'autel s'y voit encore.

S. Jacques comme Euesque de Hierusalem le 1. dit la Messe, le iour de la Pentecouste: & par le consentement de tous les Apostres institua l'ordre de la Messe. *Consensu omnium Liturgiam ab Apostolis fuisse constitutam, sed promulgatam proscriptione Diui Iacobi,* dit Proclus. Et le Cõcile de Constance. *Iacobus, Domini nostri secundum carnem frater, primus scripto mysticam Hierurgiam edocuit:* du depuis S. Basile du temps de Iulian l'Apostat, la redressa comme dit le 6. Synode: *de Consec. Disti. 1.* dont l'autre Eusebe a dit, *Iacobum fratrem Domini, ab Apostolis primum fuisse constitutum Episcopum & Liturgum.*

S. André a dit la Messe, sacrifica comme on fait, & ayma mieux mourir que declarer ce mystere au Tyrand AGeas, luy disant, *omnipotenti Deo ego omni die sacrifico, nec hircorum*

*sanguinem, &c. sed immaculatum Agnum in altari crucis immolauit.* S. Marc a dit la Messe, & fait vn Messel. S. Matth Pa dite en AËtyopie.

S. Paul a dit la Messe, a fait comme maintenant: il prenoit du pain & du vin, faisoit la benediction dessus. Tescmoin le chap. 11. de la 1. aux Corin. *Calix benedictionis cui benedicimus.* Il disposa le Messel & Lyturgie des Corin. *Cetera cum venero dissonam.* Lequel *cetera.* S. Augustin interpretant en l'Epistre 118. dit *cetera cum venero dissonam. hinc datur intelligi totum illum agendi ordinem &c. quem vniuersum per orbem seruat Ecclesia.* Il bailla la façon que nous auons en France de dire la Messe à S. Denis *Credendum Paulum Timotheo & Dionysio hanc formam dedisse, quam ex Apostolorum traditione cunctis ecclesiis disponendam,* dit Thomas Val. liu. 4. chap. 44. Les Apostres donc ont fait la Pasque comme nous, & le mot de *Liturgie* se trouue dans les Actes & celuy de *Cene non.*

*Tous les Papes ont dit la Messe & le mot de Missa est dans leurs Liures.*

Tous les Pontifes Romains ou Papes qui ont succedé à S. Pierre, en la chaire de Rome, ont dit la Messe & le mot se trouue plus de mille fois dans leurs escrits.

S. Clement 1. ou 3. successeur de S. Pierre a fait vn Messel: & le mot de *Missa* est en ses escrits, comme en son Epistre 3. de l'office des Prestres. *In aliis locis sacrificare & Missas celebrare non licet, nisi &c.* Voila le mot de *Missa* qui n'est pas nouveau: & puis il dit, *hac Apostoli à Domino acceperunt, & nobis tradiderunt.*

Euaristus qui luy succeda l'an 113. dit, *Omnes Basilicae Missa debent semper consecrari*, qu'il faut dedier les Eglises avec la Messe: dit Bucar. li. 3. Dec. chap. 27.

Alexander qui succeda, & fut le 6. d'apres S. Pierre l'an 121. par 3. fois parle de *Missa*. En son Epistre 1. aux Ortodoxes dit. *In sacramentorum oblationibus quae inter Missarum solemnias Domino offeruntur &c.* Le Pape Damase qui a escrit sa vie dit de luy. *Hic passionem Domini miscuit in precatone sacerdotum, quando Misse celebrantur: & dans Gratian. Alexander, &c. in sacramentorum oblationibus quae inter Missarum solemnias Domino offeruntur.*

Sixtus luy succeda l'an 129. 100. ans apres Iesus-Christ, il parle de ce mot de *Missa*, & cōmande d'y adiouster le *Sanctus* comme dit Damase en sa vie. *Constituit, Missarum actionem sacerdote incipiente. &c.*

Telesphore tenāt le siege apres l'an 139. cōmanda 3. choses. D'en dire 3. le iour de Noel: de la dire à my-nuiet: & d'y chanter le *Gloria*

En son Epistre aux Euesques chap. 2. il dit. *Nocte vero sancta natiuitatis Domini Saluatoris Missas celebrent, & hymnum Angelicum in eis solenniter decantent: & puis apres. Reliquis temporibus Missarum celebrationes, &c.* Voila comme ce mot de *Missas* est 2. fois dans ses escrits, C'est celuy que la Banfferie nie auoir commandé de dire 3. Messes le iour de Noel. Et Bucelius en son Epitome escrit *Telephorus Papa religiosissimus triplicis in Natalis Domini Liturgia autor.* Les huguenots mesmes & Centuriateurs d'Alemagne, disent de luy. *Deinde Missas cumulat, & ritum earum auget.*

Higinus luy succeda l'an 150. & parle de ce mot de *Missas* deffendant de dedier les Eglises sans Messe. *Omnes Basilicae cum Missa debent consecrari: comme il est de Consecr. dist. 1.*

Soter tint le siege l'an 176. il commande 2. choses, de ne dire la Messe sans que 2. soyent presens, & de ne desieuner pas deuant que de communier: il parle par 3. fois de la Messe. Le 1. est *Censuimus ergo conuenire, ut cum a sacerdotibus Missarum tempore.* Pour le 2. *Nullus post cibum potumque, siue quodlibet minimum sumptum Missas facere praesumat.* Pour le 3. *Nullus presbyterorum Missarum solennia celebrare praesumat nisi duobus praesentibus, sibi que respondentibus.* Voila tous les Papes qui sont dans ces 2. premieres Cēturies qui parlent de la Messe

& qui ont commandé ce que nous faisons.

Pontianus fut le 18. apres S. Pierre. Tenant la Chaire l'an 230. parle de la *Messe*, & y adiouta le *Confiteor*, telmoin Bern. de l'office de la Messe chap. 25. *Pontianus mandauit, vt in principio celebrationis Missæ, confessio diceretur.*

Fabianus qui l'an 244 gouernoit le Nauire S. Pierre, parle du mot *Missa* disant: *qui reliquas obsecrationes in Missa secundum ritum implere non potest.*

Stephanus tenant en sa main les clefs S. Pierre l'an 263. fut tué par les Valeriens disant la Messe. *Inter Missarum sollemnias, in Valeriana, persecutione interfectus est.*

Felix 1. gouernoit l'Eglise vniuerselle l'an 277. & iceluy parle 3. fois de ce mot de *Missa* En plain Concile commanda de dire la Messe sur les sepulchres des Martyrs: & deffend de la celebrer en aucun lieu, s'il n'est dedié. En son Epistre 2. aux Euelques de France dit, *In prefata Synodo, constituimus, &c. vt super memorias Martyrum Missæ celebrentur: & Damase en sa vie: Hic constituit supra sepulchra aut memorias Martyrum Missas celebrari: & Gratian: In tabernaculis, diuinis precibus non à Pontificibus delibutis Missas cantare aut celebrare non licet nisi summa necessitas coegerit.*

Siluestre viuoit l'an 343. Iceluy dans Gratian, deffend de chanter la Messe en vn lieu



qui n'est point consacré. *Nullus presbyter Missas celebrare presumat, nisi in consecratis ab Episcopis locis.*

Damase gouvernant l'Eglise en son age doré. fut le Pape 38. apres S. Pierre l'an 397. De son temps esclairoient & brissoient ces grandes lumieres de l'Eglise. S. Basile, S. Gregoire Nazian. Ambroise, Chrysostome, Hierosime, Epiphane, Cyrille, Augustin. Il eluy en son Epistre 4. aux Archidiaques escrit, *Non licet publicè in Missa quemquam pœnitentem reconciliare.* De son temps c'estoit la coustume, que tous les iours à la fin de la Messe, on expliquoit la vie & Legende des Saints. Dont le tres-religieux Empereur Theodose en plain Concile loua fort vn Gregorius Cordubensis, de ce qu'à la fin de la Messe, il expliquoit la vie des Martyrs, afin d'exciter les Chrestiens a les suiure. Que diront les Anti legendes de nostre temps : La Banfferie dit qu'il ne presche point la Legende: il ne fait pas donc comme la primitiue Eglise. *Gregorius Cordubensis, quem in Concilio Episcoporum laudauit Theodosus religiosissimus Imperator quod quotidie Missas explicans, coram Martyrum quorum Natalitia essent, nemina plurima commemoraret.* Ce prescheur de Legendes est tres-heureux, qu'en vn lieu si honorable, il a eu vn si digne Encomiaste de ses louanges, qu'un Empe-

reur. Voila le mot de *Missa* dans les escrits de tous ces Papes, & ne veux passer plus outre, ie ne veux pas aller seulement iusques à 400. ans: or Caluin dit qu'en ce temps l'Eglise n'auoit point encore failly, si nous faisons comme ils faisoient, nous faisons bien: Ils ont esté tous martyrs: ils estoient tres-saincts & tres-sçauans, il n'y a rien de rebut en leur vie. Ils ont dit assez de fois *Missas celebrare, cantare: & iamais facere cœnam: & n'ont iamais esté mariez, mais au contraire tous prestres.*

*Les premiers Conciles parlent de ce mot de Missa.*

Aucuns pourroient dire, que ces Papes estans Romains parlent du mot de *Missa*, mais que l'Eglise vniuerselle ne la nommoit pas ainsi: ce qui est faux. Ce que le Concile general dit, c'est ce que tient l'Eglise vniuerselle: or les Conciles Generaux & tenus hors de l'Europe, parlent de la Messe, dans les 400. premiers ages: ergo de tout temps on a nommé le sacrement du corps de Iesus-Christ *Messe.*

Le 2. Concile de Cartage confirmé par le 6. general, au chap. 2. dit, *Reconciliare quemquam in publica Missa presbytero non licet: Car-*  
tage

tage est en Affrique. On l'apelloit donc *Messe* en Affrique, comme en l'Europe: il se tint l'an 396. Si ce n'eust esté la coustume de toute l'Eglise, les Euesques n'eussent pas permis qu'on luy eust baillé ce nom.

Le 3. de Cartage, de 214. Euesques ou estoit S. Augustin au Ca. 84. dit, *Episcopus nullum prohibeat vsque ad Missam Cathecumenorum.* Il se tint l'an 397. Les Affriquains estoient fort amoureux de ce mot de *Missia*.

Le Concile Mileuitain ou estoit S. Augustin au Ca. 12. ordonne. *Placuit &c. ut preces vel orationes siue Missæ quæ prolata fuerunt in consilio &c. ab omnibus celebrentur.*

Le 1. Agatence par 3. fois parle de la *Messe*: au Ca. 21. dit qu'il faut dire la *Messe* dans la parroisse, *Ibi Missas teneat propter satigationem familiæ.* Au mesme, il deffend de dire *Messe* en des oratoires, & maisons. *Clericus qui in oratoriis &c. Missas facere aut tenere voluerit, à comunione pellatur,* & puis apres. *In conclusione Matutinarum vel vespertinarum, vel Missarum, post hymnos.* En ce temps on disoit la *Messe*, *Vespres* & *Matines* comme maintenant: Et si les Papes & Conciles ont adiousté quelque oraison ou cérémonie à la *Messe*, ils n'ont pas rien adiousté à la substance, & à la chose. Le seul Iesus-Christ l'a instituée. Les 2. vieillards de nostre Susanne François Calvin & Beze,

font de diuerse opinion sur les Conciles. Caluin recognoit l'Eglise vierge dans les 4. & 500. ans, & reçoit les Conciles: & dit en son liu. 4. chap. 17. que les ceremonies de la Messe sont tres-anciennes, & puis les appelle *la rouilleure de la Cene du Seigneur*. Ce vieil Charon qui passe les ames en Enfer sur le Lac de Geneue, reçoit les 6. premiers Generaux: toutesfois en la section 38. de ses fausses marques, dit que tous les Conciles ont failly, & s'en faict supérieur: Voyez quelle temerité qu'un simple homme encafané dās le coin de son estude à Geneue, fasse vne saillie dans le champ de toute l'Eglise: & marchant par dessus tout le respect, & la reuerence que nous deuons aux ans si chenus de la venerable antiquité, sauté sur elle & la prend à la gorge, pour l'estrangler.

### *Tous les Docteurs ont dit la Messe.*

Vn Catholique pourroit demander, si les Peres estoient Prestres, & ont dit la Messe? Ouy. S. Denis, S. Ignace, Iustin, Cyprian, Ambroise. Hierosme, Augustin, estoient Prestres, Euesques, disoyent la Messe en mesme habit que maintenant: & ce mot de *Missa* se trouue par tout dans leurs escrits.

S. Denis que S. Paul enuoya en France, dit

la Messe estant en prison à Paris:ou est maintenant edifié S.Denis de la Chartre: & Iesus-Christ luy apparut, comme à son maistre. *De hoc etiam sacramento legitur in passione D. Dionisi, qui dum mysterium Sacramenti celebraret in carcere, apparuit ei Dominus, dit Algerus liu. 1. cha 5. Et Cassander tout Lutherien dit, Missa D. Dionisi nostram esse similitimam.*

S. Ignace qui viuoit l'an 111. du temps des Apostres dit. *Non licet sine Episcopo, neque sacrificium imolare, neque Missas celebrare.*

Iustin le Martyr escriuant l'an 180. contre les Iuifs, dit, *Itaque omnia sacrificia quæ suo nomine Iesus-Christus, id est Eucharistia panis & uoculi, quæ in omni loco à christianis fit.* Il parle de *sacrifier* & de l'*Eucharistie* comme nous.

S. Gregoire Nanzi. se complaint que le huguenot Iulian l'Apostat pilloit la sainte Hostie à pieds. *Manus commaculat. aspercione incruentæ hostiæ, per quam nos Christiani effici-mur.* On gardoit donc la sainte Hostie comme maintenant.

S. Ambroise estoit Prestre, Euesque, qui a dit la Messe. En plusieurs endroits il fait mention du mot de *Missa*. En son liur. 5. Epist. 33. qu'il rescrit à sa sœur Marcella, dit qu'un iour de Dimanche, comme il estoit à Milan prest de dire la Messe. Les huguenots Arriens firent les Baricades pour tuer les Catholiques,

par-ce que l'Empereur Valentin & sa mere Iustina Arriens les soustenoyent. En ceste esmeute & sedition, les heretiques prindrent vn Prestre nommé Castulus. On vint raconter tout cela à S. Ambroise, qui estoit prest de dire Messe à l'Autel: qui ne cessa pas, mais au contraire commença à dire la Messe, priant Dieu à chaudes larmes qu'il luy pleust apaiser la sedition:voila son texte. *Ego tamen mansi in munere, Missam facere cepi, &c & amarissimè flere & orare in ipsa oblatione Deum cepi.* Il a donc dit la Messe & prie en offrant, comme on fait. Quand il dit *Missam facere cepi*: qu'il commença à dire la Messe, ce n'est à dire qu'il s'en alla: car les mots de deuant *Mansi in munere*, & ceux d'apres *cepit orare in ipsa oblatione*. demonstrent comme il dit la Messe, pour apaiser ces Baricades. Le huguenot ne pourroit que respondre. Il le recognoit pour vn homme de bien, & bon Euesque. Il a fait mesme l'oraison *preparatoria ad Missam*, qui se dit au commencement de la Messe. *Rogo te Domine.* Il estoit l'an 387.

S. Hierosme qui escriuoit du mesme siecle l'an 400. estoit Prestre, dit la Messe. Sur le chap. 11. des Prouerbes, dit que les trespassez sont aydez par la Messe. *Defunctorum animas Missarum celebrationibus adiuuari.* Et en son Epistre à Pauline, dit qu'on chantoit *Alleluia*

en la Messe. *Post cantatum Alleluia (quò signo vocabatur ad Collectam) nulli residere licitum erat.* Il estoit du temps du premier Roy des François Pharamond.

S. Augustin estoit Prestre, Euesque de l'Eglise d'Afrique, en la ville d'Hippone: il a dit la Messe, & parle en 6. endroits du mot de *Missa*. Il preschoit deuant, expliquoit l'Epistre & l'Euangile qu'on y deuoit chanter cõme maintenant: Cela se void au Sermon 91. *de tempore*, ou il dit. *In lectiõne, quæ nobis ad Missas legenda est Charissimi fratres.* Et au Sermon 251. *In die Dominica nullus se à sacra Missarum celebratione separet.* Au Sermon 251. *Ecce post Sermonem fit Missa Cathecumenorum.* Car les Cathecumains & ceux qu'on instruisoit encore, estoient au Sermon & à la Messe iusques à l'Euangile: mais apres on les faisoit sortir. Il n'y auoit <sup>ou</sup> <sup>ou</sup> les Ortodoxes, & bien resolu Chrestien <sup>ou</sup> qui demouroient à la consecration. Au me. <sup>ou</sup> il crie contre ceux qui ne faisoient que iaser & causer en la Messe. *Adhuc quoque detestabilius est, ad Ecclesiam aliqui venientes non intrant &c nec expectant cõ silentio sacrarum Missarum celebrationem.* Il appelle la Messe parroissiale, *Dominicum*: parce qu'elle se disoit le Dimanche: & la Messe priuée & des iours ouuriers *Collecte*. C'est en son *Breuioloquio*: ou il dit que les Donatistes

heretiques, & autres meschās faisoient mourir les Martyrs pour auoir dit la Messe en public & en particulier. *Sicuti ipsis Martyrum actis monstrabatur, qui confitebantur in passionibus suis se Collectam & Dominicum egisse.* Il y a douze cens ans passez que les huguenots ont tué les Martyrs pour auoir dit la Messe. S. Augustin estoit auant qu'il y eust Roy Chrestien en France, & que nos genereux Roys eussent merité ces deux beaux tiltres **D E R O Y T R E S - C H R E S T I E N &** Premier Fils de l'Eglise: ils nageoyent encore dans le Paganisme. Il a esté vn des 4. arc-boutans de l'Eglise: Il est appellé l'Aigle des Docteurs. Non Docteur Papistique, comme dit le huguenot, mais Affriquain, sinon qu'il a tousiours recogneu Rome pour le Thronne, ou le chef de toute l'Eglise se sied.

Victor Vricensis Cor<sup>re</sup> triote de S. Augustin, dit qu'Honoric R. <sup>n</sup> Les Vādales Arien, permist de dire la <sup>me</sup> dans Cartage, se disant protecteur de l'vne & l'autre Religion: Mais cela ne dura pas long temps. Car le huguenot insolent ou il est le maistre, se monstra si outrageux enuers les Catholiques, qu'ils decoiffoyēt honteusement les Demoyelles, qui reuenoyent de la Messe, & eux du presche. L'Empereur fist vn Edict de pacification, par lequel il estoit permis aux Catho-



liques de dire librement la Messe, deffendu aux huguenots de les troubler. *Sit vobis liberum in Ecclesiis vestris Missas agere, vel tractare, & quæ legis vestrae sunt quemadmodum vultis facere.* C'est en son 2. liu. de la persecution des Dandales.

Catholiques qui aurez pour le moins autant de zele à soustenir la verité & vostre Religion, cōme l'heretique s'en allume pour soustenir le mensonge : demandez luy maintenant ce qu'il voudra dire. Voila la *Messe* dans la Bible : la matiere : la forme : le mot de Liturgie dans les Actes : tous les liures les plus vieils, apres la Bible parlent de la *Messe*, & nullement de la *Cene*. Tous les hommes qui ont esté soit Papes, Docteurs : escriuains prophanes : & tous les huguenots mesmes qui ont esté depuis Iesus-Christ, parlent de la Messe, & qui recognoissent, que ce que nous faisons, a tousiours esté pratiqué en l'Eglise. Ils ont esté auant que la France fust bien Cathechisée & ortodoxe. Si la Messe ne vaut rien, ils sont tous damnez pour auoir dit la Messe : C'est vn paisible Enfer : Et pour auoir dit la Messe ils sont saincts. Il me souuient que comme Roboal Duc de Frise Turc, estât en France, ayant entendu prescher Valfran Archeuesque de Sens, voulut estre baptisé. Et comme il auoit ja vn pied dans les Fons

pour estre baptisé, demanda s'il auoit plus de parens en Paradis, qu'en Enfer. On luy dist que tous ses parens estoient damnez. Alors il se retira, disant qu'il vouloit aller ou estoient tous ses parens. De mesme encor que la chose ne soit semblable, ie dy que ie seray bien aise d'estre avec tous ces Peres, qui sont damnez pour auoir dit la Messe. ô heureuse damnation, ou la priuation de tous maux est generale. Ie prie les pauures abusez huguenots de ne lire pas ces escrits avec de la fougue, & de ne se perdre à l'appetit de deux ou trois Heres qui les pipent: S'ils n'ont pitié d'eux, qu'ils ayent pitié de leur ame.

*Omnia si perdas, animam seruare memento.*

Catholiques, vous direz aux huguenots que tous les Docteurs sont appelez *Saincts* pour auoir dit la Messe. Cōment pourroyent ils estre *Saincts*, & auoir fait vne chose si abominable, comme dit le huguenot: il dit luy-mesme *S. Ambroise: S. Hierosme: S. Augustin.* On appelle ceux de l'Eglise Romaine *Saincts*, Mais ie n'ay point encore leu, qu'on ait iamais appellé aucun heretique *Sainct*: on ne dit point *Sainct Simon Magus: Sainct Arrius: S. Donatus: S. Iouinian: S. Berrengarius: S. Luther: S. Caluin: S. Beze: ny S. Cantier la Bausserie.* Il deuroit dire *S. Caluin dit cela: qu'il fas-*

se vne Litanie & inuocation des Sainctz here-  
tiques, & qu'il se mette des premiers. Plu-  
sieurs se deliberent de luy brusler le nez avec  
des chandelles comme à maistre Pierre du  
Guignet: & par 3. fois crieront *S. Gautier prie  
pour nous.* Ils auront beau crier. *Aures habet &  
non audiet.*

Luther & Calvin ne pouuant que respon-  
dre à ces Docteurs, ont dict des blasphemes  
non blasphemés iusques à eux. Ils ont damné  
tous les Peres du nouueau Testament, & ceux  
du vieil. Luther dit que le diable luy a dit que  
la Messe ne vaut rien, c'est en son liu. *de Missa  
priuata:* Et que tous les hommes ont failly tant  
Prophetes qu'Apostres: comme s'il n'estoit  
homme luy-mesme, mais plustost Diable:  
Tout a failly excepté luy. En fin il conseille à  
ses sectateurs de nier plustost tout que dire  
que la Messe est bonne. Et qu'il ne se soucie  
pas si on a fait tousiours le cōtraire de ce qu'il  
enseigne. *Nec moueat quod totus orbis contrarium  
sensum & vsum habeat.* Calvin a dit liu. 4. ti. 18.  
s. i. de ses Institutes, que les Peres ont fait  
tout ce qu'ils ont fait, par l'inspiration de Sa-  
tan. *Pestilentissimo errore Satan totum orbem ob-  
cacauit vt crederent Missam sacrificium.* Catholi-  
ques qui estes obligez de vous sauuer, vous  
penserez à ce que l'Antiquité à tenu.

## Les 50. Noms de la Messe.

Entre les diuers noms que i'ay remarquez dans tous les Docteurs de la Primitiue Eglise, desquels ils appellent la Messe: i'en ay trouué 50. encore qu'aucc plus de loisir on en pourroit trouuer d'auantage. Les Hebreux l'ont nommée de 4. les Grecs de 18. les Orientaux de 8. & les Latins de 20.

Les Hebreux luy baillent 4. noms.

*Missa.* Deut. 16. oblation, sacrifice de chair viuante couuerte de pain.

*Pissa.* Psalme 71. oblation de froment.

*Minha.* sacrifice de pain. Leuit. & Malach.

*Toda.* oblation nette, sacrifice Eucharistique.

Les Grecs entre autres, appellent la Messe de 18. sortes de noms.

*Liturgia.* S. Denis & infinis autres.

*Telete Teletōn.* Sacrement des Sacrements, hosties des hosties. S. Denis.

*Hierourgia.* Sainte action, S. Denis.

*Synaxis.* Collecte S. Denis.

*Coinonia.* Communion S. Denis.

*Myesis.* Operation des Mysteres.

*Mystagogia.* Action mystique S. Cyril. Alex.

*Prosphora.* Oblation.

*Eucharistia.* Action de grace.

*Doche.* Entrée en la communion. S. Ignace,

*Liturgia Tyfiatirion.* Sacrement de l'Autel.

Sinesius.

*Telete aporetos.* Sacrifice mystique. Sinesius.

*Telete carne.* nouvelle façon de seruir Dieu.

Lucian.

*Mysterium caines diatheces.* Le mystere du nouveau Testament. S. Clement.

*Eulogia mysticè.* Benediction mystique. S. Cyril. Alex.

*Hierion mysterion.* diuin mystere. S. Chryso.

*Mysteria.* S. Hilaire.

Les Affriquains & Orientaux la nomment de 8. noms, *Canan vniuersalis. Vcharistio. Corbono. Corben. Curbono. Anaphoro. Gumaah. Toda.* oblation, sacrifice Eucharistique.

Entre les autres diuerses appellations que luy baillent les escriuains Latins, i'en ay remarqué 20.

*Missa:* par vn chacun. *Corpus Domini.* Tertu.

*Dominicum:* S. Cyp. S. Augustin.

*Solemnia:* S. Ambroise. Possid.

*Sacrificium:* *Agenda. Communio.*

*Oblatio:* S. Cyp. Ambr. Hiero. Hilaire. Optat.

*Sacrificium altaris:* S. Augustin à la difference de celuy de la Croix.

*Sacrificium Ecclesia:* pour le distinguer de celuy de la Synagogue.

*Sacramentum altaris:* par ce que les 6. autres se font sans autel. August. de la Cité.

*Sacrificium prætii nostri* S. Augustin.

*Celebratio sacramentorum*: S. August. Ep. 59.

*Sacramentum omnia consumans*: S. Cyprian.

*Hostia hostiarum*. Iean Scor.

*Actio sacra*: S. Ambroise.

*Sacrificium quotidianum*: S. Augustin & Iuge  
par Daniel.

*Missarum solemnia*: S. Amb. Beda.

*Officia diuinorum sacramentorum*: S. Hillaire.

*Gratiarum actio*: S. Augustin.

*Collecta*: S. Hierosme.

*Sacra Mysteria*: S. Paulin.

Entre tous ces diuers noms il n'en est demeuré que 3. vsitez: l'Eglise latine a retenu *Missa*. La Grecque *Liturgia*: & les Orientaux *Corbo*, pour les plus communs.

*Sans la Messe on ne peut estre sauué.*

Il n'y a que la seule mort & passion de Iesus-Christ qui nous a rachetez: Mais il nous a baillé les Sacremens pour nous apliquer son corps & son sang. Tous les 7. Sacremens sont necessaires à l'estat vniuersel de l'Eglise: Toutefois il n'y a que le Baptesme qui est necessaire à tous Chrestiens. Aussi à celuy seul, il a baillé du *quis*: il baille bien du *nisi* à 3. *Nisi quis baptisatus fuerit. Nisi manducaueritis carnem. Nisi poenitentiam egeritis*: Mais au seul Bap-

tesme il y a *quis*. Ceux qui meurent apres le baptesme , sans auoir peché mortellement sont sauuez. Mais apres qu'on a peché, il n'y a point moyen d'estre sauué sans le sacrifice de la Messe : Dont il a dit : *Quiconque ne mangera ma chair, & ne boira mon sang n'aura point la vie eternelle* : Donc au sacrement de Pasque & sacrifice de la Messe gist nostre salut. Le 2. argument est de S. Martial en son Epistre à ceux de Bordeaux. *Nos causa salutis nostra in ara sanctificata proponimus, scientes hoc solo remedio nobis vitam præstandam, & mortem effugiendam.* Quiconque ne sacrifie point comme fait le huguenot ne peut estre sauué : puis qu'il y a *causa salutis* : *solo remedio mortem effugere.* Le 3. est de S. Epiphane qui dit en ses Epistres que l'Eucharistie est le principal salut des Chrestiens. *Hæc mysterii pars, præcipua Christianorum salus est.* Il dit *præcipua salus, & S. Martial, causa salutis.*

*La Messe est Sacrifice par le texte de la Bible.*

Toute religion commence par sacrifice & finit par iceluy mesme. La religion de la loy de Nature , commença au sacrifice d'Abel: & finit en l'ordre d'Aron. La Religion Iuifue

commença au sacrifice de l'Agneau Paschal (ou des 12. Bœufs) & finit en l'abolition d'iceluy mesme Agneau. La Religion Chrestienne commença au sacrifice & Pasque du Corps & sang de Iesus-Christ, & finira à la venue de l'Antechrist, *cum auferetur iuge sacrificium*. Iamais Dieu n'a osté la Religion, mais il a changé les sacrifices: il y a eu tousiours des Prestres & sacrifices: parce qu'il n'y auroit pas moyen d'Adorer Dieu, sans sacrifice. Par 8. textes de la Bible, ie prouue que la Messe ou Eucharistie est sacrifice.

Puis que le sacrifice d'après la Cene à perfectionné tous les sacrifices anciens, il faut qu'il soit sacrifice.

Moyse dediant le vieil Testament sacrifia: Iesus dedia le nouueau en baillant le sacrement de son corps; il a donc sacrifié.

En S. Luc, Iesus tenant le pain en ses mains. le leuant & faisant la benediction dessus dit, *quod pro vobis datur: qui est offert pour vous*. Il ne dit pas *que ie vous offre*: mais *qui est offert pour vous*. A qui offert pour vous? à Dieu: Il ne l'auroit pas offert aux Apostres. Car quand il disoit cela il ne leur bailloit pas. C'estoit donc vn sacrifice.

Le 4. argument est du mesme lieu: ou Iesus leur dit *hoc facite: sacrifiez*, ce que ie sacrifie: ou il faut remarquer de pres *hoc* &



*facite*. Ce mot de *facere* signifie tousiours *sacrifier* dans la Bible. Je ne le prens de Virgile *cum faciam vitula pro frugibus*. Je peux amener 20. textes de la Bible, ou *facere*, signifie tousiours Sacrifier. Entre autres en voila 9. Au Leuiti. 15. *facite vnum pro peccato*. Au 3. des Roys chap. 18. Helie dit. *Ego faciam bouem alterum*. En Ozee 2. Dieu se complaint qu'on sacrifie ces biens au Diable. *Dedi fructum quem fecerunt Baal*. Au Leuit. 9. *Facite & apparebit gloria eius: & sicut, & fecit Holocaustum*. Et au 14. *faciet sacrificium pro peccato & au 23. facietis & hircum pro peccato*. Aux Nombres 6. *facietque sacerdos vnum pro peccato*. Au 3. des Roys chap. 8. *Salomon fecit quippe Holocaustum*. Donc quand Iesus a dit *facite*, c'est à dire *sacrificate*. En 2. lieu il faut remarquer *hoc*: sacrifiez cecy & non vn autre. Car c'est le mesme que Iesus Christ offrit, & non vn autre: c'est pourquoy il est appellé, *in desmens sacrificium*: Les Anciens changeoyent tousiours de Victimes: Mais le Prestre Euangelique, ne chāge point, c'est tousiours ce *hoc*, ce mesme.

Le 5. & 6. texte est de S. Matth *Hic est sanguis meus noui testamenti, qui pro multis effunditur in remissionem peccatorum*: d'ou on prend vn double argument. Le 1. *sanguis effunditur*, le sang qui est respandu presentement pour vous. Il falloit bien qu'il le respandit deuant

Dieu : car il ne le bailloit pas encore à boire à ses Apostres: veu qu'apres il leur dit : *bibite ex hoc omnes*. Et parlant de son corps dit *frangitur*, qui est rompu, & sacrifié pour vous. Donc S. Chrysofome fait force sur ce mot *frangitur*, qu'en la Pasque, fust accompli ce qui ne fust fait en la Croix. Donc son corps estoit rompu deuant Dieu, & son sang respandu en sacrifice. Le 2. est *in remissionem peccatorum*. Il n'y a iamais eu de sang respandu pour la remission des pechez, soit en figure ou verité, que ce n'ait esté vn sacrifice. Son sang estoit respandu pour la remission des pechez : *ergo* c'estoit vn sacrifice.

Aux Actes 13. il y a que les Apostres *Liturgioyent à Dieu*, sacrifioyent disoyent la Messe. *Ministrantibus Domino*. Liturgie & Messe n'est qu'un.

S. Paul en la 1. aux Corin. chap. 10. dit qu'ils sacrifioyent à Dieu, comme les Gens au Diable. Il opose l'autel de Dieu à celuy du Diable : il deffend aux Chrestiens de manger de ce qui auoit esté offert sur l'autel des idoles, disant qu'ils ne faisoient pas bien de manger ce qui estoit offert sur l'autel de Dieu, & ce qui estoit offert sur celuy du Diable. *Non potestis mensæ Domini participes esse, & mensæ demoniorum*.

Au 13. des Hebreux il dit : *habemus altare de quo*

*de quo edere non debent, qui tabernaculo deseruiunt:* en cestui-cy, il dit que les idolatres ne doiuent manger de nostre sacrifice. Catholiques, dites aux huguenots, S. Paul dit que nous auons *vn autel*. Il faut donc que nous en ayons comme luy, & vn sacrifice.

*La Messe est Sacrifice par le témoignage des Peres.*

Les Docteurs fondans leur creance sur 3. choses: sur l'Analogie & cōsuiuāce de la Bible: sur l'antiquité: & sur la continuation & suite interrompue des siecles: ont tousiours dit que l'Eucharistie est sacrifice: ce que ie prouue d'an en an.

L'an 50. l'Euangile dit qu'elle est sacrifice.

L'an 60. S. André a dit *immaculatum agnum sacrificio*.

L'an 93. S. Clement escrit au 5. liu. de ses Constitutions. *Suscitato Domino offerite sacrificiū vestrum, de quo vobis precipit per nos dicens: hoc facite.* offrez apres la resurrection.

L'an 120. S. Denys chap. 3. de sa Liturgie dit du Prestre. *Hosiam salutarem litat.*

L'an 121. S. Martial par 3. fois, parle du sacrifice. *Sacrificium Deo creatori offertur in ara: & puis apres, Cuius corpus in vitā eternā offerimus.*

L'an 124. S. Ignace escrit à ceux de Smirne : *Non licet sine Episcopo neque offerre, neque sacrificium imolare.* Cependant le huguenot est si effronté que de vouloir ietter la poudre en l'œil de toute l'antiquité.

L'an 125. le Pape Alexandre dit en son Epi- stre. *Inter Missarum solennia quæ Domino offeruntur, & tout ioignant. Panis tantum & Vinum aqua permixtum in sacrificio offeratur.*

L'an 183. Iustin le Martyr escriuant contre les Iuifs leur dit, qu'il ne faut plus d'autres sacrifices que celui de l'Eucharistie : *Omnia sacrificia quæ suo nomine facientia Iesus Christus tradidit id est Eucharistia. &c.*

L'an 193. S. Irenée Euesque de Lyon en son liu. 4. chap. 32. dit, *Novi Testamenti sacerdos, novam docuit oblationem :* & dit que Dieu nous commande d'offrir, non qu'il ait besoin de rien, mais de peur que ne soyons ingrats, & infructueux : *Non quasi indigenti : sed ne in fructuosi, neque ingrati essent.*

L'an 202. Tertulian liu. 4. contre les heresies escrit, *Offerimus ei non quasi indigenti sed gratias agentes.*

L'an 240. S. Hipolite en son oraison de la fin du monde *Lugebunt Ecclesie iustum magnum, quia nec oblatio nec suffitus fiet.* Et la Iesus parlant à ses Prestres. *Venite Pontifices & sacerdotes, qui pretiosum corpus & sanguinem meum quo :*

*tidie imolastis.*

L'an 244. S. Cyprian 7. fois dit que l'Eucharistie est sacrifice en son Epistre à Célius *Admonitos nos scias in calice offerendo dominica traditio seruetur. Calix &c. qui offertur mixtus vino offeratur. Sacrificium Deo Patri obtulit, & obtulit hoc idem quod Melchisedec obtulerat. Panem & calicem mixtum vino obtulit* Il seroit trop ennuyeux de mettre tous les textes.

L'an 300. Eusebe liu. i. *demonst. Euang.* a écrit. *Pro nostra omniumque salute obtulit eiusque rei memoriam ut nos ipsi Deo pro sacrificio offeramus, instituit.*

L'an 390. S. Basile chantant la Messe & Liturgie disoit: *Suscipe nos &c. ut simus digni offerre tibi rationale illud, & absque sanguine sacrificium, pro nostris peccatis.*

L'an 390. S. Gregoire Nanziazene en sa 1. oraison contre Julian l'Apostat, qui iettoit le corps de Iesus-Christ aux chiens dit, *Dianus suas prophanat nimirum ut eas ab incruento sacrificio &c. elueret.*

L'an 391. S. Grego. de Nyffe, en sa 1. oraison de la resurrection disoit vn beau traict, *Arcano sacrificii genere, quod ab hominibus certi non poterat seipsum pro nobis Hostiam offert & victimam imolat, sacerdos simul existens & Agnus.*

L'an 392. S. Ambroise disoit au chap. 4. du 1. de ses Offices, introduisant S. Laurens par

lant au Pape de son temps Sixte, qu'on me-  
noit au Martyre. *Quo progredi: sine filio pater?*  
*& c. nunquam sacrificium sine ministro offerre con-*  
*sueueras.* Et sur le 2. de S. Luc. *Cum sacrificia-*  
*mus Christus adest, Christus immolatur.*

L'an 420. S. Hierosme disoit au huguenot  
Vigilantius: *l' Euesque de Rome offre à Dieu des*  
*sacrifices sur les venerables os de S. Pierre & de*  
*S. Paul.*

En ce mesme temps, S. Chrysofome a dit,  
*Pro victimarum & pro brutorum cade seipsum*  
*offerendum præcepit.* Ce qui demonstre que le  
sacrement de Pasque est sacrifice, & qui a  
succédé au sacrifice de toutes les bestes an-  
ciennes.

L'an 431. S. Augustin parle plus de 50. fois  
de ce sacrifice. Entre autres, au 22. de la Cité  
chap. 8. il racompte vne histoire memorable,  
de Hesperus qui estoit fort tourmenté des  
Diabes en sa maison: il vint prier S. Augu-  
stin d'aller porter le corps de Iesus-Christ en  
sa maison. Il n'y estoit point: Mais vn autre  
Prestre y allant dire Messe, la tourmente ces-  
sa. *Obtulit sacrificium corporis Christi, orans quan-*  
*tum potuit vt cessaret vexatio: Deo protinus mise-*  
*rante cessauit.* Voila comme toute l'antiquité a  
dit que le sacrement de l'Encharistie est sacri-  
fice proprement pris: & comme on disoit la  
Messe pour chasser les Diabes. Je ne passe-

ray S. August. Afin que l'hérétique ne soit pas si ose de desmentir la creance si chenu de tant de siecles.

*La Messe est Sacrifice par les Conciles.*

Le premier & grand Concile general de Nice, tenu en Bitimie l'an 315. sous le grand Constantin, contre Arius, où se trouuerent 318. Euesques: l'Eglise vniuerselle reconnoist le sacremēt du corps de Iesus-Christ sacrifice.

*Hoc neque regula, neque consuetudo tradidit ut qui offerendi sacrificij non habent potestatem, his qui offerunt, corpus Christi porrigant.* C'est au chap.

14. Voila vn arrest bien Authentique. Il faut croire aux 4. premiers Conciles, comme aux

4. Euangiles. Dont S. Gregoire Epi. 10. du 2. liu. dit, *Synodus sancta vniuersalis Ecclesie, sicut*

*4. libros sancti. li. Le Concile de Nic*

dit. Et c. qui le dit. Et c. les 4.

premier Conciles, selon le 3. Si

quis 4. S. Thoma. Si li. ana-

uangile, Non credero. l'E-

Floritas me. roirois pas. Le Conci. Ecclesia au-

Concile  
ne cro  
le 4.  
liu. 6. cha  
non exequat  
voit dit que  
roirois pas.  
Ecclesia au-





Melchisedec offrant le pain & vin dit des mots dessus. *Proferens panem & Vinum benedixit ei.* La benediction se peut referer au pain aussi bien qu'à Abraham.

Au sacrifice du Deuteronome dit *Missâ*, où l'on presentoit en haut deux agneaux couuers de pain, il falloit dire des mots dessus, & faire la benediction par le commandement de Dieu. Dieu donc estoit forcier. *Iuxta benedictionem Domini.* Iesus deuoit faire la benediction sur le pain pour accomplir ceste figure.

Nul sacrement ne se peut faire sans les mots sacramentels: donc toute nostre Religion est forcellerie. Vn enfant n'est point baptisé sans ces mots, *Ego baptizo te in nomine Patris & Filii & Spiritus Sancti.* On n'est point marié, si on ne prononce *Ego coniungo vos &c.* Aussi le sacrement de l'Eucharistie n'est point parfait, si on ne prononce les mots sacramentels dessus: *Hic est corpus meum,* Le huguenot reconnoit sa Cene sacrement: nul sacrement ne se peut faire sans dire des mots. Donc il en faut dire dessus.

Quand Iesus-Christ a fait quelque mystere, il a tousiours dit des mots: il en dit sur le Lazare: il en dit en la multiplication des pains & des Poissons: il a tousiours fait les miracles, par la benediction.

Instituant le sacrement de Pasque: Il prit vn pain entier *accepit panem*. le tenant dit des mots dessus, fist la benediction le tenāt tousiours: *gratias agens benedixit*: & ne le quitta iusques à ce qu'il le baillast à ses Apostres. Il commanda de faire tout de mesme que luy. il a donc commandé aux Apostres d'estre Magiciens.

Il n'y a point d'autres mots sacramentels que, *Hoc est Corpus meum*. Si on ne prononce ces mots, ce n'est point sacrement. Ce que ie prouue par S. Matth. 14. ou il fait la multiplication des pains: En ce lieu il fait tout de mesme qu'apres la Cene, excepté qu'il ne dit point *hoc est corpus meum*. Il prit les pains & les poissons en ses mains, commē il fist le pain d'apres la Cene: *Acceptis quinque panibus & duobus piscibus*. Il leua les yeux au Ciel: *Aspicuens in cælum*. Il fist la benediction dessus: *benedixit*: il les rompit, & *fregit*. Puis les bailla à ses Apostres à distribuer: *& dedit discipulis*: voila tout de mesme qu'à la Pasque, excepté qu'il ne dit point, *cecy est mon corps*. Or ceste multiplication n'est point sacrement pour tout ce qu'il a faict dessus: il faut donc que ce soit, *hoc est corpus meum*: qui rende l'Eucharistie sacrement: ou bien si ces mots ne sont sacramentels, la multiplication des pains est sacrement: & il y en a huiet. Le def-

lie tous les Ministres de respondre à celuy-là.

De toute antiquité elle est dicte *Eucharistie*, des mots & de l'action de grace qui se fait dessus. Aussi en l'instituant, Iesus rendit grace à Dieu, *gratias agens*, & S. Paul, *Calix benedictionis cui benedictus*. Tout le monde n'est que fort, si l'Asnerie huguenote a lieu.

La crainte que j'ay d'estre long, me faict abreger le tesmoignage de toute la primitiue Eglise. Justin le Martyr Apologie. 2. *Cibum qui per preces sermonis quem ab eo accepimus consecratus est*. S. Irenée liu. 3. contre les heresies. *Factus panis precipit verbum Dei: fit Eucharistia sanguinis & corporis Christi*. Tertulian liu. 4. contre Marcion, dit que Iesus-Christ fist le pain son corps, disant *hoc est corpus meum*: S. Cyprian liu. de *Cena*, dit: *Ante verba illa, hoc est corpus meum, cibus ille communis tantum nutriendo sed: & c. benedictione solenni sacratus ad hominis vitam salutemque proficit*. S. Ambr. liu. 4. des sacrements: *vt conficiatur venerabile sacramentum, iam non suis sermonibus sacerdos: sed vitur sermonibus Christi*, & au 5. chap. *Panis iste, panis est ante verba sacramentorum: vbi accesserit consecratio, de pane fit caro Christi*. S. Augustin en mille endroits: & nommément au sermon 108. dit, *Ante verba Christi, quod offertur panis dicitur: vbi Christi verba de prumpta fuerunt, iam non panis dicitur, sed corpus appella-*

*itur.* Il faut donc dire des mots sur le pain & le vin, en consacrant, puis que Iesus-Christ y en a dit, & que tous les saincts Peres ont fait de mesme, pour transubstantier la substance du pain & vin, en la substance du corps & sang de Iesus-Christ:

### *En la Messe il y a Transubstantiation.*

Les paroles sacramentelles, *hoc est corpus meum*, & *hic est sanguis meus, noui Testamenti*, sont si necessaires, que sans icelles il n'y auroit point de sacrement: ou bien la multiplication des pains & poissons, est sacrement. Car il fit tout de mesme, excepté ces mots *hoc est corpus meum*. Au mesme instant que la derniere parole est prononcée sur le pain & sur le vin, leur substance est changée en la chair & sang de Iesus-Christ. Il y a bien *transubstantiation* & changement de substance: mais il n'y a pas de *transaccidentation*, changement d'accidens, ny de couleur & forme. Il faut que les especes, couleur & forme demeurent, pour couvrir le sacrement: Si tout estoit changé ce seroit vn miracle: comme beau changée en vin: & non pas vn sacrement: Sous ces especes est la chair viuante de

Jesus-Christ : comme en sa figure dicté *Messe* au vieil Testament sous le pain estoient les deux agneaux viuants. Argumenter du mot qui n'est dans l'écriture, c'est niaiser. Le mot de *Trinité*, de *Consubstantiel*, d'*Omoios*, de *Theotocos*, n'y sont pas, que nous receuons. Les mots de Calvin, *Irradiation*, *Traiection*, *effluuion*, *deccullement*, *participation*, *le mereau*, *les arres*, *le seau*, dont il nomme sa Cene n'y sont pas. Le Diable : Pheretique : le Iuif : les Poëtes : les Conciles les Philosophes & Medecins : les Docteurs : & toute l'Eglise, ont creu *la transubstantiation*. Il n'y a que le huguenot qui a vne creance plus infidelle, que celle des infidelles, & du Diable mesme. Il dit qu'il ne se peut faire que la substance de quelque chose se change en vne autre.

Les Philosophes & Medecins croyent bien que la substance des viandes, est changée en la nostre.

Les Poëtes croyent *la transubstantiation*. disant par leur Metamorphose, que plusieurs choses ont esté changées en d'autres.

Les Iuifs croyent *la transubstantiation* : cōme a dit le Rabbi Kimhi, qu'à la venuë du Messie il y aura vn changement de nature au bled. *Magistri fœlicis memoria exponunt ꝙ c. quod erit mutatio natura in tritico.*

Le Diable croit *la Transubstantiation*. Il bail

la des pierres à Iesus-Christ pour les changer en pain: *Dic vt lapides isti panes fiant.* Il n'a nullement doubté qu'il ne peust transubstantier la substance des pierres en celle du pain. Il ne luy a fait que dire *dy* & non pas *fiy*: sçachant bien que de sa seule parole il le pouoit changer. Voila vne merueilleuse creance par vn Diable.

Les heretiques de tout temps ont creu la *Transubstantiation*. Plusieurs ont dit qu'à la derniere Pasque Iesus changea son corps en la substance du pain, mais que du depuis il ne l'a plus esté.

Par le texte de la Bible il y a *Transubstantiation*. Iesus-Christ prit du pain, & l'appelle pain: puis apres auoir dit les paroles dessus, dit que c'estoit son corps. Il l'auoit donc transubstantié.

Tous les Docteurs ont creu la *Transubstantiation*: Iustin le Martyr l'an 150. en son Apologie 2. dit. *Cibus per preces consecratus fit caro Christi.* S. Irenée liu. 5. dit, *Quando Calix & panis percipit verbum Dei, fit Eucharistia sanguinis & corporis Christi,* S. Cyprian au liu. de Cæna escrit. *Panis iste quem Dominus discipulis porrigebat, non effigie. sed natura mutatus, omnipotentia verbi factus caro.* Ou il est bon de remarquer *non effigie sed natura.* En infinis endroits S. Ambroise parle de la *Transubstantiation*. Au

5. chap. du 4. des sacrements. *Tantum valet sermo Christi, ut species immutet elementorum.* S. Chrysostome homelie 83. sur S. Matth. *Qui hec sanctificat & transmutat ipse est.* S. Greg. de Nyffe dit, *Dei verbo sanctificatum panem, in Dei verbi corpus credo transmutari*: S. Hierosme baille son symbole touchant la transubstantiation. *Ad quorum preces Christi corpus sanguinisque conficitur.* Eusebe Homelie 5. de Pasque escriuoit. *Inuisibilis sacerdos, visibiles creaturas, in substantiam corporis & sanguinis sui, verbo suo, secreta potestate conuertit.* Je ne veux passer ce temps, pour monstrier à Calvin que la transubstantiation a tousiours esté creuë, & que faussement il dit qu'elle fut mise sus, par les Peres enforcelez du Concile de Latran, qui se tint l'an 650. & son autre imposture, qu'elle estoit incogneue du temps de S. Bernard qui viuoit l'an 1120. & Berengarius qui l'auoit oppugnée auoit esté conuaincu par 5. Conciles tenus contre luy. Voila ce qu'il en dit, *Ego Berengarius credo & c. quod panis & vinum substantialiter conuertuntur in veram & propriam ac viuificatricem carnem & sanguinem Domini.*

*En la Messe est la Realité du corps  
de Iesus-Christ.*

Iesus-Christ n'est point comme les hom-

mes, il ne trompe & ne ment point : Or en S. Iean 6. il promet de nous bailler son vray corps:& en la Pasque, il dit que c'estoit-il, *hoc est corpus meum*, pour accomplir sa promesse: donc en l'Eucharistie, est la *realité* du corps & sang de Iesus-Christ. En S. Iean il dit que le pain qu'il nous deuoit bailler seroit la vraye chair, vraye viande. *Panis quem ego dabo caro mea est*, & puis apres *Caro mea verè est cibus*. Et en la baillant il dit *hoc est corpus meum*, Voila qui est si clair : Iesus nous dit que c'est son vray corps:& le huguenot dit que non : à qui vaut-il mieux croire: il faut laisser aller les heretiques Capharnaïtes & demeurons avec S. Pierre. La *realité* a esté si doctement prouuée par plusieurs, qu'il y auroit trop du Iupiter de Corinthe, qui voudroit ramener tous les textes: l'en citeray quelques vns de ceux qui ont esté dans les 200. & 300. ans seulement, pour monstrier que nostre creance est tres-bonne & ortodoxe.

S. André disoit: *Qui cum sit verè sacrificatus, & verè à populo carnes eius manducata, integer perseverat ac vivus.*

Origene homelie 5. sur les Euangiles dit, *Quando vitæ pane & poculo siveris, manducas & bibis corpus & sanguinem Domini*: Ce pere estoit avant aucun Concile.

S. Cyprian de *Cæna* nous assure comme



*consumpto Agno quem antiqua traditio propone-  
bat, inconsumptibilem cibum magister apponit dis-  
cipulis.*

Le 1. Concile de Nice que ie prise comme la Bible dit en l'Epistre qu'il enuoye à Nestorius. *Præter sum ipsius corpus & sanguinem verè nos sumentes.*

S. Hilaire de ce mesme temps, en son liu. 8. de la Trinité contre les Arriens escrit. *De veritate carnis & sanguinis non est relictus ambigendi locus & c. verè caro est, & verè sanguis.*

*En la Messe il faut adorer la sainte  
Ete Hostie.*

Iesus-Christ ayant pris le pain, le leua en haut le tenant en les mains : *Accipit Iesus panem & benedixit.* Il le demõstroit puis qu'il dit *hoc, hic.* Puis qu'il y a tenant le pain qu'il le benit & rendit grâces dessus, il le tenoit & regardoit au Ciel : Comme tenant le pain & les poissons rendit grace, leuant les yeux au Ciel. Il deuoit le leuer en haut pour 2. causes afin d'accomplir la figure du sacrifice dit *Missa* au Deuteronomie 16. ou le Sacrificateur avec ses deux mains leuoit en haut les deux Agneaux & le pain des premices dessus, les offrant à Dieu : Et pour realiser la Prophetie

du Psalme 141. *Elevatio manuum mearum sacrificium vespertinum.*

C'à tousiours esté la coustume de l'Eglise, de leuer en haut la saincte Hostie & de l'adorer : S. Denys en sa Liturgie chap. 25. dit que le Prestre monstroit l'Hostiè. *In conspectum agit, Diuinæque munera reuerenter ostendit.* Qui-conque a fait ce liure estoit du temps des Apostres, & des premiers liures apres la Bible. Ce qui ne se trouue point en la saincte Escriture, il le faut prouuer des liures qui la suiuent, & qui ont esté escrits puis apres. S. Ambroise & S. Augustin, interpretans *adorate scabellum pedum eius* : par l'escabeau entendent la chair de Iesus-Christ qu'il faut que nous adorions. *Suscepit terram de terra, quia caro de terra est, & de carne Maria carnem suscepit.* Apres, S. Ambroise dit que personne ne la mange qu'il n'ait adoré cest escabeau & chair. *Nemo illam carnem manducat nisi prius adorauerit.* Ce seul point est bastant pour confuter l'heretique, qui dit que c'est idolatrie. Il nous est commandé d'adorer l'escabeau de ses pieds sa chair : comme il a dit au 3. liu. du S. Esprit, *per terram autem, caro Christi quam hodie quoque in mysteriis adoramus* : si nous faisons mal de l'adorer de Latric, S. Ambroise faisoit mal : Mais tant s'en faut, c'est peché de ne l'adorer pas comme il le dit. *Non solum non pec-*

*camus adorando : sed peccamus non adorando,*

S. Chrysoſtome commande de l'adorer premier que de communier. *Adora & communica.* hom. 61. à ceux d'Antioche.

S. Gregoire Nanzianzene dit que ſa ſœur eſtant abandonnée des Medecins, alla au vray Medecin Ieſus-Chriſt : & ſe leuant la nuit ſ en courut à l'Egliſe , ſe proſterna deuant l'autel, adora l'Hoſtie, communia, & fut guarie. *Ad altare cum fide procumbit, eumque qui ſuper illud collitur cum magno clamore obteſtans.*

S. Baſile dit qu'on leuoit en haut la ſaincte Hoſtie. *Post verba inuocationis cum oſtenditur panis Eucharistiæ.* Tous ces textes prouuent aſſez, comme de tout temps on a leué en haut la ſaincte Hoſtie : & comme on l'a adorée deuant que de communier. Le dernier de tous ces Docteurs eſtoit l'an 350.

*Il faut garder la ſaincte Hoſtie  
en l'Egliſe.*

Rien ne ſe fait en l'Euangile, qui n'ait eu quelque figure & ombre en l'ancienne loy. Ieſus-Chriſt a dit luy-meſme que ſon corps eſt la vraye Manne : Or comme on gardoit plain vn Cibore, *Somor*, en boette d'or, de ceſte Manne : de meſme on a gardé de tout temps

la vraye Manne la sainte Hostie en l'Eglise, pour les necessitez, & communier les malades, qui en l'extremite de la mort en ont besoin ou iamais. Il n'y a point d'heresie ou l'heretique se montre plus aduersaire & ennemy du salut des hommes, que de ne garder point de sa Cene, pour bailler à ceux qui se meurent. Il confesse luy-mesme qu'elle sert a oster les pechez: Quand est-ce que l'homme en a besoin sinon que quand il se meurt? c'est la plus grande faute qu'il scauroit faire que de ne la garder point, & ne la porter aux malades. La coustume a tousiours esté de garder la sainte Hostie en l'Eglise, & de la porter aux malades, afin qu'ils ne decedassent sans ce viatique & provision à la vie eternelle: & on la bailloit à vn chacun à emporter en sa maison. Ce qu'il faut prouuer d'an en an.

Tertulian viuoit l'an 200. c'est vn des plus vieux Docteurs de l'Eglise, auant aucun Concile que celui des Actes: il dit, *Non sciet maritus quid secretò ante omnem cibum gusses*. Il parle à vne Chrestienne de ne se marier auéc vn Iuif, de peur qu'il ne luy demande ce qu'elle prenoit tous les matins auant desieuner, qui estoit l'Eucharistie.

Origene viuoit au mesme temps. Iceluy en son homelie 13. sur l'Exode dit. *Cum inscriptis*

*corpus Domini, cum omni cautella seruatis.* Il l'appelle *Corpus Domini* comme nous, & qu'on le gardoit avec respect, *cum veneratione seruatis.*

S. Cyprian escriuoit l'an 244. Au 3. Sermon de *Lapsis*, raconte qu'une femme indigne, ouurant le coffre ou escrain où elle gardoit l'Eucharistie, le feu sortit de dedans. *Cum quaedam arcam suam in qua Domini sanctum fuit, manibus indignis tenta set aperire, igne inde surgente, deterrita est.*

Quest-ce que le huguenot pourroit dire contre la sainteté du 1. Concile de Nice. Il commande qu'il y ait vn OEconome ou Sacriste en chaque Eglise, qui ait soin du lieu ou l'on gardoit l'Eucharistie, *Qui curam loci habeat in quo Eucharistia seruatur.*

Basile le Grand, qui seruoit sous la tyrannie de Iulian l'Apostat, dit que tous les Hermites & autres emportoient l'Eucharistie apres que le Prestre auoit consacré. *Semel enim sacrificium sacerdote consecrante & distribuente.* Chacun ne dit-il pas, qu'en ce temps Iulian entrant dedans les Eglises, pilloit le *Corpus Domini* avec les pieds? donc on le gardoit aux Eglises. Ce S. Basile en son Epistre à Cesaria dit qu'en temps de persecution, on bailloit la sainte Hostie à vn chacun à emporter, pour se communier en l'article de la mort, quand on tes tuoit pour le nom de Iesus

Christ. Et dit que cela auoit tousiours esté pratiqué en l'Eglise deuant luy. *Illud autem in persecutionibus &c. Communionem propria manu sumere nequaquam esse graue, superuacaneū est demonstrare: propter eā quod lingua consuetudine hoc ipso rerum v̄su comprobatum est.* En ce mesme lieu il dit que les Anachorettes & premiers Hermites la gardoyēt en leurs Grottes, desers & cellules. *Omnes in eremis solitariam vitam agentes, vbi non est sacerdos, communionem domi seruantes à se ipsis communicant.* En Alexandrie vn chacun la gardoit en sa maison, comme il dit. *In Alexandria & in Aegypto, vnusquisque vt plurimum habet Communionem in domo sua.*

S. Ambroise dit que son frere Satyrus portoit la sainte Hostie dans vne petite boëte pendue à son col allant sur mer, & cela fut cause de sa saluation. S. Ambroise mesme estant prest de mourir se fist apporter le *Corpus Domini*, pour viatique de la vie future. *Honoratus sacerdos obtulit sancto (Ambro.) Domini corpus, quod vbi accepit, emisit spiritum, bonum viaticum secum ferens.* Par consequent on la gardoit on y recognoissoit vne vertu permanente: & on la portoit aux malades estant pres d'expirer.

S. Hierosime contre Iouinian dit qu'à Rome vn chacun l'emportoit chez soy. *Scio Ro-*

*ma hanc esse consuetudinem, ut fideles semper Christi corpus accipiant.*

Je ne veux aller plus bas que S. Augustin. Iceluy en son liure des 50. homelies, homelie 26. & en infinis autres lieux dit que les Chrestiens portoyent vn mouchoer, vn petit panier, ou linge bien blanc, dans lequel ils emportoient l'Eucharistie s'en allans de l'Eglise. *Nuidum exhibent linteorum ubi corpus Christi accipiant.*

Quand le Sanglier huguenot est venu troubler la fontaine de l'Eglise, pour abuser les ignorans a dit. Vostre Messe n'estoit du temps des Apostres, les Papes l'ont bastie. Vn tel y a adiouste le *Confiteor*: vn autre le *Kyrie*: le *Canon*: le *Credo*: vn autre vne telle ceremonie. Ignorant heretique est-ce bastir la Messe que cela? se sont seulement des ceremonies. *Dire la Messe*, c'est faire comme fist Iesus-Christ. Prendre le pain, rendre grace & faire la benediction dessus: conuertir la substance du pain, en la chair & sang de Iesus Christ par la vertu des paroles sacramentelles. *Dire la Messe*, c'est faire ce que Iesus-Christ fist mesme & consacrer son precieux corps & sang. Si les Papes y ont adiouste quelque ceremonie ils n'ont rien adiouste à la chose: & tout ce que lon fait en la Messe s'y faisoit dans les 300. ans ou l'Eglise n'auoit pas encore failly

comme dit Caluyn mesme : encor qu'elle ne faille iamais : Ce que j'ay prouué par des tesmoings irreprochables. Cest pourquoy nous demeurons en ceste

### Creance.

Dieu a inuenté la Messe, & en a baillé le mot.

Moysé l'a escrit, & le mot de *Missa* est dans l'original Hebreu, au Deuteronomie 16. Tousiours on a dit la Messe en figuré en tous les sacrifices.

Iesus a dit la Messe & fait la Pasque de son vray corps, sous les especes du pain & du vin.

Le nom du saint Sacrement n'a point de nom en l'Euangile.

Le mot de *Cene* ne vaut rien, & n'est dans la Bible.

Tous les Apostres ont esté Prestres & dit la Messe.

Tous les premiers Papes successeurs de S. Pierre ont dit la Messe : & le mot de *Missa* se trouue dans tous leurs escrits, & dans les Conciles qui ont esté dans les 400. premiers ans.

Tous les Docteurs ont dit la Messe comme l'on fait



Le mot de *Missa* se trouue dans leurs liures & autres les plus vieils, qui ont esté escrits apres l'Euangile.

Il faut dire les mots sacramentels sur le pain & le vin pour consacrer.

Sans ces mots *hoc est corpus meum*, ce ne seroit Sacrement.

Après les paroles, il y a transubstantiation. Iesus-Christ tenoit le pain en ses mains, le leua en haut, & l'offrit à son pere.

Il faut adorer la sainte Hostie, & la garder pour la necessité: d'autant qu'elle est le remede pour euitter la mort apres le peché.

Et quiconque n'en garde point, est le capital ennemy du salut des hommes.

Mourons Seigneurs Catholiques en ceste diuine Foy, & nous enseueliffons dans la sainte creance de nos Peres, afin que nous puiffions estre inhumez dans la terre de felicité avec eux.

Que la folie du huguenot ne vous fasse pas adirer du chemin qui vous conduit au lieu ou vous esperez vous reposer, quand le soir de vostre vie sera venu.


Demeurez en ceste foy, qui a seruy d'eschelle à tous les Saints, pour monter au Ciel.

Tenez fermes les eschelons de telle creance, & iamais on ne vous pourra renuerfer.

Les 12. Articles du Symbole sont les degrez de l'escalier celeste, sur lesquels montant fidellement, vous paruiendrez en Paradis.

*Fin du traicté de la sainte Messe.*




 Heresie 58.

*Ceux qui disent que Melchisedec estoit Sem, luy baillent vn pere, & fin de vie, contre l'intention du S. Esprit, ce qu'il ne faut faire.*

## C O N T R E.


J'ay failly de dire que Melchisedec est Sem, ou son fils Arphasax, par-ce que cela n'est dans la Bible: & ne faut rien dire de luy, qui ne soit dans la sainte escriture. Il vous faut mesurer à vostre aulne. Vous dictes que Melchisedec a offert des bestes, des gasteaux, qu'il a fait la Collation à Abraham, qu'il n'a point sacrifié du pain & du vin: or tout cela n'est dans la Bible, *ergo* vous avez failly. S. Hierosme dit que Melchisedec estoit Cananean, qu'il estoit Seigneur de Beth-lehem: qu'il estoit deuant la Circoncision: & n'est dans la Bible: il a dōc failly trois fois. Eusebe dit qu'il estoit Prestre des Gentils: & la Genese n'en dit mot. Epiphane dit qu'Abraham auoit 70. ans lors que Melchisedec luy bailla de ce pain sanctifié, & ne dit point qu'il reuenoit de la guerre: ils ont donc failly.

 Heresie 59.

*Il accorde que Iesus-Christ deuoit accomplir toutes les figures, ç'a esté en tout le cours de sa vie, en portant obeysance à son Pere, ou il s'est offert & non en la Cene.*

CONTRE.

Voila vne gentille solution. Il a accompli les figures anciennes, en toutes les actions de sa vie: or la Cene est vne action *ergo*, en la Cene il en a accompli quelqu'vne. Il a accompli les figures anciennes en portant obeysance à son pere: *Atqui* il luy a porté obeysance en la Cene. Voila comme i'argumente de vostre belle resolution. Je pourrois nier qu'il ait tout accompli, au cours de sa vie: Par-ce qu'il deuoit accomplir quelques figures apres la mort, comme il a fait.

 Heresie 60.

*En la Cene les huguenots ont vn gage & assurance qu'ils participent à Iesus-Christ, qui estoit figuré par les oblations, comme anciennement apres l'oblation ils participoient à la chair des sacrifices.*

## CONTRE.

La Banfferie me fait pitié, de se faire aufsi nocquer de luy. En ce Galimatias, il y a 4. fautes. En ce mot de *Gage* 2. Ce mot n'est dans la Bible Calvin luy deffend la nouveauté, des termes: *Gage* est vn arre d'vne chose aduenir, & non accöplie. S'il n'y a qu'vn *Gage*, Iesus-Christ n'est point le Melsie, les huguenots sont pire que les luifs. Tous les sacrifices anciens n'estoyent que *Gage* & arres du mariage de Iesus-Christ avec l'Eglise: tout le vieil Testament n'estoit que les fiançailles: Mais l'espoux estant venu, le *gage* & figure a esté ostée, & la realité du corps de Iesus-Christ baillée à son espouse l'Eglise, & l'a espousée parfaictement. La 3. faute est. *Il estoit figuré par les oblations*, Il faut donc que la realité en soit vne. La 4. *Le huguenot participe au corps de Iesus-Christ: comme anciennement ils mangeoyent de la chair apres le sacrifice*: Il faut donc, que vostre Cene soit sacrifice, si vous voulez que vostre comparaison soit bonne, & que vous mangiez la chair de Iesus-Christ: autrement l'Antapodosis ne reuiendrait pas bien. Les anciens mangeoyent de la chair, & vous ne mangez que le *gage* & arre, quelle conclusion vous tirez: Vostre verbiage doit

conclure ainsi. Les anciens sacrifioyent, puis mangeoyent de ceste chair : de mesme apres la Cene & sacrifice nous mangeons la chair de Iesus-Christ.

### ❧ Heresie 61.

*C'est vne opinion que ie me suis forgée, que Iesus-Christ deuoit prendre du pain, pour respondre à la figure de Melchisedec.*

J'ay refuté cela au traicté de Melchisedec, & tous les Ministres seront bien empeschez de prouuer le contraire.

### ❧ Heresie. 62.

*Pour la priere solennelle, & l'action de grace, & par ce qu'elle ramentoit le sacrifice de Iesus Christ, les anciens ont appellé la Cene sacrifice: Mais en soy c'est plustost vne memoire & participation de sacrifice.*

### C O N T R E.

Il faudroit prouuer cela par le texte de la Bible ou des Docteurs. En ce patelinage il y a 4. absurditez : Si pour la priere solennelle, & l'action de grace, la Cene est sacrifice : Il faut avec necessité, que la multiplication des pains

par deux fois, & la resurrection du Lazare soit sacrifice : car il rendit grace & pria solemnellement. Or tous les deux ne sont point sacrifice: *ergo* la Cene ne l'est point pour ces 2. considerations. *Si la Cene est sacrifice par-ce qu'elle ramentoit le sacrifice de Iesus-Christ.* Il faut alleguer le passage, vn Crucifix seroit meilleur. Si elle ramentoit le sacrifice de Iesus-Christ, elle est sacrifice en quelque chose. De quel sacrifice entendez-vous parler? si elle ramentoit le sacrifice de Iesus-Christ, c'est celuy de la Cene: donc en la Cene, il sacrifioit. En l'instituant, il ne parle pas de celuy de la croix, & n'estoit encore iugé. *C'est pluslost vne memoire.* A tout le moins selon vostre confession elle est *sacrifice memorial.* *C'est vne participation de sacrifice.* Vous dictes fort bien en ceste fois, c'est donc vn sacrifice : Car on ne participoit au sacrifice, qu'on n'eust sacrifié deuant. Le moyen de participer à vn sacrifice, si on n'a sacrifié. Le folastre Gaulard en diroit bien autant: ne laissez de participer au sacrifice, encor qu'on ne sacrifie point: *Memoire & participation,* se battent. *Participation* est de ce qui est present: & *Memoire* de ce qui est absent.

### ¶ Heresie. 63.

*La Cene en soy n'est qu'une Memoire.*

## C O N T R E.

Ce fatras est bien vieil : plusieurs heretiques ont dit qu'elle n'estoit qu'une *Memoire*: mais il faut donner la solution de

*Hoc facite in meam commemorationem.*

Sept solutions se peuuent apporter à ce texte mal entendu. Premièrement vous falsifiez le lieu. Il n'y a pas *faites cecy en memoire de moy*. Dans S. Luc, & S. Paul il y a *In meam commemorationem*, & non *memoriam*. Le Grec dit *αναμνησιν*, & non pas *μνημη*: Il veut que nous fassions cela en sa commemoration & souuenance pour triple raison. Afin que nous souuenions de sa mort : afin d'annoncer sa Passion iusques à ce qu'il vienne iuger. Et de peur que la memoire & souuenance de son nom ne soit abolie. Il a dit *In meam commemorationem*, contre les Iuifs qui vouloyent abolir son nom : & ne l'ont crucifié que pour cela. Ce que j'apprens de S. Martial qui dit que *Iudei per inuidiam imolauerunt, putantes se nomen eius abolere*. C'est pourquoy, dit-il, Iesus nous a commandé de faire cela en sa



souuenance : *Hoc ipse Dominus noster iussit nos agere.* Quand on fait quelque chose en l'honneur de quelqu'un, c'est pour immortaliser cet honneur: & ce qu'on fait n'est pas l'honneur propre: Car l'honneur est desia. Il nous commande de faire cela en sa commemoration & honneur: mais ce que nous faisons n'est pas commemoration par-ce que ce que nous faisons, est desia fait, mais en commemoratiō. Toute l'intelligence est à *hoc* & à *in*. Il ne dit pas *hoc facite meam cōmemorationem*: Car *hoc* feroit ablatif. Mais *in meam commemorationem*. Si *in* estoit ostē, le huguenot auroit gaigné. Il y auroit par cecy faictes ma commemoration. C'est pourquoy *in* fait *hoc* d'accusatif.

Le Concile de Vienne dit que c'est vne cōmemoration reale, sacramentelle & identelle tout ensemble. *In hac verò sacramentali commemoratione Iesus-Christus presens sub alia quidem forma in propria verò substantia est nobiscum. Ascensus enim in celum dixit Apostolis Ecce ego vobiscum sum omnibus diebus vsque ad consummationem seculi.*

Le mot de *hoc* rompt le col au *semel* huguenot: *hoc facite*, *hoc* demonstre, que ce sacrifice n'a esté fait qu'une fois. Il a dit *hoc*, faites cecy mesme, il n'a pas dit *alterum*, ou *simile*, ou *repetitum*: mais *hoc*, ce mesme & non vn autre, ou semblable. C'est pourquoy Orige-

ne l'appelle *indesiñes sacrificium*. Aussi s'il auoit failly, ce ne seroit plus ce *hoc*, & ce mesme. L'action de Dieu dure tousiours. On peut faire ce qu'un autre fait sans que l'action cesse. Pour exemple vn Potier qui tourne sa rouë, la rouë tournant, vn autre la fait tourner sans que la premiere action cesse. L'oblation que le Prestre offre, est la mesme que Iesus-Christ offrit, la mesme que tous les Apostres ont offerte, & qu'on offrira iusques à la consommation du monde. Comme dit S. Chrysostome sur la 2. à Timothée. *Sacra ipsa oblatio, siue illam Petrus, siue illam Paulus, siue cuiusuis meriti sacerdos offerat, eadem est quam dedit Christus ipse discipulis, quamque modo sacerdotes quoque conficiunt. Nihil habet quam illa minus.* Le sacrifice de la Messe est vne *reaction identelle, & incessable.*

La 5. solution est: encor qu'il y eust *en memoire de moy*, ce qui n'est point: Le huguenot ne sçait pas qu'il y a 2. sacremens qui se font en memoire de la passiõ de Iesus-Christ. Au 6. des Romains, le Baptisme est la memoire nue & simple de la Passiõ de Iesus-Christ: mais le sacrement d'apres la Cene est la memoire reale. Au baptesme nous receuons la grace nuë, & au sacrement de l'autel, le corps & la grace. Aussi il n'y a que ce seul sacrement, qui entre dedans le corps, les au-

tres se font en l'exterieur.

La 6. solution est en l'homelie 17. de S. Jean Chrysostome, sur l'Epistre aux Hebreux, ou il repond aux heretiques, & à leur *Semel*. Le corps de Iesus Christ n'a esté sacrifié qu'une fois, mais en deux manieres. En la Pasque, selon l'ordre de Melchisedec, sacramentelle-ment & à couuert: par-ce que c'estoit vn sacrement & sacrifice: Et en la croix selon Aron, à descouvert, par-ce que ce n'estoit qu'un sacrifice & non pas vn sacrement. Puis qu'en la Cene c'est vn Sacrement, il faut le reiterer & reactionner. Ces sacremens se doiuent reiterer, & sont tousiours les mesmes. Tous les Chrestiens ont esté baptisez d'un mesme baptesme, ce n'est point vn autre. Le sacrement de Pasque & sacrifice, se represente tous les iours, sur l'horizon del'Eglise, & non vn nouveau. Le Soleil renaist tous les iours sur le Hemisphere de la terre & c'est le mesme, qui commença dès la creation du monde: & c'est le mesme qui renaist tous les iours. De mesme le sacrifice & sacrement de la Messe, qui se leue tous les matins en l'Orient de l'Eglise, c'est le mesme que Iesus institua, & qui se presentera iusques à la fin.

La 7. solution est du mesme. Comme c'estoyent les melmes animaux qui tous les iours s'offroyent dans le temple, & qui s'offroyent

vne fois l'an dans le *Sancta*. Le sacrifice de la Cene est le sacrifice ordinaire, qui se faisoit tous les iours: & celuy de la croix, est celuy qui ne se faisoit qu'une fois. Ainsi c'est le mesme corps qui fut offert en la Cene, & qui fut mis en la croix. Le sacrifice de l'Eucharistie a ceste vertu qu'il ne se peut consumer, *consumi non potest*: & qui ne cesse iamais. Non ne dit-il: *per singulos dies offerimus? offerimus quidem sed ad recordationem facientes mortis eius: & vna est hæc hostia & non multe, & c. vnum est hoc sacrificium, consumi non potest, sed id ipsum semper facimus.* S. Cyprian l'a nommé *indefinens*.

### Heresie. 64.

*Ma mere l'Eglise à qui ie donne de si magnifiques tiltres, voire, contraires les vns aux autres.*

### CONTRE.

D'autant que parlant de l'Eglise, i'ay dit *Catholique, Apostolique & Romaine*: Il veut dire que *Catholique & Romaine* sont contraires. Comme qui diroit *vniverselle & locale*, ou *particuliere & generale*. Mais pour vn qui se mesle de la *ministrierie*, il est bien ignorant.

*L'Eglise Romaine est Catholique.*

Ie ne veux alleguer que le texte de la 1. aux

Romains verset 8. ou S. Paul enfourne son Epistre, par l'aise qu'il a que les Romains sont Catholiques: & dit que leur foy est annoncée par tout le monde, donc la foy Romaine est vniuerselle & Catholique. *Primum gratias ago Domino Deo &c. quia fides vestra annunciata est in vniuersum mundum.* Il me semble que *in vniuersum mundum*, c'est Catholique. Le 2. est du mesme lieu. La foy de S. Paul est Catholique: or la foy des Romains est celle mesme de S. Paul *fidem vestram atque meam*: donc elle est Catholique. Le 3 argument est pris de Iustinian *l. Cunctos, Cod. l. tit. 4 de fide Catho.* ou il veut que tout le monde tienne la foy que S. Pierre a plantée à Rome. Pour le 4. l'Eglise Romaine est dite Catholique, par ce que tout le monde recognoit l'Euesque Romain pour Chef & Principe de l'vnité de la foy. Pour le 5. l'Eglise vniuerselle est dite *Romaine*, comme elle est dite *Apostolique*: Les Apostres n'ont pas esté par tout & neantmoins, toute l'Eglise est dite *Apostolique*: par ce qu'elle retient la doctrine des Apostres. Ainsi toute l'Eglise est dite *Romaine*, par ce qu'elle recognoit le Pape chef. En 6. lieu, les Apostres estoient particuliers, & neantmoins l'Eglise vniuerselle en est dite *Apostolique*: vn vniuersel se desnommant d'un particulier, De mesme, encor que ie prenne *Romaine* pour *locale*

& particuliere, neantmoins l'Eglise vniuerselle en peut prendre son nom. Si d'un particulier, l'vniuersel prend son nom, il le peut prendre ainsi d'un local. De la personne particuliere Iesus-Christ, l'Eglise vniuerselle, en est bien dite *Chrestienne*, elle est appellée *Chrestienne* par-ce que Iesus-Christ est le seul Apostre general de nostre confession, Heb. 3. *Apostolus & Pontifex confessionis nostræ Iesus*. Partant ses tiltres ne sont contraires.

### ¶ Heresie 65.

*Si la sacrificature de Iesus-Christ est eternelle, par-ce qu'il doit offrir eternellement son corps sous les especes de pain, on offrira apres le Iugement, voire au ciel: les Prestres feront bien de porter leurs Aubes.*

O le festu! ô la grande difficulté! Qui est ce qui ne sçait *qu'eternellement* s'entend iusques au iugement, ou le sacrifice sera osté par l'Antechrist. *Les Prestres feront bien de porter leurs Aubes.* Aussi on les enterre avec leurs Aubes, & les emportent. Risée pour risée.

### ¶ Heresie. 66.

*Le sacrifice de Iesus-Christ ne se repete point.*

Si il ne se repete point, Catholiques de-

mandez aux huguenots pourquoy donc ils repetent leur Cene, & la font si souuent. Pourquoy Iesus-Christ a-il dit *hoc facite, faites cecy.* Il ne se repete point. l'Eglise ne dit pas *repeter*, mais *representer*. Repeter c'est vne chose finie, & le sacrifice de l'Eucharistie ne finit iamais, *Indefinens est, inconsumptibile est, & consumi non potest.*

### ¶ Heresie 67.

*Les Prestres de l'Eglise Romaine n'ont aucune puissance de sacrifier. fo. 53.*

Prouuez vostre dire Predican. *Les Prestres Romains*: elle a donc des Prestres: si elle en a, il faut qu'ils sacrifient. Tout vostre flageol est faux. Il n'y a que l'Eglise Catholique qui a la puissance de sacrifier: or il n'y a que la Romaine qui est Catholique: donc elle seule peut sacrifier. S. Gregoire liu. 34. le prouue. *Sola Ecclesia Catholica est, per quam sacrificium dominus libenter accipiat: in vna Catholica Ecclesia vera hostia Redemptoris immolatur.*

Le 2. argument est du Concile de Latran, qui dit que nul ne peut sacrifier que celuy qui a l'imposition des mains. or il n'y a que les Prestres Romains qui ont l'imposition: ergo eux seuls peuuent sacrifier. *Hoc sacramen-*

*tum nemo potest conficere nisi sacerdos qui fuerit ritè ordinatus.*

## ¶ Heresie. 68.

*Si nous voulons vn autre sacrifice que celuy de Iesus-Christ, il faut qu'il reuienne, ou qu'il sacrifie là haut, voila ou les hommes tombent par leur auement.*

### C O N T R E.

Nous ne voulons point d'autre sacrifice que celuy qu'il fist apres la Cene, & demeure-  
ra à tousiours: comme dit S. Paul Heb. 6. Car  
telle est l'immobilité du conseil de Dieu, qui  
pour ce seul effect, a iuré. *Deus volens ostendere  
&c. immobilitatem consilij interposuit iurandum.*  
Le sacrifice qu'il fist vne seule fois apres sou-  
per, durera tousiours. Il est le Prestre & la vi-  
ctime. *Per hoc & sacerdos est, ipse offerens, ipse &  
oblatio,* dit S. Augustin liur. 10. chap. 20. de la  
Cité. *Il ne faut point qu'il reuienne en terre. Il y  
est & fera tousiours. Ero vobiscum vsque ad con-  
summationem seculi. Il faut qu'il sacrifie là haut,  
dites vous: Il assiste deuant Dieu, & intercede  
sans cesse pour nous, comme dit le 7. des Heb.  
verset 25. semper viuens ad interpellandum pro  
nobis.* Par tel auement S. Augustin est  
monté au Ciel.



## ¶ Heresie 69.

*Le taxe S. Paul de s'estre esgayé en Humaniste, mais cela offence les gens de bien.*

### C O N T R E.

Les gens de bien que i'offence sont les huguenots. Je ne faux point de dire, que S. Paul en Humaniste parle de Melchisedec. Le vieil Testament ne dit point qu'il est sans genealogie, sans pere & sans mere, qu'il est Roy de paix. Toutesfois voyant que cela seruoit à son propos. Il a dit. Prendre vn sens de l'Ethymologie d'vn mot, est-ce point vn trait d'humanité? Il a dit que *Roy de Salem* c'est à dire *Roy de paix*: que *Melchisedec* signifie *Roy de iustice*. En d'autres endroits il allegue bien les vers des Payens & Poëtes Grecs. *Corrompunt bonos mores Colloquia praua*. Toutes les figures, Tropes & Schemes, dont il vse, ne sont-ce point traits d'humanité? Tout Theologien, Medecin, & Iuriconsulte, qui ne parle que de sa science, est le plus gauffre, le plus inepte & mal plaisant du monde, s'il n'assai onne l'aigreur de son discours avec le miel de l'humanité. Il ne m'est pas permis d'echauffer mon discours de ceste chaleur: on dit que l'ay vou-

lu empatiner la Theologie. Il n'y a que les ignorans qui le blasment. Si j'ay pris des Metaphores & Alegories de tous arts, quel mal y a-il? Iesus-Christ n'a dit mot, qu'il n'y ait vn trait d'humanité, vne Parabole, ou Allegorie. Comme quand il dit: *Je suis le bon Pasteur, mes brebis entendent bien ma voix.* Ces mots *Pasteur, brebis, voix*, ne sont-ils pas allegorizez? Tous les liures des Docteurs, & principalement de S. Hierosme ne sont-ils pas tous plains de la richesse Payenne? L'humanité est toute entiere dans S. Hierosme. L'allegorie que S. Ambroise fait sur les Syrenes, est infiniment belle. Les *Syrenes*, sont les pipantes voluptez. La *Mer*, le monde. Le *Nauire*, l'Eglise. *Vlysse*, Iesus-Christ. Le *Mas*, la Croix. Les *Cordes*, le chastrement de nostre sensualité. La *Cire*, la parole de Dieu, de laquelle nous devons boucher nos oreilles, de peur d'entendre les Syrenes, & delices mondaines. S'il ne faut dire que ce qui est dans la Bible, pourquoy auez vous lardé tant de Quolibets & Brequards dans vostre Rapsodie? Vous auez failly par vostre confession mesme: car en la fin vous demandez pardon, de ce que vous auez tant gorsé. Qui demande pardon se declare coupable. Vous deuiez respondre sans risée. Mais vous auez meilleure grace à bouffonner & badiner, qu'à escri-

re serieusement. Vous tenez la premiere place au banc des mocqueurs, encor que cassardement vous chantiez tous les iours.

*Heureux celuy*

*Qui des mocqueurs, au banc place n'a prise.*

Par vostre priere vous estes mal-heureux.

## ¶ Heresie 70.

*Il ne touche à ceste Cabale, si Helie, Henoc, & Jean Baptiste doiuent venir prescher au temps de l'Antechrist.*

### C O N T R E.

Vous descouurez bien vostre Crassime ignorance & que vous n'avez leu ny vieil ny nouveau Testament, ny aucun Docteur.

*Helie & Henoc ne sont morts.*

*Cabale*, c'est ce qui n'est point escrit, mais qui s'enseigne de Pere à fils : or qu'Henoc & Helie doiuent venir au iugement, il est dans le vieil & nouveau Testament & dans les Peres: ergo ce n'est *Cabale*. Je ne veux que ce seul poinct pour demonstrier l'asnerie de la Banf-lerie. Les huguenots manquent bien de Predicans, de n'auoir que ce Perroquet pour mettre en cage.

Au vieil Testament, en Malachie 4. Dieu promet d'enuoyer Helie, au temps de l'Antechrist. *Ecce ego mitto vobis Heliam prophetam, antequã veniat dies Domini magnus & horribilis.*

Au nouueau Testament Iesus-Christ en S. Matth. 17. dit qu'Helie viendra. *Helias quidem venturus est & restituet omnia.* Voila Dieu le Pere & le Fils qui le disent, Et les liures que i'allegue ne sont point calengez par les Apocriphes, les incertains n'y pretendent rien. Neantmoins Gautier l'appelle *Cabale*. Je pense qu'il croid plustost aux Dialogues de Lucian, aux escrits d'Ouide, & Aretin, ou à l'Alcoran de Mahomet qu'à la Sainte escriture.

Dans les Docteurs, en S. Augustin chap. dernier du 20. de la Cité, Helie doit venir au iugement. *In illo itaque iudicio, vel circa illud iudicium, has res dicimus esse futuras Heliam Thesbitem.*

S. Iean Damascene liu. 4. Orto. dit qu'Helie & Henoc viendront. *Mittentur autem Henoc & Helias Thesbites, & conuertent corda Patrum in filios.* Ils sont encore viuans dans le Paradis terrestre.

Je n'ay pas dit S. Iean Baptiste, il fut decolé: mais l'Euangeliste. Il corrigera son ple-doyé s'il luy plaist. Pour S. Iean l'Euangelio-graphie, la question est presque problematique. L'Eglise tient qu'il est mort: les autres

u'il est encore viuant, & qu'il viendra pour eux de la loy Euangelique, comme Henoc pour la loy de Nature, & Helie pour la loy écrite. Ils se fondent sur 5. Passages, les 3. premiers sont de la Bible En S. Math. 16. Iesus iure Amen Amen que quelques vns de ses Apôtres ne mourront point iusques à ce qu'il viēne, *Amen amen dico vobis, sunt quidam de hic stantibus qui non gustabunt mortem, donec videant filium hominis venientem in regno suo.* Le 2. est *Exit sermo inter fratres quod discipulus iste non moritur*, parlant de S. Iean. Le 3. est, la responce de Iesus-Christ. *Si volo eum manere quid ad te.* Le 4. est de l'histoire, qu'il sortit viuant dehors la chaudiere pleine d'huile bouillante. Le 5. est de S. Hipolite en son oraison de l'Antechrist, ce pere est des plus vieils. Il dit que le premier Aduent eust S. Iean Baptiste pour precurseur: & que le dernier aura S. Iean le Theologien. *Prior Christi aduentus præcursor habuit Iohannem Baptistam Posterior autem qui venturus est in gloria Henoc, Heliam & Iohannem theologum exhibebit, quos interficiet bestia de mari ascendens.* Le 6. est d'Echius qui parlant de ce subiet dit, *& secundum quosdam Iohannem Euangelistam.* Ce n'est donc Cabale.

### ✠ Heresie 71.

Il y a long temps que l'Antechrist est au monde.

Il y a long temps voirement, tous les huguenots sont l'Antechrist commun, & les precurseurs de celuy qui sera incarné. Il ne se faut esmerueiller, si vous auez fait la guerre à Henoc & Helie, car vostre pere les tuera.

## ❁ Heresie 72.

*Dire que Moÿse a descrit Melchisedec sans y penser, c'est penetrer aussi auant que ce faux Denys en sa Hierarchie.*

## CONTRE.

Quel besoin estoit-il de re esser icy S. Denys, c'est pour me donner de la peine d'auantage. S. Denys a escrit la Messe ou Liturgie, & la Hierarchie de l'Eglise: or d'autant que ces liures sont le Coupe-gorge des huguenots: par-ce qu'ils parlent de tout ce qu'on fait en la Messe, dès le temps des Apostres, ils disent que ces liures ne sont de luy. C'est la coustume des heretiques d'accuser de fausseté tous les liures qui sont contre eux.

Quiconque a escrit la Liturgie, & la Hierarchie Ecclesiastique, soit S. Denis ou vn autre, il estoit dès le berceau de l'Eglise. Origenne, qui est des premiers luy donne de si beaux esloges d'honneur, qu'il l'appelle *le Grand*.

Le I. Concile de Nice le califie aussi du nom de *Grand S. Chrysofome* l'appelle *Oyseau du Ciel*. S. Iean Damascene le nomme *grandissime Theologien*, l'an 860. tefmoin Naucleere l'Empereur de Constantinople Michael, enuoya pour grand present la Liturgie de Sainct Denis au Roy de France Charles le Chauue. Impudent Predican qui viens seuir contre les morts, qui ne se peuuent reuancher, ma plume te dira ce comble d'iniures, & te donnera vn desmenty que ie te deffie de reparer en ta responce, laquelle i'attens d'vn bel air. Tu as menty, il n'est point faux. S. Denys a escrit ces liures.

### Heresie 73.

*C'est cauiller de dire, que Prestre & sacrifice sont Relata.*

### C O N T R E.

S. Paul n'est point cauillateur, & par trois fois vous desment qui dit que le Prestre & sacrifice sont *relata*, & qu'il n'est point Prestre s'il n'offre. Vous n'estes pas Predican si vous ne preschez. Au 5. des Hebr. *Omnis Pontifex constituitur, vt offerat dona & sacrificia pro peccatis.* Et au 8. encore. *Omnis Pontifex constituitur ad offerenda munera & hostias: & s'uiuant. Ne-*

ceste est & hunc habere aliquid quod offerat. Donc  
 en bonne Philosophie Prestre & sacrifice sont  
*Relata, Reciproca, & Conuertentia.*

### Heresie 74.

*Il m'accuse de deux points, de crime de faux, &  
 de contradiction, de dire qu'il fist les Apostres Pre-  
 stres selon son ordre, & que personne ne luy a suc-  
 cédé.*

### C O N T R E.

Vous estes vn des accusateurs de Susanne  
 ou de Virginie. Ce n'est contradiction, qu'il  
 ait fait les Apostres de son ordre, & que per-  
 sonne ne luy a succédé. Car il ne s'ensuit pas  
 qu'on doie succeder pour estre de l'ordre:  
 Les cheualiers du S. Esprit sont bien de l'or-  
 dre du Roy: mais ils ne luy doiuent pas suc-  
 ceder pourtant. Si cela estoit, il y auroit bien  
 de la presse, à qui seroit le premier cheualier.  
 Je vous accuse du crime de bestise & igno-  
 rance. On ne succede qu'apres la mort: Or le-  
 fus ne mourra iamais, il n'a d'oc de successeur,  
 mais bien, il a fait les Apostres ses Lieutenans  
 & Vicaires, leur baillant sa mesme puissance.

### Heresie. 75.

*Quant à ce que ie mets, que les sacrifices n'ont*



point esté ostez, mais changez, & qu'à jamais nous aurons l'oblation du vray corps de Iesus-Christ sous les apparences du pain, c'est vne chose forgée & controuuée.

## C O N T R E.

Les sacrifices n'ont jamais esté ostez, mais changez. S'il n'y auoit plus de sacrifices, il n'y auroit plus de Religion. Le sacrifice en est l'ame. Elle a commencé par sacrifice, & finira par iceluy. Dieu tousiours a changé les sacrifices, & les a transferez, mais il ne les a pas ostez. Changeant la loy de Nature en l'Escriture, il transféra la Prestriſe des Aisnez, en la maison de Leui. Iesus-Christ chageant la loy Escrite en l'Euangile, il transféra la Prestriſe de Leui aux Gentils, & à tous ceux qui s'en rendront dignes. Anciennement, la Religion n'estoit que Locale & maintenant elle est Vniuerselle & Catholique. S. Paul parlant de Melchisedec & de Iesus-Christ aux Heb 7. verset 12. dit *translato sacerdotio, necesse est vt & legis translatio fiat.* Il changea premierement les Prestres que la Religion. Il fut le premier Prestre qui l'osta à Leui: car il estoit de Iuda. *Manifestum quod ex Iuda ortus sit.* Voila donc comme les Prestres & sacrifices sont demeurez & n'est chose controuuée.

## ¶ Hereſie 58.

On ay-ie trouuè que Ieſus-Chriſt fiſt les Apoſtres Preſtres ſelon ſon ordre, & celui de Melchisedec.

### C O N T R E.

Je l'ay appris de la Bible: des Conciles: & des Peres. Apres qu'il eut realisè le ſacrifice de Melchisedec, & ſacrifiè: il diſt à ſes Apoſtres *hoc facite*: puis qu'il leur a baillè la puissance de faire ce qu'il faiſoit, il les a fait Preſtres ſelon ſon ordre. Aux ſeuls 12. Apoſtres il a imposè les mains apres la reſurrection: A eux ſeuls il a baillè la puissance de baptiſer: & de preſcher: a eux ſeuls de ſacrifier & de remettre les pechez. Lors qu'il leur diſt *hoc facite*, il n'y auoit que les 12. & nul Diſciple, ny ſaincte femme.

Les Peres diſent qu'il les ordonna Preſtres par *hoc facite*: Eusebe parlant de la conuenance de Ieſus-Chriſt & Melchisedec dit. *Qui ab ipſo profecti ſunt ſacerdotes, in omnibus Gentibus, &c.* Puis qu'il y a *qui ab ipſo profecti ſunt ſacerdotes*, il les fiſt Preſtres.

Le Concile de Trente chap. 1. de la Ceſſion 22. noircit du foudre d'Anatheme, ceux qui diront qu'il ne les fiſt point Preſtres par *hoc*

*facite. Si quis dixerit illis verbis hoc facite in meam commemorationem, Christum non instituisse Apostolos sacerdotes, aut non ordinasse &c. Anathema sit: Les Apostres donc furent faits Prestres.*

### ¶ Heresie. 77.

*Par-ce que Iesus-Christ est eternal, il demeure seul sacrificateur eternal, & par ainsi les Apostres ne peuvent estre Prestres, ny selon l'ordre de Iesus-Christ, ny de Melchisedec.*

*Iesus Christ est seul sacrificateur eternal, transeat, ergo les Apostres ne sont Prestres selon son ordre. Voila bien conclud son Antecedent, pour vnqui ne veid iamais que de la Dialectique de Vallongnes. Il est seul Prestre eternal, il est vray & les Apostres sont Prestres mortels. Son ordre n'est en l'eternité: ains à offrir du pain & du vin comme i'ay prouué au Traicté de Melchisedec. Ne faites point deux ordres. Celuy de Iesus & de Melchisedec sont vn.*

### ¶ Heresie 78.

*C'est mettre les hommes bien haut que de les faire compagnons de Iesus Christ.*

## C O N T R E.

*Qui est ce Timon? qui est cet Apemiat?*

qui est ce Misanthrope? qui se fasche de ce que les hommes sont mis si haut. S. Paul parlez icy s'il vous plaist, au 1. & 2. des Heb.

*Iesus-Christ a fait les hommes  
ses freres.*

Dieu a fait l'homme heritier de tout ce qui est & non vn Ange. Il n'a iamais dit à vn Ange *sede à dextris*, & il l'a dit à l'homme. Il n'a dit aux Anges ie seray ton pere, & il l'a dit à l'homme. Il a rendu l'vniuers tributaire à l'homme & non aux Anges. Il a vn peu abaissé l'homme plus bas que les Anges: La Phrase Hebraïque dit, *secisti eum secundum à diis: proximum à Deo: modicò minuiisti à Deo.* Le texte de Dauid porte **טַזַשׁ דָּרַגְתָּהוּב וְרַתְּהַסְרָהוּ** *Vattch. asbedehu meat meelhin. Tu l'as vn peu arieré de Dieu, tu l'as fait tant soit peu inferieur de Dieu.* On sçait bien que *Elohim*, signifie *Dieu*. Toufiours ou le latin dit, *loquutus est Deus: dixit Deus.* Il y a **יְהוָה יֹאמַר** Comme au Decalogue **וַיֹּאמֶר אֱלֹהִים** *vaie dabber Elohim, Dieu a dit.* Il a (dit S. Paul) constitué l'homme sur toutes les œuures, & non les Anges. Iesus a appellé les hommes ses freres, & non les Anges: *non confunditur fratres eos vocare.* Il les appelle ses enfans.

*Ecce ego & pueri mei*: La nature humaine a esté exaltée par dessus l'Angelique. Il est mort pour l'homme & non pour les Anges. Il n'a pris la nature Angelique, ains la semence d'Abraham. J'ay parlé de cela au 1 liure mais il faut assommer ce haineur des hommes, avec 18. textes de la Bible, qui est faiché de ce que l'homme est si haut, & de la grace que Dieu luy a faicte, de le rachepter plustost que les Anges. Dans l'*inprincipio* il diuise son vnité de fils pour faire les hommes ses confreres. *Quot quot autem receperunt, dedit eis potestatem filios Dei fieri.* Et estant resuscité dit à la Magdalene *Ascendo ad patrem meum & ad patrem vestrum* Et en son oraison, nous commande de dire *Pater noster*, & non pas *Pater Christi*. Au 8. des Romains Iesus n'a rien plus que nous. *Heredes Dei & coheredes Christi.* Vous leuez l'homme trop haut S. Paul, de les mettre à l'vniffon de Iesus-Christ. En l'Apocalipse il fait seoir l'homme pres de luy. *Qui vicerit dabo ei sedere mecum.* En S. Matth. *non amplius seruos sed amicos.* En S. Iean 20. *Vade ad fratres meos.* Et au 17. Il n'est nullement huguenot, il leur baille logis avec luy. *Pater ego vilo, vt vbi sum ego, & isti sint mecum, vt videant claritatem meam.* Et S. Paul, *Spiritus testimonium reddit spiritui nostro quod filii Dei sumus.* le pense que Gautier ne fera mis si haut, mais qu'il

descendra en Enfer.

### ¶ Heresie 79.

*C'est taxer Iesus-Christ d'insuffisance de luy  
bailler des Prestres de mesme ordre que luy.*

C'est donc faire tort au Roy, de luy bail-  
ler des cheualiers de son ordre: Au contraire  
c'est rendre vn ordre plus excellent, & c'est  
sa grād' d'en faire beaucoup de mesme. Nous  
ne taxons le sacrifice de Iesus-Christ d'insuf-  
fissance, il est d'une valeur infinie, vne seule  
goute, pouuoit racheter cent mondes.

### ¶ Heresie 80.

*Que Iesus-Christ ait fait ses Apostres ses Vi-  
caires & qu'eux en ayent estably d'autres par l'im-  
position des mains: tout cela se peut reietter par  
vne simple negation.*

## C O N T R E.

Il a baillé la mesme puissance qu'il auoit  
à ses Apostres, ergo il les a faits ses Vicaires.  
Il leur promet mesme qu'ils feront de plus  
grand miracles que luy. Ce qui seruira pour  
clorre le bec, à ceux qui se mocquent des

miracles qui se trouuent en la Legende des Saints: Le miracle d'Elisée, qui fist nager la congnee au vieil Testament, de prime face est plus niais, que nul des saints du nouveau.

### *L'imposition des Mains.*

Que les Apostres ont estably d'autres par l'imposition des mains, toute la Bible en est pleine. Iesus imposa les mains aux Apostres. Les Apostres les ont imposez: cōme à S. Paul: Actes 13. *Imponentes eis manus dimiserunt illos &* S. Paul les imposa à Timothée 4. *Noli negligere gratiam &c. quæ data est tibi per prophetiam cum impositione manuum.* Iamais Prestre n'a esté qu'il n'ait eu l'imposition des mains. Ce discours desire vne plus longue haleine. Il n'estoit besoin qu'il parlaist de cela. Mais Seneque dit que, *Naturale est manuum sepius ad id referre quod dolet* Il n'y a rien qui estriquer mieux la denrée huguenotte dās la boue, que l'imposition des mains: ils les imposent maintenant, estans contraints d'aduouër ceste Mission.

### Heresie 81.

*Il ennoya ses Apostres prescher l'Euangile à toute creature les baptisant, voila leur commission.*

il n'y a point d'autre Vicariat.

## C O N T R E .

*Ite predicare euangelium* est le vicariat general: Mais prescher l'Euangile contiēt bien des choses. Baptiser: Marier (ou bien pourquoy vous meslez vous de marier) faire des miracles: Remettre les pechez: Sacrifier: *hoc facite*. Administrer les sacremens: imposer les mains aux autres. Si vous prenez le mot de *prescher* selon vostre vicariat, vous ne deuez rien faire autre chose: Prescher l'Euangile n'est pas si general que *hoc facite*, & ne durera pas tant. Il n'est point commandé de prescher iusques au iugement (car on s'en pourroit passer vn chacun estant bien instruit) Mais il est enchargé de sacrifier & représenter ce qu'il fist apres la Cene, *Donec veniat*. Donc *hoc facite* est le vicariat des Apostres. Il est plus excellent de sacrifier & communier que de prescher: par consequent ce vicariat est plus digne que l'autre. Le sacrement de l'Eucharistie est la fin du sermon. *Finis præstatio, quàm quæ tendant ad finem*.

### ¶ Heresie. 82.

L'elevation d'Helie luy a esté vne espeece de mort comme ceux de qui parle S. Paul Corin. I. chap. 15.



qui seront changez au dernier iugement.

## C O N T R E.

Il a iuré de ce rendre ridicule en toutes ses responcez. Ce Microcanchrist veut desia tuer Helie : & en oster la gloire à l'Antechrist : ô cruauté ! il veut tuer ceux qui sont dans le Paradis. Que l'elevation d'Helie luy fut vne espece de mort : Ce mē songe se combat par 3. veritez. Iamais l'elevation au ciel n'est espece de mort : c'est le chemin de vie. Si l'Eleuation au ciel est vne mort, Iesus-Christ mourut quād il y fut esleué en son Ascension : & n'est plus vivant. Voila le precipice d'absurdité ou vous tombez. Iouinian disoit comme vous, qu'Helie ne deuoit point venir au iugement, & qu'il estoit mort. Mais ie vous dy ce que S. Hierosme luy respondit : qu'il fut immortel auant que mourir *Helias cœpit immortalis esse, antequam mortuus esset.* Avec les fausses fumées de mensonge, vous voulez esblouir l'œil de la verité. Iamais S. Paul n'a dit que quelques vns ne mourront point, & que leur elevation leur fera vne mort, allans au iugement. Au contraire il a baillé vne reigle sans exception, qu'il faut que tout homme meure. *Statutum est omnibus hominibus semel mori.* Duquel arrest le fils de Dieu n'a pas

peu estre exēpt. Mais S. Paul dit que ceux que l'Antechrist tura, ne seront point changez, & ne pourriront pas: car dès qu'ils seront morts, ils resusciteront. Iesus-Christ ne pourrit pas au tombeau, ny le bon larron & ne fut changé. Le Payen Horace est plus Catholique que vous. *Semel calcanda via Lethi.* Tout ce qu'avez dit, est espraint de la pure lie de fausseté.

### ¶ Heresie. 83.

*Iesus-Christ n'a point sacrifié en la Cene, Il a loué & rendu graces à Dieu, & cela s'appelle sacrifier.*

J'ay prouvé au traicté de la Messe qu'il sacrifia: s'il n'a rien fait en la Cene que louer & rendre graces, il en a autant fait au miracle des pains.

### ¶ Heresie. 84.

*Quand on parle des sacrifices propres, cela s'entend Propitiatoires, qui estoient faits pour la remission des pechez. f. 66.*

## CONTRE.

Il faut le prendre dans le rets qu'il a tendu,  
le

Je ne veux amener la deposition de tous les Docteurs, & des textes de la Bible, qui prouuent que la Messe est sacrifice pour la remission des pechez. Je me passe de deux.

### *La Messe est Sacrifice Propitiatoire.*

Je me contente de ce que dit le huguenot & du passage de la Bible. Les Sacrifices proprement pris, estoyent ceux qui se faisoient pour la remission des pechez dit-il : or le sacrifice d'après la Cene est fait pour la remission des pechez *ergo* il est Propitiatoire & proprement pris. Iesus Christ prouue l'assumption qui en l'instituant dit. *C'est mon sang qui est respandu pour la remission des pechez.* Je me pourrois moquer de sa proposition, & dire que l'aumosne & priere que nous faisons, sont aussi sacrifices propitiatoires & pour la remission des pechez. *Elemosinis peccata reddime.*

### ¶ Heresie 85.

*Iesus-Christ n'a point respondu à la figure de Melchisedec en la Cene. fol. 66.*

J'ay rebarré ce faux par infinies veritez au traicté de Melchisedec. Je ne veux que le tex.

te de la Banfferie pour le vaincre mesme. Cy deuant il a dit, que comme Melchisedec fist vne collation à Abraham, & à ses gens, que de mesme Iesus-Christ fist vn banquet spirituel en la Cene. Il a donc là accompli la figure de Melchisedec.

### ✻ Heresie 68.

*Quād ie luy demande, ou Iesus-Christ a accompli la figure des pains de Proposition, & l'encens qui se brusloit dessus. Il respond qu'ils ont figuré le viure des fideles, qui doit estre consacré à Dieu: Et l'encensement fait dessus, a figure le sacrifice de la Croix.*

### C O N T R E.

Les pains de Proposition figuroyent le viure des fideles: si vous entendez le pain de la Cene, il est sacrifice, puis que la figure en estoit vn. Si vous entendez du chappon que vous mangez en Careme cela est faux. Car le sacrifice des pains de proposition estoit institué pour figurer quelque chose de Iesus-Christ, & non vostre disner prophane. Vous deuez continuer & dire que l'encens figuroit vostre benedicite: Lequel se commence. *Benedicite*, qui sont les deux premiers mots de celuy de Sardanapale & Epicure: vous

ueiez acheuer, *post mortem nulla voluptas*. Ce  
 viure des fideles doit estre consacré à Dieu,  
 lites vous. Il est donc dedié & presenté à  
 Dieu, & est sacrifice. Vous estes pris de quel  
 costé que vous pensiez eschapper. *L'encens qui  
 se brûstoit dessus figuroit le sacrifice de la Croix.*  
 Voila vne risée qui feroit rire mesme l'Age-  
 aste Crassus Qui a iamais dit que l'encens du  
 Vieil Testamēt figuroit le sacrifice de la Croix?  
 L'encens ne signifie iamais la mort. L'encens  
 n'estoit qu'une ceremonie du sacrifice; donc  
 le sacrifice de la Croix n'estoit qu'une cere-  
 monie de sacrifice. Tousiours l'encens signifie  
 la priere. Ce que Dauid prouue, priant que le  
 flair de sa priere monte droit deuant Dieu,  
 comme l'encens. Gautier mesme en la dispute  
 que nous eusmes du sacrifice de Malachie, &  
 en sa responce, veut que l'encens signifie le  
 sacrifice de louange & priere: & maintenant il  
 veut qu'il figure le sacrifice de la Croix. Les  
 pains de Proposition figuroyent le pain que  
 le Messie prit: & l'encens, la benediction,  
 action de grace, & prieres qu'il fist dessus.

### ¶ Heresie. 87.

*Ils ont en la Cène un gage & asseurance de la  
 vie eternelle.*

J'ay refuté cela. Pour nous autres Catho.

liques nous ne voulons point de gage, nous voulons le corps & la chose mesme.

### ✠ Heresie. 88.

*Il me demande si tous les sacrifices des bestes n'ont pas esté representez par le sacrifice de la Croix.*

### CONTRE.

Je puis respondre, ouy: Nerny. Nenny avec S. Augustin qui a dit que le sacrifice d'apres la Cene, est l'accomplissement de tous les sacrifices anciens. le puis respōdre qu'ouy, en partie avec les autres Docteurs, qui disent qu'en la Croix il realisa to<sup>s</sup> les sacrifices qu'on tuoit: & qu'apres souper, il perfectionna tous les sacrifices de pain, & celuy des bestes qui n'estoient tuez, cōme des 2. agneaux offerts viuans couuers du pain des premices, & le Cheureau *Emisfaire & congedié*. Vous ne demandez que les sacrifices des bestes. Il faut donc vn autre, pour accomplir ceux de pain.

### ✠ Heresie. 89.

*Deux choses totalement differentes, & figures de choses differentes ont besoin d'estre representez par deux realitez differentes.*

## CONTRE.

Il n'y a point deux realitez cela est faux, il n'y en a qu'une, mais en deux façons: autrement il faudroit deux Messies. Deux choses différentes doiuent estre representez par deux veritez différentes, vous deuiez dire par deux façons: or l'ordre de Melchisedec & celui d'Arôn sont differens, ergo il faut deux façons. Vne verité peut représenter deux ou trois choses. Le sacrifice de Melchisedec differoit du Leuitique en 6. choses En temps: Le 1. estoit en la loy de Nature: & le 2. en la loy écrite. En excellence. Le 1. estoit plus excellent, que le 2. *habitatione personarum & materia.* Melchisedec estoit plus excellent & grand qu'Arôn puis qu'il le benit: Et le pain & vin sont plus excellens que les bestes. Ioint que le Messie a esté Prestre de cet ordre, & l'a ennobly. Le 1. est avec serment pour démonstrer l'immobilité de sa durée: & le 2. est sans serment. Le 1. estoit volontaire & celui d'Arôn par commandement. Le 1. dure & durera: & le 2. est finy.

¶ Heresie. 90.

En la Prestrise de Melch. il n'y a point eu d'autre sacrifice, qu'en la Prestrise d'Arôn.

## CONTRE.

Tout cela n'a racine que dans le sable mou-  
 vant de vostre opinion & incertitude, vous  
 ne faiçtes que beer, apres le vague de l'incer-  
 tain, & ne disputez pour la verité: mais seule-  
 ment *studio contradicendi*. Ce que dites est de  
 Kemnitius: produisez quelque chose de vo-  
 stre Minerue. Dire que Melchisedec & Aron  
 ont offert semblables sacrifices. C'est dire  
 que le Soleil n'est point clair. Cela est faux  
 par 9. raisons. Il sacrifia vne fois seule, & Aron  
 tous les iours. Son sacrifice dure encore, &  
 celuy d'Aron est abatu. S'ils ont offert sem-  
 blables sacrifices, l'ordre d'Aron dure enco-  
 re. Il sacrifia du pain & du vin: & Aron des  
 bestes. Il institua son ordre en la loy sans loy:  
 & celuy d'Aron en la loy escrite. Son sacrifice  
 estoit celuy des Cananeans & Gentils: & l'au-  
 tre pour les Iuifs. S'ils sacrifioyent vne mesme  
 chose ce n'est qu'un melme ordre, & nō deux.  
 Si c'est vn melme ordre, qu'estoit-il besoin  
 que Dieu instituast celuy d'Aron tout de nou-  
 ueau: S'ils sacrifioyent choses semblables, Je-  
 sus a sacrifié comme Aron, ce qui est faux.  
 J'ay refuté cela tant de fois, que ce ne sont  
 que redites & Batologies.



## Herésie 91.

*Iesus-Christ ne se pouuoit offrir qu'une fois selon l'ordre d' Aron, par-ce que le souuerain sacrificateur, n'entroit qu'une fois au lieu tres-sainct.*

### CONTRE.

*Ce par-ce que là est bien mal fondé & pilotiné. Il ne se pouuoit offrir qu'une fois selon Aron, par-ce que le sacrificateur n'entroit qu'une fois d'as le lieu tres-sainct. Cela est faux: mais c'est par-ce qu'il ne pouuoit mourir qu'une fois comme dit le 9. des Heb. La croix n'est pas le lieu tres-sainct, mais le Ciel.*

### *Le Ciel est le Sancta Sanctorum.*

*S Paul Heb. 9. dit que le Ciel est le Sancta Sanctorum, ou le vray sacrificateur Iesus Christ entra en son Ascension Le 1. Tabernacle figuroit la vie, ou les Prestres entroyent tous les iours: & le 2. qui estoit le Sancta est le Ciel que Iesus-Christ a ouuert. Non in manu facta Sancta Iesus introiuit exemplaria verorum: Sed in ipsum Celum. Donc le Ciel est le Sancta: & non la Croix. Gardez encore vostre silence Pythagorique vingt ans, auant que parler. Le*

Ciel est le vray *Sancta Sanctorum*, ou sont tous les bien heureux. Ignorantissime Predican, si la croix estoit le lieu *tres-sainct*, tous ceux qu'on pend sont plus heureux que ceux qui meurent en leur liect. Si la Croix est le *Sancta*. pourquoy Iesus a-il demandé de n'y aller pas? Si la Croix est le lieu *tres-sainct*, pourquoy l'avez-vous en horreur? La Croix qui est en l'air gent est vostre *Sancta*, vous l'aimez bien: Aussi vous avez Dieu mercy, fait bien profiter vostre Talēt, vous ne serez repris du maistre de l'auoir enfouy dans terre. Si la Croix est le lieu *tres-sainct*, pourquoy vous enfuytes-vous le iour d'Allemagne, que n'alliez-vous volontairement en ce lieu *tres-sainct* cōme Iesus Christ? Vostre lieu *tres-sainct* fut l'Abaye de Trouart, ou vous allastes rendre Moyne pour vn iour. C'estoit mal fait à vn berger, comme vous, de quitter ses ouailles entre les griffes des loups rauissans. Je quitte la gaullerie pour parler à bon escient.

Si la croix est le *Sancta* infinis inconueniens s'entuyent. S. Paul est desmenty qui dit que c'est le Ciel, & la verité crie d'ahan. Si l'n'a esté offert qu'vne fois en la Croix, par-ce que le sacrificateur n'entroit qu'vne fois dans le *Sancta* pour y sacrifier: Iesus n'a accompli en la Croix que le sacrifice qui ne se faisoit qu'vne fois l'an: il faut vn autre sacrifice, pour ac-

complir les autres. Le Sacrificateur representoit Iesus Christ, dites vous) il deuoit dōc mourir & se sacrifier leans dedans. Si la Croix estoit le *Sancta*, il n'auroit pas sacrifié en la Croix: car on ne sacrifioit pas dans le *Sancta*, mais on y portoit le sang des bestes sacrifiees. Comme assure S. Paul *Infertur sanguis pro peccato in Sancta per Pontificem*. Donc la croix n'est le lieu tres-sainct. Pour bien empescher toute la Ministraile, ie leur apporte deux autres contre-carres.

*Le sacrifice d'apres la Cene est le  
Sancta Sanctorum.*

S. Paul 13. des Hebr. dit que lors, qu'apres la Cene de l'Agneau, il se remit en table, il entra au *Sancta* & offrit son sang pour la remission de nos pechez. Il prie aux Doctes de cōsiderer de pres ce lieu. *Quorum enim animalium infertur sanguis pro peccato in sancta per Pontificem: horum corpora cremabantur extra castra. Propter quod & Iesus, ut sanctificaret per suum sanguinem populum, extra portem passus est: Il fait vne comparaison: Comme on sacrifioit vne fois Pan les bestes premierement, puis on portoit le sang dans le *Sancta* pour sanctifier le peuple: & en apres on portoit ces corps là, brusler*

dehors le Camp. De mesme Iesus a sacrifié premierement, puis a respandu son sang pour la remission des pechez le baillât à boire à ses Apostres, comme il dist luy-mesme, *qui effunditur in remissionem peccatorum*: & en apres il a porté son corps brusler du feu de charité sur l'autel de la Croix hors Hierusalem. Il s'ensuit donc que le sacrement d'apres la Cene est sacrifice: & que ceste action fut le *Sancta* ou il entra, pour nous sanctifier par son sang, puis qu'apres S. Paul dit qu'il alla patir, & estre bruslé hors Hierusalem, comme apres le sang respandu dans le *Sancta*, on portoit le corps des bestes dehors le Camp. Autrement la similitude de S. Paul hiroit, & sa redition ne seroit bonne. Il faut qu'il ait premierement sacrifié dans la ville, avant que d'estre porté dehors. Tournez de quel costé que vous voudrez ce passage, il vous contraint de confesser qu'il a sacrifié premier que d'aller au mont de Caluaire, & qu'apres la Cene, il entra au lieu tres saint, & non en la Croix. Le terme de S. Paul est si resolu qu'il conuertiroit l'infidelité mesme. La 2. Contre-carre est que

*Le Corps de Iesus-Christ estoit le  
Sancta Sanctorum.*

Le Corps viuant de Iesus-Christ estoit le

*Sancta*, ou le sang fut respandu : Et lors la figure fut accomplie quand il beut de son propre sang, comme ses Apostres. Le corps de Iesus-Christ n estoit-il pas le *Sainct des Saincts* ? S. Augustin interpretant le faict de Dauid, qui se portoit en ses mains mesme, estant deuant Saül, dit que Iesus-Christ estoit le vray Dauid, qui se portoit en ses propres mains, en la Cene : Le pain estoit luy-mesme. La Tradition Apostolique dit que Iesus-Christ mangea son propre corps, & beut son propre sang, de peur que ses Apostres ne deuinssent Capharnaïtes. S. Chrysostome homelie 83. sur S. Matth. dit (Catholiques remarquez ce poinct de remarque) que Iesus-Christ beut de son propre sang. Ce sang là estoit le sang du tres-sainct, qui fut porté dans le *Sainct des Saincts* son Corps. *Ipsa quoque bibit ex eo, ne auditis verbis dicerem: Quid igitur sanguinem bibimus, & turbarentur. Quia propter hæc verba multi scandalum passi sunt prius. Ne igitur hoc accideret, prius ipse hoc fecit, ut tranquillo animo ad communicationem mysteriorum induceret.* le n'ay encore leu du corps: toutesfois il le peut auoir mangé de mesme. Car iacoit que ce sacrement soit institué pour la remission des pechez: Iesus-Christ ne le prit pas en ceste consideration. Mais pour donner exemple: comme vn bon Medecin qui

prend de la medecine j'açoit qu'il ne soit malade, mais pour donner courage au patient: de mesme il en a voulu vser pour donner exemple encor qu'il n'eust peché, Le Roy qui institue vn ordre, pour rendre ses Seigneurs plus nobles, combien qu'il se face le premier cheualier, cela ne le rend pas plus noble, & n'en a que faire, mais il en veut estre & en porter le signal sur son manteau royal, pour seruir d'exemplaire aux autres. Il a mangé son corps & beu son sang, sans en auoir nécessité: comme il a voulu estre baptisé pour l'exemple & donner force aux eaux. S'il s'est bien mangé en figure en l'Agneau Paschal: pourquoy ne s'est il bien mangé en realité? le conclud que le Ciel veritablement est le *Sancta*: & que la Pasque, ou son propre corps mesme, est plustost le lieu tres sainct, que la croix.

### ¶ Heresie 92.

*Les Anciens ne pouuoient oster les pechez par les sacrifices.*

### CONTRE.

Voicy les gens-d'armes du Cadmus, qui se deffont l'un l'autre. He! dens de serpent vous

entre-mordez. Vous estes yure, i'en appelle de vous mesme deuant vous mesme, quand vous ferez en vostre bon sens. Tantost vous auez dit qu'ils auoyent l'asseurance en leurs sacrifices. Au fucillet 71. vous dites qu'ils offroyent *pro peccato*, & qu'ils estoient pour reconcilier, rabiener, & rapatrier les hommes avec Dieu: & maintenant vous chantez la Palinodie. *Oportet mendacem esse memorem*. Comme vray Ixion vous n'embrassez qu'une nuë de mensonge, au lieu du corps de la verité: vous n'auetz qu'une vaste & turbulente incertitude: Affermes l'incredule & girouetante foy de vos mouuantes opinions, & puis ie concluray.

### ✠ Heresie. 93.

*Iesus-Christ ayant offert vn seul sacrement pour les pechez, par vne seule oblation, il a tous consumé.*

### C O N T R E.

L'heretique s'armant de son Plastron & *Semel* huguenot, afin d'auoir couleur de piller les Eglises, a dit qu'il n'y auoit plus de sacrifice, & que l'ayant deffait, ce pillage luy appartenoit. S'il les a emportez par droit de guerre, *Iure post-liminii* nous les pouuons re-

peter. Il n'y a plus de sacrifices, par ce que par vne seule oblation il a tout consommé. Mais la noire fuye d'ignorance a empesché le huguenot de voir la verité. Nous admirons ce que nous ne sçauons point : & mesprisons ce que nous ignorons. L'heretique a blaîmé ce qu'il n'entendoit pas.

### *L'explication du Semel Huguenot.*

Il le trouue vn triple *Semel* dās les escritures.

Le *Semel* de Melchisedec.

Le *Semel* de Iesus-Christ. &

Le *Semel* huguenot.

Melchisedec n'offrit qu'vne seule fois du pain & du vin, & neantmoins ce *Semel* & seule offre de, dura iusques à Iesus-Christ. Car si ce sacrifice fait *vne fois seule* par Melchisedec auoit failly, Iesus-Christ n'eust pas esté Prestre de cet ordre. Il ne pouuoit estre d'vne chose qui n'estoit plus.

Iesus-Christ comme sa figure, n'a sacrifié qu'vne fois : Apres la Cene selon Melchisedec : & en la Croix selon Aron. En la Pasque il fut le Prestre & la victime, le Sacrifiant, & le Sacrifié : Mais en la Croix il n'a esté que la victime. Il s'est offert, liuré & baillé luy-mesme à la mort, & les Prestres Leuitiques le crucifierent par leurs sentences. Le sacrifice



fait en la Croix, ne se doit point représenter: Mais celuy d'après la Cene se doit représenter: Par-ce qu'il a dit *hoc facite*, le sacrifice de la Croix dure & durera tousiours *en puissance & en merite*, & non plus en *Action*: Et le sacrifice de Pasque dure & durera *en puissance, merite & Action*. Il faut le *reactionner & représenter*. Iesus par vn seul sacrifice d'après la Cene, a tout contumé: & ce *Semel* dure encore & durera, & c'est le mesme. Le sacrifice de la Messe est le mesme que Iesus institua en la Pasque: ce n'est point vn autre, ny vn nouveau, ny vn semblable. Que l'abusé huguenot ne se noye pas, pensant nager sur l'escorche de son ignorance, & cuide qu'en la Messe on sacrifie encore, comme anciënement vne oblation nouvelle. Ce qui s'offre en l'autel est le mesme que Iesus offrit après la Cene. Comme sont les mesmes mots de Iesus-Christ; ainsi c'est son mesme sacrifice. Comme dit S. Chrysostome homelie 2. sur la 2. à Timot. Et si le huguenot admiré cela, comme c'est le mesme: C'est qu'Origene dit qu'il est *indefaillable & incessable: est indefinens sacrificium*. C'est l'action *identelle* de Iesus-Christ. Il ne se peut consumer comme a dit S. Cyprian au liure de l'vnité. *Inconsumptibilem cibum aponit discipulis*. Ou il vse du present *aponit* & non *aposuit*. C'est pourquoy ce *Semel* de Iesus-

Christ est *inconsumptible & indefinent*. Puis qu'il est *inconsumptible* c'est le meisme. Il n'a sacrifié qu'une fois qui durera iutques au dernier aduenement. Comme le *Semel* de Melchisedec fait vne seule fois, dura iutques au premier aduenement: comme c'est le meisme Soleil qui renaist tous les iours. La sainte Hostie ne change iamais en *realité & verité*, mais elle change en *especes & accidens*. Comme vn homme, pour changer tous les iours d'habits, ne change pas de corps, c'est toujours le meisme: Aussi les *especes & accidens*, la couleur, la forme, se change & consume, mais la *realité* ne change & ne se consume iamais. Il n'y a que le manteau, & voile du Sacrement: les *especes*, qui se changent: Le corps est toujours le meisme. le ne veux taire l'Auteur de ceste solution, c'est Eusebe Emyssene homelie 5. de *Palquate* qui le dit. *Verè vnica & perfecta hostia fide existimanda est non specie.*

S. Augustin baille de belles solutions à ce *Semel* & l'explique fort bien *Semel in pratium, iugiter in mysterium*. Et en son Epistre 23. à Boniface. *Semel imolatus est Christus in semetipso & tamen in sacramento in omni l'ie à populis imolatur*. S. Augustin n'est pas tant du costé des huguenots comme ils pensent. Iesus-Christ a esté offert & imolé en 3. façons.

Au vieil Testament, *Typiquement & figuratiuement.*

En la Pasque *Realement & Sacramentellement.*

Et en la Croix *Realement & visiblement.*

S. Augustin contre les Manichiens dit qu'il fut sacrifié en 3. façons.

Anciennement *En similitude.*

En la croix *En verité. &*

Après l'Ascension *En Sacrement.*

Voila le lieu. *Huius sacrificii caro & sanguis, ante aduentum Christi, per victimas similitudinum promittebatur: in Passione Christi, per ipsam veritatem reddebatur: Post ascensum Christi, per sacramentum memoriæ celebratur.*

Les huguenots ont basly vn *Semel* à leur poste, & ont dit qu'il ne faut plus de sacrifice de la Messe, par-ce que Iesus-Christ a sacrifié vne seule fois. Il est vray, nous n'en voulons pas vn autre que celuy qu'il fist à la Pasque, c'est le mesme qui dure encore & durera. Ceste seule fois ne cesse iamais. Le *Semel* huguenot differe du *Semel* Catholique: En ce que le huguenot fait son *Semel*, *finy, mortel, cessé, failly, abbatu, & qui ne dure plus.* Il fait mourir & tuë l'action de Iesus-Christ, qui est d'eternelle durée, & qui doit agir, continuer, & ne cesser iamais iulques au iugement, ou l'Antichrist la fera faillir. Il a autant de *merite & d'action* maintenant comme lors de


son institution *in remissionem peccatorum*. S'il n'en faut plus, pourquoy repete-il sa Cene? Si l'action a failly, sa Cene n'a point de force. Il s'abuse. Le Baptesme que nous auons, est le mesme de Iesus-Christ, & non vn autre c'est le mesme. Aussi le sacrement d'apres la Cene est le mesme que les Apostres mangerent. Le *Semel* de Iesus-Christ & Catholique est infiny, ne cesse, ne deffaut, ne meurt, & ne desiste iamais. C'est tousiours le mesme. Le huguenot repete sa Cene: Mais le Catholique represente la Pasque. Ce que l'heretique repete & reitere, n'est point le *Semel* de Iesus-Christ, ny son sacrement & sacrifice, ains le sien propre. Mais le *Semel* que le Catholique represente, reactionne & idente (s'il est loysible de former ce mot) est le mesme de Iesus-Christ. L'insuffisante capacite de la Banquerie, voulant con-catener la puissance de Dieu a sa stolidite, dit qu'il faudroit qu'il reuint, ou qu'il sacrifiait la haut: Ou est il alle, donc afin qu'il reuienne? Il est icy & au Ciel. Il est icy sous le sacrement, *ero vobiscum usque ad consummationem seculi*, & il est au Ciel a decouvert. Il faut qu'il sacrifie encor e la haut dites vous. Ouy: Il y prie, & sacrifie pour nous. Il s'offre çà bas par les mains des Prestres: & n'a iamais cesse de s'offrir au Ciel apres l'Ascension. Et ce sacrifice ne cesse ia-

mais, puis qu'il s'offre tousiours. Doctes mes bien-aimez, remarquez le 10. des Heb. ou il dit que sis à la dextre de Dieu, il offre vne offrande à iamais pour nos pechez. *Hic autem vnā pro peccatis offerens hostiam in æternum, sedet in dextera Dei*, ou il faut considerer 3. mots *Vnā, Offerens, in sempiternum*. Il dit, *vnā hostiam*, vne hostie, & non plusieurs. Eusebe a dit *unicam*: & S. Chrysostome *eadem*. Il dit *offerens*, au present: il offre donc tousiours & ne cesse iamais, & neantmoins, c'est tousiours *vnā hostiam* & *eandem*. Le 3. est *in sempiternum*. Par consequent il ne cessera iamais. S. Paul n'a pas dit *obtulit*, mais *offerens*, Pour demonstrier que ce sacrifice ne cessa, ne cesse, & ne cessera iamais. Qui traueille tousiours, ne cesse point. Le Soleil luit tousiours & ne cesse point. *vt Sol perpetuò lucens est, sic Christus perpetuò offerens est, & indefinenter*. Le sacrifice d'après la Cene est *incessable, non finissant, inconsumptible, infiny, idental, perpetuel, & indefinent*. Aussi il dit, *faictes ce que ie fay, & non ce que i'ay faict*. Le huguenot ignorant deux choses, est tombé dans vn tres-meschant Baratre d'heresies. Le 1. c'est qu'il a pensé, que le sacrifice de sa Cene faillist, & cessa dès que Iesus-Christ l'eust fait: ce qui n'est pas. Comme il prouue luy-mesme, disant *hoc facite, faictes ce que ie fay*. Si ce *hoc* auoit failly & ces-

fé, ce ne seroit le mesme. Mais ne finissant point, comme celuy de Melchisedec : durera iusques au iugement, iusques auquel temps, le terme de son eternité est bornée. Le 2. poinct que l'heretique ignore est, qu'il n'entend pas les textes de S. Paul qu'il allegue. S. Paul dit qu'il s'est offert vne fois : qu'il n'y a plus de sacrifices : qu'il a tout consumé : C'est en l'Epistre aux Hebreux qu'il dit tout cela, & non pas en ses autres : Au contraire, là mesme, & au 10. de la 1. aux Cor. il dit *qu'ils ont vn autel, & qu'ils ne peuuent participer au sacrifice de Iesus-Christ, & à celuy des idoles.* Or les Heb. ou Iuifs, ou Enfans d'Israël auxquels il rescrit vouloyent encore sacrifier des bestes, & il leur dit, qu'il n'y a plus de sacrifices, & que Iesus a tout aboly cela en s'offrant & liant vne fois en la Croix. Il leur dit que *tout estoit consumé* selon l'ordre d'Aron, selon lequel ils vouloyent encore tuer, & sacrifier des bestes. Mais quand il vient à l'ordre selon Melchisedec, il ne dit pas qu'il n'y a plus de sacrifice, & que tout est consumé : Ains au contraire au 10. des Heb. verset 12. dit que Iesus offre vne seule hostie pour les pechez estant sis à la dextre de Dieu. *Vnam pro peccatis offerens hostiam, in sempiternum sedet in dextera Dei.* C'est pourquoy

*Il faut con-sacrifier le sacrifice de la  
Messe avec Iesus-Christ.*

Pour 6. raisons il faut *representer, con-sacrifier, & continuer* le Sacrifice de la Messe. La 1. d'autant qu'il a commandé *hoc facite*. La 2. par-ce qu'il doit durer iusques à la fin comme celuy de Melchisedec vne fois fait dura iusques à Iesus-Christ. La 3. *in remissionem peccatorum*. La 4. pour annoncer sa mort, & de peur que son nom ne soit mis en oubly. La 5. par-ce qu'on offroit vn agneau tous les matins. La 6. afin que les Prestres ne soyent oy-sifs, & n'approchent de luy vuides. Ce sacrifice durera iusques à ce qu'il ait mis ses ennemis l'escabeau de ses pieds, comme dit S. Paul. *Vnam pro peccatis offerens hostiam, in sempiternum sedet in dextera Dei, de cetero expectans donec ponantur inimici scabellum pedum eius.*

 Heresie. 94.

*Le sang par lequel nous sommes rachetez, doit estre consideré en la Croix, f. 78.*

C O N T R E.

Il le faut considerer, en toutes les fois qu'il

Pa respandu pour nous. S. Paul le considere au 13. des Heb. en 3. endroits : comme le sang des bestes est consideré en 3. lieux. En les sacrifiant. Dans le *sancta* : & dehors, quand on les brusloit. Ainsi le sang de Iesus se doit premierement considerer au sacrifice 2. lors qu'il le bailla à boire aux Apostres pour les sanctifier. Tiercement en la Croix. Il faut considerer le sang de Iesus-Christ en la Croix *meritoriè. Sed in Eucharistia efficaciter.*

*Iesus est mort pour tous sufficienter  
& non pas efficaciter.*

La mort de Iesus-Christ est assez suffisante pour racheter autant de mondes qu'un Philosophe en pourroit imaginer en s<sup>on</sup> Idée. En la croix il peut guerir, mais au Sacrement, il peut guarir, & guerir tout ensemble. En la croix il nous rachepte, *ex opere operato*, mais en l'Eucharistie *ex opere operantis*. L'efficace de la Passion est appliquée, par le sacrement. Il est comme le *medium* & Canal par lequel ce sang distile. Les Scolastiques disent que le sacrifice de la Croix opere remission des pechez *sufficiēter sufficiamēt, sed non efficaciter, & operaliter*. Il est mort pour tous generalemēt, neantmoins les Turcs & infidelles ne seront



pas rachetez, s'ils ne s'appliquent le sang par les sacremens. *Ordinairement* il a lié nostre salut aux sacrements. Comme la medecine est suffisante de soy, de guarir, mais il faut la prendre. Le sang de la Croix est la medecine: & le sacrifice de la Messe est le Calice & tasse pour la prendre. Le sacrifice de la Croix est l'onguent & l'emplastre pour appliquer sur la playe de nos pechez. Les Especies du pain & du vin, sont comme le Linge & le Canepin ou le basme de la chair & sang de Iesus est estendu pour guerir nostre mal. Le sacrifice de la Croix est suffisant de nous rachepter: mais il n'y aura que ceux qui mangeront de ce pain qui auront la vie eternelle.

### ✠ Heresie 95.

*En la Croix ce n'a point esté selon l'ordre d'Aron: car selon cest ordre, il luy eust fallu sacrifier, & mourir plusieurs fois.*

### CONTRE.

Selon quel ordre donc y a il esté mis? Si ce n'est selon vn ordre qu'il a esté mis en Croix, ce n'est point vn sacrifice: Vos *Cars* sont tousiours mal fondez. *Ce n'est selon Aron, car il eust fallu sacrifier plusieurs fois*, cela est faux,

d'autant qu'il l'abatoit, il ne faut qu'une fois pour abatre quelque chose: *Il luy eust fait mourir plusieurs fois.* Voila qui est bien: & les bestes qu'on sacrifioit qui le representoyent mouroyent elles plus d'une fois? La realité n'estoit pas obligée à d'auantage. Tout au reuers, comme vous desment S. Paul Heb. 9. Il n'a esté crucifié qu'une fois selon Aron, parce que l'homme ne meurt qu'une fois. Ce n'a point esté vous qui auez fait vostre responce, ou vous estes tres-ignorant, ou iamais vous nel eustes S. Paul. *Quemadmodum statutum est hominibus semel mori &c. sic Christus semel oblitus est.* Si Iesus-Christ n'est mort selon Aron en la croix: 8. Anathemes s'ensuiuent. L'ordre d'Aron n'est aboly. Il faut encore sacrifier des bestes. Les Iuifs sont plus heureux que nous. Ils attendent le Messie. Mahomet vaut mieux que Iesus-Christ. Nous ne sommes rachetez. Nos sacremens ne valent rien. Et nous sommes damnez.

### Heresie 96.

*Que Iesus-Christ ait commandé à ses Apostres de reiterer l'ordre de Melchisedec, ou l'ay-ie pris, &c.*

Je l'ay pris en l'Euangile, *hoc facite*, ie n'ay

dit *repeter* mais *representer* & *con-sacrifier*. Je crains que la rudesse des Tautologies n'offense les oreilles si bien polies des beaux esprits de nostre siecle : L'ordre ne gist en l'immortalité ou mortalité: mais en l'offrâde. L'ordre d'Aron deuoit offrir des bestes: & celuy de Melchisedec du pain & du vin. Je conseille aux Prestres de ne se fascher de ce qu'il les appelle *mal-otrus*, *vituperari ab improbi's, laudari est*: C'est la vaudraye qui se mocque du fourgon. C'est Therfite qui se rid d'Elope. Si ce ditforme Coridon s'estime si gentil, qu'il garde sa beauté, Alexis n'en a que faire.

## Heresie 97.

*Iesus-Christ n'a pas dit qu'il sacrifioit, c'est la glose qui passe le texte.*

A-il iamais dit qu'il alloit faire quelque chose, quand il l'a fait? A-il dit qu'il instituait vn baptesme? A-il dit qu'il faisoit la Cene? qu'il alloit faire vn miracle? qu'il s'en alloit estre transfiguré? au rebours il deffend de le dire, A-il dit qu'il alloit resusciter? Les soldats eussent fait bonne sentinelle: Il n'a point dit qu'il est monté au Ciel. *ergo* il n'y est pas. L'absurdité suit tousiours les parolles de la Banfferie comme l'ombre suit le corps:

elle est vn accident inseparable de ses propos,  
I'ay prouué au traicté de la Messe qu'il sacri-  
fia.

## ¶ Heresie 98.

*Faiçtes cecy, est-ce point à dire mangez, beu-  
uez en memoire de moy.*

### C O N T R E.

Nenny. *Faiçtes cecy* ce n'est pas à dire beu-  
uez & mangez : mais c'est à dire *faiçtes ce que  
ie fay*, sacrifiez, benissez, baillez-le à d'autres  
comme ie vous le baille. Si *faiçtes cecy* c'est à  
dire mangez en memoire de moy. Il faut que  
Iesus le fist en memoire de quel autre. Vn qui  
boit à la fanté de quelqu'vn absent, fait donc  
autant en memoire de son amy, comme le  
huguenot en memoire de Iesus-Christ. Il n'e-  
stoit pas vn yurongne, pour commander à ses  
Apostres, de boire à luy, quand il seroit resus-  
cité. Boire en memoire de quelqu'vn, c'est  
boire à sa fanté, quand il est party. Yurongnez  
tant que vous voudrez en vostre Cene: pour  
nous autres nous sacrifions.

## ¶ Heresie. 99.

Je me veux tirer d'un abysme, ou ie me suis precipité que Iesus-Christ n'a pas sacrifié en la Croix, mais il a esté la victime, & le peché offert pour le peché.

### CONTRE.

C'est la 2. heresie que vous dites que j'ay faicte. Je ne suis point precipité trop bas. J'ay dit que Iesus s'est bien offert & liuré a la Croix : mais il ne s'est pas crucifié, tué & pendu luy-mesme : autrement il seroit homicide de soy-mesme. Il s'est volontairement offert, présenté & liuré à Iudas, aux Juifs, bourreaux & Ministres. Comme homme il a désiré par 3. fois de ne mourir pas : Les Prestres Juifs l'ont crucifié par leurs sentences, & les soldats ont esté les executeurs. *Oblatus est, quia ipse voluit. Is enim poterat mori & non mori.* S. Augustin sermon 37. de tempore dit que *nulla necessitate, sed propria voluntate in ligno se suffēdi permisit, clavis corpus suum perforari non renuit.* S. Paul Heb. 9. dit que se fut le S. Esprit, qui le presenta, *per Spiritum Sanctum semetipsum obtulit.* Il s'est présenté luy-mesme par vn autre. La Banfferie ne sçait pas qu'elle difference il


ya entre, offrir & sacrifier. C'est pourquoy il est tombé dans l'abyfme luy-mefme.

## ¶ Heresie. 100.

*Pour la transubstantiation, il la reiette comme vne doctrine nouvelle, absurde & contraire à toute l'Escriture sens & raison.*

J'ay refuté ces blasphemes au traicté de la Messe, & ay prouué comme ils font contre l'Euangile, les Conciles, les Peres, les Iuifs, le Diable, & toute la science, de ne croire la transubstantiation. Quand il ne peut que respondre, il fait banqueroute, & nous paye d'un nego.

¶ *Fin du 2. Liure.*



LE  
T O M B E A U

DES  
H E R E T I Q U E S,

P A R  
George l'Apostre.

Où les 50. dernieres Heresies du Ministre la  
Banfferie sont refutées.

*A V E C*

*Le Huguenot.*

L I V R E I I I .




A C A E N ,

Par C H A R L E S M A C E ,  
Imprimeur du Roy.

---

1 5 9 9 .



# SOMMAIRE DE CE

qui est contenu au 3. liure.

- Le *Psal. 71.* s'entend de la Messe.  
*Iesus-Christ* a institué le Baptesme.  
 Le *Sacrifice* Net de *Malachie* est l'*Eucharistie*.  
 Le *Pape* ne peut estre l'*Antechrist*.  
 Le *Huguenot* est l'*Antechrist* par la Bible.  
 Le *Huguenot* est l'*Antechrist* par le texte des  
*Peres*.  
 Le *Huguenot* est vray heretique bien prouvé.  
 Le *Huguenot* est Heretique par les *Marques*.  
 Le *Huguenot* en la loy de *Nature*.  
 Le *Huguenot* en la loy *Escrite*.  
 Le *Huguenot* en la loy *Euangelique*.  
 Le *Huguenot* est *Anti-chrestien*.  
 Le *Huguenot* est *Anti-Apostolique*.  
 Le *Huguenot* n'est point *Chrestien*.  
 Le *Huguenot* est pire q̄ les *Iuifs* & *infidelles*.  
 Les *Huguenots* sont perdus.  
 Le *Huguenot* est pire que le *Diable*.  
 Le *Sacrifice* luge de *Daniel* s'entend de la  
*Messe*.  
*Ego sum vitis*, bien interpreté.  
 Il est appellé pain, bien expliqué.  
*Sedet ad Dexteram Dei Patris*, bien solu.



*Le vray sens de Escam spiritualem manduca-*  
*uerunt.*

Caro nihil prodest, spiritus viuificat, *veri-*  
*tablement interpreté.*

L'explication de *Verba quæ dico vobis spiri-*  
*tus & vita sunt.*

*Spirituellement* que c'est.

*Corps en diuers lieux.*

*Corps en diuers lieux selon les Philosophes.*

*Corps en diuers lieux selon les Heretiques.*

*Corps en diuers lieux selon la Bible.*

*Corps en diuers lieux selon les Conciles.*

*Corps en diuers lieux selon les Peres.*


## Preface.

**L** Es bien-sages Entendemens, iouyssans à leur seulet, de leurs pensées les plus coyees & s'entretenans sur la douceur & l'ayse de leurs meditations vrayement stoïques, remarquent que la Discretion est vn abregé & racourcissement du plan de toutes les vertus: De laquelle l'homme estant depourueu, fait toutes ses actions mal à propos. Par le contexte des deux liures passez, il se iuge comme le Predican la Banfferie, orphelin de solide iugement, a mis son honneur au rabais, & a couru au raualllement de sa renommée, de presenter aux yeux du public des choses

si ineptes & grossieres: veu que les plumes des hommes de maintenant sont si delicates, que rien ne doit regarder le iour, qui ne soit vniment poly, & poliment lissé, tant au sens qu'aux parolles. l'ay fait par cy deuant, que le Docte coulant l'ongle sur les rudeffes de ses textes, a touché les raboteures qui y sont, & a resenty les poignantes eschardes d'heresie, qui piquent les ceruelles bien Chrestiennes & purement Catholiques. Il ne reste plus rien en ce troisieme Tombeau, sinon qu'enseuelissant les 50. dernieres Heresies, que de repartir sur ses inconsiderations, & luy faire voir comme il a vieilly iusques icy, en l'ignorance de la verité.

Heresie



 Heresie. 101.

*Il ne se veut arrester à ses paroles, auxquelles i'attribue vne vertu magique, c'est à faire à des enchanteurs.*

## CONTRE.

Voila l'insolente modestie dont il se dit estre orné. I'ay refuté cela au traicté de la Consecration. Pour le moins, il deuoit respecter le sacrement. Il dit que nous attribuons vne vertu magique à ces paroles *Hoc est corpus meum*, cela est conioint avec blasphème: nous y attribuons vne vertu Diuine & non magique. Nous y recognoissons la vertu que Iesus-Christ y a liée. Tous les Sacramens ne se peuuent faire sans parolles: donc vous y attribuez vne vertu magique. Vous attribuez vne vertu magique à ces mots, *Iete conioins au nom du Pere, &c.* Puis que vous liez & soudez si bien vn homme & vne femme, qu'inséparablement, il tient l'vn à l'autre. Ces mots ont bien de la puissance, d'arrester à iamais vne beste si farouche que la femme. Iesus a esté donc vn grand forcier: il a tousiours dit des mots dessus les creatures S. Paul estoit vn grand Magicien qui dit que toute creature est sanctifiée par la parolle de

Dieu. *Omnis creatura sanctificatur per Verbum Dei.*

C'est Sorcellerie & Magie quand on se sert de la sainte Escriture, en autre chose qu'elle n'a esté instituée, & baillée de Iesus-Christ. Tous ceux qui guarissent par billets les hommes & bestes, sont Sorciers & Magiciens. Car la Sainte Escriture n'a esté instituée, pour cet effect. Quand on dirait *Iesus-Christ, Vierge Marie*, & tous les plus beaux mots de la sainte Escriture pour guerir vn Cheual des Auiues, ou vn homme de la fieure, c'est mal fait. Car ces parolles ne sont instituées pour cet effect. C'est la ruse du Diable qui se messe parmy tous ces nombreslà: Il ayme les nombres terminez. C'est bien fait de se seruir des herbes à qui Dieu a donné puissance; C'est bien fait d'inuoquer le nom de Dieu, & le prier qu'il guerisse le mal. Mais quand on lie vne puissance à de certains mots, c'est mal fait: par-ce que la sainte Escriture n'a pas esté baillée pour faire telle chose. Or ces parolles. *Ego baptiso te. Ego coniungo vos. Hoc est corpus meum*, sont instituez pour dire sur les Elemens, & faire les sacremens: Ce n'est donc pas Magie, puis qu'ils sont baillez pour tel effect: Il est permis aux Huguenots de proferer impunément tous les blasphemes qu'ils leur plaist, encor ils sont honnestes & pacifiques

ens. Bon. Mais aux Catholiques il n'est pas possible d'ouurer la bouche, ils sont seditieux. Il faut que l'escrue le dire de Loys vnziésme, qui disoit que son pere luy auoit dit, que de son viuant la verité estoit malade, mais qu'il craignoit que de son regne elle ne fust morte sans confession: D'autant que personne ne se trouuoit qui la voulust confesser. Maintenant le mensonge regne, & crie à pleine teste: Mais il n'est pas permis à la verité de papier, & de monstrier avec le doigt d'equité, ou est son mal.

### Heresie 102.

*Le P'sal. 71. Erit frumentum in capite montium, ne s'entend point de la Cene, il parle du regne de Christ sous la personne de Salomon, & de la prosperité qui deuoit estre de son temps.*

### C O N T R E.

Amenez quelqu'un qui die qu'il ne s'entend pas de la Cene. Il parle de Iesus Christ, sous la personne de Salomon: il est vray, & ce bled signifie le bon temps qui fut sous Salomon. Cela est faux, S'il parle de Iesus, il s'ensuit que ce bled, s'entend aussi de son regne.

*Le Pſalme 71. s'entend de  
l'Eucharistie.*

Je tais tous les Docteurs qui ont interpreté *Deus iudiciū tuum Regi da*, de la venue du Meſſie. Car le Pſalme s'interprete aſſez de luy-meſme. Toutes les 12. circonſtances ſe raportent au Sauueur. Ce Pſalme n'eſt qu'une Anthropopathie de Ieſus-Chriſt. C'eſt le dernier de tous les Pſalmes que Dauid a compoſez: & l'a laiſſé comme pour Teſtament à ſon fils: deſirant que tout ce qu'il ſouhaitte, aduienne: *Fiat, fiat.* "

*Ante ſolem permanet nomen eius*: C'eſt ſon eternité, comme il a toujours eſté. *Ante luciferum genuit e.*

*Descendet ſicut pluuia in vellus.* C'eſt ſa Conception: on ſçait bien qu'il eſt comparé a la pluye & rosée: il eſt la rosée de Gedeon, & la Vierge Marie, eſt la Toiſon. Et en vn autre lieu, *Rorate Cali de ſuper.*

*In diebus eius orietur iuſtitia & abundantia pacis.* C'eſt ſa Natiuité: Et la paix qui fut en ſa naiſſance. La paix eſtoit vniuerſelle ſoubs Auguſte: & pour la 3. fois, le Temple de Ianus fermé.

*Procidit Aethiopes: Reges Tharſis offerant*

*munera.* C'est le iour des Roys, quand il fut adoré par les 3. Mages.

*Iudicium regi da: & puis iudicabit.* C'est son propre estat. Car le Pere luy a donné le iugement. En S. Iean 5. *Pater filio omne iudicium dedit.* Nous croyons qu'il viendra iuger à la fin.

*Dominabitur à mari vsque ad mare.* C'est l'estendue de son Eglise & de la Religion Catholique par tout le monde.

*Animas pauperum saluabit.* C'est son officé. Il est le Sauueur.

*Tota die benedicent ei.* C'est le seruice iournalier qu'on chante en l'Eglise.

*Erit firmamentum ou frumentum in terra.* C'est le sacrifice d'après la Cene, le Sacrement de Pasque. Ceste action est la dernière, comme ce fut la dernière libre de Iesus-Christ. En ce temps du Messie, il y aura vn pain memorable: & prophetise comme il deuoit accomplir le sacrifice de Melchisedec. En l'hebreu il ya *והי פסחא נזכר נזכר* *Erit pugillus Tritici in terra. Erit memorabile Triticum. Erit Placenta. Erit Frumentum. Erit Firmamentum.* Par-ce que ce sacrifice, est le Base, & assure fondement de la Religion. Ou le commun lit *פסחא* *Pisat*: Les autres lient *מִסְפָּחָה* *Mispha*, qui est le vray nom du Deuteronome. Dauid a changé l'*m* en *p*, & au lieu de *Mispha* a dit *פִּסְחָה*: Pour demonstrier le char-

gement de la substance du pain & vin, en la substance de la chair & sang de Iesus-Christ, par ce changement de lettres.

*Humiliabit Calumniatorem.* C'est la Descente aux Enfers: Quand il lia le Calomniateur le diable. *Διαβολος* c'est Calomniateur.

*Et uiuet.* C'est la Resurrection.

*Superextolletur super Libanum.* C'est son Ascension: Tout le reste, ne contient que les louanges qu'on deuoit faire en la Chrestienté: comme son nom sera honoré, & que toute la terre seroit remplie de sa Majesté. Donc ce Psalme s'entend de Iesus-Christ, & du sacrifice de la Messe.

## Heresie 103.

*Par le passage de Dauid, il conclud que le pain doit demeurer en la Cene.*

Il nie que le lieu de Dauid s'entende de la Cene, & par là, il veut prouuer, que le pain y demeure. Il a son dit & dedit. I'ay refuté cela en la *Transubstantiation*. C'est l'erreur des Ymbratiques: de Berangarius: de Zuingle & Melanthon, qui ont empané & exuiné le corps de Iesus-Christ. Plusieurs Conciles ont fulminé contre ceste impieté. Celuy de La-



ran dit. *Iesu-Christi corpus & sanguis in sacramento altaris veraciter continentur, transubstantialis pane in corpus & vino in sanguinem potestate diuina. Et celuy de Rome contre Beranger. Panis & vinum substantialiter cōuertuntur in veram & propriam ac viuificatricem carnem. Le Concile de Constance contre Vuiclef dit le mesme Et celuy de Trente. Si quis dixerit in sacramento Eucharistie remanere substantiam panis, &c. Anathema sit.*

### Heresie 104.

*Ils n'ont point de sacremens outre le Baptesme & la Cene.*

Vous n'en auez point du tout. Il ne vous est point permis d'en administrer aucū Pour le Baptesme, en cas de necessité, on permet à vn chacun de baptiser, *alias non*. Ils disent qu'ils n'ont que deux Sacremens; allegans deux argumens. Le 1. que Iesus n'a dit *Nisi* qu'à deux. *Nisi quis baptisatus fuerit: &* pour la Cene, *Nisi manducaueritis: &* qu'aux autres, il n'a point lié de *Nisi*. Catholiques respondes 2. choses. Que la Penitence donc est sacrement. Car il a dit *Nisi pœnitentiam egeritis*. En 2. lieu: Que les autres sont sacrement, mais non necessaire à tous. Le 2. argument

est que S. Augustin a dit. *Nous auons peu de Sacremens, comme le Baptesme, & l'Eucharistie, &c.* Dites qu'il ne les nomme pas tous. Mais pour exemple il en nomme deux : ce que denote son mot de *Comme*. Les Catholiques en ont sept.

## ✠ Heresie. 105.

*Le Baptesme a esté institué par Iean Baptiste. Car si on en rapportoit l'institution à Iesus-Christ, il n'auroit baptisé qu'après sa resurreccion.*

### C O N T R E.

Il y a 3. Heresies en ce patelinage. Iesus-Christ, n'a institué le baptesme. S. Iean l'a institué : & Iesus n'a baptisé qu'après la resurreccion. Ce qui est tres-faux.

### *Iesus Christ a institué le Baptesme.*

Si S. Iean Baptiste auoit institué le Baptesme 8. inconueniens s'ensuiuroyent. Il auoit autant de puissance que Iesus-Christ. Il auoit institué vn sacrement, & auoit eu plus de puissance que toute l'Eglise, qui n'en peut pas instituer vn. Il auoit fait tort à Iesus-Christ : Car il luy auoit aydé à realiser les

Figures: Il auroit esté son compagnon, & demy-Sauueur. Il auroit perfectionné le Deluge, le Passage de la mer rouge, la Circoncision, la Pilsine Propatique, & tout ce qui a figuré le Baptesme. Le Baptesme ne remettrait les pechez. Il nous faudroit rebaptiser: comme les Apostres rebaptiserent tous ceux qu'il auoit baptesmez, par-ce qu'il n'estoit que Preparatoire: Il ne lauoit que le corps, mais celui de Iesus-Christ l'ame. Il n'auoit pas vne plaine vertu, *plenam non habebat potestatem*, dit S. Cyprian: *Preparabit viam Domino Iohannes lauando exterius corpora.* Iesus en voulut estre baptisé, non qu'il eust du peché, & qu'il luy fust necessaire: Mais pour infonder force & vertu aux eaux.

Par 6. lieux de la Bible, ie prouue que Iesus-Christ a institué le Baptesme: & baptisoit vn chacun luy-mesme au cōmencement. En S. Iean 3. Il institue le Baptesme. *Nisi quis renatus fuerit ex aqua & spiritu-santo.* Au mesme lieu il baptise. *Post hac venit & discipuli, &c. & baptisabat.* Et au 4. *Quia audierunt Pharisai, quod Iesus plures discipulos facit & baptizat quam Iohannes.* En ce mesme lieu, les disciples de S. Iean luy disent que celui-là duquel il auoit si dignement parlé, baptisoit. *Cui testimonium perhibuisti: Ecce hic baptizat, & omnes veniunt ad eum.* Et apres ayant esleu les

Apostres, il ne baptisa plus, mais iceux. *Quantum Iesus non baptisaret, sed discipuli eius.* Et S. Iean dit luy melme: *hic est qui baptizat in Spiritu Sancto.* Voila comme de son viuāt, il institua le Baptesme: il a baptisé, & a baillé la charge à ses disciples: & neantmoins on permet encore à ceste Taupe aueugle de fouir le chāp de l'Eglise & dire que non-a: Apres la resurreccion il a baillé toute sa puisſāce aux Apostres en leur baillant la forme & mots sacramentels. *Ite baptisantes &c. In nomine Patris & Filii & Spiritus Sancti.*

### ❧ Heresie 106.

*Il ne faut que représenter le texte de Malachie, pour voir ouuertement, qu'il ne parle du Sacrifice de la Messe, mais de louange.*

#### C O N T R E.

Le Sacrifice de Melchisedec. Le Sacrifice de Moysse avec les 12. bœufs, & le Sacrifice de Malachie, sont l'Arrest-en-bœuf de mon Predican. Ces 3. points rompirent le Coutre rebouffé de son heresie, & ne s'en retira avec son honneur, lors que nous disputames dans sa salle.

*Le sacrifice Net de Malachie  
est l'Eucharistie.*

Par 20. Docteurs: par 9. circonstances & 2. Conciles, ie prouue que le sacrifice net de Ma-

achie, s'entend du sacrifice de l'Eucharistie. La 1. Circonstance est que Dieu dit, qu'il en-  
 voyera S. Iean Baptiste *Ecce ego mitto Angelum  
 meum & preparabit viam.* Il parle en tous les  
 chapitres de la venue du Melsie. La 2. *Quis  
 poterit cogitare diem aduentus eius?* qui est la nais-  
 sance. La 3. *Statim venit ad Templum,* qui est  
 lors qu'il entra au Temple. La 4. *Purgabit  
 filios Zeui.* qui sont les Chrestiens. La 5. Dieu  
 se complaint qu'on luy offre vn pain polu:  
*offertis super altare meum, panem volutum.* Mais  
 qu'en l'Euangile, on luy en deuoit offrir vn  
*net.* La 6. Ceste oblation munde, se doit offrir  
 par les Gentils à *Gentibus*: elle ne s'entend  
 donc du sacrifice des luifs, ny Corporels, ny  
 Spirituels. La 7. il dit qu'il ne le receura de  
 leurs mains. *Non accipiam de manu vestra.* Il  
 parle donc d'vn sacrifice corporel & materiel,  
 il n'a pas dit *ex ore* ou *ex elemosinis.* Ce qui de-  
 clare assez qu'il entend des prieres ou des  
 louanges. La 8. est *Ab ortu vsque ad occasum,*  
 qui est l'entenduë de la Religion Catholique.  
 David a dit à *Mari vsque ad Mare.* La 9. *Sacri-  
 ficatur & offertur oblatio munda.* Dans ce Pro-  
 phete il y a *Minha & Thymiana.* Si ce sacrifice  
 s'entendoit des louanges, il y seroit deux fois.  
*Minha* signifie *sacrificium farinaceum, oblatio-  
 nem mundam,* & il est appellé *net* à la difference  
 du *polu.* Le *Thymiana & Encens,* est le sacrifice

de louange, qui se fait apres la communion, comme dit S. Chrysostome interpretant ce lieu. *Thymiana purum appellat sacras preces que post Hostiam offeruntur.* La priere, le sacrifice de louange, ny toutes nos œuures ne peuuent estre entendus par *le sacrifice net.* Car les Heretiques, entre autres le sale Kemnitius les nomme d'un nom, que l'honneur deffend de dire. Il dit que toutes nos œuures sont si infectes deuant Dieu, qu'elles sont *vt pannum niēstruat.* Si cet Encens, & ceste oblation nette s'entendoit des prieres, iamais Dauid n'auroit prié nettement: Car il dit, que tous leurs sacrifices, luy puoyent au nez. S. Chrysosto. homelie 49. *operis imper.* dit qu'en la Messe il y a 3. sacrifices. *Offertur laudis in voce: & Sacrificium iustitiæ in operibus: & sacrificium pacis per Eucharistiam.* Sur le Psalme 95. Il faict vnze sortes de sacrifices.

Le 1. *Sacrificium illud salutare.*

Le 2. *Martyrum.*

Le 3. *Deprecationis.*

Le 4. *Iubilationis.*

Le 5. *Iustitiæ.*

Le 6. *Elemosinæ.*

Le 7. *Laudis.*

Le 8. *Compunctionis.*

Le 9. *Humilitatis.*

Le 10. *Prædicationis.*

L' 11. *Fruëctificationis.*

Les 20. Docteurs & Conciles suiuent, qui expliquent ce lieu du sacrement de la Messe. S. Denis en sa Liturgie. S. Martial en son Ep. chap. 3. S. Iustin en 3. endroits. S. Irenée liur.

4. chap. 32. Tertulian contre Marcion, Origene. Le 1. Concile de Nice. S. Cyprian, Eusebe, Basile, Gregoire Nanzian. Chrysofostome. Ambr. Hierosme. Augustin, Epiphane, Cyril. Alex. Le 3. Concile d'Ephese, Theodor & Damascene. Dont en voila seulement 3. textes. Iustin dit. *De nostris Gentium, quæ in omni loco offeruntur sacrificiis, Hoc est pane Eucharistia &c. iam tum locutus Malachias.* Il estoit Pan 180. S. Irenée interpretant *Hoc est corpus meum* dit. *De quo in duodecim Prophetis Malachias sic prefiguravit.* S. Iean Damascene li. 4. chap. 14. de fide escrit. *Est purum & incruentum sacrificium, quod à solis ortu vsque ad occasum Dominus oblatum iri per Prophetas prædixit.* Donc le mēsonge de ce huguenot est contre la Bible, la verité, sens, raison, analogie, circonstances, necessitez, les Conciles & Peres.

## ¶ Heresie. 107.

*Il y a quelque Anguille sous roche, en mes mots: iusques ausquelles bornes la Foy de Iesus-Christ doit paruenir auant que l'Antechrist vienne. Si ie veux prendre garde ie le verray assis sur ceste Babilon à 7. montagnes.*

## C O N T R E.

Il n'y a point d'Anguille soubs mes mots,

si vous y estiez, il y auroit vn gros Bufart. J'ay bien regardé sur la Babylon a 7. mötagnes: sur l'abregé du monde, & sur tout le monde enfermé dans vne ville, Rome, & si ie n'ay veu l'Antechrist. Mais ie l'ay veu sur l'Auerne de Geneue. Il estoit bien besoin que ce serpent vomist son venin sur le Pape & dist qu'il est l'Antechrist: Tout luy est permis, encor est-il tres-honneste homme. Cela est tres-faux.

### *Le Pape ne peut estre l'Antechrist.*

Par 35. Antitheses & repugnances le Pape ne peut estre l'Antechrist. Si le Pape est l'Antechrist: vous voulez reformer l'Eglise de l'Antechrist. Si l'Eglise Romaine est l'Antechrist tous les sainéts sont damnez & martyrs du Diable. S'il est tel, vous admettez les Conciles de l'Antechrist, & ou il a presidé. S'il est l'Antechrist: vous auez receu de luy les Sacremens, l'Escriture, & le Symbole Si le Pape estoit l'Antechrist: il n'y auoit point d'Eglise quand vous estes venus. Il doit abbatre l'Escriture. & luy la soustient. Il doit aymer les heretiques: & le Pape les hait. Il blasphemera la Trinité: & le Pape la louë. Il haira la Croix: & luy l'honore. Il ne doit durer que 3. ans & demy: & il y a seize cens ans



que le Pape regne, Helie & Henoc doiuent venir: & ne sont venus. Il doit extirper l'Empire Romain & le Pape le soustient. Il se fera appeller Dieu: & le Pape *seruus seruorum*. Il viendra de Dan: & nul Pape de là. Il abolira le Dimanche: & le Pape le celebre. Il serz fis au Temple des Iuifs: & le Pape est à Rome. En sa venuë tout sera conuertý: & cela n'est, L'Euangile doit estre presché par tout deuant: & cela n'est encore en toute l'Amérique. Il abolira la Messe, & le Pape la dit. Il ne doit estre qu'un: & eux ont esté plusieurs. S'il est tel: la Religion de l'Antechrist a plus duré que celle de Iesus-Christ. Il doit estre vn homme Diabolique: & le Pape Clement 8. à present feant, est orné d'une beatitude & Saincteté tres-saincte. Si le Pape est l'Antechrist: il a imposé les mains à Luther, Calvin, Beze & les autres & sont Prestres de l'Antechrist: & vous aussi à qui vous dictes qu'ils ont imposé les mains, en ayant encore la puissance: Par-ce que ce sacrement est indeleble. Mais vous ne l'entendez pas, c'est à dire qu'il ne se reitere pas, & est indeleble pour eux, & ne seroyent faire qu'ils ne soyent tels: mais il n'est pas indeleble pour le bailler à d'autres. Tout baptisé n'a la puissance de baptiser: ny tout simple Prestre n'a la puissance d'en faire d'autres, & leur imposer les mains. Il doit estre

le dernier de tous les heretiques, comme Simon Magus fut le premier: Et le Pape n'est pas heretique, & quand il le seroit, il n'est le dernier. Iesus doit le tuer du vent de sa bouche: ce qu'il n'a encore fait à aucun Pape. Il s'oposera du tout à Iesus-Christ, le blasphamera & le Pape le loue. Il aura nom *Arconmai*, il s'appellera *Deffection*, *Dicesion*, *l'homme de perdition*, *Idole*, *Abomination*: & nul Pape n'a eu ce nom. Il doit estre l'homme de peché, vray homme ou Sathan habitera corporellement: Ce qui n'est encore arriué en aucun Pontife Romain. Gog & Magog defferōt tous les Chrestiens deuant: ce qui n'est arriué. Il abatra l'honneur deu aux Saincts: & l'Euvesque Romain les honore. En son nom il y doit auoir le nombre de 666. ce qui ne s'est peu trouuer en aucun Pape, iacoit qu'un vieil rauaudeur huguenot ait esté 3. ans à rechercher sur les Papes: Mais il se trouue en *Martin Luther* par Ostulphe: Auant sa venue un Roy d'Aquillon adorera Mahusin: on n'adore ce Diable en l'Eglise. Il mesprisera l'Antiquité, & la Religion de ses Peres: & le Pape la suit. S'il est l'Antechrist: il a esté incogneu iusques à Vuiclef Anglois l'an 1352. qui le premier a dit que le Pape estoit l'Antechrist. Quand S. Paul dit que l'Antechrist operoit ia iniquité dès son temps: il entend des heretiques

ues & non du Pape, car il n'estoit pas encore: ou bien S Pierre estoit l'Antechrist. Ioint que l'on dit que Neron sera l'Antechrist.

Vous n'estes d'accord quand il a commenté. Les vns le font des Boniface sous Phocas: Cytrenus à S. Gregoire: Bulenger l'an 87. Muscule l'an 1200. apres S. Bernard. Voyons vostre bel argument. Gregoire dit que l'Euesque de Constantinople est l'Antechrist, par ce qu'il se disoit Euesque vniuersel: or Boniface s'appella le i. vniuersel, ergo il est l'Antechrist.

Je respons aux parties. *Qui se dit vniuersel Euesque, est l'Antechrist.* Je nie ceste proposition: car elle n'est ny en la Bible, ny en aucun Docteur. *Qui se dit chef vniuersel de l'Eglise est l'Antechrist:* Or Iesus-Christ estoit chef vniuersel ergo: le vous laisse blasphemer. *Qui se dit chef ne luy appartenant pas) est l'Antechrist:* or il n'appartenoit pas à l'Euesque de Constantinople: ergo il l'estoit. Et au contraire il appartient au Pape: ergo il ne l'est pas. S. Gregoire dit que qui se dit vniuersel Euesque, est l'Antechrist. Ouy ne luy appartenant pas: Car cet Euesque de Constantinople vouloit transferer le siege de l'Eglise à Bithance ou Constantinople, pour l'oster de Rome: comme Constantin y auoit transporté le siege de l'Empire.

Or Boniface est le 1 qui s'appella Euesque vniuersel. Le niel assumption. Il n'est le premier S. Athanase qui estoit 300. ans auparauant S. Chrysostom. Basile, & les autres qui esloyent bien premiers, recognoissent le Pape chef vniuersel, ergo Boniface n'est le premier. Si les heretiques appellent les Papes Antechrists ils ne le sont pas. S. Pierre a bien esté appelé *Satan* & ne l'estoit pourtant. Qui estoit vn presage que ses successeurs entendoient de telles iniures.

L E

## HUGUENOT.

Ceste derniere couuée d'heretiques engendrez, comme vrais Escarbots, du plus puant excrement de Satan: Blasphemant de leur reste, afin de surmonter tous leurs de-uanciers en impieté: tant en leurs escrits, qu'en leur Presche, disent que le chef de l'Eglise le Pape, est l'Antechrist: ne leur restant plus rien pour paruenir au comble d'iniquité. que de dire que Dieu n'est point Dieu. L'Atheiste ne croid rien & les Huguenots croient le moins qu'ils peuuent. Ils ont blasonné la Pasion, & toutes les actions de Iesus-Christ. Prophané la Saincteté des Saincts, Inualidé

leurs merites, Desbauché la pieté : Effronté la modestie : Epicurisé l'abstinēce : Atheisé la Religion : Irrelolu la fermeté de nostre creance : & religieusement honny les Temples. Bref : considerez tout de bien pres , il ne leur reste plus rien que franchir le saut, & dire que Dieu n'est point Dieu. Si leur insolence inuereconde n'auoit passé toute modestie , ie me serois comporté plus reueremment : Mais Dieu qui veut qu'on raualle l'audace des insolens, me fera la grace , que ie leur monstreray avec poincts de la Bible , qu'ils sont l'Antechrist eux-mesmes, & que ce qu'ils cherchent à Rome, est chez eux.

*Le Huguenot est l'Antechrist  
par la Bible.*

Par 14 textes de la Bible, ie prouue que les Huguenots sont les faux Prophetes & Antechrists prophetisez. En S. Iean Epist. 1. chap. 1. Les faux Prophetes doiuent sortir de l'Eglise Catholique : vous en estes sortis, donc vous pestes. *Anti christi multi facti sunt, ex nobis prodierunt, sed non erant ex nobis.* Ils doiuent quitter leur foy premiere, comme vous auez fait. 1. Timoth. chap. 4. *Discedent à fide* : ils doiuent deffendre de se marier, or

dire que le mariage n'est point sacrement, c'est le deffendre, vous l'estes donc. Ils doivent deffendre de ieusner & s'abstenir des viandes, *Prohibemini abstinere à cibis*, dit S. Paul. Or vous deffendez de ieusner, & de s'abstenir de la chair au Vendredy, & autres iours: donc, &c. Ils doivent desobeir à leurs Parens *Parentibus inobedientes* 2. Timo. chap. 3. Or la Banfferie confesse luy-mesme en son liure, que son pere l'a desherité, par ce qu'il luy a desobey: donc, il est le vray Antechrist. Ils doivent estre sans paix *sine pace*: au mesme lieu. Qui a mutiné la paix de l'Eglise? qui a reduit la France en vn Chaos? qui a troublé le Calme & serain de la Religion Chrestienne, sinon eux? Ils sont venus au ec vn Christ empistolé, planter leur Euangi'e. Ces faux Prophetes doivent auoir vne apparence de pieté, & nieront la force & vertu de la pieté. *Habentes quamdam speciem pietatis, virtutem autem eius abnegantes*. 2. Timot. chap. 3. Ce seul poinct prouue que les huguenots sont les vrais faux Prophetes: car ils donnent l'aumosne, & disent qu'on ne peut meriter par bonnes œuures, pourquoy donc donnez-vous l'aumosne? pourquoy priez vous Dieu. Ils doivent resister au chef de l'Eglise dit S. Paul 2. Timoth. chap. 2. Comme les 2. Magiciens de Pharaon lamnes & Mambres resi-

sterent à Moÿse. Ils doiuent introduire des sectes de perdition. *Introducent sectas perditionis*, S. Pierre Epistre 2. chap. 2. ce qu'ont fait les heretiques : ils doiuent se separer eux-mesmes, hors de l'Eglise, & n'ont le S. Esprit avec eux. *Hi sunt qui segregant semetiplos, animales. Spiritum non habentes* Inde. 1. Les huguenots se sont separez, *ergo* ils sont les faux Prophetes : ils doiuent abatre la Messe & sacrifice ordinaire. *Deficiet hostia : auferent iuge sacrificium*. Daniel 12. Ces faux Euangelistes doiuent dire qu'ils preschent au nom de Dieu, & que Dieu est avec eux . comme ils ont fait : *Multi venient in nomine meo dicentes, quia ego sum, & multos seducunt*. Mais il ne les faut pas croire. Toute nouveauté est odieuse en matiere de Religion. Le vieux vin : les vieux amis : & la vieille Religion est toujours la meilleure. Ils viendront de nouveau : Ils ne valent donc rien : car si vn Ange venoit, disant autre chose que ce que nous croyons auparavant, Iesus-Christ nous deffend de le croire. Ils doiuent precher la doctrine de Balam, qu'il faut qu'vn chacun soit marié, qu'il faut faire grand' chere, qu'il ne faut point ieusner. Apocalipse 2. Ce qu'ont fait les huguenots. En l'Apocalipse mesme chap. 13. Tous ceux qui adoreront l'Antechrist, doiuent admirer la beste & dire qu'il n'y en a pas vn tel. *Quis*

*similis bestia.* Ainsi le huguenot adorant l'Antechrist Calvin, l'a admiré & dit qu'il n'y en auoit pas de plus habile que luy : ô le grand homme ! *Quis similis Bestia.* Les huguenots donc sont les faux Prophetes & l'Antechrist remarqué en la Bible.

*Le Huguenot est l'Antechrist  
par le texte des Peres.*

Daniel dit que deuant la venuë de l'Antechrist viendra vn Roy ou Prestre d'Aquilon qui adorera le faux Mausin ou Maosin : ce Prestre est Luther. Le faux Prestre de ce faux Dieu, negligera le Dieu de ses Peres & se leuera contre toute la Milice celeste: comme a fait Calvin. On adorera ce Mahusin en cachette : ainsi les huguenots sont venus preschant en cachette de nuict dans les Caves, *qui male agit odit lucem.* Ils ne voyoient leur Ministre que de nuict : qui fichoit son epee en terre dans vn iardin, & le pommeau luy seruant de chaire, preschoit. Il doit abatre la Messe : *Liturgia extinguetur*, dit S. Hipolite en son oraison du iugement. Il defendra de faire le signe de la croix au front. *Ne quis dextera sua pretiosam illam crucem pinguat in fronte*, dit le mesme saint Hipolite. S.



Ignace dit que celuy là est l'Antechrist qui a honte de la Croix. Il se iettera sur Rome : il abatra toutes les Eglises. *Locis omnib<sup>9</sup> euerfiones fient Ecclesiarum.* Hip. Il fera des estables des Temples de Dieu, *Templa diuina domorum instar erunt.* Les huguenots ont fait tout cela. Ils sont par consequent les Antechrists & faux Prophetes. Au commencement il faindra vne feinte bonté dit S. Damascene *Orto.* liur. 4. cha. 27. *In exortio tyrannidis sua simulabit bonitatem.* Et saint Paul a dit *hibentes speciem pietatis* Au commencement ils estoient les plus gens de bien du monde, ils ne iuroyent point : ils n'estoyent vsuriers : ils ne paillardoyent : ils ne desroboyent point : Mais cela ne dura que 3. mois, comme se mocque de la Nouë, meime en ses Discours Militaires. Le Masque est descouuert, & leur feinte bonté cogneue. Les faux Prophetes doiuent venir vestus de peaux de brebis. *In v-<sup>st</sup>ibus ouium.* C'est pourquoy il ne faut iuger le huguenot estre homme de bien, pour ce qu'il donne l'aumosne : cite la sainte Escriture (le diable la cite bien.) & fait de bonnes ceures. Car s'il n'auoit quelque apparence de bonté, on ne le suiuroit pas. L'aumosne du huguenot est le manteau qui couure le Loup de la toison de brebis. Dont Origene dit vn beau trait, homel, 7. sur Ezechiel Que les bon-

nes œuures de l'heretique seruent d'apast, par lequel le diable fait engloutir l'ameçon d'Erreur, & sont la peau de brebis qui couure leurs loups. La beste & l'Antechrist doit auoir vne recapitulation, & ramas de toutes les heresies passees, afin que tout cela soit bruslé avec la Beste, comme dit le françois S. Irenée liur. 5 chap. 29. Doctes remarquez ce passage. *In bestia veniente recapitulatio fiet vniuersa impietatis & doli, ut in ea confluent & confusa vniuersa vis Apostatica, in caminum mitatur ignis.* Or leur *Caluino-mantie* est vn Rapé de toutes les plus aigres, puantes & infectes fonderilles d'heresie qui furent iamais: C'est pourquoy ils sont le vray Antechrist & cloaque de toutes les heresies passees: ils ont pris plaisir de renouueller tout ce que leurs deuäciers auoyent blasphemé.

*Les Huguenots sont heretiques  
bien prouuez.*

Il n'y a rien qui fasche plus les huguenots, que quand on leur dit qu'ils sont heretiques: & ne veulent passer ce point. C'est pourquoy il faut prouuer comme ils sont les plus abominables qui furent iamais: Afin que ceux qui iulques icy ont esté endormis en la

Letargie d'erreur, le recueillent & courent au port, pour s'embarquer dans la nef de l'Eglise, afin de passer ceste mer mondaine, & paruenir aux terres de la vie eternelle. Pour l'amitié que ie leur porte, ieusse bien voulu me desister de cecy. *Amicus Plato, sed magis amica veritas.* Si ie ne dy la verité Iesus Christ dit que les pierres l'a diront. Les huguenots ne disent, & ne font rien que tous les heretiques n'ayent dit & fait: Qui tient tout ce que les heretiques ont tenu & pour cela condamnez, est heretique: or les huguenots tiennent tout ce que les heretiques ont tenu de tout temps: *ergo* ils sont vrais heretiques. le prouue l'assumption, par le Cathalogue de tous les heretiques, qui ont dit ce que vous tenez.

## LA LITANIE HV C V E N O T E.

Cain nyoit la prouidence, dit le Targum & le merite des bonnes œuures. *vous aussi.*

Les Epicuriens renioient la prouidence diuine: & en vostre 1. Psalme. *vous aussi.*

Les Platoniciens aduouoyent la pluralité de femmes: Beze & Ochim Calvinistes *aussi.*

Les Samaritains fuyoient les Temples. *vous aussi.*

Les Saduceans reiettoient vne partie de

l'Escriture.

*vous aussi.*

Les Scribes & Pharisiens déprauoyent la Bible.

*vous aussi.*

Les Capharnaïtes ne peurent croire, que sous le pain Iesus-Christ baillast sa chair.

*vous aussi.*

Simon Magus, faisoit Dieu autheur de péché: nyoit le Mariage estre Sacrement: nyoit le Liberal Arbitre: faisoit la guerre à saint Pierre.

*vous aussi.*

Les Sacritaires l'an 108. dit S. Ignace, nioient le corps de Iesus-Christ estre en l'Eucharistie.

*vous aussi.*

Les Meandrins dit S. Ignacé disoyent que l'Eucharistie n'estoit point sacrifice: que la chair de Iesus Christ n'y estoit pas.

*vous aussi.*

Les Gnostiques se disoyēt seuls sçauans: accusoyēt tous les Peres d'ignorance.

*vous aussi.*

Les Archontians (disent Epiphane & Theodoret) se mocquoyent du Sacrifice de la Messe.

*vous aussi.*

Les Encratites s'appelloyent les Puritains: ils disoyent que le Mariage n'estoit point Sacrement.

*vous aussi.*

Les Montanistes se vantoient qu'il n'y auoit que sur leur Secte, que le S. Esprit estoit descendu: ils nyoient la confession: le Sacrement de Penitence.

*vous aussi.*

Les Anti-Eucharistes se mocquoyent de

l'Eucharistie qu'elle n'estoit oblation : que la chair de Iesus-Christ n'y estoit pas. *vous aussi.*

Les Carpotians (dit Clement Alex.) apeloient le Sacrement, Cene. *vous aussi.*

Les Apostoliques se disoyent reformez à la façon des Apostres. *vous aussi.*

Les Melchitedecians (dit Epiphane) nioyēt le sacrifice de Melchisedec. *vous aussi.*

Les Nouatiens disoyent que l'Eglise n'auoit la puissance de remettre les pechez, dit S. Ambroise : nioyent la confession : reiettoient le Sacrement de Confirmation, dit Theodoret : nioyent la superiorité en l'Eglise : que les Apostres estoient esgaux : que saint Pierre n'estoit le chef. *vous aussi.*

Les Cathariens reiettoient le Sacrement de Penitence : nyoient le Purgatoire : disoyent que les Prestres deuoient estre mariez.

*vous aussi.*

Les Manicheens se moquoyent de la virginité disant *Nulla quoque virgo est* : nyoient le Mariage estre Sacrement : ne destruisoyent que les biens de l'Eglise allans à la guerre : nous reprochoyent que nous sacrifions aux saints. abatoient les Images : nyoient le franc Arbitre : disoyent qu'il n'y auoit point d'autre sacrifice que celuy de louange : se moquoyent de ce qu'on celebroit la memoire des Martyrs : qu'on diroit la Messe sur leurs

tombeaux, Nous appelloyent Idolatres: (il seroit trop ennuyeux de mettre les auteurs qui le disent) ils se mocquoyent de l'honneur qu'on portoit aux Saints: qu'ils ne prioient point pour nous. Iettoient leurs reliques comme abominables: ils disoyent que l'Eucharistie n'estoit qu'une figure (dit le 2. Concile de Nice,) que ce n'estoit le corps de Iesus-Christ. *vous aussi.*

Les Marcionistes jettoient les reliques des Saints: reiettoient la plus grand part des escriptures: Iniurioient les Prophetes & Apostres, disant qu'ils auoyent failly. *vous aussi.*

Les Donatistes se vantoyent qu'ils estoient la vraye Eglise: que tout le monde auoit apostatisé excepté eux: Rompoient les Autels: mesprisoyent le Chresme: disoyent qu'il n'y auoit que les bons en l'Eglise: brisoient les ornements & Calices: faisoient mourir les Chrestiens qui disoyent la Messe: jettoient le corps de Iesus Christ aux chiens: piloyent la sainte Hostie aux pieds: faisoient manger leurs cheuaux sur l'autel. *vous aussi.*

Les Arriens nioient la priere pour les trespassés: ne vouloyent de traditions: faisoient les Euesques & Prestres esgaux: deffendoient de prier pour les morts: abstoient les autels & croix: haïssoient les Moynes comme la peste: ne vouloyent rien que le vicil & nou-

veau Testament.

*vous aussi.*

Les Anthropomorphites nous appelloyent *mangeurs d'homme*, de ce que nous mangeons la chair de Iesus-Christ : nous appelloyent bourreaux ordinaires de Iesus-Christ de sacrifier.

*vous aussi.*

Les Eustachians mesprisoyent les saints lieux des Martyrs.

*vous aussi.*

Les Benedictins nyoient la Benediction & Consecration sur le pain, disant que c'estoit magie.

*vous aussi.*

Aërius l'an 350. se fist Arrien, puis vne secte à part pour auoir esté refusé d'vn Euesché à Rome (disent S. Augustin, & Damascene,) il nyoit les prieres pour les trespassez : il se mocquoit du ieusne, du Vendredy & Samedy : qu'il falloit mâger de la chair en tout temps : qu'il n'y auoit difference entre la chair & le poisson : qu'il faisoit bon ieusner, mais non en temps limité comme les Catholiques. Il planta la huguenote liberté de conscience, il ne mettoit de difference entre l'Euesque & le Prestre.

*vous aussi.*

Iouinian se mocquoit du Celibat : auroit la virginité au Mariage : se mocquoit du vœu de Religion : se gaboit des Moynes : detestoit l'abstinence de chair au Vendredy, Samedy & Carême : ne mettoit difference entre ieulner & manger : disoit que ce qui entroit par la

bouche ne fouilloit point l'ame : nioit les di-  
 uerses Mansions de gloire au Ciel: disoit que  
 chacun deuoit estre marié: Marioit les Pre-  
 stres. que le ieusne ne profitoit. Il se van-  
 toit que son Grec & son Hebreu auoit descouuert  
 le pot aux roses : que ieusner estoit deffrau-  
 der son corps : que c estoit cruauté que de se  
 fouëter & affliger: que le ieusne & la Virgini-  
 té ne profitoit rien : que Iesus auoit ieusné  
 pour nous: que nous estions tous Prestres:  
 En outre il nioit le merite des bonnes œu-  
 res : que Iesus auoit satisfait à tout cela  
 pour nous: que le ventre de la Vierge s'ou-  
 urit quand Iesus nasquit, puis se referma:  
 qu'vn corps ne pouuoit penetrer vn autre:  
 qu'vn corps ne pouuoit estre en diuers lieux:  
 que chacun deuoit viure à sa liberté de con-  
 science.

*vous aussi.*

Les Euchites disoyent qu'il ne falloit que  
 prier : vantoient seulement le sang de Iesus-  
 Christ : mettoient à val l'eau les bonnes  
 œures.

*vous aussi.*

Les Hagio-maches nyoient la priere des  
 Saints : disoyent qu'ils n'auoyent pas les au-  
 reilles si longues, pour ouir nos prieres.

*vous aussi.*

Vigilantius i. herctique François ne faisoit  
 de Prestres s'ils n'estoyent mariez : se moc-  
 quoit des reliques: des Cierges allumez en



l'Eglise: que les morts ne peuuent ayder les viuans: il disoit que les Saincts ne iouyſſoient de la felicité qu'apres la resurrection dit S. Augustin. Calvin mesme pour oster l'intercession, l'a dit. Il brusloit les reliques des Saincts: deffendoit de leur porter honneur: il fuyoit la compagnie des Catholiques.

*vous aussi.*

Pelagius admettoit la Predestination: em-  
prisonnoit le liberal arbitre: qu'il falloit com-  
munier les laics sous les deux especes.

*vous aussi.*

Les Armeniens ne mettoyent point d'eau  
parmy le vin de leur Cene. *vous aussi.*

Les Predestinez ostoyent le franc Arbitre:  
& mettoyent la predestination. *vous aussi.*

Les Nestoriens disoyent que l'Eucharistie  
n'estoit telle qu'en vsage: n'en gardoyent  
point: n'oyent la Consécration. *vous aussi.*

Philoxene Perſien l'an 500. abatoit les Ima-  
ges. *vous aussi.*

Mahomet l'an 600. deffendoit les Ima-  
ges mist son Alcoran en vulgaire: disoit que  
chacun deuoit prier en langage commun  
pour l'entendre: il abolit les festes des saints:  
il ne recognoissoit luge de sa doctrine que  
ceux de sa secte: ne vouloit de luge que la  
Bible. *vous aussi.*

Les Iconomaches l'an 719. rompoyent

les images : ils disoyent que la Cene n'est qu'un signe & figure. *vous aussi.*

Les Arraboniens disoyent que la Cene n'est qu'un Arie & gage du corps de Iesus-Christ. *vous aussi.*

Les Nuçtagiens reiettoient les Matines & prieres que les Religions disent à minuiçt. *vous aussi.*

Les Porphiriens se mocquoyent des miracles : & dioyent qu'ils n'estoyent tenus d'en faire. *vous aussi.*

Les Andianiens disoyent que la Penitence & confesion n'est pas Sacrement. *vous aussi.*

Les Petroniens preschoyent bien souuent, & ne faisoient leur Cene que 4. fois l'an.

*vous aussi.*

Les Valdentes l'an 1160. se mocquoyent du Cresme au Baptesme : de la benediction : des heures & Matines : des prieres des Saints. du Carefme : ils nyoient le Purgatoire : ils disoyent que l'extreme Vnction n'estoit point Sacrement : se mocquoyent des prieres pour les morts dit Lindan : ils nyoient la puissance du Pape : se mocquoyent des indulgences & pardons : disoyent que la Confirmation n'estoit point Sacrement. Ils blasphemoyent que le Diable a inuenté les Moynes : que le Prestre estoit aussi grand que l'Euesque.

*vous aussi.*

Les Alcodruptes di'oyent que l'Eucharistie n'est que la memoire de la Passion.

*vous aussi.*

Bertamus François, du temps de Loys le Gros, di'oit que l'Eucharistie n'estoit qu'une memoire.

*vous aussi.*

Les Henriciens du temps de S. Bernard reiettoient le sacrifice pour les trespassez: ils nioient le Purgatoire.

*vous aussi.*

Les Eutichiens di'oyent que le corps de Iesus-Christ ne pouuoit estre en diuers lieux.

*vous aussi.*

Les Iacobelins di'oyent que les laics deuoient communier sous les deux especes.

*vous aussi.*

Les Catabaptistes di'oyent qu'il ne falloit baptiser les petits enfans iusques à ce qu'ils fussent grands.

*vous aussi.*

Les Gaudeniens di'oyent que l'ordre de Prestre n'estoit pas sacrement.

*vous aussi.*

Berengarius di'oit qu'il n'y auoit que du pain en la Cene: il nyoit la reale presence: il alleguoit, *verba que dico vobis spiritus & vita sunt: Caro nihil prodest spiritus vivificat* Il di'oit que le corps n'y estoit que par foy & spirituellement: que si le corps y estoit qu'il tomberoit dans les Latrines: que les chiens & souris le mangeroyent: qu'il seroit brulé & pilé aux pieds: que ce n'est qu'un signe &

memoire.

*vous aussi.*

Les Albigeois disoyent que l'extreme Vnction n'est point Sacrement : qu'on ne peut aider aux morts : ils nioyent le Purgatoire : qu'il faisoit aussi bon prier en sa chambre qu'en l'Eglise : ils blasphemoyent qu'il n'y auoit point dauantage en la sainte Hostie qu'en vn autre pain : iettoyent le Crucifix de l'Eglise & le traismoient par la ville. *vous aussi.*

Les Flagellans nioyent l'extreme Vnction

*vous aussi.*

Erasme nioyt la confession il Luteranisoit

*vous aussi.*

Vuiclef enpanoit & enuinoit le corps de Iesus-Christ.

*vous aussi.*

Luther, avec ses compagnons Alemans, a resuscité d'Enfer cccciiii. heresies. Il a mensongé tout ce que vous blasphemez excepté la Transubstantiation. Il se mocquoit des Pelerinages. que Iesus ne se soucioit en non plus de son Sepulchre, que de celuy d'vn beuf : que c'estoit ieu de Charlata que d'en chasser du bois de la croix : Il ne haïssoit rien plus, que les festes de la Vierge : que nous sommes aussi saints qu'elle : que son ventre s'ouurit quand elle enfanta : que la Messe ne valoit rien : que la seule foy iustificoit, & nō les merites. &c. Qu'il n'eust pas donné vne nois vereulé du merite de S. Pierre & S. Paul :

que les Saincts estoient les Saincts du diable.

*vous aussi.*

Zuingle disoit que Iesus n'aparut personnellement à S. Paul : qu'il ne falloit imiter les Saints : que les miracles ne seruoient de rien à la foy : que la Cene n'estoit qu'une figure : que le corps de Iesus-Christ ne pouuoit estre en diuers lieux, &c.

*vous aussi.*

Butzer disoit que nostre Seigneur ne resuscita pas le tombeau fermé : qu'il n'entra les portes closes : qu'il n'y auoit que les Predestinez en l'Eglise, que les meschans en estoient hors.

*vous aussi.*

Caluin comme vne meschante Araignée a couru par dessus toutes ses heresies passées & de chaque en a succé le venin le plus pernicieux : & en composant vne *Venenade* en a embouçonné la Chrestienté.

*vous aussi.*

Ce discours prouues choses. La premiere, que vous estes heretiques, puis que vous tenez obstinément tout ce que les heretiques qui furent iamaïs ont opiniastré. Vous confessez vous mesme que les Encratistes, Montanistes, Nouatiens, Manichiens, Donatistes, Arriens, Aëriens, Iouinians, Vigilantins, & les autres estoient heretiques, & vous soustenez ce qu'ils soustenoient, vous estes donc heretiques & n'en faut plus douter. Il faut que vous le confessiez mal gré voz dents.

La 2. que vous estes la vraye beste & l'Antechrist, qui a la recapitulation de toutes les heresies, & qui auez fait vn ramas de toute l'Apostasie des heretiques passez, comme a dit S. Irenée.

La 3. est qu'il ne faut plus de Conciles, puis que vous n'amenez point d'heresies nouvelles; vous ne dites rien de nouveau. On ne tient vn Concile que pour vne heresie nouvelle: or tout ce que vous dites, a esté dit par les autres Apostats; & on a tenu des Conciles contre eux, ou leurs heresies-voitres, sont refutees il n'en faut donc.

En 4. lieu ce discours prouue, que vostre heresie est vn Ramas, de tout l'ancien mensonge: Vn Refricassement de toutes les heresies: L'estable immonde d'Augias: vn Pot pourry d'abus: Vn esgout de tout scandale: Vne Rapsodie de blasphemes: Vne Sentine & clouaque de puanteurs: vn Rapé de toutes les aigres fondrilles d'Anatheme: vn Salmy gon dis de toute Apostasie: vn Magasin de toutes impuritez. vn Epitome de toute erreur: bref, vn Abregé & racourcissement de toute impieté: *Recapitulatio vniuersæ impietatis & doli*, si bien qu'il vaudroit mieux estre Turc, que d'estre huguenot.

Pour le 5. Ceux-là faillent ignoramment qui vous appellent *ceux de la nouvelle opinion*:

veu que ce que vous dites est tres-ancien, & auez reueillé toutes les vieilles refueries des heretiques: vostre opinion est fort antique.

Pour le 6. Ceux-là faillent lourdement, qui disent que Ca'uin estoit vn sçauant homme, & qu'il a bien empesché des gens. Au contraire c'estoit le plus ignorant du monde, il n'a rien fait que par despit du Pape: & n'a rien dit de nouveau: il n'y a rien de son creu, en tout ce qu'il dit, que ces mots. Tous les heretiques passez, auoyent dit ce qu'il a e'crit: il a fripé tout cela dans leurs liures mot à mot, & a pris leurs mesmes textes: leurs mesmes heresies, & puis a semé ceste zizanie dans le champ de l'Eglise. Six heresies ont nié le liberal Arbitre. Sept ont dit que le mariage n'est Sacrement. Cinq ont soustenu que l'Eucharistie n'est qu'un signe & memoire: Deux ont dit que ce n'est qu'un gage & arre, & ainsi des autres: or ces heretiques ont fait ce qu'ils ont peu pour prouuer leur erreur, & y ont fort trauaillé. Calvin voyant ces heresies dans leurs liures, & leurs preuues, les a trouuez toutes maschees & n'a fait que les aualer: il n'y a donc rien du sien, & n'a empesché personne, car tout cela est refuté, passé long temps.

En 7. lieu: Ce discours prouue, que l'Eglise ne tient rien qu'on n'ait tousiours creu.

La verité est premiere que le mensonge: Quand Simon Magus a dit le premier que le Mariage n'est point Sacrement, & qu'il n'y auoit point de franc Arbitre: il faut bien qu'on creud le contraire du temps des Apostres. Quand les Archontiens ont dit les premiers l'an 160. que l'Eucharistie n'estoit sacrifice: il s'en suit qu'on croyoit le contraire au parauant. Quand les Nouatiens ont dit les premiers l'an 255. que les prestres n'auoyent la puissance de remettre les pechez: il faut bien que l'on creud le contraire en l'Eglise: car l'heresie s'esleue tousiours contre ce qu'on croid. Quand Vigilantius a dit le premier l'an. 402. qu'il ne falloit point ieusner le Carisme: il s'en suit que depuis Iesus Christ, iusques à luy, on l'auoit ieusné. Ainsi des autres.

Pour le dernier. L'Eglise Catholique, Apostolique, & Romaine est la vraye Eglise, selon Gamaliel. Actes 5. & de Dieu, puis quelle est demeurée. La faulse plante d'heresie dure pour quelque temps: mais en fin elle meurt. Il y a eu 600. heretiques depuis Iesus Christ, & presque autant d'heresies: ou en est vne de toutes celles la qui dure encore? elles sont toutes faillies: c'est la derniere que la caluino folie, & se passera comme les autres, ses rides aparoiſſent desia. La vraye verge



Romaine a deuoré toutes les faulſes verges des magiciens du diable. Le nom de tous les heretiques s'est eſuanouy avec le ſon. L'oubly les a deuorez par ce que s'eſtoit vn œuure des hommes. *Memoria eorum perit cum ſonitu: quia conſilium & opus ex hominibus erat.* On a tenu de tout temps ce que noſtre creance embrasse. Et encor que pluſieurs heresies ſe ſoyent leuees contre, touteſois ceſte ſaincte creance eſt demeurée de fil en fil: nō entre-coupée de 2. ou 3. cēs ans: comme celle des heretiques, qui ne croyent iamais ce que leurs deuanciers croyoient. Mais de pere en fils noſtre foy a eſté prouignée dans le vignoble de l'Egliſe: & par ce que *ex Deo eſt nō poteritis diſſoluere.*

*Le Huguenot eſt heretique par les  
Marques.*

Celuy-la eſt heretique qui ſe ſepare de l'Egliſe: vous en eſtes ſeparez. Tout heretique (dit le 2. de Nice) hait les Traditions: vous les haiſſez. Luther appelle les Sacramentaires heretiques, & vous beſtes. L'heretique accuſe les Peres d'ignorance (dit S. Bernard) vous les en accuſez. Tout heretique prefere ſon opinion à l'antiquité: ce que vous faiſtes.

L'heretique mesdit tousiours : & c'est vostre vertu. Tout heretique mesprise le chef de l'Eglise (disoit S. Cyp. & S. Augustin) vous vous en gabez. Tout heretique decapite l'Eglise : & vous luy coupez la teste. Tout heretique dit qu'il n'est besoin de miracles pour confirmer la doctrine : & c'est vostre Aiyllie. L'heretique dit qu'il est enuoyé extraordinairement de Dieu : c'est vostre vanterie. Il s'ordine & enuoye luy mesme (dit saint Cyp.) ce que vous faites. Tout heretique (dit S. Augustin contre Pelagius) appelle les Catholiques heretiques, quand on luy appelle : & c'est vostre responce. Tout heretique a commencé à prescher de nuist en cachette : vous de mesme. Tout huguenot se moque de la simplicité des Prestres, dit Innocent 3. en ses Epistres, *simpli itatem sacerdotum illudunt*, & là est vostre perfection. Tout heretique (dit S. Augustin) conuaincu par la sainte Escriure dit qu'elle est falsifiée, ou mal entenduë : & c'est vostre eschapatoire. Nul heretique ne peut rendre raison de sa chaire & montrer ses successeurs : & là vous demeurez courts Il veut tousiours disputer, & ne croid que ce qu'il tient en cela vous estes maistres : Il deffend avec obstination son opinion (dit S. Augustin chap. 10. du 9. de la Cité : ) en cela vous estes heretiques. Iamais 2. hereti-

ques ne sont d'accord: en vostre Secte autant de testes, autant de voix. Tout heretique fuit les Catholiques (dit S. Hilaire: ) & vous les estimez diables. Tout heretique hait la chasteté & ayme la paillardie Ils haïssent la virginité & la Vierge, dit S Hierolme & Tertulian. *Difficile est heresim inueniri qui diligit castitatem.* Je crains qu'il n'aduienne aux desfroquez comme à Montanus, qui fut estranglé par ses deux putains Priscille & Maxilla: ou comme à Luther qui fut estranglé dans son liçt par sa Nonnain qu'il auoit des-bauchée. Dieux huguenots destournez de dessus la Banfferie, l'infortune d'un vieil Ministre Allemand, à qui vn ieune des-bauché la ieune Demoyelle qu'il auoit espousee. Il est vray que nous ne sommes à Sparte, il n'est permis de prendre la ieune femme des vieillards & leur engendrèr des enfans à la moitié: *Anima mea odit hunc morem.* Tout heretique a dit que l'Eglise Catholique est pleine d'heresies: & c'est vostre bouclier. Il defend son Euangile avec la paillardie dit Tertulian. *Euangelium in libidine defendunt,* & c'est vostre gloire. Tout heretique se vante de son petit troupeau. Il appelle pour oprobre les Catholiques *Romains* (dit Gregoire de Tours) en cela vous brauez. Il crie tousiours contre les Prelats: & c'est ordinairement toute vo-

stre vie. Il dit que Dieu ne requiert que la foy, & que c'est assez : c'est vostre bouleuart. Tout heretique hait le Pape : & vous l'aimez fort. Il hait tousiours les moines : & ce sont vos Alcions & mignons. L'heretique ne croid le Purgatoire : & vous en estes idolatres. Tout heretique dit qu'il est enuoyé de Dieu : & c'est vostre Exorde Il est cupide de nouveauté, *heresis rerum nouarum cupida*. La est vostre Antiquité. Toute Secte qui prend son nom d'un hōme, est heretique : vous appelez Lutheriens, Caluinistes & Gautiers. Vous estes donc heretiques par les Marques.

### *Le Huguenot en la Loy de Nature.*

Par-ce que j'ay dit, que l'heretique ne peut monstrier sa succession : ie la vay monstrier, pour le releuer de peine : L'heresie est si ancienne qu'elle se pourroit monstrier en l'Avant-monde. Le 1. huguenot fut Lucifer, qui avant la creation de ce tout, & que Rien, fut fait quelque chose, se fist Anti Dieu, & faisant vne secte à part en son resort, planta le puiot de sa chaire au centre des abysses. Et sa premiere Action fut de seduire les Anges & plus parfaits : C'est ce qui est denoté par le Dragon en l'Apocalipse qui de sa queuë arrache les plus belles estoilles de l'Eglise, les

gavans. Il ne faut admirer, si plusieurs des plus Doctes se sont faits heretiques, & ont esté abusez par le diable. A cela 3. responces Lucifer ne fist tres bucher que les plus parfaicts. Le Dragon, n'arracha que les estoilles les plus claires: En S. Math. 25. Iesus dit que les huguenots deuoyent seduire mesme les esleuz. *Ita vt in errorem inducantur (si fieri potest) etiam electi.*

Dés qu'il y eut vne Eglise, l'heresie fut: *statim atque Deus coli cœpit inuidias sortita est Religio*, dit Tertulian: Ce pendant que l'Eglise sera il y aura des heresies. *Oportet & hereses esse* 1. Cor. chap. 11. Durant qu'il y aura vne mer, il y aura des vagues: ce pendant que le corps sera, il y aura vne ombre. Tant que la religiõ Catholique sera, il y aura des heresies auprès. Io. Stadius, sur l'an 1601. qui sera dans trois ans predit de grandes heresies, & qu'un nouveau Fauxprophete viẽdra. *Hereses nouæ existent: Nonsque falsus Propheta insurget. Decernit magnas strages personis religiosis.* Dieu vueille qu'il se soit trompé.

Le 1. huguenot fut Cain qui tua Abel.

Le 2. Lamec qui espousa 2. femmes & diuisa l'vnité de l'Eglise.

Les Geans furent les 3. heretiques.

Tous ceux qui n'entrèrent en l'Arche & perirent, estoient huguenots: ils perirent, ex-

*tra arcam Ecclesiam non est salus.*

Cham apres le deluge, qui se mocqua de son pere, estoit le Patriarche des heretiques qui se moquent de tous les Peres, disant qu'ils estoient ignorans. Entre ces 8. il y en auoit vne ame huguenote.

Ceux de Babel estoient la figure des heretiques: Qui comme ils eurent vne confusion de langue: Ainsi ils ont vne confusion de creance. Il se trouue 400. opinions des heretiques sur *Hoc est corpus meum*. Dieu a confondu leurs leures.

Esau qui se batoit contre Iacob, estoit ja l'heretique qui faisoit la guerre a l'Eglise Iacob Israel. Voila les heretiques en la loy de Nature.

### *Le Huguenoten la loy Escrite.*

Dés que l'Eglise fut plantée en AEgypte, il y eut des huguenots. Iamnes & Mambres resisterent à Moysse & furent les premiers heretiques dit S. Paul parlant des faux-Prophetes. Tous ceux qui moururent au desert: Tous ceux qui adorerent le Veau d'or: Core & Dathan qui s'opposent au chef Moysse: Nabab & Abiut qui prindrent le feu estranger: Tous ceux qui affligerent les Enfans d'Israël: Tous les faux-Prophetes de Baal,

estoyent les Pseudo-Apostres & Ministres des huguenots.

### *Le Huguenot en la loy Evangelique.*

En tout le temps des 2. premieres loix, il n'y a eu que 20. heretiques: Mais en l'Euangelique, il y en a eu 600. Par ce que le diable voyant les hommes rachetez, n'a point trouué d'autre moyen pour les damner, que les heresies: dit S. Cyprïan en son liur de l'vnité. *Cum videret inimicus idola derelicta, templa sua deserta, excogitavit nouas fraudes Hereses inuenit, & schismata quibus fidem subuerteret.* J'ay prouué la succession des huguenots en la loy de Grace. Si le Calviniste dit qu'il y en a eu tousiours de son opinion. Il est vray, mais il y a de grandes bresches entre deux: & n'ont iamais continué en creance. Iamais nul heretique n'a creu, ce que son deuancier tenoit: il a fait vne loy à sa poste. Iouinian disoit qu'il falloit tousiours manger de la chair: Et les Encratistes, Prisciliens, & Manichiens disoyent qu'il n'en falloit point manger. Infinis autres disoyent que tous les Prestres deuoient estre mariez. Les autres ont dit que les nopces ne valoyent rien. Ioint que ç'ont esté des hommes particuliers qui ont tenu cela. Mais ce que l'Eglise tient a tousiours esté tenu de tous

sans faillir, sans rien diminuer ny changer.

*Le Huguenot est Anti-chrestien.*

L'heretique marchant à la reformation, dit qu'il suit en tout Iesus-Christ, mais il faut croire le contraire. Par 17. contrarietez, ie prouue qu'ils sont tout au rebour de luy. Iesus-Christ estoit chaste : & eux mariez. Il ieusnoit le Carefme : & eux non : il ne mangea iamais de chair, sinon l'Agneau : & c'est leur Aspodele, leur Manne, & Ambrosie. Il entroit dans les Synagogues & Temples pour prescher : & eux clabaudent aux Carrieres. Il passoit la nuit à prier : & eux s'en moquent. Il estoit enuoyé de son Pere : & le huguenot presche sans estre enuoyé. Il comença par miracles : & eux par des demiracles. Il estoit le pauvre des pauures, & n'auoit pas vne pierre pour recliner sa teste : & eux sont riches & dorment dans le dument d'aise. Il institua le Sacrement de son Corps au soir : & eux le font au matin. Il ne luy bailla point de nom & eux l'appellent du be nom de *Cene*. Il tenoit du pain entier : & eux des apprestes à manger œufs. Il le tenoit en ses mains & eux non Il le rompit : & eux le coupēt Il fist la benedictiō & dist des mots sur le pain : ils disent que c'est magie. Il dist



que c'estoit son corps: & eux que ce n'est que du pain. Il prit du pain sans leuain: & eux du pain fermenté & leué. Il dist *prenez, mangez, cecy est mon Corps:* & le Ministre dit, *prenez, mangez ce pain, vous souuenans que le Seigneur est mort pour vous.* Ils suyuent à reculons l'institution de la Cene. Estant resuscité, il communia les 2. Pelerins sous la seule espece de pain: & eux, disent qu'il faut les deux. Il seroit long de referer tout ce que Iesus-Christ faisoit, qu'ils aborrent. Espluchez de pres toutes les actions de Iesus-Christ, & principalement celles que nous deuous auoir pour patrō deuāt nos yeux, vous trouuerez que ce sont celles que le huguenot deteste.

### *Le Huguenot est Anti-Apostolique.*

Du temps de Tertulian l'an 194. Il y eut des huguenots, qui se baillerent le tiltre de *Reformez & d'Apostoliques.* Ils se disoyent reformez au patron des Apostres, comme sont ceux de maintenant. Les huguenots se disent faire comme eux: mais par les 40. Antitheses qui suyuent, ils sont Anti-Apostoliques.

Les Apostres quitterent leurs femmes & garderent le Celibat: & eux sont mariez. Ils quitterent tous leurs biens: & eux sont riches. Ils estoient Moynes, & auoyent faict

vœu de pauvreté : & eux vœu d'avarice. En tous les Actes, ils communient sous la seule espece de pain, & iamais mention du vin : & eux veulent les deux especes. Ils auoyent tout en commun : & eux tout en particulier : Ils ont creu le Purgatoire : & le huguenot s'en rid. Ils faisoient miracles : & ceux-cy neante. Ils resuscitoient des morts : & Calvin fist mourir Brussé viuant. Ces Apostoliques ou Diaboliques reformez, faisoient de mesme : ils vouloyent faire de faux miracles, pour abuser le peuple : & faindre de resusciter des morts, mais ils les faisoient mourir. Ce que leur reproche Tertulian. *Apostolos in peruersum emulantes, illi de mortuis suscitabant isti de viuis mortuos faciunt.* Doctes remarquez que ces heretiques, ont dit comme ceux-là. Ils se sont appellez *Reformez Apostoliques*, & ont fait mourir des hommes viuans, les voulant resusciter. Les Apostres recognoissoient vn chef : & eux non. Ils alloient par tout le monde : & eux sont en de bonnes villes. Les Apostres ne prenoient rien pour prescher : & qui failliroit à payer les gages à la Banfferie, le Mardy gras cesseroit. Ils ieusnoient : & eux font bonne chere. Ils prioient de nuit Acte 6. & eux s'en moquent. Ils ne bailloyent point d'argent pour les aller ouir prescher : & le huguenot achapte ses auditeurs,

il baille

il baille les xx. & les xxx. sols à tous ceux qui les vont escouter : autrement ils n'auroyent personne. Ils disnoyent tous ensemble apres auoir communié dans le Temple: & iamais le huguenot ne fist cela. Ils ne mangeoyent de sang estouffé: & eux en mangent. Ils ne bailloyent de nom au Baptesme: & eux en baillent. Ils n'y adioustoient de Parrains: & eux y en mettēt. Les Apostres n'ont iamais marié personne: & c'est la vie de la Banfferie, afin d'estre du Banquet, & reprendre ceux qui dansent, mais ne dire mot à ceux qui Epicurisent iusques à mi-nuict. Ils n'ont iamais fait de Bans: & le huguenot les proclame. Les *Ministres-diacres*, estoyent les seruiteurs des Apostres; & ne preschoyent point: & en l'Anarchie huguenotte se sont les maistres, & qui annoncent la parole de *Christ*. Les Apostres vsoyent d'Exorcisme, à l'endroit de tous ceux qui se conuertissoyent de leur religion, & alloient les escouter prescher. Et eux n'exorcisent personne: ils auroyent peur d'effoucher les Pigeons. Au contraire quand quelqu'un y va de nouueau, vn crasseux Chandelier de surueillant, luy vient dire, *Soyez le bien venu Michaut, le Seigneur vous a touché, & mōstré la droicte voye*. Voila vne Ne mychauderie à qui il ne chaut guere, de ce que faisoient les Apostres. Les Chre-

stiens apportoyent tous leurs biens aux pieds des Apostres : & nul des huguenots n'a encore fait cela. Je fus vn iour au Presche (dont i'en crie à Dieu mercy) mais la Banfflerie fist tout son Sermon à demander de l'argent, & crier contre la gelée, & peu eschauffée deuotion des Auditeurs : que s'ils ne souffloyent avec le soufflet de honte leur charité, qu'il faudroit abatre le Carefme-prenant, que les Auditeurs achetez ne viendroyent plus au Presche, pour faire nombre, si on ne les payoit. Du temps des Apostres il y auoit des Hospitaux par tout, ou l'on receuoit les passans & Pelerins Chrestiens, & de deuotés femmes uesues qui les pensoyent, comme dit S. Paul 2. Timot. chap. 3. Et les huguenots ont abatu ces Hospitaux. Ils chassoyent les diables des corps : & iamais heretique n'a sceu faire cela. Ne le pouuant faire s'en moque. Luther tenta de le faire à Vitembert l'an 1545. mais l'Energumene & possédé pensa l'estrangler dans vn petit Reuestiere enfermé, là il fut en Enfer & Purgatoire tout ensemble. Du temps des Apostres, & en la Primitiue Eglise, il y auoit 3. parties de la Messe: Les Cathecumains, les Excommuniez, & les Possedez estoient bien au Sermon, & en la Messe, iusques apres l'Euangile : mais apres on les mettoit hors. Ce qui se remar-

que encore, qu'après l'Euangile plusieurs sortent: Les huguenots ne chassent point ceux qui ne sont point bien instruits en leurs mysteres Bachiques, ny les possédez, & excommuniez. Ils auoyent des Autels & sacrifices. S. Paul en la 1. aux Corinth. & 13. Hebr. dit, *Nous auons vn autel*: au Grec il y a *θυσιαστήριον autel*, & non pas *τραπέζα table*. Et eux abatent le sacrifice, & les autels. S. Paul deffend aux femmes de parler en l'Eglise si elles n'y sont destinées: Et au Presche se font les Syrenes qui leuent & gringotent les Piales de Marmot: Aussi ils y font tous naufrage. Ils entroyent dans les Synagogues pour remonstrer l'abus: & eux sont venus prescher dans les Caues. Il falloit venir crier dans les Eglises, remonstrer l'abus, comme Iesus-Christ, & chercher le mal, & non pas s'en aller dehors. Entre les premiers Chrestiens, il y en auoit qui faisoient vœu, & se faisoient razer les cheueux, Actes 18. Et eux s'en moquent. S. Paul n'offensoit point ceux qui estoient d'une autre Religion. 1. Cor. chap. 11. *sine offensione estote Iudeis & Gentibus sicut & ego*. Et eux voudroyent auoir mangé les Catholiques. Ils se seruoient d'excommunication: & eux s'en rient. Ils croyoient vne Eglise visible: & eux vne invisible. Les Apostres, & S. Paul furent enuoyez ordinaire-

ment de la propre personne de Iesus-Christ: & eux extraordinairement. Ils imposoyent les mains & confirmoyent les baptizez. & eux s'en gabent, & le nient. Ils estoient sçauans sans estudier: & eux tres-ignorans avec beaucoup de trauail, comme il est dit d'eux en la 2. à Timot. chap. 7. *semper discentes & nunquam ad scientiam veritatis peruenientes.* Ils ont creu la descente aux Enfers: & Calvin la nie. Ils commencerent à prescher par la Penitence: & eux par la des-bauche. Nul pauvre de leur temps: & maintenant le huguènot a fait vn chacun pauvre. S'ils donnent l'aumosne, ils rendent ce qu'ils leur auoyent pris. On dit à Loys vnzième qu'un Chancelier faisoit faire beaucoup d'hospitiaux: c'est bien la raison, que celuy qui a fait tant de pauvres, fasse des lieux pour les loger. Ils ont presché & escrit en Grec, Hebreu, & Latin: & eux en François. En la primitiue Eglise on chantoit *Alleluja*: & eux l'ont abatu: Ils n'ont iamais baillé de nom au Sacrement: & eux l'appellent *Cene*. Il seroit ennuyeux de rapporter tout.

J'ay ouuert ce discours par Tertulian, & le veux clorre par le mesme. Iceluy disputant contre ces heretiques, qui se tiltroyent *Reformez & Apostoliques*, leur reproche, qu'ils faisoient tout au rebours des Apostres, com-

parant leurs Singeries avec leur Saincteté. *Ipsa eorum doctrina, cum Apostolica comparata, ex diuersitate, & contrarietate pronuntiabit, neque Apostoli alicuius esse, nec Apostolici.* De mesme comparez la façon de faire des Protestans de reformation, qui se disent *reformez* comme faisoient ceux-là, avec la doctrine des Apostres, vous trouuerez qu'ils sont Centriquement, Diametralement & Perpendiculairement, opposez à eux.

*Le Huguenot est pire que les Iuifs, Infideles, Payens, & Idolatres.*

S. Pierre en sa 2. dit que ceux qui ont cogneu la verité & sont retournez au mensonge, que leur condition est pire que la premiere. *Melius erat illis non cognoscere viam iustitie quam post agnitam, retrorsum conuerti.* Donc l'heretique qui quitte la foy premier è est pire qu'un Iuif.

Les Iuifs croyent la Transubstantiation en la venuë du Meisie. & eux non. Ils sont pires que Iuifs.

S. Augustin tient l'heretique pire que l'infidele: or le huguenot est heretique bien prouué. Par consequent il est pire que l'infidele.

Iesus-Christ a dit que quiconque n'escoute l'Eglise est Payen & Ethnique: le huguenot la mesprise, il est dōc Ethnique: & Payen.

Saint Denys Euesque d'Alexandrie escriuant aux Donatistes, dit qu'il est pire de deschirer l'Eglise en deux, que de sacrifier aux Idoles: Le huguenot la diuise en plusieurs. Il est donc pire que l'Idolatre.

S. Hierosme dit, que celuy qui separe l'v-nité de l'Eglise en deux, est pire qu'un fraticide: & que Lamech fut plus puny que Cain, Le huguenot le fait, il est donc pire qu'un Fratricide.

Il est pire d'estre Schismatique qu'Idolatre. Dieu n'a pas puny de mort eternelle tous les Idolatres: mais il en a puny les Schismatiques Chore & Dathan: Les Calvinistes sont donc de pire condition que les Idolatres. Si bien qu'il vaut mieux estre Turc, Payen, Ethnique, Idolatre, Fratricide, & Infidele, que d'estre Huguenot.

*Le Huguenot n'est point Chrestien.*

Saint Augustin dit en son Enchiridion *ad Laurentium* chap. 5. que c'est la coustume des heretiques de se nommer *Chrestiens*, & s'abiller de la peau de brebis, mais qu'ils ne le sont pas. *Nomine tenus inuenitur Christus apud*



*quosli' et hereticos, qui se Christianos vocari volunt, re verò ipsa, non est apud eos.*

Tertulian au liure de la Pudicité, dit que celuy-là n'est point Chrestien, qui se separe de l'Eglise. *Christianus non intelligendus, qui ab Ecclesia grege aberrauerit.* Le huguenot s'en est separé: il n'est donc Chrestien. Ils se sont separez de nous, car nous estions deuant eux. Il n'y a que 50. ans qu'un chacun alloit à la Messe. Ils se sont donc separez, comme brebis farcineuses & pourries de la clauellée d'heresie.

S. Ignace Epist. *ad Magnesios*: & le grand Athanase oraison 2. contre les Arriens disent que celuy n'est Chrestien qui prend son nom d'un homme: or ils prennent leur denomination de Luther, de Caluin, de Gautier: ils ne sont donc Chrestiens.

S. Cyprian Epist. 52. *ad Anto.* & S. Augustin, Sermon 101. chap. 12. *de Tempore*, et criuent, que celuy-là n'est Chrestien, qui n'est en l'Eglise: ils n'y sont point: ils ne sont donc Chrestiens. *Christianus non est, qui in Christi Ecclesia non est.*

S. Gregoire Nanzianzene dit que *par la sainte Hostie* nous sommes faitz Chrestiens: *Incruenta Hostia per quam nos Christiani effirmur.* Or les huguenots n'ont point de Sainte Hostie, ils n'aborent rien plus: ils ne sont

donc Chrestiens.

Tertulian en son liure des prescriptions dit *Si heretici sunt, christiani esse non possunt.* Ils sont heretiques, par consequent, ils ne sont point Chrestiens.

### *Le Huguenot est pire que le Diable.*

L'impieté du Huguenot est si meschante, que les mots manquent à l'exprimer, le mot de Diable est trop peu, par ce que comme dit S. Hieros. *Nemo est tam impius, quem hereticus impietate non vincat.* Parlant de Vigilance, il l'appelle *Leuiathan, Behemor.* Et si on compare Vigilance avec Calvin, il ne fera qu'un Nain pres d'un Geant, qu'un Bibet, pres d'un Elephant: & qu'une Verue, pres d'une montagne.

Le diable craint & redoute la sainte Hostie, & s'enfuit de sa presence: & le huguenot s'en mocque.

Il craint la croix, dit S. Chrysostome, par ce que par icelle la puissance a esté defraicte: par ce signe Iulian l'Apostat les chassoit: le huguenot ne s'en soucie, & est plus asseuré que tous les diables.

Le diable cite la sainte Escriture sans la corrompre: & le huguenot la corrompt en la citant.

Il a creu la Transubstantiation, baillant

des pierres à faire du pain à Iesus-Christ : & eux la nient.

Il ne nous peut contraindre de faire mal : & le huguenot nous contraint.

Il a la puissance de nous mal faire, & non la volonté, dit S. Bernard : & eux en ont la volonté.

Le Diable a peur des chaines dont S. Pierre fut lié, dit S. Chrysostome : & l'heretique s'en mocque.

Il tenta Iob en tout, excepté en l'ame : & le huguenot tente les hommes en leurs ames : il est donc pire que tous les diables.

### *L'heretique est damné.*

Je hay l'Apostre, dira l'Achab huguenot, *quia nunquam prophetat mihi bonum, sed semper malum.* Jamais il ne parle bien des huguenots. Ce seul tiltre fera frôcer le front à plusieurs, & qu'il est deffendu de iuger : ie ne iuge point, ie suy les Escritures : & ie le fay à l'imitation de la Banfferie qui a dit que tous les Catholiques sont damnez au fond d'Enfer, les appellans *Tartareimipetas.* Je ne suis seditieux, de dire la verité aux heretiques, *nihil plus volui valere quam pacem* : il faut les reprendre avec amertume.

S. Hierosime interpretant la ceremonie,

pourquoy on mangeoit l'Agneau Paschal, avec des Laictues amaires: dit que c'est l'amerume, dont l'Eglise doit vser à reprendre les heretiques: La verité a vn minois rēfrongné. *Veruas amara est, tristis ac rugola frontis.* Au 2.liure disputant contre Iouinian, il ne le flate aucunement. Il dit que c'est vn Epicure, qui dispute dans les Iardins avec les putains & paillardes Que les gras, les truans, les chiēs, les Vautours, les Milans, les Hibous estoient ses Auditeurs:& grongnoyēt avec ses truyes. Que plusieurs pourceaux couroyent apres luy, qu'il nourrissoit de fiches de lard à la gehenne eternelle. Qu'il auoit mis à l'essor les paillards couuerts. Qu'il estoit vn Bouc qui tiroit apres luy toutes les Cheures. Qu'il estoit vn Estalon sautant sur toute lument. Que s'il ne fust venu, que tous les yurongnes & routeurs ne fussent entrez en Paradis. *Ebrij atque iuctantes Paradisum intrare non poterant.* Qu'il auoit des Amazones, qui ne couroyent la mammelle & le bras retroussé, mais le ventre nud contre les hommes. Je ne veux me seruir de telles iniures contre les Iouinians de ce temps, & vser de fiel au lieu d'encre. Qui voudroit plaire aux gens de maintenant, il faudroit auoir vne verité de Velours, & des parolles de soye cramoyse. Si pour leur dire la verité, ie suis fait leur ennemy, ie me con-

toleray avec S. Paul *Inimicus vobis factus sum, veritatem dicens vobis.* On ne me peut assaillir de nul costé que ie ne me deffende: car de parler doucement, c'est le propre de l'heretique, comme disent S. Hierosme, & S. Paul *Per dulces sermones seducunt corda innocentum:* de dire qu'ils font bien encore pis. *Qui iustificat impium, abominabilis est.* Prouèrbes 17. Ce seroit *calcar addere malè currenti*, de louer le huguenot. Salomon dit que la benediction de Dieu descendra sur ceux qui les repre-  
nent: Qui est la seule recompence, que j'esper-  
e de toutes mes veilles. *Qui arguunt eum, lau-  
dabuntur. & super ipsos veniet benedictio.*

Les huguenots ne se doiuent fascher contre moy, si ie prouue par vnze textes qu'ils sont damnez, non plus qu'un Patient contre vn Greffier qui luy lit sa sentence. Je ne sers que de Referendaire & Greffier. Huguenots à genoux, escoutez vostre Arrest.

Iesus. Christ en S. Matthieu 7. dit, qu'il damnera tous ceux qui auront presché sans estre enuoyez. *Domine in nomine tuo prophetauimus. Dæmonia eiicimus, &c. & tunc confitebor illis, quia nunquam noui eos.* S. Augustin dit qu'il respondra, *non nisi vos.* Vne seule chose peut damner les huguenots, c'est qu'ils preschent sans estre enuoyez. Aux Actes 19. en-  
cor que les luifs voulussent chasser les De-

mons au nom de Iesus-Christ : toutefois le diable se ietta sur eux, par-ce qu'ils n'estoyent pas enuoyez.

En S. Iean 2. Tous ceux qui se retirēt de l'Eglise sont damnez & n'ont point de Dieu. *Omnis qui recedit, & non permanet in doctrina Christi Deum nō habet.* Vous estes separez, vous n'avez donc point de Dieu, & estes perdus.

En l'Epistre S. Iude, Dieu a perdu tous ceux qui n'ont point creu. *Eos qui non crediderunt perdidit.* Vous ne croyez, vous estes donc perdus.

S. Cyprian au traicté de l'Vnité dit que qui-cōque ne recognoit l'Eglise Catholique pour mere, qu'il est damné, & n'aura Dieu pour Pere. Vous ne la recognoissez, vous estes donc damnez. *Habere non potest Deum Patrem, qui Ecclesiam non habet matrem.*

S. Epiphane. *In Anacorato*, dit que qui ne croid la réalité du corps de Iesus-Christ estre en la saincte Hostie, qu'il est damné. Vous la niez y estre vous faites donc naufrage de vostre salut. *Qui non credit (il parle de la réalité) Este ipsum verum sicut dixit, is excidit à gratia & salute.*

S. Augustin liur. 21. chap. 25. de la Cité dit que le huguenot qui fait sa Cene hors l'Eglise se damne, & prend vne chose nuisible : si bien que celuy-là est le plus homme de bien

des huguenots, qui ne fait point la Cene: qui la fait souuēt, peche souuent. *Heretici & schismatici ab huius vnitate corporis separati, de quo ait Apostolus, vnus panis & c. possunt percipere sacramentum, sed non sibi vtile, imo vero noxiu. Si vous dites que vous estes en l'Eglise, il vous le nie. Heretici, ab vnitate corporis Ecclesie, separati sunt.* Et cōtre Petilan qui caquetoit qu'il estoit l'Egli'e comme vous. (Tout heretique a dit qu'il estoit la vraye Eglise il y a donc eu 600. Eglises) luy dit. *Quiconque vnitati Ecclesie non communicant, non sunt in Ecclesia: Quia ipsum caput Ecclesie non tenent.* Or vous ne recognoissez de chef, vous n'estes en l'Eglise.

Au sermon 50. de *verbis Domini*, dit que les heretiques qui se font brusler, sont les Martyrs du Diabl. (car il a les siens comme Iesus-Christ) parce qu'ils font cela par obstination. *Non omnes qui corpora sua in passionibus, etiam ignibus tradunt, estimandi sunt sanguinem fuisse pro ouibus, sed potius contra oves. Heretici falso martirij nomine, in passionibus gloriantur. Ecce venit ad passionem: ecce venit ad sanguinis effusionem & c. tamen nihil prodest, quia charitas deest.*

Au 4. liur. de *Baptismo*, plus appertement qu'en nul lieu dit, que l'heretique, en ceste seule consideration qu'il est heretique, est damné. *Nulli vique dubium est hereticum, pro-*

*pter hoc solum, quod hereticus est, & ab Ecclesia recessit, regnum Dei minime possessurum.*

Fulgence Contemporain de S. Augustin, qui viuoit l'an 490. du regne de Clouis, premier Chrestien, en son liure de la Foy chap. 38. Atteste que tous les heretiques Iuifs & Payens sont damnez : & deffend d'en douter: ce qui satisfera à ceux qui demandent si tous les Romains & autres sont damnez. *Firmissimè teneas, & nullatenus dubites, non solum omnes Paganos, sed etiam omnes Iudeos, hereticos atque Schismaticos, qui extra Ecclesiam Catholicam presentem finiunt vitam, in ignem eternum ituros, qui paratus est Diabolo, & Angelis eius.*

Ce mesme dit, qu'encore que le huguenot donne tous ses biens aux pauures, & soit martyrisé pour le nom de Iesus-Christ, il ne peut estre sauué: par ce qu'il n'est point dans l'Eglise. On ne peut bien faire que dans l'Eglise Catholique & Romaine: Autrement le Turc, & le Iuif seroit sauué, par ses aumosnes. Toute besongne faicte hors l'Eglise, est oisueté. *Qui Ecclesie Catholice non fuerit agregatus, quantascunque elemosinas: fecerit nullatenus potest saluari. Voila vos aumosnes au vent.*

Or, d'autant que le huguenot dit qu'il est l'Eglise, il luy faut monstrier les marques de la vraye Eglise, pour la cognoistre de la faulse. Celle là est la vraye Eglise à qui le pro-



pre de la vraye Eglise conuient : qui est, *Vni: Soli: & Semper.* Vincētius Lirinensis, du temps de S. Augustin dit en son liure contre les heretiques, que celle-là est la vraye Eglise qui tient ce qui a esté creu *de Tous, par Tous: & Tousiours:* qui sont les 3. marques essentielles de l'Eglise Catholique. *In ipsa Catholica Ecclesia id teneamus: Quod vbique: Quod semper: Quod ab omnibus creditum est.* Or l'heresie de Calvin n'a esté creuë par tout le monde: ny tousiours: ny de tous: Donc elle n'est l'Eglise. Il baille vn nom à ces 3. marques *Vniuersitas, Antiquitas, Concessio.* L'vniuersalité & vbi-  
 quité est, si par tout on confesse nostre foy. L'antiquité si de tout imemorial on a fait ce que nous faisons. Le consentement vniuersel est, quand tous les Saints Docteurs vnanimement ont tenu, presché, & escrit, ce que nous tenons. S. Augustin liu. 7. contre les Donatistes, sur ce propos dit vn beau trait. *Tutum est & c. quod vniuersalis Ecclesia concessione corroboratum est.*

Pauures abusez huguenots, si la sentence prononcée sur vous, vous semble rigoureuse ie ne puis pas la faire plus douce: C'est à faire aux melchans dit Hieremie de dire *pax, pax & non est pax.* le prie Dieu qu'il n'exécute pas son arrest fulminé sur vous. Convertissez-vous, accourez sous l'aïlle de sa diuine cle,

mence: afin qu'elle tourne son œil de pitié sur vous: & que vous prestât sa radressâte dextre elle vous rameine au chemin de salut. Iamais telle allegresse ie ne sentis, que lors que ie vous verray tous reuenus au giron de l'Eglise: ce qui arriuera, quand vous chercherez à cognoistre vostre salut; non par fougue, & obstination, mais selon le pur sens de l'Euan-gile. Bannissez ces ignares Ministres qui vous perdent. Pensez vous qu'ils soyent plus sçauans que tout ce qu'il y a eu iamais de science: Comparez-les avec S. Hierosme, S. Augustin, S. Athanase & infinis autres, & vous trouuezrez qu'ils ne sont que les Bastars & Auortons de l'ignorance.

### Heresie 108.

*L'encensément de Malachie representoit les sacrifices Spirituels du nouueau Testament.*

Il est vray l'encens signifioit les sacrifices Spirituels: il faut donc que l'autre sacrifice net, signifie l'Eucharistie, car il parle de deux: de l'Encens & de l'Oblation nette.

### Heresie 109.

*Tant s'en faut qu'il estime la Messe estre sacrifice net, au contraire à son iugement, il n'y a rien de s*

de si ord & souillé.

C'est vn sot iugement que le vostre. *Crist.*  
*Passienus malet tuum beneficium quàm iudicium.*  
 Iamais Midas ne iugea si sottement que cela.

*L'inique iugement de ce iuge prophane,  
 Merite le loyer que receut Marcius:  
 Mais i'offre seulement à ce second Midas:  
 Pour orner son bonnet les oreilles d vn Asne.*

Vous estes tres digne du salaire du iuge de  
 Cambysez. Apprenez à mieux iuger.

## ¶ Heresie. IIO.

*Tertulian appelle le sacrifice du nouueau Testa-  
 ment vn sacrifice de louange. In omni loco offer-  
 tur sacrificium purum: gloriæ scilicet relatio,  
 & Benedictio, & laus, & hymni.*

## C O N T R E.

Il baille l'espée pour le battre. Tertulian  
 parle en bref, de toutes les ceremonies que  
 Iesus-Christ fist. Premièrement il fait vn  
 tout qui est *Offertur sacrificium*. Puis il le diui-  
 se: & baille 3. Parties à ce sacrifice *purum*. La  
 1. *gloriæ relatio*: qui est le sacrifice de gloire &  
 de louange & toutes les prieres qu'on fait  
 deuant la consecration. *Benedictio*: c'est la cõ-

secration: la 3. *Laus & hymni*, sont les oraisons qu'on fait apres la communion. C'est Kemniti-  
 tius qui se sert de cet argument. En ce lieu, ie  
 r'affreschiray encore la memoire des Doctes  
 que

*Iesus-Christ a dit la Messe comme  
 l'on fait maintenant.*

Il fist premierement Sermon à ses Apo-  
 stres, leur l'aua les pieds, les Catechisa.  
 Apres il reuestit sa robe & son *Talet* ou sur-  
 plis par dessus, qui sont les ornemens que le  
 Prestre prend. Et pour vn mystere, il auoit  
 despouillé ses vestemens. En 3. lieu estant ve-  
 stu approcha de la table & autel: c'estoit vn  
 autel, car il y venoit de sacrifier l'Agneau Pa-  
 schal. En 4. lieu il prepara le pain & vin. En 5.  
 il rendit grace à Dieu son Pere, offrit le sacri-  
 fice de louange & gloire, qui sont toutes les  
 oraisons que le Prestre dit deuant: Les Euan-  
 gelistes n'ont escrit les prieres & oraisons  
 qu'il dist, ny les parolles qu'il profera par-  
 ce qu'elles ne sont pas necessaires: Mais ils  
 ont escrit les necessaires & sacramentelles:  
*Hoc est corpus meum.* Quand ils disent qu'il  
 rendit grace: il n'y a pas *Et ait.* Mais quand  
 ils disent qu'il consacra, il y a, *Et ait, hoc est*

*corpus meum.* Ils n'ont pastout escrit, ny les oraisons qu'il disoit. Aucuns tiennent qu'il recita en la croix tous les Psalmes de Dauid, iusques a ce qu'il fust venu à ce verset, *In manus tuas Domine commendo spiritum meum & expira.* En 6. lieu, il prit le pain, fit la benediction dessus, consacra & Transubstantia la substance du pain & vin en sa chair & en son sang. En 7. lieu, il se communia & les Apostres. En 8. & dernier, il chanta encore des hymnes & louanges, *hymno dicto exierunt*, comme le Prestre fait apres la communion, ou il prie pour le salut de l'Eglise & du Roy: pour la paix & pour les biens de la terre.

### ¶ Heresie. III.

*Le Sacrifice que Daniel appelle Iuge s'entend du Sacrifice des Iuifs qu' Antiochus osta: Puis aboly par Iesus-Christ: & dernièrement du tout osté par Titus, quand il ruina Hierusalem.*

Si oncques la Banfferie a fait braire son Asnerie, c'est en ce lieu car

*Le Sacrifice Iuge de Daniel,  
est l'Eucharistie.*

Daniel dit qu'en la fin du monde le sacri-

fice *assiduel, Iuge, ordinaire, & indefinent* sera abatu par l'Antechrist: or le huguenot, de peur de confesser que sa Cene est sacrifice: il dit que Daniel entend du sacrifice des Iuifs: laquelle chose si elle estoit, toute la Bible seroit faulse.

Par le consentement vniuersel, l'Antechrist doit abastre vn sacrifice, il y en aura donc encore vn en son temps.

Si le sacrifice *Iuge* est celuy des Iuifs: il seroit mal nommé *Iuge, assiduel indiffaillant, & ordinaire* puis qu'il est failly & cessé.

Iesus-Christ tout seul a abatu & accomply les figures: Si Antiochus & Titus auoyent abatu ce sacrifice, ils luy auoyent aidé.

Daniel en tous ces chapitres parle de la venue de l'Antechrist, qui doit oster ce sacrifice *Iugé: Cum ablatum fuerit iuge sacrificium.* Ce que l'Analogie & suite des chapitres enseigne. En l'vnziesme, il parle de 3. choses de ce faux prestre qui n'adorera que Maozin. Que l'Antechrist viendra: & qu'il abatra ce sacrifice. Et au 12 il parle de la resurrectiō qui viendra apes: comme l'Ange Michaël viendra qui tura l'Antechrist, & comme nous resusciterons. *Conserget Michael princeps magnus &c. & miti de his qui dormiunt in terra puluere, uigiliabunt.* Donc ce sacrifice par toute necessite, s'entend de celuy des Chrestiens;

& non de celuy des Iuifs.

Daniel prophetise pour les Chrestiens, il ne s'entend donc du sacrifice des Iuifs.

Pour deffaire les huguenots, ie ne leur dy que deux choses : Auant que ce sacrifice de quoy Daniel parle soit osté, il doit venir vn Roy ou Prestre qui dira que Maozin est le vray Dieu : or cela n'arriua auant qu'Antiochus ou Iesus-Christ, ou Titus abastissent le sacrifice des Iuifs. Dont Daniel ne parle du sacrifice des Iuifs.

Après ce sacrifice abatu, on doit resusciter, l'Ange Michel doit venir : or après que le sacrifice des Iuifs fut abatu, on ne resuscita point : Michel l'Ange ne vint point: ergo Daniel ne parle de l'abolition du sacrifice des Iuifs.

Le huitiesme blaspheme que la Banfferie commet est si enorme, que ie ne l'ose penser : Quiconque osterá ce sacrifice sera l'Antechrist : or Iesus-Christ l'a osté, ergo. Je n'ecriray vne conclusion si impie.

Qui abatra ce sacrifice, sera l'Antechrist Antiochus & Titus l'ont abatu, ils sont donc l'Antechrist, & non le Pape, comme vous blasphemiez n'agueres.

❁ Heresie 112.

*Le mot d'Autel ne leur conuient point de ce tēps,*

Qq iij

*ils sont abolis: ils n'ont besoin que d'une table.*

Il a fait profession de se rendre ridicule. Voila vn fort argument. *Il leur faut vne table, & non vn Autel.* Quelle difference y a-il entre vne table de bois & vne de pierre: on dit aussi bien la Messe, sur vn autel de bois, comme sur vn de pierre. On les fait de pierre, afin qu'ils durent plus l'ong temps. On dit bien vne table de pierre: Mais on a retenu le mot d'*Autel* pour les choses saintes: & le mot de *Table* pour les prophanes. En vn iardin on dit *vne table de pierre*. Beze Section 72. dit que le mot d'*Autel* a fait qu'on a estimé la Cene sacrifice. Moquerie. Il ne faut plus d'*Autels*, dit le huguenot, car ils estoient au vieil Testament: c'est bien sottisé. La Bible estoit au vieil Testament: Les Psalmes de Dauid y estoient: *ergo* ils ne sont plus. Dieu estoit au vieil Testament, *ergo* il n'y a plus de Dieu chez les huguenots. Je le croy bien. Iesus-Christ n a pas aboly les sacrifices & autels: mais il les a transferez d'un lieu en vn autre: ils n'estoyent qu'en Judée, & il les a mis par tout le monde. S. Paul ne dit-il pas en deux endroits *nous auons vu Autel*? Le 3. Canon des Apostres ne dit-il pas, *si quis &c sacrificium offerat super altare?* S. Martial ne dit-il pas au 3. chap. de son Epist. que comme on abatoit par tout les autels des



Idolâtres, qu'il fist reseruer l'autel du Dieu incognu, & le fist dedier à Dieu? *Ara ignoti Dei ad consecrationem reseruari iussimus.* Optatus, a-il pas dit, *Quid est altare, nisi sedes Corporis & Sanguinis Christi.* Je pourrois citer mille passages. Quand le 1. heretique a dit qu'il falloit abatre les autels: il s'ensuit qu'il y en auoit tousiours eu au parauant. Iesus n'a aboly que les sacrifices de bestes & autres selon l'ordre d'Aron. Puis qu'il en reste vn selon Melchisedec, il faut encore des Autels. Iesus Christ fist la Cene sur vn autel: car c'estoit l'autel ou il venoit de sacrifier l'Agneau.

### ✠ Heresie 113.

*Ceste consecration par la puissance des parolles sacramentelles, il l'a renuoye aux Charmeurs & Enchanteurs.*

Par ou ce Bouc passe, il infecte tout de sa puanteur. Par 3 fois il a proferé ce blasphème: & personne ne s'en formalite: Ains les Amphibenes dient qu'il fait bien. *Ve qui dicitis bonum malum.*

### ✠ Heresie 114.

*Iesus-Christ n'a point fait ainsi la Cene, qu'on regarde l'institution: il prit du pain, il a beny &*

rendu grace, il a baillé le pain & vin ayant nommé l'un son corps, l'autre son sang, a commandé de manger & boire, & de le faire en sa memoire.

Il y a 3. heresies en ce frippon. S'il n'a fait que ce qu'il dit, Il en a fait autant au miracle des pains: ils sont Sacremens. Il dit qu'il n'a fait que 3. choses, & il en fist vnze. Il reuestit ses habits: approcha de l'autel: prepara le pain & vin: il pria & rendit graces à son Pere: il prit le pain: fist la benediction dessus en consacrant: il le rompit: il le bailla à ses Apostres: il ne le nomma pas son corps, mais dit que c'estoit son corps. Il leur dit qu'ils fissent ce qu'il auoit fait, afin de conseruer sa memoire que les luifs vouloyent abolir: Puis chanta vn hymne & autres prieres.

### ¶ Heresie II.

*Si ces mots hoc est Corpus meum emportent Transubstantiation: ces mots: Iesus est vne vigne la priere estoit Iesus-Christ, de mesme.*

### CONTRE.

Les huguenots font bien priuez d'entendement de dire cela, il leur faut monstrer qu'ils sont tres-ignorans.

## Ego sum vitis, bien expliqué.

Quand le huguenot veut dire que ces mots *Hic est corpus meum* n'emportent pas Transubstantiation, & que ce n'est qu'une figure, & similitude: il amene que Iesus-Christ a dit, *Ego sum vitis: Christus erat petra*. Donc comme ce n'estoit qu'une figure. Ce pain de mesme. Catholiques vous respondrez 6. solutions. La 1. Quand il a dit, *Ego sum vitis: Ego sum pastor: Ego sum ostium: Ego sum via & veritas: Ego sum lux mundi: Ego sum agricola: Petra erat Christus*, ce ne sont que similitudes, dont il se fert en prechant. La 2. quand il dit *Ego sum ostium, via, lux vitis*, il ne tenoit pas une porte, un chemin, une chandelle, une vigne en ses mains pour les Transubstantier. La 3. quand il dit, *Je suis le bon pasteur, Je suis la vigne*, il n'instituoit pas un sacrement, il ne disoit pas des parolles & ne fist la benediction dessus: La 4. il ne dit pas *ceste vigne & chandelle est mon corps*. La 5. il ne bailla pas un huis, un berger, une vigne, un chemin, un vigneron, & une pierre, à manger à ses Apostres. La 6. quand il dit cela, il y a toujours une queue. *Ego sum vitis, & suiuant, & vos palmites & pater agricola*. C'est une similitude, car les Apostres n'estoyent pas Serment & Pampre de

vigne. Il estoit la vraye vigne qui en-yura Noé, & qui a produit le vray vin son sang. Or en la Cene: il parloit proprement: il tenoit le pain, il a dit les mots dessus Il instituoit vn sacrement: il a dit que c'estoit son corps: *ergo* les mots *hoc est corpus meum* emportent Transubstantiation: & non pas *Ego sum vitis*, ny *petra erat Christus*: par-ce qu'il ne les tenoit, cōme il faisoit le pain.

### ¶ Heresie 116.

*Il confesse qu'on trouue Massa & Misseth, don present: mais il n'y a de propos d'en faire la Messe & oblation.*

Cela est faux il se trouue *Misat* dans le Deuterono. c'est à dire *oblation*, & non point *Misseth*. Pour vn si grand Hebreu comme luy, il faut au premier mot qu'il cite. J'ay allegué tous les Dictionnaires Hebreux qui disent que *Missa* est Hebreu, qu'il signifie *don*, *present*: il confesse que son *Misseth*, signifie *don*, *present* il est ignorant: car ce que l'on dit aux hommes *promesse*, s'appelle *veu* enuers Dieu: ce qu'on dit *present* à nous autres, se dit *oblation* à Dieu.

### ¶ Heresie 117.

*Le plus ancien qui a usé de ce mot de Mista est*

S. Ambroise qui ne l'a tiré de l'Hebreu, ny fait signifier ce que font ceux de l'Eglise Romaine.

Cela est faux. S. Ambroise n'est pas le plus ancien qui a usé de ce mot de *Missa*: Dieu l'a inventé; Moysel'a escrit, Deuter. 16. il est dans tous les Docteurs qui ont esté deuant luy, comme j'ay prouué en la Messe: il s'en est seruy au sens de l'Eglise Romaine, car il en estoit, & a dit *Missam facere cœpi*. Les huguenots disent qu'elle est dictée de la fin *Ite Missa est*. Il n'y a pas *Ite missio est*, elle ne seroit dite de la queüe.

### Heresie 118.

*Le sacrifice de Malachie s'entend du sacrifice de louange.*

Tout cela est refuté.

### Heresie 126.

S. Hierosme voulant rendre l'hebreu a traduit *sacrificatur* au lieu d'*incensum*: Mais il s'est aussi bien trompé comme quand il a voulu vertir le *Tbysia* des Septantes.

## C O N T R E.

C'est la coustume de l'heretique, dit S. Bernard, d'accuser les Docteurs d'ignorance.

ce: *Doctōrum sententiam spernit, & gloriatur se habere meliorem.* Quelle impudence de dire que S Hier. qui a esté le plus habille aux 3. langues qui fut iamais ait failly. S. Augu. parlant de luy dit qu'il estoit tres-sçauant en Grec & Latin: mais principalement en Hebreu: *Qui Græco, Latino, in super & Hebræo eruditus eloquio:* cest contre Pel. chap. 2. Et au 43. du 18. de la Cité *Quāuis non defuerit temporibus nostris Presbyter Hieronimus homo doctissimus, & omnium trium linguarum peritissimus: qui non ex Græco, sed ex Hebræo in Latinum eloquium scripturas conuertit.* Il n'a pas donc verty le Grec des Septâtes, puis qu'il l'a verty de l'Hebreu mesme. L'ignorance veut accuser le sçauoir.

### ¶ Heresie 120.

*Il ne veut d'encensément par ce que Dieu a aboly tout ce sacrifice charnel.*

Il semble a ouir les huguenots, que tout ce qui estoit au vieil Testament, soit abatu. La Bible donc les Psalmes de Dauid, le Presche, & l'histoire est abatue. L'encens n'est point abatu, car il n'estoit figure, s'il estoit figure, il signifioit l'oraison: s'il figuroit l'oraison, ils auoyent deux sacrifices de louange, les Psalmes, hymnes, & l'encens. La figu-

re & la realité. le baille cecy comme Ephorbe pour faire esternuer la Bâsserie. Dauid dit que son oraison monte comme l'encens: d'oc l'encens & l'oraison sont deux. Iamais 2. choses comparees ne sont semblables: or l'oraison de l'ancien Testament est demeurée, & par consequent l'encens: Toufiours on a vsé d'encens en la primitiue Eglise. Iesus le receut des 3. Mages comme Prestre, il n'est dunc aboly. S. Denis en sa Liturgie du tēps des Apostres dit que le Prestre encensoit autour de l'Eglise. *In- censum adolere inchoans, omnem loci ambitum circuit.*

### ✿ Heresie 121.

*Pour S. Martial, c'est vn Autheur tout vsé: c'est la ruse du Diable de supposer de faux liures.*

C'est la ruse du Diable & des heretiques, de nier les liures qui sont contre eux: Toutes fois & quantes que vous verrez le huguenot reietter vn liure, c'est qu'il y a quelque chose contre luy. Les heretiques estant conuaincus par les liures, dit S. Augustin liur. II. contre Fauste, disent qu'ils sont faux: *Dicunt eos falsatos.*

### ✿ Heresie 122.

*Ce n'est à Dieu à qui on offre, il n'a que faire de*

*cela, c'est aux hommes qu'il est offert.*

## C O N T R E.

ô blasphème ! ô Phorreur ! ô Phanathème !  
 Iesus-Christ est donc Idolatre, s'il a offert le  
 pain aux Apostres. Il a offert & sacrifié aux  
 hommes. Tous les Chrestiens ont donc esté  
 Idolatres : & tout le Ciel est damné. Cela est  
 tres-faux, il prit le pain : leua les yeux au ciel ;  
 le presenta à Dieu son pere : puis apres le bail-  
 la aux Apostres à manger : comme apres le  
 sacrifice les anciens mangerent du sacrifice. Il  
 l'offrit à Dieu , puis le bailla à manger à ses  
 Disciples : ce n'est pas aux hommes qu'on  
 l'offre, c'est à Dieu. Et le mot *d'offrir* vers  
 Dieu est sacrifier : Nous ne pouuons rien bail-  
 ler & presenter à Dieu qui ne soit sacrifice,  
 soit qu'on prie. soit qu'on face penitence, soit  
 qu'on donne l'aumosne, soit qu'on face dire  
 la Messe, c'est tousiours sacrifice, ou de louã-  
 ge, ou de iustice, ou de contrition, ou de gra-  
 ce : quiconque prie, ieune, donne l'aumosne,  
 sacrifie à Dieu. Dieu n'a pas que faire de rien :  
 on ne luy dresse pas des Temples, on ne luy  
 sacrifie pas, comme indigent de quelque cho-  
 se. A-il affaire de ta priere ? a il besoin de  
 ton Presche : ne scauroit il viure sans les Psal-  
 mes de Marmot ? S. Cyprian a dit que nous



luy sacrifions, de peur de venir à luy vuides: & infructueux. Vous estes cet arbre qui ne porte fruit, vous serez coupez & mis au feu. Au vieil Testament il deffend au Prestre d'approcher de luy les mains vuides. *Non apparebit vacuus in conspectu meo.* Il doit donc offrir.

### ¶ Heresie 123.

*Pay comparé leurs congregations aux Synagogues des Iuifs: Les Synagogues estoient des Eglises: ergo les leurs le sont aussi.*

Voila vn bon argument. Que ie iette le mien dans vostre moule, s'il vous plaist. Les Synagogues ont esté abolies, les vostres sont Synagogues, ergo elles sont abatues. Toutesfois ie reçoÿ son tesmoignage: leurs concilia-bules sont Synagogues, mais du diable, & pa pris de l'epistre ii. de S. Hierosme à Gerutie. *Hereticorum Ecclesie Synagoga magis diaboli appellanda quàm Christi.* Et de son Dialogue contre les Luciferiens, ou leurs Eglises sont celles de l'Antechrist. *Scito non Ecclesiam Christi sed Anti-christi.* Aux Synagogues on prioit, mais on ne sacrifioit point: on fait de mesme en vostre Carriere, c'est donc vne Synagogue.

## ¶ Heresie 124.

Il ne sçait ou i'ay pris mon Asperges. Dieu a bien commandé d'en faire vn: mais il n'en est fait mention icy. Et n'estoit necessaire d'auoir vn Asperges de laine rouge & d'hysope pour asperger le sang sur le peuple.

### CONTRE.

Il estime que Moyse ne s'est en non plus soucié du commandement de Dieu, que luy. Si Dieu en a commadé vn, on l'a fait. l'ay pris cest Asperges en 3. endroits de S. Paul, ou il parle de ce sacrifice de Moyse, de l'Asperges fait de laine escarlatine & d'hysope. Au 9. des Heb. il adioust 4. choses à ce sacrifice, que la Genese n'y met pas. Le sang des boucs: de peau: de la laine cramoisie: & de l'hysope. *Accipiens sanguinem vitulorum, & hircorum, cum aqua & lana coccinea, & hyssopo, ipsum quoque librum omnem posulum aspercit.* Voila l'Asperges fait d'hysope, & de laine escarlatine.

## ¶ Heresie. 125.

Il me nie que la figure de Moyse soit accomplie en la Cene: que ie luy monstre mon exposition touchant.

*chant ceste figure.*

## C O N T R E.

Mon exposition est dans dix Auteurs, dans les 3. Euangelistes, qui disent que Iesus fist de mesme que Moÿse, qu'il dit les mesmes mots. *Voicy le sang de mon nouveau Testament.* Il mist son sang en deux comme Moÿse, la moitié dans vn Calice, & l'autre sur l'autel. S. Paul 1. Cor. chap. 11. dit qu'il accomplit cesté figure apres la Cene: & comme par ce sacrifice, Moÿse dedia le vieil Testament: que de mesme apres souper, Iesus par son sang dedia le nouveau Testament. Tertulian a dit, *In carnis mentione, Testamentum sanguine suo obsignatum.* S. Ambroise, S. Augustin, Theophilacte, & Beda sur ce lieu, disent qu'il accomplist en la Cene, le sacrifice de Moÿse. Puis que toutes les circonstances se raportent, voudriez-vous que Iesus-Christ fust venu vous dire: *La Banquerie n'accomply telle figure.* Je vous veux battre d'une piece que j'ay gagnée sur les Huguenots Luther au liure *de abrogan. Missa:* & Kemnitius contre le Concile de Trente, disent que Iesus-Christ, accomplit en la Cene, le sacrifice de Moÿse: mais que pour cela la Messe ou Cene n'est pas sacrifice. Vous voyla donc bien approuvé ignorant, par les vostres mesme.

## ¶ Heresie 126.

*Que Iesus-Christ ait en la Cene dedié le nouveau Testament en son sang, c'est choper dès l'entrée. Le sang des Bouveaux figuroit le sang de Iesus-Christ en la Croix & non en la Cene.*

Tout cela est refuté: ou est-ce que Iesus a accompli le sang qu'il mist dans vn Calice ou tasse qu'il respandit sur le peuple, sinon en la Cene? Ce sacrifice est vn de vos Coupe-gorge. Vous y perdez vostre huyle.

## ¶ Heresie 127.

*S. Paul au 9. des Hebr. dit que ce sang fut respandu en la Croix: & que ce fut la ratification.*

Vous imposez à S. Paul. Il parle de la Cene, disant que comme Moÿse dedia le vieil Testament par le sang: de mesme que Iesus apres la Cene, dedia le nouveau, respandant son sang dans les Apostres. La Croix est la ratification: il est vray, mais il faut contracter vne chose avant que de la ratifier.

## ¶ Heresie 128.

*Je me fais accroire que Moÿse respandit le sang*

*premierement sur le peuple, auant que l'espandre sur l'autel: & le texte me desment. fol. 130.*


Si le texte desment quelqu'un c'est vous. Le voyla en son sens naturel. *Tullit itaque Moyses dimidiam partem sanguinis, & misit in crateras. partem autem residuam fudit super altare.* C'est vn tout qu'il diuise apres par Prolepse: il ne parle plus de celuy qui fut mis sur l'autel: mais seulement de celuy qui estoit dans les Coupes & Calices qu'il respandit sur le peuple, sur le liure, Tabernacle, vases, & tous les instrumens du Temple. Ce qui seruira pour faire taire les huguenots qui se moquent de ce qu'on benit les autels, pierres & Calices de l'Eglise, & qu'on baptise les Cloches. Voyla le sang respandu aussi bien sur tous les ornemens comme sur le peuple: & sanctifiez comme les hommes. Est il pas vray qu'on sacrifioit: puis on respandoit le sang sur le peuple en le benissant: & à la fin on alloit brusler les animaux avec le reste du sang? Donc il respandit premier le sang sur le peuple, que le respandre sur l'Autel.

### Heresie 129.

*Les Apostres peurent bien boire le sang de Iesus-Christ, que le vin demoura vin pour gage.*


## C O N T R E.

De la bouche de l'Antechrist ne doit sortir que blasphème, la bouche de ce Micro-Antechrist sert d'organe à l'Enfer pour vomir le péché mortel tout formé. Ces mots sont cernez d'imposture comme le Soleil de clarté. Il est poussé de quelque malin Démon. *Les Apostres beurent bien le sang, c'estoit donc sang, puis qu'ils le beurent: & le vin demeura.* C'est l'erreur de Berangarius, & de Vuiclef. Si cela est, 8. blasphèmes s'ensuiuent. C'est nier la Transubstantiation: C'est *enuiner* le sang de Iesus-Christ. C'est le Sacrement du sang-vin: le sacrifice de Bacchus: le vin nous rachapte: ils beurent du sang & du vin tout ensemble: La verité & la figure. Et puis permettez à ce loup de hurler. Cela est faux. *Equo ne credite Teucris,* ils beurent le sang.

 Heresie 130.

*Le sang de Iesus-Christ n'a point esté resspandu en la Cene.*

J'ay refuté tout cela. Accordez-vous. Vous dites qu'ils le peuuent auoir beu, & que vous le beueuz.

 Heresie 131.

*La Ratification entiere du nouveau Testament est en la Croix : Toutesfois il y a vntesmoignage en la Cene.*

Il est vray, mais il faut auoir constitué & cōtracté auant que ratifier. La Cene est la constitution du nouveau Testament : & la Croix & mort, la ratification. Vn Testament ne vaut rien si on ne meurt : mais il faut le faire auant que mourir, pour le ratifier. *Le sang n'est pas en la Cene, mais il y en a vntesmoignage.* Son heresie cherche des Meandres & subterfuges, pensant eschaper. Si la verité & realité du sang n'y est, c'est donc vn faux tesmoignage : Ce tesmoignage est faux ou vray. S'il est faux nous sommes trompez : s'il est vray la verité y est.

 Heresie. 132.

*Ils n'y recognoissent que du pain, par-ce qu'ils n'y goustent que du pain.*

## C O N T R E.

*Ils n'y goustent que du pain, ergo il n'y a que du pain.* Voilà vn gentil Antecedent. On ne

voyoit que l'humanité de Iesus-Christ, *ergo* la diuinité n'y estoit pas coniointe. Le ne voy que vostre difforme corps, *ergo* vous n'avez point d'ame. On ne void que l'eau au baptesme, *ergo* il n'y a que de l'eau. *Il n'y a que du pain, par-ce que vous n'y goustez que du pain.* Vous faictes donc vostre goust Iuge de vostre foy. Voila qui est bien. J'ay dit que 4. de nos sens, la veuë, le goust, & l'olfact, ne seruent de rien, pour estre Chrestien: il n'y a que la foy requise. *Ad firmandum cor cinceis sola fides sufficit.* Elle supplée à ce que nos sens ne peuuent conceuoir & comprendre: *Præstat fides supplementum sensuum defectui,* La foy est le sens & le corps entier de nostre Religion Chrestienne. Tous nos Sacremens doiuent estre despestris de l'eau de la foy. S. Paul 3. Heb. verset 14. dit vn beau traict, que la foy estoit la substance du Messie: L'Apostre Iesus Christ n'estoit que foy. Nous serons participâs de sa foy & substâce si nous croyôs. *Participes enim Christi effecti sumus: si tamen initium substantiæ eius vsque ad finem firmam retineamus.* La langue n'y doit gouster que du pain, l'œil ny voir que du vin: aussi n'est-ce point à eux à y voir, gouster d'auantage. Leur commission ne s'extend plus loing. Vn Astome, & vn Aueugle peut estre Chrestien, mais vn sourd nullement. Si la langue goustoit du



vray sang, ce ne seroit plus vn Sacrement: mais vn miracle, comme aux nopces de Cana. Et si il n'y auroit plus de foy, ny de Religion: car la foy est le fondement d'icelle: Sans la foy nous ne pouuons plaire à Dieu. Le huguenot voulant gouster du sang fait vn blaspheme que l'iniquté ne peut nommer. Il oste la foy & Religion: & ruine nos sacremens. Le sacrement est vn signe, apparence, figure, & ceremonie exterieure de la grace inuisible. Si donc le goust, goustoit, si l'œil voyoit le sang, la grace ne seroit plus inuisible: Visiblement nous verrions le sang de Iesus-Christ lauer nos pechez. Les sacremens sont Hieroglyphiques & lettres closes. Il faut voir vne chose, & y en croire vne autre. Isac fut trompé de se fier plus à son goust, qu'à son oreille. S. Thomas est argué d'auoir plus creu à ses doigts & yeux, qu'à son oreille. C'est vn trait d'infidelité, que de dire, *ie ne le croiray, si ie ne le gouste.* Il nous faut embarquer dans le nauire de la foy, pour passer les mers d'incredulité & doute: afin de paruenir au port du Ciel.

### ¶ Heresie. 133.

*L'Escriture leur tesmoigne, que le pain & le vin leur sont baillez en leur propre substance.*

Rr iiij

Cela est falciffime: l'Ecriture dit qu'il prit du pain, & après ayant fait la benediction, & prononcé les mots dessus, dit que c'estoit son corps. Pour le certain, en la Cene huguenote il n'y a que du pain: car iagoit qu'en leur crouette ette la realité y fust, leur incredulité la chasserait. Catholiques remarquez ce lieu de S. Cyprian de *Lapsis* ou il parle des miracles, qui se faisoient en l'Eucharistie. Vn huguenot ayant nié la reale presence, elle se retira. *Documento vnus ostensum est, Dominum recedere cum negatur.*

## ¶ Heresie. 134.

*Après l'institution de la Cene, le pain est appelé pain & le vin fruit de vigne. Si quelqu'un mange de ce pain, & boit de ceste coupe. Item. Je ne boiray de ce fruit de vigne.*

## C O N T R E.

Quand le huguenot veut prouuer que ce n'est que du pain, il dit qu'il est appelé pain.

Il est appelé pain *solu* par 16.  
*solutions.*

C'est ineptement argumenté en Theolo-

gie de l'Erhymologie, comme vn Grammairien. Avec 16. solutions veritables, ie vous meneray battant iusques dans les portes de l'absurdite. *Il est appellé pain, ergo c'est du pain.* Que i'argumente de mesme. Vous estes appellé *Gautier*: or *Gautier* c'est à dire vn Oyson. *ergo* vous estes Oyson. Iesus-Christ est appellé le *Peche*, par S. Paul: *ergo* il estoit *Peché*. Il est appellé *la figure* de la substance *ergo* il n'est de la mesme: comme disoit Arrius.

*Après l'institution de la Cene, il est appellé pain:* dictes vous. Cela passe la fausseté d'une lance de haut. Le 1. texte que vous alleguez, *Qui ne mangera de ce pain*, c'est bien auant la Cene: c'est en S. Iean 6. & la Cene est au 13. Quand il dit, *Ie ne boiray de ce fruit de vigne*, il parle du vin commun, & c'est en soupant: voyez comme cet abuseur pipe les hommes: c'est en soupant, & deuant le sacrifice de la Cene que Iesus-Christ dit cela, en S. Luc 22. qui a mis d'ordre tout ce que Iesus-Christ fist. Il parle de l'Agneau Paschal. Doctes lisez le texte. Apres qu'il a dit qu'il ne mangera plus de cet Agneau, & qu'il ne boyra plus de vin: Il institue le sacrement de son corps: mais apres il ne l'appelle plus *pain* ny *vin*, mais *son Corps*.

La 3. solution se voit en l'institution. *Il prit du pain*, & c'est l'Euangeliste qui parle:

apres les mots dits, Iesus-Christ ne le nomme pas *pain* : mais il dit que c'est son *Corps*. Il prit le *pain* c'est le *subiectum* : & apres *cecy est mon corps* est le *Predicatum*. le vous demande Philosophe de Grammaire, *Predicatum debet ne decide subiecto* ? Vaut-il mieux le nommer *pain* du premier, ou *Corps* du dernier. En l'Escolle d'Aristote il faut le nommer *Corps* du dernier. Le huguenot Luther se voyant pris faute par dessus les regles de Philosophie, & que l'Esprit d'Aristote, n'est pas capable de telles choses. *Nos oportet Aristotelem iudicem constituere rerum tam sublimium*. Et en la dispute du *Corps* en diuers lieux. Le huguenot nous enferme dans le Lycée, & deffend au Portier de nous en laisser sortir.

La 4. le responds, que s'il est appellé *pain*, encore apres : qu'il retient son premier nom. Simon le Lepreux, est tousiours appelle le *Lepreux*, encor qu'il ne le fust plus, de son premier nom. S. Matthieu est appellé *Peager* par-ce qu'il l'auoit esté. La verge de Moyse estant changée en Serpent, retient tousiours son premier nom. *Deuoravit virga Aron virgascorum*. Le Paralitique est tousiours appellé *Paralitique*, de son premier nom. Au 3. de la Genesè. Eue est nommée l'os d'Adam, encore qu'elle ne le fust plus, mais par-ce qu'elle auoit esté faicte de ceste Coste. En S. Mat-

thieu 21. Les Aueúgles qui voyoient bien clair, sont encore appellez *Aueúgles* de leur nom. Les Boiteux qui alloient bien droit sont encore appellez *Boiteux*. *Cæci vident Claudi ambulat.* Ainsi le Corps de Iesus-Christ, peut estre encore nommé *pain* de son premier nom.

Le Veau d'or est appellé *Veau*, encor qu'il ne l'é fust pas : mais par ce qu'il en auoit la figure. Le Serpent d'Airain est nommé *Serpent*, iacoit qu'il ne fust Serpent : mais par ce qu'il en auoit la figure. En la sale du Palais à Paris ou sont toutes les statues de nos Roys: on dit, voila S. Loys: voila Loys douziesme: & neātmoins ce ne sont-ils pas, mais ils en ont la figure. Ainsi le Corps de Iesus-Christ, peut estre appellé *pain*, d'autant qu'il en a la figure & apparence.

Il est appellé *pain* par Metonimie, le contient pour la chose contenuë. Par ce que les especes contiennent & couurent le Corps de Iesus-Christ. Le passage de S. Paul qu'il allegue, luy rompt le col, qu'il ne faut pas prendre le mot au pied leué, *de illo pane edat, & de calice bibat.* Si au metme lieu le mot de *Calice* est pris par Metonimie, pour ce qui estoit dedans. Il faut donc dire que le mot de *pain* est dit pour ce qui est dedans: *Boire de ce Calice*, ils ne beuent pas le Calice fondu: mais

le sang qui estoit dedans : s'ils ne beurent pas le Calice , mais le sang qui estoit dedans : de mesme ils ne mangerent pas du *pain*, mais la chair qui estoit dedans, & le mot de *pain* est pris par Metonimie. Doctes le seul Aymant de mes escrits : lisez le lieu de la 1. aux Cor. chap. 11. Les Corinthiens penchoyent vn peu vers le huguenotisme, ils pensoyent qu'il n'y eust que du *pain*, comme les Capharnaïtes Gauteurs, mais il leur dit qu'ils s'abusoyent. ne discernant pas que c'estoit le corps de Iesus-Christ. *Non diiudicans corpus Domini.*

La meilleure solution est, que tousiours apres que Iesus, & les Apostres l'ont appellé *pain*. En dernier ressort ils l'appellent *la chair & le corps*. En S. Iean 6. *Panis quem ego dabo.* Le 1. l'appelle *pain* : *Caro mea est* : mais le dernier l'appelle *chair*. En Sainct Matthieu. 26. *Accipit panem.* Le 1. l'appelle *pain* *Hoc est corpus meum*, & le dernier le nomme *Corps* : & ainsi des autres : *Non uisite sat est.*

Les Heb. appellent toute nourriture *pain* : de mesme le corps de Iesus-Christ , peut estre nommé *pain*, par-ce qu'il nourrit nos Ames.

La 8. est de Theodoret , qui dit qu'il est appellé *pain* : mais avec vne queue & adition *Panis mais vita.* *Panis mais Illo*, par vne Anthonomase & Amphase.

La 9. est de S. Irenée liu. 4. chap. 34. contre les heresies: que l'Eucharistie est appellée *pain* premierement, pour l'aparence:& en second lieu *Corps*, pource qui est contenu deffoubs, Comme nous sommes composez de deux parties, terrestres & celestes: Que de mesme l'Eucharistie est terrestre, pour les especes, & celeste pour le corps de Iesus Christ qui y est, *Quemadmodum qui est à terra panis: percipiens vocationem Dei, tam non communis panis: sed Eucharistia, ex duabus rebus constans terrena & celesti.*

La 10 est de S. Cyprian, qui dit qu'elle est nommée *pain*, par ce qu'en S. Iean 6. & au *Pater noster* elle est appellée *pain*. *Panem nostrum quotidianum: id est Christum dari nobis quotidie petimus.*

L'vnziesme est de S. Hierosme & de S. Augustin, interpretant *panem nostrum quotidianum*, qui disent qu'il est appellé *pain*: mais *super substantiali et ousiou*. Tous les Docteurs entendent par ce pain, l'Eucharistie. Le commun lit *quotidianum*: d'autant que les premiers Chrestiens communioyent tous les iours. Dont S. Ambroise, criant contre ceux de son temps qui ne communioyent pas tous les iours. *Si quotidianus est, cur post annum accipis.* On communioit tous les iours: puis le leudy & Dimanche: apres on se passe de

tous les Dimanches. Et la deuotion se refroidissant : on institua le *Pain benist*. Quelque temps ils faisoient leur Paque les 4. bonnes festes : enfin la deuotion estoit tellement morte que personne ne s'en soucioit plus : dont l'Eglise a fait commandement de communier à Pasque.

La 12. est que Iesus l'appelle *pain* mais avec 4. additions. *Panis viuus. Panis de calo. Panis vitæ. Panis supersubstantialis.*

La 13. La Manne est appelée *pain*, non qu'elle fust pain, ny qu'elle en eust l'apparence, mais par ce qu'elle nourrit les Israelites. Si la manne figure de l'Eucharistie & dicte *pain* sans apparence : à plus forte raison, le corps de Iesus-Christ sera appelé *pain* : veu qu'il refectionne nos ames, & en a les apparences.

Le corps de Iesus-Christ peut s'appeller *pain* pour 6. raisons. Par ce qu'il en a les especes : Par ce qu'il nous nourrit : Par ce que sa figure la Manne est appelée *pain* Par ce qu'en S. Iean 6. il l'auoit appelé *pain* : & par ce qu'il est sacrement nourrissant.

Pour la 15. il dit qu'il est le pain viuant descendu du ciel : *Ego sum panis viuus qui de calo descendi.* le demande au huguenot : Si le pain qu'il bailla à ses Apôtres estoit tombe des nues ? non. Il faut donc, par ce pain, qu'il



entende son corps & sa diuinité, qui est descenduë du Ciel. Il dit qu'il *est le pain viuant*. Je demande s'il n'y a que du pain : si le pain est vif & si etille, Iamais pain simple n'est vie à nostre ame. Il faut donc que ce soit Iesus-Christ vif qui soit sous les especes du pain. Il faut bien que la substance du pain mort, insensible, terrestre & inanimé cedast au vray pain vif le corps de Iesus-Christ. Estant venu du Ciel, il estoit vif : car rien de mort ne vient de là haut.

La 16. & derniere, est de S. Augustin Epist. 23. à Boniface, qui dit qu'il est appellé *pain* : par-ce qu'il est Sacrement : & il faut que le Sacrement ait vne apparence & similitude de ce qu'il est, & sert. Si bien que s'il auoit institué le baptesme, avec du bois, ou de la terre, il ne seroit pas sacrement. Or comme c'est la force de l'eau, que de lauer : Aussi il a institué le baptesme en l'eau qui laue nos Ames. Pareillement il a institué le Sacrement de son corps, sous les especes de pain : afin qu'il nourrist nos ames : comme le pain nourrit nos corps. *si enim Sacramenta quandam similitudinem earum rerum, quarum Sacramenta sunt, non haberent, omnino Sacramenta non essent.* Il a voulu cacher ses Sacremens, sous les apparences de ce qu'ils seruent. Si nous ne pouuons obtenir par nos sens comme le pain est fait

chair : il faut captiuer nostre intellect en l'obeissance de Iesus Christ. Voulôs-nous estre sauuez & faire les œuures de Dieu, il faut croire à ce que Iesus Christ a dit: le huguenot qui ne le croid point, n'est point Chrestien. Tout le monde ne le peut pas faire, c'est vn œuure de Dieu, dit il en S. Iean 6. *quid faciemus vt operemur opera Dei? hoc est opus Dei, vt credatis in eum quem misit ille* Et là il parle de son corps, & l'appelle viande qui ne perit point. Faisons donc vn œuure de Dieu, & croyons en ce que Iesus a dit. Submettons nous à luy, & avec les Renes de la Foy arrestons nostre remuante fantasie, & croyons fermement que c'est son Corps, puis qu'il l'a promis, dit, voulu, & baillé.

### ¶ Heresie 135.

*Ie ne boiray de ce fruit de vigne.*

Ie viens de refuter cela: c'est du souper prophane, en S. Luc 22. qu'il parle de ce vin.

### ¶ Heresie. 136.

*Ils n'y recognoissent que du pain: car il leur apert que le Corps est au Ciel. fo. 134.*

Contre.

## CONTRE.

Le huguenot ostant la realité dit : le corps n'est point ça bas : car nous croyons qu'il est sis à la dextre du Pere, & seroit contre l'article du Symbole. Mais il faut precipiter en bas, le *Sedet* huguenot.

*Sedet ad dexteram Dei Patris,*  
*expliqué par 9. solutions.*

Iesus-Christ est monté, & ne se lit point qu'il soit descendu : *ergo* il n'est point ça bas. Que l'argumente de mesme. Le S. Esprit est descendu en terre : or il ne se lit pas qu'il soit remonté, au contraire il doit demeurer : *ergo* il n'y a que 2. personnes la haut en la Trinité : & faut dire *la Duité* : voyez ou cest aueugle huguenot se precipite.

Si vous prenez le mot de *Sedet* enuers Dieu comme enuers les hommes, & qu'il soit assis au Ciel sans se mouuoir. C'est le faire vn Dieu impuissant, vn Dieu prisonnier, vn Dieu casanier & oisif, vn Dieu Epicurien Ce seroit mettre vne peine dans le repos de Paradis. C'est vn grand tourment que d'estre tousiours assis. Les fables n'ont sçeu trouuer

de plus grandes gesnes & croix pour punir Thesée, que de le faire tousiours sis. *Sedet in aeternumque sedebit infelix Theseus* Il est donc vn second Thesée: ou bien vous le voulez enchaîner dans vne chaire, comme le fabuleux Vulcan emprisonna sa Maratre Iunon. Catholiques ne croyez ces friquenelles. *Christi mata emulamini meliora.*

Il est remonté au Ciel c'est à dire qu'il a repris son égualle puiſſance avec son Pere. Il est dit auoir remonté, par ce qu'il s'estoit tant abaissé que prendre chair humaine, qui est bien bas pour Dieu, de ce faire semblable à sa creature. Il s'est tant abaissé qu'il a enduré la mort, qui est vne chose contraire à la nature de Dieu.

La 4. est de S. Augustin interpretant l'article, *Sedet ad dexteram Dei patris.* Ou il dit, que *la dextre de Dieu est la supresme beatitude.* Il ne faut pas penser que Dieu le Pere ait vn costé droit & vn gauche. La droite est la supresme beatitude, ou est la iustice, la paix, & la liesse. *Dextera Dei, dicitur aeterna felicitas.* La dextre est le Paradis: comme la Senestre est l'Enfer. *Ad dexteram ergo intelligendum est, dictum esse in summa beatitudine vbi iustitia, & pax, & gaudium est. Sicut ad sinistram Hædi constituntur, id est in miseria, propter iniquitates.* Il est en la dextre de la beatitude avec les An-

es : or les Anges descendent bien ergo Iesus-  
Christ peut bien descendre

La 5. est du mesme qu'il est à la dextre visi-  
blemēt, & à l'Autel sacramentellement & invisible-  
ment. *Non in figura humana apparet & in sua specie:  
d'operatur forma panis & vini.*

Il n'est iamais descendu, ny iamais remon-  
té : il est remonté comme il est dit estre de-  
scendu : En descendant dans le ventre de la  
Vierge, il n'a pas quitté le Ciel. La Diuinité  
ne se separe pas : Ainsi il est remonté au Ciel,  
& est tousiours en terre.

Il est en l'Autel, & au Ciel tout en mesme  
instant, dit S. Chrysostome liu. de Sacerd. di-  
sant *Qui cum patre sursum sedet, in illo ipso tem-  
poris articulo omnium manibus pertractatur.*

La 8. est de luy-mesme homelie 2. sur la 2.  
à Timot. Que comme Helie estoit double, vn  
au ciel, & vn en terre. De mesme Iesus nous  
a laissé sa chair en terre, & à la mesme la haut.  
*Christus nobis carnem reliquit, & ipsam habens.  
ascendit.*

La 9. & derniere est, que Iesus a. dit luy-  
mesme; qu'il sera tousiours icy. *Ero vobis cum  
vsque ad cōsumationē seculi:* il dit cela de sa pre-  
sence corporelle, & non de la diuinité : Car  
il auroit promis vne chose qui estoit. Tout  
ce que Iesus promet, c'est vne chose qui n'a  
iamais esté, il promet que son corps sera tou-

siours, jamais donc il n'auoit esté, qu'un corps demeurast tousiours ça bas. Pour plusieurs raisons il entend de la presence corporelle. Il auroit promis ce qui estoit, s'il parloit de la diuinité. La 2. Il dit *vsque ad consummationē seculi*. Il parle donc de la presence corporelle, ou bien après le iugement il ne seroit plus avec eux. Ceste presence s'entend de la corporelle pour les Apostres & leurs successeurs, puis que les Apostres n'ont vescu iusques au iugement. Si cela ne s'entend des successeurs ils ne voyent point encores Iesus-Christ, & ne le verront iusques au iugement puis qu'il a promis d'estre corporellement iusques au deluge. Il faut donc qu'il soit la haut, & ça bas, en l'Eucharistie. Quand on dit qu'il est sis à la dextre c'est à dire qu'il a repris son esgalle puissance, en la suprême beatitude.

### ¶ Heresie 137.

*Il desire que ceux de l'eglise Romaine soiēt enfans de Jacob, & qu'ils ayent sa benediction: cela ne les preiudicira en rien. Nostre salut n'empeschera le leur.*

ô zele de Iudas ? soubz ces larmes de Cocodrille, il y a bien de la cruauté. Il veut dire qu'un chacun sera sauué en sa religion. C'est, un vieil erreur. Les Catholiques ne disent

pas cela : Leur salut empeschera celuy des huguenots, Turcs & Iuifs. Ils l'ont perdu, & ne seront iamais sauuez, s'ils ne reuiennent en l'Eglise.

## ☞ Heresie. 138.

*Comme la pierre estoit christ, c'est à dire signe de christ : Ainsi il a nommé le pain son corps, & le vin son sang par ce qu'il les bailloit pour signes d'iceluy. fo. 138.*

## C O N T R E.

J'ay refuté le iargon de ces heresies : Mais ie respons encor 3. choses. Au vieil Testament il y auoit 3. sortes de figures. Des figures *similitudinaires* : des figures *representatiues*, & des figures *plaines*. La pierre, le serpent n'estoyent que figures *similitudinaires*, & non *expletives*: car il ne deuoit realiser la pierre & le Serpent. Ils ne faisoient que le représenter nument : Mais les bestes tuées, le pain de Melchisedec, & les sacrifices estoyent figures *expletives* : Par ce qu'il les deuoit accomplir & realiser. La Pierre donc est similitude.

En 2. lieu, ce n'a pas esté Iesus-Christ qui a dit, *Ego sum Petra* : comme il a dit, *cecy est mon corps* : ça esté S. Paul qui a dit *Petra erat Christi*

*stus*, la Pierre estoit la figure de Iesus-Christ:

Pour le 3. c'est mal argumenté d'un Sacrement à un non Sacrement. Quand S. Paul a dit *Petra erat Christus*, Iesus-Christ n'estoit pas present: il ne parloit pas: il n'instituoit pas un sacrement: il ne tenoit pas vne pierre: il n'a pas dit que la pierre estoit son corps: il ne dit pas des mots dessus: il ne la bailla pas à manger: il n'a pas dit qu'on prenne vne pierre & qu'on fasse de mesme, comme il fist tenant le pain & vin. Et si vous ne parlez que de la chair par vostre *Petra erat Christus* huguenot. Il faut que vous alleguez vne autre pour le sang. En S. Math. 4. quand il est dit *Lux Gentium, vitis: via veritas: ostium, fons Pastor*. En l'Apocalypse 5. *Leo*. Et en S. Paul *Petra*. C'est par similitude: il ne tenoit pas un Rocher vne Châdelle, vne Porte, un Berger: comme il tenoit le pain & le vin en la Pasque. Là, il parle par similitude: & en la Cene véritablement. Le huguenot voudroit bailler vne pierre à Iesus-Christ, comme fist jadis son grand pere le Diable, pour la conuertir en pain, ou en son corps: & en instituer un sacremēt, mais il seroit de difficile digestion.

### ¶ Heresie 139.

*Il a nommé le pain son corps: parce qu'il le baillait pour signes.*



## CONTRE.

Le huguenot veut faire vne Rhetorique de nostre Religion, & conuertir tout en Tropes & figures. Telle Metamorphose huguenote sent son Almiste, de changer quelque chose en rien: & vn corps en sa figure. Or pour euincer ces Signi-uores & Mange-figures qui disent que ce n'est qu'un signe & figure, i'amene 12. solutions.

Ce n'est qu'un signe & figure *interpreté par 12. solutions.*

Ceste heresie est des Manichiens, & des Icono-maches, contre lesquels fust assemblé le 2. Concile general de Nice: lequel au Tome 3. Action 6. a ainsi resolu ce faux. *Nemo vnquam Sanctorum Apostolorum, &c. incruentum nostrum sacrificium in memoriam Passionis Christi Domini Dei nostri &c. Imaginem Corporis illius dixerit. Non autem dixit sumite, edite imaginem corporis mei: sed corpus, &c. Atamen ante Sanctificationis Consecrationem, quibusdam Patribus pie sanè visum est αὐτίτου θωοῦ hoc est exemplar similis, formæ nominare.* Voyla comme ces

350. Euesques ont solu ceste heresie: iamais

Apôtre, ny aucun Pere, n'ont appellé nostre sacrifice incruent, l'image ou figure de nostre Seigneur : mais son Corps. Quelques Peres ont bien nommé le pain deuant les mots : & la cōsecration, le Symbole du corps : Mais après les paroles ils ont dit que c'estoit le Corps.

Deuant les parolles Sacramentelles, le pain n'est que pain : mais après la consecration, c'est le corps de Iesus-Christ : comme dit S. Ambroise de *Sacra.* liu. & chap. 4. *Vbi accesserit Consecratio, de pane fit caro Christi. Non erat corpus Christi ante consecrationem : Sed post consecrationem, dico tibi quod iam est corpus Christi: Ipse dixit & factū est: ipse mandauit & creatū est.*

Deuant les paroles, dit Theodoret en son Dialogue 21 Le pain & le vin ne sont que les Symboles mystiques du Corps : mais après la consecration, c'est le corps de Iesus-Christ. *Mystica Symbola, quæ Deo à Dei Sacerdotibus offeruntur quorum dicit esse Symbola? Corporis & Sanguinis Domini Post Sanctificationem autem quomodo ea appellas? Corpus Christi & sanguinem Christi.*

Il est tres faux de dire que ce n'est que la figure : car Iesus-Christ a dit que c'est son Corps. Iacoit qu'il eust dit, *Hoc est figura corporis mei* : encor la realité y seroit. En la Sapiençe 7. & en la 2. aux Corin. chap. 4. Les Do-

Et remarquent que Iesus-Christ n'est appellé que *l'image & le Miroir de la substance de Dieu* : S'il falloit prendre au pied leuë l'image & figure il ne seroit pas vray Dieu & de la mesme substance *Omoufiene*. Il est donc l'image, & la verité tout ensemble. De mesme le pain seroit l'image & la realité tout ensemble. S. Augustin a bien dit que la Pasion de Iesus-Christ est le signe de nostre Salut. *Mors Christi signum est nostræ salutis*. La passion est le signe & la chose mesme : autrement nous ne serions racheptez.

Il n'y a pas dans la bible *signum* ou *figura Corporis*. Et posé qu'il y fust la figure & la realité peuuent estre ensemble. Vn homme est sa figure & la realité mesme. Il y a deux sortes de signes : vn simple : & vn signe & la chose mesme. Vn bouchon est signe qu'il y a du vin à vendre & signe nud. Mais du drap estalé est le signe & la chose tout ensemble. Il denote qu'il y a du drap à vendre, & si est à vendre mesme. il est le signe, & la chose signée.

La Banfferie est vn ignorant il n'entend pas qu'au vieil testament cōme j'ay dit : Il y a 3. sortes de figures : des figures *vides* : & des figures *plaines* sensibles & reales : & des figures *de similitude*. Le Serpent, la Pierre estoient figures *similitudinaires*. L'agneau Paschal estoit figure cōpletiue, mais vide de verité &

tous les sacrifices : car Dieu n'estoit pas dedans. Mais le Tabernacle : le Buisson Ardent : La Nuë qui conduisoit les enfans au desert, estoit vne figure plaine de verité : la Nuë estoit la figure de Dieu, & si Dieu estoit dedans : De mesme, le Pain seroit vne figure, mais *plaine*, la figure & la realité : Et comme Moysè a creu que Dieu estoit dans ces figures, encor qu'il ne le vid pas : Ainsi il faut que nous croyõs que le corps de Iesus-Christ est dans le sacrement, encor que nous ne le voyons pas.

La 7. est de S. Iean Damascene liu. 4. chap. 14. des Ortodoxes : ou il escrit que, *Non est figura corporis & sanguinis : Absit enim hoc, sed ipsum Corpus Domini sanctificatum : ipso Domino dicente : Hoc est corpus meum. Non figura Corporis, sed Corpus : non figura Sanguinis, sed Sanguis. Cum indubitabili fide accedamus, & omnino fiet nobis quemadmodum credimus, & non dubitemus.*

S. Hierosme, & S. Augustin, interpretant le lieu du Deuteronomie 12. ou le sang est pris pour l'Ame. *Sanguis est Anima.* Le sang (dit-il) est appellé *le siege & figure de l'Ame*, par-ce qu'il contient l'Ame : de mesme le Sacrement de l'autel, est dit figure du corps de Iesus Christ, par-ce qu'il est le sacrement, figure, & signe du corps de Iesus Christ, & le contient,

Catholiques, si on vous dit que S. Hierosme & S. Augustin, l'ont appellé figure: dites que c'est à dire sacrement. *Non dubitavit Dominus dicere, hoc est corpus meum, cum figuram daret corporis sui.* Il n'a fait de doute de dire cecy est mon corps quand il bailla le sacrement de son corps. Comme l'Ame ne peut estre sans sang, dans nostre corps: à cause que c'est son siege, son fondement, & sa figure, ou elle est contenuë: de meime le corps de Iesus Christ, ne peut estre au sacrement, sans le signe, figure, & apparence de pain. Au Ciel il peut estre sans signe, figure & organe de pain: mais au sacrement non: Autrement ce ne seroit plus sacrement. Car, *Le Sacrement est vn signe figure, & apparence visible de la grace invisible*: Si la grace invisible y est: il n'est pas signe & figure vide. Mais la verité remplit le signe. Calvin dit luy-mesme, que Dieu ne se communique pas à nous, sous signes vides: Mais qu'il donne veritablement & de faict, ce qu'ils figurent & que la verité est conjointe avec le signe, & sacrement. Donc, huguenot, ta Cene est figure & signe, c'est à dire sacrement du corps de Iesus Christ, & le contient.

La 9. est de S. Augustin, qui met 3. choses au Sacrement du corps de Iesus-Christ.

*Sacramentum & non Res:*

*Res & non sacramentum:*

*Sacramentum & res simul,*

*Le Sacrement & non la chose :* sont les especes, figures, & apparences de pain, sequestrez de la realité : *In abstracto.* *La chose & non le Sacrement,* est le corps de Iesus-Christ à descouuert tel qu'il est au Ciel. *Le Sacremēt & la chose tout ensemble :* C'est le corps de Iesus-Christ sous les signes, figures, especes & apparences de pain au sacrement : les especes & la realité sont coniointes ensemble.

La 10 est de S. Paul, au 1. des Hebreux. ou il dit, que Iesus-Christ est la *figure* de la substance de Dieu : *figura substantiæ Patris.* Ou se fondoit l'Arianisme. Si donc Iesus-Christ est dit la figure de la substance : De mesme si le Sacrement estoit appellé la figure du corps de Iesus-Christ ( ce qui ne fut iamais ) le corps mesme ne laisseroit d'y estre. Il estoit la figure de la substance, & la substance mesme : Aussi il seroit la figure du Corps, & le Corps mesme

L'vnziesme solution seroit prise de S. Augustin qui dit, *Iudam adhibuit ad conuiuium, vbi figuram Corporis sui dedit,* qu'il admit Iudas au banquet ou il bailla le sacrement, le signe & figure de son Corps : ou *figure & Sacrement* sont vn. Il prouue vne chose qui n'est dans la Bible. Mais c'est pour respondre à ceux qui obiecteroient ces textes des

Docteurs La Banfferie allegue l'autre du 3. liu. de la Doctrine Chrestienne chap. 16. *Figura est ergo præcipians Passioni Domini esse communicandum.* C'est vne figure, & sacrement pour communiquer à la Passion de Iesus-Christ. La *figure* & *sacrement*, sont Synonimes. & le mot de *figure* est pris comme le mot de *figure* de S. Paul. Toute la solution de ce passage de S. Augustin est à ce verbe *videtur*: elle n'est donc pas.

La 12. est de Theophilacte, sur le 10. de S. Math. interpretant *hoc est corpus meum. Hoc inquam quod sumitis. Non figura & exemplar quoddam Dominici corporis, panis est sed in illud ipsū conueritur corpus Christi: Dominus enim dixit, Panis quem ego dabo, Caro mea est. Non dixit figura est carnis mea, sed caro mea.* Et sur le 6. de S. Iean. *Non est tantum figuratio quadam carnis, sed ipsa caro Domini.* Il a caché sa chair sous les apparences du pain, pour nostre infirmité. Car nous aurions horreur de manger & boire le sang de Iesus-Christ a descouuert, & principalement de celuy qui nous a tant aimez. Son plus grand ennemy, n'en feroit pas dauantage. Et neantmoins il faut que nous le prenions. C'est pourquoy il a couuert de la figure de pain, & espee de vin.

La 13. est de l'Oecumenique Concile de Trente qui dit que, *Si quis negauerit &c. sed*

*dixerit tantummodo esse in eo ut in signo vel figuris aut virtute anathema sit.*

Pour la 14.<sup>ie</sup> dy que 17. inconueniens s'enfuyuroyent si ce n'estoit qu'une figure. Nous n'aurions rien de plus que les luits. Nous serions encores au tems des figures. Elles ne seroyent abatues. Iesus ne seroit le Messie, qui les deuoit abatre. Nous ne serions rachetez: Ce ne seroit vn sacrement. Les huguenots font contre le 2. precepte, de tailler des figures & images avec leur croutelette Dieu dōc acommādē de faire des figurés de son corps, puis qu'il a dit *hęc facite*. Nous serions idolatres d'adorer vne figure. Il nous auroit trompez, de nous bailler seulement la figure, & il a dit, que c'est son corps. Si ce n'est que la figure de la Passion, le Crucifix seroit mieux la figure qu'un morceau de pain. Si ce n'est qu'une figure & est sacrement, il faut de mesme que le Crucifix qui est la figure, soit sacrement. Il faudroit que tout ce qui a figuré Iesus-Christ, fust sacrement. Si ce n'est qu'une figure, & a dit que c'est son corps, il n'a parlé apertement, & son Testament est faux. Il n'auoit que faire de dire que c'estoit sa figure, puis qu'il estoit present. Si c'est la figure, les huguenots sont pires que nous: car nous ne mettons les images & figures de Iesus-Christ aux Eglises que pour nous rafraischir



sa digne Passion: & eux les mangent. Ils sont donc *Icono-phages, gobe-image, & Aualle-figures.*

### ¶ Heresie. 140.

*Pallegue S. Hierosme qui dit, Sacerdotes sacro ore Corpus Domini conficiunt: il croit que ie l'ay pris de l'Epistre à Enagrius, & n'a esté sans adiouster ny diminuer les mots. Il dit bien: Ad quorum preces Christi corpus sanguisque conficitur: il ne dit pas qu'ils fassent le corps du Seigneur de leur bouche sacrée.*

### CONTRE.

Si iamais il a montré son ignorance, c'est en ce lieu: ou il dit que *S. Hierosme n'a point dit. Sacerdotes sacro ore Corpus Christi conficiunt.* Mais qu'il a bien dit: *ad quorum preces conficitur.* Il deuoit se taire pour son honneur, auant que d'auoir leu l'Epistre 1. à Heliodore & à Fabiole ou il dit, *Absit vt de his quicquam sinisterè loquar, qui Apostolico gradui succedentes, Christi corpus sacro ore conficiunt.* Ignoramment donc il m'a repris.

### ¶ Heresie 141.

*Iamais S. Augustin n'a pensé que le Corps & Sang de Iesus Christ fussent reellement sous les apparences de pain & de vin. fo. 143.*

## CONTRE.

Il ne se contente d'auoir imposé à S. Hierosme : il veut faire S. Augustin huguenot, & respondre de sa creance : mais il se desment en plus de 10. endroits, & croid que la propre chair qui estoit dans le vêtre de la Vierge: qui marcha sur terre, qui fut fichee en Croix est en la saincte Hostie. Sur le Psal. dit 98. *De carne Mariae carnem suscepit, & qua in ipsa carne hic ambulauit, & ipsam carnem nobis manducandam ad salutem dedit* : & sur le Psalme 33. Sermon 1. dit que les Apostres mangerent le propre corps de Iesus-Christ qui estoit sis en table. *Ferebatur enim Christus in manibus suis, quando commandans ipsum corpus suum ait, hoc est corpus meum* : *Ferebat enim illud corpus in manibus suis*. Et au 9. chap. du 2. liu. contre les Aduersaires. *Carnem suam ad manducandum dantem porrigentemque sanguinem bibendum fidei ore atque corde suscipimus*. Voila comme S. Augustin croid la realité de la chair de Iesus-Christ, estre en l'Eucharistie.

¶ Heresie 142.

Quand on parle d'un corps qui est spirituellement en quelque endroit, cela forclot la presence corporelle.

corporelle: & par consequent la realité dont ie parle.  
fol. 144.

## CONTRE.

*Quand vn corps est spirituellement en quel que endroit, il n'y est point corporellement ny realement, dictes vous. le continué. Or Iesus-Christ est spirituellement au ciel, ergo son corps n'y est ny corporellement, ny realement. Voyez la blasphemante conclusion de ces celestes huguenots: ou est donc le corps de Iesus-Christ, s'il n'y a que l'ame? Il est au ciel spirituellement. ouy. Or il y est corporellement, visiblement, & realement: donc spirituellement ne forclot la presence corporelle & reale. Nous serons au ciel spirituellement: or le hargneux spirituellement des huguenots chasse le corps: donc nos corps ne seront au Ciel apres la resurrection. Le huguenot fera bien de porter la loge de bois, pour mettre son corps: ou bien Dieu fera vne grande Grange pour entasser les corps comme fagots. Voyla les 2. absurditez qui s'ensuiuent de ceste heresie.*

### ✠ Heresie 143.

*Quoy donc ils reçoivent realement le corps de*

Christ? Il respond le corps & sang de Christ qui est au ciel: & n'en partent point, leur sont veritablement communiquez pour les nourrir. Mais il ne s'ensuit pas, qu'ils soyent realement en leur propre substance sous les apparences de pain & de vin. Ceste veritable manducation du corps & sang qui est faite aux fideles n'est pas tellement reale qu'ils entrent dedans eux en leur propre substance: Mais bien est elle reale iusques là, qu'ils sont recens voir tel qu'ils sont, d'une façon spirituelle, tant qu'ils les embrassent au ciel, par vne vraye & viue foy. fo. 145.

## C O N T R E.

La Banfferie est bien empesché de se tirer de sa realité huguenote. Parlant de la spiritualité, il demande congé de *maiser* mais il niaise proprement, aux poinçts qui sont les plus d'importance. Voila vne creance bien vidée: qu'une simple *Moruada* de la Moïquée entendroit bien. Examinons voire dire. Vous receuez le corps & le sang qui sont au ciel & n'en partent point. Baillez-luy de l'herbe, il a fort bien fait. Ou est-il escrit qu'ils n'en partent point? Vous receuez le corps, mais qui est au ciel: montez-vous là haut, ou s'il descent: il faut en demeurer d'accord. Vous les receuez realement, mais ils n'y sont en leur propre substance.

Le moyen de recevoir vne chose veritablement, si realement elle n'y est? Vous auez bien de la peine: dites librement vostre foy. Si vous le voyez comme vous faites l'Esclanche que vous mangez le Vendredy Saint, vous le croiriez. *Ceste veritable manducation n'est pas tellemēt reale.* Elle est reale à demy, elle ne vaut que six blancs, c'est vne foy de trois Carolus. *Iusques là: voire tels: entant: mais.* Voici des cōiunctions expletives fort gallantes, qui bourrent gentiment vostre creance. *Vous receuez realement le corps qui est au Ciel.* Or il y est realement, veritablement, & en sa propre substance: *ergo* vous receuez la substance. *Ils l'embrassent au ciel par vne foy viue.* Cela est faux, pour deux raisons. C'est vostre foy viue qui l'embrasse: or vous n'auetz point de foy viue: *ergo* vous ne l'embrassez: La foy qui est sans les bonnes œures est morte: or vous n'auetz le merite des bonnes œures: vostre foy donc est morte. Pour le 2. La foy ne peut faire les choses absentes, presentes: il n'y a que le S. Esprit qui le fait: or le corps est absent, *ergo* vostre foy ne le peut rendre present. Quelle foy Aimantine qui attire ainsi le Corps de Iesus-Christ. Si la foy faisoit les choses absentes, presentes: La foy d'Abraham (qui fut la plus grande qui fut iamais) eust fait Iesus-Christ present, deux mil ans

avant son incarnation.

## Heresie 144.

*L'autre passage de S. Augustin est corrompu qui dit, que celuy qui demeure en l'unité de l'Eglise mange spirituellement: & que l'interprete que spirituellement c'est demeurer en l'Eglise.*

### C O N T R E.

Je n'ay corrompu ny allegué mal à propos le texte de S. Augustin contre vous. Qui est tel. *Spiritualiter manducat, qui in unitate Christi & Ecclesia quam sacramentum significat, manet.* Je ne dy que spirituellement, c'est demeurer en l'Eglise: mais qu'il faut demeurer en l'Eglise & unité de la foy de Iesus Christ, pour le manger spirituellement: C'est pourquoy le huguenot ne le peut manger spirituellement: Puis qu'il est des-vny de l'unité de l'Eglise. Spirituellement, c'est par l'operation du S. Esprit: or le S. Esprit n'est qu'en la seule Eglise Catholique Apostolique & Romaine, *ergo* il n'y a qu'en l'Eglise Romaine, ou l'on le mange spirituellement.

## Heresie 145.

*J'ay maintenu que manger spirituellement, si-*

gnifié par la vertu du S. Esprit. Il dit que non : Et qu'il signifie d'une façon spirituelle. Manger spirituellement c'est communiquer à la Passion du Seigneur. Et pour monstrier que spirituellement n'est pas par l'operation du S. Esprit : il propose que plusieurs choses se font spirituellement, qui ne se faisoient par l'operation du S. Esprit. Pour exemple ce que fait ordinairement le diable. Spirituellement, c'est parler leur esprit & soy. fo. 155.

## CONTRE.

Je maintiens encore que spirituellement, c'est par la vertu du S. Esprit. Et S. Augustin n'a point dit que spirituellement c'est communiquer à la Passion du Seigneur. Mais il a dit *Figura est communicandum Passioni Domini*: c'est un sacrement pour communiquer à la Passion de Iesus-Christ. L'argumente de vostre dire. Se souuenir, que Iesus-Christ est mort pour nous, c'est communiquer à sa Passion, & le manger spirituellement : or ie me souuiens cent fois : ergo, cent fois ie le mange spirituellement, il n'est donc besoin de pain & vin. Et au contraire. Quand vous faictes la Cene, le plus souuent, vous ne vous souuenez de la Passion de Iesus-Christ : ergo vous ne le mangez spirituellement. Spirituellement n'est point par le S. Esprit : par-ce que plusieurs

choses se font spirituellement qui ne se font par luy, comme celles du Diable. Vous causez tousiours mal vostre par-ce que. Ce que le Diable fait, ue se dit par spirituellement, mais Diaboliquement. Vous deuiez adiouter ce mot de tout: que tout ce qui se fait spirituellement ne se fait par le S. Esprit, l'accorde que le Diable fait des choses spirituellement, s'il est ainsi, le S. Esprit n'a pas moins de puissance: il fait donc des choses spirituellement. l'ayme donc mieux dire que spirituellement est par la vertu du S. Esprit, que par celle du Diable. *A præstantiori parte fit denominatio.* Il est en vostre Cene spirituellement: or vous dites que ce n'est point par le S. Esprit: donc c'est par le Diable. Pour se sauuer il dit que c'est par leur esprit & foy. Il baille plus de puissance à sa foy qu'au S. Esprit. L'Eglise Catholique y admet 3. choses spirituellement c'est par l'operation du S. Esprit: vertu des parolles sacramentelles avec la con-comitance de nostre foy.

### ¶ Heresie 146.

*Manger Iesus-Christ Spirituellement, exclud la manducation corporelle. pag. 152.*

l'ay respondu à ce rioteux & hargneux Spirituellement qui culbute aussi les corps.



Nous ne disons pas qu'il y est *charnellement*, *modo carnali*, en Capharnaïte: Mais au lieu il y est *sacramentellement*, *spirituellement*, *substantiellement*, *corporellement*, & *reallement*.

## ¶ Heresie. 147.

*Quant à ce que ie dy qu'il ne scauroit monstrier son spirituellement: il cite. La chair ne profite de rien: Les parolles que ie vous dy sont esprit & vie. pag. 152.*

## C O N T R E.

Quand l'heretique veut prouuer *son spirituellement huguenot*: & que c'est par son esprit & foy, il amene 3. textes. Le 1. est en la 1. aux Corin. chap. 10.

Omnes eandem escam spiritalem manducauerunt, *bien interpreté.*

S. Augustin, au 14. chap. contre Adaman-tus dit, que l'heretique deschire l'escriture, & ne cite iamais le commencement ny la fin, de peur qu'on ne voye le sens de l'Autheur.

*Heretici particulas quasdam de scripturis eligunt,*

quibus decipiunt imperitos: Non connectantes quæ supra & infra scripta sunt, ex quibus voluntas & intentio scriptoris possit intelligi. Ainsi le huguenot s'en venant armé d'un bout rompu, dit. S. Paul a dit que les Peres ont mangé vne mesme viande spirituelle: ergo il n'est que spirituellement en la Cene: ergo c'est par nostre esprit & foy. Voire: & que ie sylogite de mesme. Tous les cheuaux ont vne teste, vous auez vne teste: donc vous estes vn cheual. C'est mal argumenté de ce que S. Paul dit à nous autres. Il parle des Peres des Israelites, & de ces premiers que Dieu fist tuer au desert, pour auoir murmuré. Voyons la fin & le commencement du texte. S. Paul dit, qu'à la sortie d'AEgypte, pour commencer la Religion Iuifue, ils furent baptisez d'eau, passant la mer Rouge: & de feu ou du S. Esprit, en la Nuë: & de sang en la Circoncision. Apres ils mangerent la Manne, viande spirituelle: & beurent tous de l'eau qui sortit du rocher, breuuage spirituel. Et bien la Manne & l'eau sont appelez viande & breuuage spirituel: parce que cela arriua par l'operation du S. Esprit: donc spirituellement, c'est par le S. Esprit: puis que tout cela s'est fait par sa conduite: L'eau & la Manne ne peuent estre dits viande spirituelle, par l'esprit & foy des enfans d'Israël. D'autant que quand cela arriua, ils n'y auoyent

ny esprit ny foy, & la Manne tomba contre la foy, opinion, & creance de ces gourmans murmurateurs: Dont la voyant le matin, crierent leur *Man-hu, qu'est-ce que cela*. Spirituellement donc en ce lieu, c'est par la grace du S. Esprit Vous ne recognoissez que 3. pieds à vostre spirituellement: vostre foy: le S. Esprit: & le Diable. J'ay coupé le pied pourry de vostre foy. Vous n'y voudriez pas recognoistre le diable. Il ne reste plus que le S. Esprit, & neantmoins la realité & substance y estoit: donc le spirituellement ne chasse le corps, la realité, & propre substance de quelque chose. En S. Iean 6. la sainte Hostie est dicte par Iesus-Christ la vraye Manne. Donc si Iesus-Christ y est spirituellement, c'est par l'operation du S. Esprit: & si la propre substance y est: La Manne n'est pas dicte *spirituelle*, par-ce que c'est la viande des Anges, Car au mesme lieu, l'eau qui sortit de la pierre est dite *breuage spirituel*: par-ce qu'elle sortit par l'operation du S. Esprit. Ioint que les Anges ne beurent pas de ceste eau de roche: donc la Manne, & l'eau que les enfans d'Iraël mangerent au desert, est dite spirituelle, par ce qu'ils furent baillez par l'operation du S. Esprit. Ce lieu fait pour nous contre nous. Si la Manne figure est dite spirituelle, par-ce qu'elle fut donnée par le mystere du S. Es-

prit: de mesme l'Eucharistie qui est la realité de la Manne, est dite spirituelle, par l'operation du S.Esprit.

*Caro nihil prodest, c'est à dire le sens humain par 17. textes.*

Le huguenot argumēte ainsi. Iesus-Christ a dit que la chair ne profite de rien: *ergo* la chair n'est pas au sacremēt. C'est ineptement conclu. Ce *Caro nihil prodest*, seruiroit à vn Athée qui se mocqueroit de nos sacremens. Il y a 3. choses à ce texte. Que *Caro*, mis seul, signifie l'homme: Que *Caro nihil prodest*, signifie le sens brutal, le sens charnel. Et qu'il ne signifie point la chair de Iesus-Christ.

Pour le 1. tousiours en l'Escriture ce mot de *Caro* seul signifie le sens brutal de l'homme: Ce que ie prouue par 10. authoritez. Au 1. des Corint. chap. 15. *Caro & sanguis regnum Dei possidere non possunt*. La charnalité ne gagnera d'elle mesme le Paradis. En S. Matth. 16. Iesus dit à S. Pierre qui confessa qu'il estoit le vray Messie. *Caro & sanguis non reuelauit tibi*. Ta chair, ton sens brutal, ton esprit & ta foy ne te l'ont pas reuelé: mais le S. Esprit. *Sed Pater qui in caelis est*. Au 3. aux Rom. *Omnis Caro non iustificatur ex operibus legis*. Et en la Ge 2

ñese. *Non permanebit spiritus meus in homine & c. quia caro est.* Par-ce que l'homme est trop brutal, charnel. Au 8. des Rom. il dit. *Qui secundum carnem ambulans*: Ceux qui suiuent leur brutalité & terrestreté. Et au mesme. *Qui in carne sunt, Deo placere non possunt.* Ceux qui suiuent leur chair, leur sens sensuel ne plaisent à Dieu. Et suiuant: *Vos autem qui in carne non estis, sed in spiritu (sitamen spiritus Dei habitat in vobis.)* Là *Caro* est oppose au S. Esprit. Et au mesme. *Prudentia carnis mors est* S. Paul dit au 1. des Galat. *Non acquieui carni & sanguini*: il n'a suiui sa chair & brutalité. De mesme, en cet endroit, *Caro nihil prodest*, c'est à dire le sens humain ne sert de rien.

Que *Caro* en cet endroit signifie le sens, la raison humaine: le le prouue par les Docteurs qui ont expose ce lieu. S. Cyprian de *Cœna* dit. *Caro nihil prodest: id est carnalis sensus.* Il parle aux huguenots Capharnaïtes qui ne pouuoient comprendre comme il leur bailleroit sa chair à manger, pensant qu'il la bailleroit coupée en morceaux comme celle de la boucherie, & qu'elle ne suffiroit à tous, ny guere long temps: & que la Religion cesseroit bien tost: le sacrifice cessant: Alors il leur dit que leur chair & sens naturels ne pouuoit comprendre cela. *Caro nihil prodest: in cogitationibus huiusmodi, Caro & sanguis non potest*

*quicquam: nec carnalis sensus, ad intellectum tantæ profunditatis penetrat: le sens charnel ne peut rien en de si hautes & sublimes cogitations, s'il n'est aydé du S. Esprit. S. Augustin sur le Psalme 98. dit, Acceperunt illud stultè, carnaliter illud cogitauerunt. Hesichius sur le 22. du Leuitique dit. Caro nihil prodest. Nihil in eis minori rationi & infirmæ menti proximum est: quia cunctum carnis excedunt sensum.* Sont choses trop hautes & altieres pour nostre pensée & raison charnelle. S. Iean Chrysostome & Theophylacte disent *Caro nihil prodest: Cogitatio carnalis & humana nihil valet.*

Quand donc il dit, *Caro nihil prodest*: Il ne parle pas de sa chair, pour deux raisons. Quand il parle de sa chair il y baille tousiours vne addition. *Caro: mea. Corpus: meum. Caro: filii hominis.* Joint qu'il ne parle pas de sa chair en ce lieu. En 2. lieu il ne parle de sa chair & qu'elle ne profite de rien. Car en vain il auroit esté incarné: En vain il auroit promis de la bailler, qu'elle nous donnera la vie eternelle, & nous fera resusciter. Donc par le mot de *Caro* il entend le sens humain, le sens brutal de l'homme, la basse & petite raison qui ne peut comprendre de soy choses si hautes. Le 3. suit.

Verba quæ dico vobis spiritus & vita sunt, *veritablement expliquez.*

Par ce mot de *Verba*, il entend sa chair comme a dit S. Jean *Verbum caro factum est*: laquelle nous donnera esprit & vie, nous faisant resusciter: il est appelé le *verbe*. Ou bien par *verba*, il entend les parolles sacramentelles: Qui est vne chose bien difficile que des parolles donnent esprit & vie. En S. Jean 6. il leur parle de toutes choses impossibles au sens humain & raison naturelle: & ce 6. chapitre a bien causé des heretiques. Il dit qu'il est *pain*: chose impossible qu'un homme soit pain. Que ce pain est descendu du ciel. En 3. lieu que ce *pain* resuscitera les hommes chose impossible naturellement. Qu'il est descendu du ciel: iamais nul n'en descendit. Qu'il baillera son corps à manger: ce que nul homme n'a fait: & que ce corps que nous aurons mangé, contre la nature du corps remontera au ciel. Pour le dernier il dit que ces parolles baillent esprit & vie: qui sont toutes choses impossibles aux hommes. Disant qu'il estoit venu du ciel, les Ariens, l'ont nié & les Iuifs encore. Disant qu'il resuscitera, les Saduceans heretiques ont nié la resurrection. Disant que

ses parolles sacramentelles bailloyent esprit & vie, les huguenots le nient. Disant qu'il bailleroit la chair à manger, les Capharnaïtes se firent huguenots: & les Calvinistes les ont tuiuis. Toutes les plus meschantes herefies ont meschamment pris fondement en ce chapitre. le prens le dernier.

*Les parolles que ie vous dy, contre toute impossibilite & sens naturel donnent esprit & vie.* Aussi nous auons promesse que ce sacrement nous donnera la vie, & nous fera resusciter par l'operation du S. Esprit. Au sacrement il faut deux choses, les parolles, & le S. Esprit. *Verba quæ dico*, sont les parolles sacramentelles: & l'operation du Sainct Esprit, suit ioinnant, *Spiritus est qui uiuificat* Que sa parolle ait la puissance de bailler esprit & vie: il ne le dit pas seul. S. Pierre en S. Iean 6. a dit *verba vita aeterna habes*: & S. Pierre par son *verba* respond au *verba* de Iesus-Christ au mesme lieu. S. Paul Heb. 4. a dit, *Viuus est sermo Dei*: Et S. Ambroise liu. & chap. 4. *Sacra dit. Est operatorius sermo Christi*. S. Cyrille: *Viuificans gratia Dei*. S. Iean Damascene liur. 4. chap. 14. Orto. suit S. Paul. *Verbum Dei viuens & efficax est*. Comme ç'a esté le S. Esprit qui donna vie au verbe dans le ventre de la Vierge de mesme, c'est le S. Esprit qui viuifie en la Messe le Verbe & les parolles de Iesus-Christ. Et dit



que la chair de Iesus-Christ est l'Esprit viui-  
fiant. *Spiritus viuificans est caro Domini: Quia  
ex viuificante Spiritu concepta est. Quod autem  
natum est ex Spiritu, Spiritus est.* La chair de le-  
sus Christ, est conceuë du S. Esprit, & elle est  
le S. Esprit mesme: Voila l'argument d'erain  
de Zuingle ou de verre plustost, qui est  
cassé: Ou est-ce donc que le huguenot veut  
fonder cy dessus son Spirituellement? & qua  
spirituellement c'est par son esprit & foy? cela  
est faux,

*Spirituellement c'est par l'operation  
du S. Esprit.*

Le corps de Iesus-Christ est *spirituellement*  
en la sainte Hostie, c'est à dire par l'opera-  
tion, & mystere du S. Esprit: & non pas par  
nostre esprit & foy. Et si *le spirituellement hu-  
guenot*, ostoit la realité du corps, plusieurs in-  
conueniens s'ensuyuroyent. Il n'auroit point  
eu vn vray corps au ventre de la Vierge: car  
il fut conceu *spirituellement* & par l'operation  
du S. Esprit. *Spiritus Sanctus superueniet in te.* Il  
n'auroit pas baille son vray corps en la croix:  
car il y fut offert *spirituellement*, comme  
dit S. Paul Hebr. 9 & par le mystere du Saint  
Esprit. *Per Spiritum Sanctum semetipsum obtulit.*

Tiercement son corps ne ieroit au ciel: d'autant qu'il y est *spirituellement*: Si *spirituellement* est par la foy du huguenot, si elle croid qu'il soit au ciel, il y est: si elle croid qu'il est en Enfer il y est. C'est vn autre Caducée que la foy huguenote, elle mene & ramene les ames en Enfer. Elle damne ceux qu'elle veut: elle met les autres au ciel l'ay peur que ceste puissance ne luy deffaille, lors qu'elle y deura prendre place elle meisme.

Toutesfois que *spirituellement* se trouue en l'Escriture: c'est par l'inspiration du S. Esprit, & y a tousiours vn corps real. Ce que ie prouue depuis le commencement de la Bible iusques à la fin.

Adam auant le peché estoit tout spirituel, c'est à dire créé par l'operation du S. Esprit. Le sacrifice d'Abel est dit Spirituel par Tertulian liur. & chap. i. contre les Iuifs. *Abel duced Spiritu Sancto, sacrificauit: Sed Cain proprio sensu naturali*. Ce sacrifice est dit spirituel, parce qu'il fut fait *à la Catholique*, & par l'inspiration du S. Esprit. Mais celuy de Cain fut fait *à la huguenote*, par sa foy, & sens naturel. Au mesme lieu. Il dit que le sacrifice d'Abel estoit la figure de l'Eucharistie. si la figure est spirituelle, par le S. Esprit. & auoit vn vray corps. La realité, la saincte Hostie est spirituelle de meisme: & contient le vray corps de  
Iesus-

Jesus-Christ. Henoc est le premier homme spirituel du monde, dit S. Gregoire: par-ce que le 1. par inspiration du S. Esprit, il inuoqua Dieu. Il est spirituel & auoit vn vray corps, Le sacrifice de Noé: de Melchisedec estoyent spirituels, c'est à dire offerts par l'instinct du S. Esprit, & il y auoit vn corps real.

Dés que l'Eglise lui fue fust dressée, ils furent baptisez, nourris, & abreuez spirituellement, c'est à dire par le S. Esprit, & non par leur foy. La Manne auoit vn vray corps toute spirituelle qu'elle estoit. Tous les grâds faiçts de Moyse, de Gedeon, de Iephte; de Sampson, de Dauid, de Iudas Machabeus le plus grand Capitaine du monde: & des autres ont esté faits spirituellement & par l'ayde du S. Esprit.

Venons au nouveau Testament. S. Iean Baptiste, en S. Luc 1. auoit vn vray corps dans le ventre d'Elizabeth, & estoit spirituel: *Spiritu Sancto replebitur adhuc ex utero matris sue*: La Vierge a conceu spirituellement. Iesus fut baptisé, fut sacrifié, resuscita: & est monté au Ciel spirituellement, c'est à dire par le mystere du S. Esprit: & neantmoins il y a eu tousiours vn vray corps. Le sacrifice d'Abel & de la croix sont dits spirituels, c'est à dire conduits de la main du S. Esprit & il y auoit vn real corps: de mesme l'Eucharistie

est sacrifice spirituel, & le vray corps de Iesus-Christ y est.

Nous resusciterons spirituellement : ou par le Diable : ou par nostre foy : ou par la grace du S. Esprit. Ce ne sera point par nostre foy : car elle meurt quant & le corps : il n'y a que la charite qui demeure, ce ne sera donc par nostre foy : ou bien si c'est par vostre foy : resuscitez vous des ceste heure : Ce ne sera pas par la force du Diable : il faut donc que ce soit par la vertu & energie du S. Esprit. Or nous aurons vn vray corps : par consequent le spirituellement ne chasse le corps. Estans resuscitez, nos corps seront spirituels, & auront la qualite des esprits : ils seront en mille endroits tout à la fois : subtils, agilles. Ce que la Banfferie nie : Mais S. Gregoire chap. 31. sur Iob, le desment. *In illa resurrectionis gloria, erit corpus nostrum subtile quidem per se effectum spiritualis potentia* Iesus-Christ nous a promis, que nous serons semblables aux Anges. *Erunt similes Angelis.*

Il ne dy tout seul, que le corps de Iesus-Christ est spirituellement, par l'operation du S. Esprit. S. Cyrille sur S. Iean dit, que par la Benediction, il est vny corporellement avec nous comme homme : & spirituellement comme Dieu, par la grace du S. Esprit. *Corporaliter filius per benedictionem iungitur nobis ut homo*

*Vnitur: Spiritualiter autem ut Deus, sui Spiritus gratia,* Le huguenot qui en oste la benediction en oste la corporalité: & en ostant l'opération du S. Esprit en oste la spiritualité: Donc s'il a dit, *Spiritualiter ut Deus nobis Vnitur sui Spiritus gratia: spirituellement,* c'est par le mystere du S. Esprit. Au mesme, il dit que Iesus est la vigne: & nous le sarmant: *propter identitatem naturæ.* Là il conioinct *Spirituellement & corporellement* tout ensemble. *Spiritualiter & corporaliter nos Palmites.* S. Chrysostome sur S. Matth. interpretant. *Desiderio desideravi. Hoc est &c. Pascha dare de quo vos spirituales faciam.* Et au traicté de la Trahison, appelle le sacrement, *Pasque spirituel: Pascha Iudaicum exemptum, & euacuatum est, Pasche spiritualis aduentu.* S. Bernard dit que la vraye substance de la chair de Iesus-Christ nous est baillée non charnellement, *modo carnali:* comme celle de la boucherie, mais spirituellement. *In sacramento exhiberi nobis veram carnis substantiam, non carnaliter: sed spiritualiter.* Il dit que la vraye substance de la chair nous est baillée. Nous demeurerons donc en ceste

### Créance.

Le corps de Iesus-Christ est en la sainte Hostie spirituellement, non seulement par

nostre foy : mais par l'operation du S. Esprit, qui seul fait les choses absentes presentes: il y peut estre aussi spirituellement en la façon des Anges qui n'occupent point de lieu : ou comme l'ame de l'homme, qui toute est en chaque partie du corps, & en plusieurs endroits. Il est en l'Eucharistie, sacramentellement, reallement, substantiellement, veritablement, corporellement & spirituellement Il n'y est pas charnellement, c'est à dire qui se mange crud avec les dents, comme la chair de la boucherie. Il n'y est pas aussi visiblement : mais au lieu il y est sacramentellement & spirituellement.

### ¶ Heresie. 149.

*D'estre en diuers lieux tout à la fois, cela n'appartient ny aux corps, ny aux esprits : ains seulement à Dieu : duquel l'une des proprietés est d'estre par tout : Encor que les Anges n'occupent aucun lieu circonscriptiuè, mais desfinitiuè. Il ne se trouue point que les corps resuscitez, ny le corps de Iesus Christ puisse estre en diuers endroits tout à la fois. Et que la Philosophie, par laquelle Dieu nous esclaire, nous monstre que cela ne se peut faire. Le corps de Iesus Christ n'estant que d'une façon spirituelle en la Cene. Il demeure au ciel en sa propre substance il ne peut estre corporellement icy b. 11. fo. 157.*

## CONTRE.

Vn desesperé voyant qu'il a tout perdu, iouë de son reste. Le Predican la Banfferie ne pouuant plus de quel bois faire flesche, donne le dernier effort, & pour oster la realité du corps, dit qu'un corps ne peut estre en diuers lieux, tout à la fois. Mais il sera aussi peu en ce point qu'en tous les autres.

*Corps en diuers lieux.*

*Estre en diuers lieux tout à la fois, n'appartient qu'à Dieu.* Cela est faux. Dieu le Pere n'est point en diuers lieux : qui plus est, il n'est point en vn lieu. Tout le monde & le Ciel n'est qu'un lieu, & non plusieurs, qui est remply de la presence, essence, & puissance de Dieu: tout n'est qu'un lieu, Dieu ne peut estre en plusieurs. Ce qui se separe & diuise, peut estre en diuers lieux : or Dieu ne se peut se-  
parer : ergo il ne peut estre en diuers lieux. Il n'est qu'en vn lieu : il remplit tout. Virgile est plus Chrestien que la Banfferie. *Iouis omnia plena.* Et Dieu mesme en Hieremie 23. dit, *Cælum & terrã ego impleo.* Dont la fable dit que Dieu est vn Pan qui avec son tour remplit tout. Tant s'en faut que Dieu soit en diuers

lieux, qu'il n'est pas en vn seul. Estre en vn lieu, est se passer de l'vn en l'autre: Or si Dieu estoit en vn lieu, il faudroit qu'il y eust vn autre monde, & vn autre Ciel pour passer, cōme Anacharsis disoit à Alexādre. Le commun accord des Philosophes ne recognoist qu'vn Ciel entre les 12. digne de ce nom & vrayement Ciel: donc Dieu n'est en vn lieu, puis qu'il n'a d'autre Ciel pour passer. Mon Dieu pardonnez moy si ie parle ainsi humainement de vostre diuinité. Ce qui est en vn lieu, est plus petit que le lieu: or Dieu est plus grand que tout: donc il n'est en vn lieu. Estre en vn, ou diuers lieux, suppose quelque chose de vuide: or il n'y a rien vuide de Dieu: *Cælum & terram implet*: donc il ne peut estre en vn lieu. Il ne se peut faire que Dieu occupe de lieu: Les Anges n'en occupent pas. *Circoscriptiue*. Il a bien autāt de pouuoir qu'eux: or nos corps resuscitez, seront semblables aux Anges: donc ils n'occuperont de lieu.

*Il ne se trouuera point qu'vn corps resuscité puisse estre en diuers lieux.* Cela est faux. Il se trouue en 10. lieux de la Bible que le corps de Iesus-Christ resuscité s'est trouué en diuers lieux. Il se trouue en S. Ancelme que les resuscitez peuuent estre au Ciel & en terre. Ils ont vne volonté si libre que tout ce qu'ils veulent, ils le peuuent.



*La Philosophie leur monstre que cela ne se peut faire.* Vous voulez donc assubiectir Dieu aux regles d'Aristote: & vostre maistre Luther vous le deffend. Là ou il est question de Theologie, la Philosophie n'a point de lieu: Sa puissance ne passe les regles de Nature. Si vous voulez emprisonner Dieu, dans le cachot de Nature: dites comme de rien, il a fait tout, contre les Maximes de Philosophie? *ex nihilo nihil fit*: dites moy comme selon la Philosophie 3. personnes peuuent estre en vne subitance? comme 2. natures sont en Iesus-Christ? Comme il a esté conceu la Vierge demeurant Vierge? comme il est resuscité? Passe au trauers de la pierre? cōme il a penetré les cieux plus d'irs qu'Aymant, sans occuper lieu? dites comme nous serons faits de pouldre chair? comme la flame d'Enfer est inextinguible sans matiere? comme les corps des damnez ne se consomment iamais au feu? Il est plus impossible naturellement, qu'un corps ne se consume point, que d'estre en diuers lieux.

*Le corps de Iesus Christ n'est que d'une façon spirituelle en la Cene, il demeure au ciel en sa propre substance.* Prouuez, ce n'est pas assez de dire. J'ay prouué que spirituellement n'oste point la substance. Allegans S. Cyrille deuan-  
cier de S. Augustin qui dit, *Filium Dei naturā*

*patri unitum, corporaliter, substantialiterque acci-  
pientes.*

## *Corps en diuers lieux selon la Philosophie.*

Iaçoit que nous ne deuions enfermer la grandeur de Dieu dans l'estroite capacité des Philosophes: Toutesfois ie prouue par eux qu'un corps peut estre en diuers lieux. L'ARISTOTE dit que, *Velle & posse apud Deum idem sunt*, vouloir & pouuoir sont vn enuers Dieu. Dieu peut qu'un corps soit en diuers lieux: il le veut donc. Dieu est appellé *omnipotent*. Parce qu'il peut faire tout ce qu'il n'implique point contradiction: or il n'implique point cōtradiction, qu'un corps soit en diuers lieux: *ergo* il le peut: s'il le peut, il le veut. Dieu peut faire ce que l'homme peut conceuoir: or l'homme peut comprendre vn corps en diuers lieux tout à la fois: donc Dieu peut mettre vn corps en diuers lieux. Cela ne repugne à la volonté de Dieu, il le peut. *Apud Deum omnia possibilis sunt. Non est impossibile apud Deum omne verbum. Credēti omnia sunt possibilis* Vn homme peut croire vn corps en diuers lieux: donc il n'est pas impossible à l'homme qui croid: qu'un corps soit en di-

uers lieux en vn instant.

Estre en vn lieu, n'est point de la nature du corps, ny de son essence: mais vn accident de dehors: *ergo* estre en diuers lieux n'empesche la nature, & substance du corps. Le corps de Iesus-Christ en 4. lieux n'a occupé de lieu. Sortant au trauers du ventre de la Vierge: passant à trauers le Tombeau: les portes closes: & le ciel. Il se prouue qu'un corps peut n'occuper de lieu. Le 1. Mobile, & dernier ciel, n'occupe point de place. La *Substance* est la 1. des Categories, les 9. autres ne sont qu'Accidens: or ceste *Substance*, peut estre sans les accidens *esse*, *ubi* & les autres. Estre en vn lieu ou plusieurs, sont accidens de la substance du corps de Iesus Christ: donc ce corps peut estre sans ces Accidens. La *Lumiere* du Soleil est vn corps, & elle est en infinis lieux tout à la fois: Iesus-Christ qui est la vraye lumiere, illuminant tout homme, pourra bien estre en infinis lieux tout à la fois. La *Parole* d'un Predicateur est vn corps & est en milles lieux & aureilles, tout en vn mesme temps: Iesus-Christ qui est le *Verbe* & la vraye *Parolle* de Dieu incarnée peut estre en diuers lieux tout à la fois. Il ne faut argumenter du corps de Iesus Christ comme d'une pierre: Car il est Dieu, & resuscité. Estant Dieu son corps est ioint à sa diuinité: & estant resus-

cité son corps est spirituel & aufsi agile qu'vn  
 esprit subtil. Ce corps passa par son agilleté à  
 trauers le monument : les portes closes : il se  
 rendoit vilible & inuisible quand il vouloit :  
 Comme aux Pelerins d'Emaux, il s'esuanouit  
 & disparut. Je diray plus : que le corps & le  
 lieu ont bien vne mesme puissance. Le lieu  
 peut bien comprendre diuers corps : le corps  
 de mesme pourra bien estre en diuers lieux.  
 Ce que la figure du corps fait bien, le corps  
 le fera bien : or qu'vne chambre soit toute  
 plaine de Mirouers, vn hōme s'y promenant,  
 la figure & image de son corps, sera en toutes  
 ces Glaces. Donc le corps peut bien estre en  
 diuers lieux, comme son image & figure.

*Corps en diuers lieux selon les He-  
 retiques.*

Petro bruis & les autres Petrobrusiens  
 huguenots, l'an 1124. disoyent qu'en l'insti-  
 tution de la premiere Cene, le corps de Iesus-  
 Christ y estoit : Mais non du depuis : donc  
 s'il estoit en la premiere Pasque, il estoit en  
 diuers lieux. Calvin confesse qu'il reçoit rea-  
 lement la substance de Iesus-Christ toute en-  
 tiere, & tous les autres aufsi : or ceste sub-  
 stance est vn corps : Donc le corps est en di-

uers lieux tout à la fois.

*Corps en diuers lieux selon 10. textes  
de la Bible.*

Par dix textes de la Bible ie prouue que le corps de Iesus-Christ est en diuers lieux. Pour le 1. le prie aux Catholiques de remarquer ce beau texte de la Sapience 7. verset 24. Iesus est *la Sapience* du Pere : or ceste Sapience est si legere pour la netteté, qu'elle atteint par tout. *Omnibus enim mobilibus mobilior est sapientia: Attingit autem vbique propter suam munditiam.* Tu demandes comme le corps de Iesus-Christ est si mobile, & viste, qu'il puisse estre en vn mesme instant au Ciel & en l'Eucharistie? Voila comment : *Sapientia mobilibus mobilior est.* Iesus-Christ est le viste des vistes, le mobile des mobiles. Tu demandes comme il peut estre en plusieurs lieux tout à la fois. *Attingit vbique propter suam munditiam.* Il est si net qu'il atteint par tout.

En la Pasque Iesus-Christ bailla son corps à māger à tous ses Apostres, *Hoc est corpus meū.* dōc il estoit en diuers lieux: c'estoit son corps puis qu'il l'auoit promis. *Quacunque promisit potens est & facere.* Rom. 4. Dieu seul sçait faire ce qu'il promet. Le sang estoit vn vray

corps : or il estoit en 15. endroits : dans les 12. Apostres : dans le calice : dans les veines de Iesus-Christ : & dans son Corps le beuuant comme a dit S. Chrysostome : donc vn corps peut estre en diuers lieux. Il commanda à ses Apostres de le sacrifier de mesme : or les Apostres separez en diuers lieux , celebrant la Messe, le corps estoit en diuers lieux.

Aux Actes 9. & 22. deux ans & demy apres l'Ascension, S. Paul fust conuertý : & veid Iesus-Christ personnellement en terre. Ce ne fut point vn Ange ny vne vision : mais il veid le propre corps de Iesus-Christ resuscité. Ce qui se prouue par infinis lieux. S. Barnabé raconte aux autres Apostres, que S. Paul auoit veu Iesus-Christ en personne. Aux Actes 22. verset 15. Le Prestre Ananias auquel Iesus enuoya S. Paul, dit que S. Paul a veu Iesus-Christ le iuste, & auoit ouy sa parole de sa propre bouche. *Deus præordinauit te vt cognosceres voluntatem eius & videres iustum, & audires vocem ex ore eius: quia eris testis illius ad omnes homines, eorum quæ vidisti* : ou le S. Esprit pour confondre le huguenot a dit, *vt videres iustum* : & puis, *& audires vocem ex ore eius* : c'estoit donc luy-mesme qui parloit de sa propre bouche. Car il n'y a que luy qui est appellé le *Iuste* : En outre, *eris testis eorum quæ vidisti & audisti*. Le moyen qu'il eust esté tes-

moins de la resurrection, s'il n'auoit veu qu'un Ange: il auroit esté vn faux tesmoin: S. Paul voyoit & entendoit Iesus-Christ, mais il ne le cognoissoit pas: dont il demanda *quis es Domine.* Iesus-Christ respond. *Ego sum Iesus quem tu persequeris.* Voila qui est si clair: Iesus-Christ donc estoit en terre: sont propos de gens qui se voyent & parlent ensemble. Ou entre autre chose il faut remarquer, que par tout en la Bible, ou Dieu s'est seruy d'un Ange, il n'a iamais pris le nom de Dieu ny dit, *Je suis Dieu qui parle:* mais en ce lieu le Messie parlant dit: *Je suis Iesus que tu persecutes:* c'estoit donc luy-mesme.

Le lieu est plus expres aux Actes: ou la grãde querelle est de ce que S. Paul preschoit qu'il auoit veu Iesus-Christ resuscité contre l'heresie des Saduceans: Dont on luy reprocha qu'il estoit Predicateur de nouueaux Demons, de dire que Iesus-Christ estoit resuscité.

Le texte du 9. de la 1. aux Cor. Abat la grand' beste noire du huguenotisme: ou S. Paul a veu Iesus-Christ en propre personne, resuscité en terre, comme les Apostres & la Magdaleine l'auoyent veu: or ils ne le virent iamais que resuscité personnellement en terre, *ergo* S. Paul l'a veu en terre. Les Corinthiens premiers Chrestiens luy disoient qu'il

n'estoit point *Apostre* & luy demandoient lettres & marques de sa Mission, comme on fait aux huguenots. Il dit qu'il estoit *Apostre*; comme les autres, tel que estoit S. Pierre: il ne dit en huguenot qu'il n'en falloit point: mais il respond que Iesus-Christ l'auoit enuoyé comme les autres: & qu'il l'auoit veu: or les Apostres n'ont esté enuoyez en vision ny par vn Ange, mais en propre personne resuscité estant en terre: donc S. Paul l'a veu en terre. il dit. *Non ne Dominum nostrum vidi?* Son argument est bon: Je suis *Apostre* comme les autres, car i'ay veu Iesus-Christ resuscité, & ay esté enuoyé de luy comme eux. Il l'a donc veu en propre personne.

Il dit que Iesus-Christ est resuscité, & amene pour tescmoin S. Pierre & S. Iaques qui l'auoyent veu resuscité: & que du depuis il l'a veu encore. Il estoit donc en terre 3. ans apres sa mort. *Novissimè tanquam abortiuo visus est & mihi.* Il parle du corps de Iesus-Christ resuscité: & non d'un Ange: car ils ne meurent pas. Au 26. des Actes Iesus parle à luy, luy-mesme, disant. *Apparui tibi, & constituam te Ministrum & testem eorum quæ vidisti.* Je me montre à toy corporellement, afin que tu sois *Apostre* & tescmoin, de ce que tu as veu & ouy. Il n'auoit pas les yeux de Lyncée pour le voir dans le ciel, ny les oreilles de Mydas;



pour entendre ce que Iesus luy disoit. Il y a *Vidisti & audisti*, qui sont les 2. sens, pour faire vn bon tesmoin. Il est tesmoin oculaire de la resurrection. Il y a *Aparui*: le te suis aparui. Toutesfois que Iesus-Christ s'est aparui: c'a esté corporellement resuscité en terre, cōme à S. Pierre: à la Magdaleine: aux Apostres en la chambre: aux deux Pelerins: à S. Thomas: donc apparoiſſant à S. Paul, il estoit corporel en terre. En la Transfiguration Moÿse & Helie, qu'il y auoit long temps que Dieu auoit emportez. apparurent bien corporellement avec Iesus Christ: il n'y auoit que 3. ans que Iesus estoit monté: il peut bien estre apparui corporellement.

Si S. Paul n'auoit veu corporellement Iesus-Christ, & n'auoit esté enuoyé de sa propre bouche imediatement, il ne seroit pas *Apostre*: mais seulement disciple. C'estoit bien la raison que comme S. Pierre chef de tous les Papes & souuerains Pontifes, auoit veu Iesus-Christ personnellement resuscité: que de mesme S. Paul, qui estoit le chef de tous les Docteurs, le veid. Puis que donc S. Paul a veu Iesus-Christ resuscité en terre, apres l'Ascension, son corps estoit en diuers lieux, au ciel & en la terre: & par consequent, il peut estre en diuers endroits tout à la fois

Corps en diuers lieux selon les Con-  
ciles & Peres.

Le i. Concile de Nice, à qui le huguenot ne peut que reprocher: Reconnoist le corps de Iesus-Christ au Ciel & en l'Eucharistie. *Attolentes mentem, fide intelligamus. in sacra illa Men'a signum illum Dei tollentem peccato.*

S. Athanase qui y estoit dit, que le corps à qui le pere dit, *Sieds toy à ma Dextre*: qui fut tenté par le Diable, est en la sainte Hostie. *Corpus est, cui dicit, sede à Dextris meis: Cuius etiam fuit inimicus Diabolus.* Ce Docteur en Theodoret Dialogue 2. reconnoist le corps en diuers lieux.

Le Diable battant S. Anthoine, Iesus Christ se trouua pres qui le chassa. Tesmoin S. Athanase: *ergo* il estoit au Ciel & en terre. Il apparut en propre personne à S. Pierre 30. ans apres l'Ascension, pres de Rome, comme disent infinis auteurs, entre autres S. Ambroise contre Auxentin. *Vado iterum crucifigi.*

S Chrysofome liu. 3. de *Sacerdo.* dit qu'il est en vn mesme clin d'œil au Ciel, & entre les mains des Prestres. *Qui cum Patre sursum sedet, in illo ipso temporis articulo omnium manibus pertractatur:* & sur le 10. des Heb. dit qu'il est

est offert en plusieurs autels.

S. Cyrille sur S. Jean dit : *Filium Dei natura Patri unitum corporaliter & substantialiter accipientes.*

Tant s'en faut qu'on ait creu , le corps de Iesus-Christ estre en diuers lieux du temps de la Primitiue Eglise. Qu'aucuns ont dit que les corps des Martyrs estoient en toutes les Eglises ou ils faisoient des miracles. Ce que S. Augustin n'a voulu refoudre.

S. Anselme chap. 15. *Similitudum* dit, que les corps resuscitez sont si legers & agilles, que plus viste que dit, ils sont au ciel & en terre. *Velocitas &c. tanta nos comitabitur, ut ipsis Angelis Dei aequae celeres simus: qui à celo ad terram & è conuerso, dicto citius dilabuntur: & au 68. chap. dit. In futuro &c. Bonus quicquid uoluerit facere poterit, Quoniam ipsum Omnipotentem in omnibus suae uoluntati concordantem habebit.* Ce mesme en son epist. 2. *ad Hugonem* escrit, que les resuscitez sont au ciel & en la terre: ergo en diuers lieux. *Quisquis ibi regnare meruerit, quicquid ibi uolet, hoc erit in celo & in terra.* Et là mesme dit, que ce qu'un corps resuscité veut, que Dieu & tous les autres le veulent. *Quicquid unusquisque uolet, hoc erit de se ipso & de omnibus aliis, & de tota creatura, & de ipso Deo.*

Hugo en son liure de l'Âme dit que les re-

fuscitez peuent tout à vn coup faire 7. choses. Il est aussi impossible naturellement de faire 7. choses tout à la fois, que d'estre en diuers lieux. *Beatorum, &c. Actio Septiformis est: Viuunt: Sapiunt: Amant: Gaudent, Laudant: Veloces sunt.* Et interpretant *Veloces sunt*: dit que le corps est par tout ou l'esprit veut: ils ne sont donc pas liez là haut avec des chaines. *Veloces sunt. Quia vbicunq; esse vult spiritus, ibi est etiam corpus.* Si les corps des hommes peuent estre en diuers lieux, celuy de Iesus-Christ le pourra bien. C'est chose admirable de la puissance que les corps resuscitez ont: Et le brutal huguenot les veut encore enfermer sous la clef de l'impuissance Mais il luy faut dire le texte de S. Augustin Epistre 3. à Volusian. *Miratur hoc mens humana, Et quia non capit fortasse non credit.* Il faut dire *mens Heretica*. Par-ce que la folle & estourdie pensée du huguenot ne le peut comprendre elle ne le croit pas. *Bestialiter sunt obstinati.* Aussi les 4. marques de l'heretique sont Tres-ambitieux: Tres-ignorant: Tres-malicieux: & Tres-obstiné.

## ¶ Heresie. 150.

De l'Epilogue de mon liure, il n'en dira rien: il veut seulement remarquer la fausse allegation d'Eu-

be que le Pape Telesphore n'a point institué de dire 3. Messes le iour de Noel. Page 165.

## CONTRE.

J'ay amplement refuté cecy au traicté de la Messe. Toutesfois ie suis content de boucher ce Tombeau par ceste derniere verité. Thelesphore Pape 9. estoit l'an 139. 100. ans apres Iesus-Christ. & 70 apres S. Pierre & S. Paul. Iceluy or donna de dire 3. Messes le iour de Noel : & commanda qu'on y chantast , le *Gloria in excelsis*. Luy-mesme au chap 2. de son Epistre aux Euesques dit *Noctie verò Sancta Natiuitatis Domini Saluatoris, Missas celebrant : & Hymnum Angelicum in eis solemniter decantent.*

Damase Pape l'an 397. En la vie de Thelesphore dit. *Hic fecit vt in Natali Domini nostri, noctu Missæ celebrarentur.*

Cassander au 1. des Conciles, dit de Thelesphore , *Vt ter in die Natiuitatis Domini Missæ celebrarentur statuit.*

Vucelius en son Epitome, parlant de Thelesphore escrit. *Thelesphorus Papa Religiosissimus, triplicis in Natalis Domini Liturgiæ in eademque Doxologiæ concinande Autor.* Il y a 1453. ans que ce Pape estoit , lequel commanda qu'on châtast 3. Messes le iour de Noel: Dotac

au parauant on en disoit quelque-vne. Ceste si longue durée demōstre qu'elle est de Dieu. & que toute autre sorte & maniere de seruir Dieu, est bastarde & illegitime.

La ridicule responce de mon aduersaire, est vne Lerne d'heresies: Toutesfois ie n'en ay tiré que 150. des plus lourdes, palpables, & blasphemantes, que i'ay refutées par le texte de la Bible, Resolution des Conciles, & Authoritez des Peres. I'ay exposé au public ses mesmes inepties, afin qu'vn chacun iuge comme il est brutal de paillarder avec des obiects si difformes. Tout ce qu'il a dit est vieil. Qu'il refournisse son Serrail d'heresies plus belles & recentes, sont les restes de Luther Calvin, Kemnitius & autres. Je perdrois temps de le prier de faire diuorce avec choses si abominables: il empire de prier. Il est comme la corde, laquelle tant plus qu'on la tire, elle roidit. Mais ie suppliray les pauures abusez huguenots de reuenir à repentance, que la honte, qui peut quelquefois beaucoup à les faire opiniastrer en l'obstination, ne les destourne d'vn dessain si sainct. Souuent les plus iudicieux ont admiré comme de si belles ames, & de si bons iugemens, se sont laissez abuser à telle fadelerie: Dieu le permet quelquefois. Car Iesus-Christ a dit que ces faux Prophetes seduiront pres-

que les Esleuz. Craignez vous qu'on die que vous auez esté huguenot: Ce n'est honte, ains vne gloire d'auoir quitté le mal: & vous diray encore avec l'honneur des Stoïques Seneque, que *ce n'est legereté de se departir de l'erreur condamné.* le me promets que quand Dieu aura desuoylé vos yeux du crespé d'obstination & heresie, qu'a iamais vous aurez vn regret en l'ame d'auoir rassoté apres ces vieilles heresies Huguenotes. Pauures desuoyez reuentez en l'Eglise Catholique: Afin que comme nous sommes tous François, & viuons sous vn mesme Roy: que de mesme nous seruions Dieu sous vnē mesme foy & Creance.

✠ F I N.

Au Zoille.


Q V A D R A I N.

*Toufiours l'homme discret l'escriuant fauorise  
Il prouue son labœur, & louē ses escrits:  
Messpris ne crēt iamais parmy les beaux esprits  
Celuy est ignorant, qui les autres mesprise,*

Χαλεπὸν τὸ φρονιμαί.

*Il est bien difficile d'estre Sage.*

Xx iij



*T A B L E D E S C H O-  
S E S P L U S R E M A R Q U A-  
b l e s d e c e T o m b e a u .*

A.

Aaron la 4. Prestrise.	152.
Aaron sacrifia par le commandement de Dieu	154.
Abel dit la Messe en figure	242.
Abel 1. martyr	242.
Abel fut chaste	52.
Abel sacrifia spirituellement	503.
Abraham bailla la disme des despouilles à Melchisedec	131.
Abraham eut la plus grande foy du monde	490.
Achimelec communia Daud en figure.	129.
Achimelec a trois noms	129.
Achimelec bailla les pains de proposition à Daud	129.
Adam estoit spirituel	503.
Adorer Dieu, c'est luy sacrifier	47.
Adorer les Saincts, c'est les honorer	47.
Adoration de <i>Latrie</i> à Dieu seul	47.
Aëriës disoyēt ce que dit le huguenot	404.



T A B L E.

Aërius se fist huguenot pour le refus d'un Euesché.	404.
Aërius marioit les Prestres.	404.
Aërius planta la liberté de conscience	404.
Albigeois heretiques disoyent comme les huguenots.	409.
Ame par toutes les parties du corps	7.
Amour dernier mal du vieillard	25.
Apostres dirent la Messe	262.
Apostres dirent la Messe avec vne Aube	39.
Apostres ne cogneurēt iamais de femmes	33.
Apostres estoyent chastes	53.
Arriens disoyent comme le huguenot	403.
Arraboniens disoyent le sacrement estre vn <i>Arre</i>	407.
Aubes en la loy de Nature	36.
Aubes en la loy Escrite	38.
Aubes en la loy Euangelique	39.
Autel dans S. Paul	445.
Autel ou Iesus institua la Pasque	445.
Autels ne sont abatus	445.

B.

Beze deffend de s'appeller <i>Ministre</i>	12.
Beranger 1. sacramentaire formel	408.
Bible n'est le iuge des heresies	96.
Bible tres difficile	102.
Bible ne se doit lire en François	106.

C.

Caluin a embouçonné la Chrestienté	410.
------------------------------------	------

Caluin recognoist S.Pierre chef	15.
Caluin Aragnée	410.
<i>Caro nihil prodest</i> expliqué	447.
<i>Caro</i> c'est à dire <i>le sens humain</i>	497.
Chastes	52.
Chameau ayme l'eau trouble	100.
Cantique des Cant.deffendu aux ieunes Pre- stres & Leuites	105.
Chacun ne doit lire la Bible	106.
<i>Cene</i> est huguenot, & n'est en la Bible	134.
C'est forcellerie d'vser de la Bible hors son vsage	377.
Ciceron fut <i>Euesque</i>	22.
Ciel est le <i>Sancta</i>	350.
Ciel plus dur qu'Aymant	510.
Conciles qui parlent de la Messe	271.
Concile de Nice parle des Aubes	41.
Consécration en la Messe	243.
Consécration n'est forcellerie	293.377.
Corps de Iesus estoit le <i>Sancta</i>	353.
Corps de Iesus est <i>spirituellement</i> au sacremēt 502.500.	
Corps de Iesus couuert au sacrifice	494.
Corps en diuers lieux selon les Philosophes 511.	
Corps en diuers lieux selon les heretiques	
Corps en diuers lieux selon la Bible.	514.
Corps en diuers lieux selon les Conciles & Peres	519.

*Credo in Deum*, mot duquel les Chrestiens 3.

## D.

Dalmatique des Diacres	40.
Daniel parle du sacrifice de la Messe	443.
Dauid mangea les pains s'estant abstenu des femmes	57.
Dignité des Prestres au vieil Testament	189.
Dignité des Prestres au nouveau	190.
Dieu est <i>Pan</i> , qui occupe tout	508.
Dieu ne peut estre en vn lieu	509.
Dieu se repent de ses promesses	169.
Dieu a receu le sacrifice des bestes pour les diuertir du Diable.	175.
<i>Diocese</i> c'est gouuernement	21.
Diuiser l'Eglise est pire que tuer son frere	8.
Docteurs ont dit la Messe	271.
Docteurs auoyent des Aubes	40.
Don permis entre le mary & la femme pour la Prestrise.	57.

## E.

<i>Ego sum vitis</i> bien expliqué	448.
<i>Ego sum panis</i> interpreté	464.
Eglise, c'est Vnion, Congregation	9.
Eglise vne	7.
Eglise a iurisdiction	24.
Eglise plus sçauante que tout le monde	77.
Eglise Romaine ne peut faillir	113.
Eglise Romaine est iuge des heresies	118.
Eglise Romaine est Catholique	21.

T A B L E.

Encens au nouveau Testament	451.
Encens n'est aboly	451.
Encens ne figuroit rien	451.
<i>Erit Frumentum</i> est l'Eucharistie	379.
Eucharistie se doit adorer	302.
Eucharistie se doit garder	304.
Eucharistie a succedé à tous les sacrifices anciens	242.
<i>Euesque</i> c'est à dire <i>Gouverneur</i>	21.
<i>Euesque</i> en v'sage du temps d'Homere	21.
<i>Euesque</i> estat de la Couronne	21.
<i>Euesque</i> estoit l'œil du Roy	22.
<i>Euesque</i> c'est <i>delegué, iuge de la Police</i>	22.
<i>Euesque</i> c'est <i>surintendant</i>	27.
<i>Euesque</i> est le Prince des Prestres	24.21.
F.	
Femme ne doit chanter en l'Eglise	26.
G.	
Grecs taxez de Sodomie	69.
Grecs Schismatiques	69.
Grecs n'ont la chaste Religion	69.
Grandeur des Prestres	189.
H.	
Henoc & Helie ne sont morts	317.
Henoc le 1. homme spirituel	504.
Heraclites heret. ne vouloyent que des moines	79.
Herésie vient du mespris du chef	14.
Heretique préd yn haillon de l'Escriture	27.

T A B L E.

Hercule exposé pour mirouer	203.
<i>Hoc facite</i> expliqué	317.
<i>Hoc facite</i> , vicariat des Apostres	341.
<i>Hic est corpus meum</i> , mots sans lesquels ce ne seroit sacrement	295.
Hostie se doit garder	304.
Hostie se doit adorer	302.
Huguenot ne peut adorer Dieu	49.
Huguenot deffend de se marier	80.
Huguenot deffend de ieusner	80.
Huguenot fait les heresies predites par Sainct Paul	80.
Huguenot cite l'Euangile du Diable	86.
Huguenot Antechrist par la Bible	394.
Huguenot Antechrist par les Peres	397.
Huguenot Heretique bien prouué	399.
Huguenot est heretique par les marques 414.	
Huguenot est Anti-chrestien	421.
Huguenot est Anti-Apostolique	422.
Huguenot pire que le luif	428.
Huguenot n'est point Chrestien	429.
Huguenot est pire que le Diable	431.
Huguenot est damné	432.
Huguenot est <i>mange-image &amp; figure</i> I.	485.
<i>Idole</i> differe d' <i>Image</i>	45.
<i>Ie ne boiray de ce vin</i> interpreté	464.
Jesus-Christ est mort pour assébler l'Eglise &	

T A B L E.

Iesus portoit vn surplis sur sa robe	39.
Iesus Prestre selon Melchi. pour auoir pris du pain	147.
Iesus ne deuoit transubstātier vn agneau	216.
Iesus a dit la Messe comme maintenant	258.
Iesus fist les Apostres Prestres	535.
Iesus a fait les hommes ses freres	336.
<i>Iesus</i> est le plus beau nom	160.
Iesus est mort <i>sufficenter</i>	361.
Iesus a institué le Baptisme	383.
Iesus institua la Cene sur vn Autel	445.
<i>Iesus est la pierre: la vigne</i> expliquée	480.
Iesus est la figure de la substance	483.
Il ne faut point de Conciles	411.
Image en l'Eglise	179.
Images comme les nostres au Temple de Salomon	178.
Images & leur deffence	178.
<i>In solidum</i> de S. Cyprian interpreté	177.
Il ne faut dire <i>ceux de la nouvelle opinion</i>	216.
<i>Il est appellé pain</i> refuté	464.
Imposition des mains	340.
Iudas Machabeus le plus grand Capitaine du monde	L. 504.
Lamech le 1. espousa 2. femmes	8.
<i>Latro</i> deshonneste maintenant	13.
Louange de S. Pierre	20.
Louange des Prestres	109.
Les 50. noms de la Messe	281.

T A B L E.

Litanie huguenote	400.
M.	
Manne sans nom.	246.
Manne viande spirituelle	446.
Manne figure de la Messe	245.
Mahomet estoit huguenot	406.
Manichée disoit le mariage diabolique	78.
Manichée estoit huguenot.	402.
Mariage concedé seulement aux incontinens.	
24.65.	
Mariage deffendu aux Prestres.	65.
Mariage est legitime intemperance	65.
Melchisedec estoit Sem	129.
Melchisedec auoit 2. noms	129.
Melchi. offrit à Dieu du pain & du vin	132.
Melchi. sacrifia des bestes	136.
Melchi. Prestre pour auoir offert	138.
Melchi. offrit pour Abraham	138.
Melchisedec communia Abraham	139.
Melchisedec ne dressa la Collation	141.
Melchisedec institua son ordre	145.
Melchisedec estoit Gentil	153.
Melchisedec n'a offert comme Aron	154.
Melchi. cōme Euesque benist Abraham	214.
Messe est sacrifice par la Bible	284.
Messe est sacrifice par les Peres	288.
Messe est sacrifice Propitiatoire	144.
Messie & ses 50. noms	281.
Messe, & ses figures	245.

Messe prophetifée	254.
Messe dite par Iesus-Christ, les Apostres & Docteurs	258.
Messe au vieil Testament	241.
Messe est le <i>pain quotidian</i>	244.
<i>Missa</i> inuenté de Dieu	224.
<i>Missa</i> escrit par Moyse	229.
<i>Missa</i> est dans la Bible	229.
<i>Missa</i> est mot Hebreu	231.
<i>Missa</i> c'est à dire <i>oblation, sacrifice</i>	230.
<i>Missa</i> est dans tous les Papes, Conciles, & Peres	266.
<i>Minuisti ab Angelis</i>	336.
<i>Minuisti à Deo</i> selon l'Hebreu	336.
<i>Minerue</i> ne se maria iamais	56.
<i>Ministre</i> signifie <i>bourreau</i>	12.
<i>Ministre</i> c'est à dire <i>valet, seruiteur</i>	26.
Moynes rafez du temps des Apostres	58.
Moyse sacrifia comme Iesus-Christ	458.

## N.

Nestorius estoit huguenot disoit ce qu'ils disent	406.
---	------

## O.

<i>Omnes eandem escam manduca.</i> expliqué	494.
<i>Oportet Episcopum</i> interpreté	71.

## P.

<i>Pape</i> c'est à dire <i>Pere grand</i>	21.
<i>Pape</i> en vsage des Homere	21.
<i>Pape</i> est le chef	90.



T A B L E

Pape iuge des heresies	92.
Pape est l'Aron Euangelique	117.
Pape ne peut estre l'Antechrist	389.
<i>Pari consortio pradii</i> expliqué	19. 24.
Paphnutius au Concile de Nice	15.
Pelerinages dans la Bible	184.
Pelerinages au vieil & nouveau Testa.	186.
<i>Pisat</i> c'est à dire <i>Missa</i>	381.
Points ou tous les Ministres ne peuvent re- spondre	220.
<i>Petra erat Christus</i> expliqué	449.
Pierre prie apres sa mort	85.
Pierre estoit chef	15.
Prestres ont la mesme puissance de Iesus- Christ	301.
Prestres ne doiuent estre mariez	53.
Prestres soumis à l'Euesque	24.
<i>Prohibētium nubere</i> s'entēd des huguenots	84.
<i>Prohibentiū abstinere</i> c'est à dire de <i>iensner</i>	85.
R.	
Religieuses du temps de S. Paul	66.
Realité du corps en la Messe	300.
Rome choisie au lieu de Hierusalem	121.
Ruth glane avec Bos.	5.
S.	
Sacrifice <i>Idental indesinent</i>	358.
Sacrement ne se peut appeller <i>Cene</i>	56.
Sacrifice <i>Iuge</i> de Daniel	442.
Sacrifice <i>Net</i> est l'Eucharistie	385.

## T A B L E.

Sacrifice de Malachie expliqué	380.
Sacrifice de la Croix n'est ny selon Aron ny Melchisedec.	219.
Sans la Messe on ne peut estre sauué	285.
S. Augustin a creu la Realité	487.
S. Iean n'est mort.	388
S. Paul estoit Moyne	59.
S. Paul commande de l'imiter	46.
S. Pierre estoit Moyne	59.
<i>Sedet ad Dexteram</i> expliqué	472.
<i>Semel</i> de Melchisedec	357.
<i>Semel</i> de Iesus Christ, & Catholique	357.
<i>Semel</i> huguenot.	358.
<i>Si difficile &amp; ambiguum</i> expliqué	128.
<i>Signe &amp; figure</i> interpreté	478.
<i>Signe</i> c'est à dire Sacrement	478.
<i>Simila</i> ceremonie du sacrifice	137.
<i>Spiritus est qui uiuificat</i> expliqué	500.
<i>Spirituellement</i> c'est par le S.Ésprit	503.
<i>Spirituellement</i> ne forclot la realité	495.

## T.

Traicté de Melchisedec	49.
Traicté de la Messe	224.
Temples de Salomon diuisé en trois	109.
<i>Te Deum</i> de Calvin.	198.
Tous les Papes parlent de la Messe	266.
Tous les Papes & Docteurs ont dit la Messe.	

273.

Transubstantiation	297.
Transub-	

Transubstantiation creuë de tous	278.
V.	
<i>Verba quæ dico vobis</i> , expliqué	500.
Veufuier ne se doit remarier	74.
<i>Vœu</i> de chasteté au vieil Testament	57.
<i>Vœu</i> de chasteté & pauvreté au nouveau	57.
Vers pour les Images	48.
Vers que tous les huguenots ne sçauoyent interpreter	35.
Vers fait contre les huguenots	35.
Vigilance disoit tout ce que dit le huguenot	405.
<i>Vn seul Dieu tu adoreras</i> , c'est à dire <i>sacrificras</i> 49.177.	
Vne seule Eglise	7.
Vn seul Vicaire vniuersel	7.
Vne seule bouche en toute la Chrestienté	7.
Vn seul Euesque general	7.
Vnze sortes de sacrifices	387.
<i>Vt adoretis</i> , est dans la Bible	49.

es FIN de la Table.

Y y


PRIVILEGE DV ROY.

**H**

ENRY par la grace de Dieu Roy de France & de Nauarre. Au Preuost de Paris, Baillifs d'Orleãs, Sens, Rouen, Caens Berry, Tours, Seneschaux de Lyon, Tholose, & Bordeaux, ou leurs Lieutenans, & autres nos iusticiers, officiers, & subiects, & à chacun d'eux si comme il appartiendra, Salut. Sçauoir faisons que nous inclinans à la supplication & requeste, qui faicte nous a esté par nostre bien amé M. George l'Apostre Licencié es Droicts. A iceluy auons permis, accordé, & octroyé, permettons accordons & octroyons, voulons & nous plait, Qu'il puisse, & luy soit loysible faire imprimer, mettre & exposer en vente par tel Imprimeur & Libraire de nostre Royaume qu'il aduisera un liure intitulé le Tombeau des Heretiques, lequel a esté veu & visite par le Doyen de la faculté de Theologie en l'Vniuersité de Caen, & de deux autres Docteurs en la mesme faculté de ladicte Vniuersité: Auquel liure ne s'est trouué aucune chose contraire à la sainte Foy de nostre Theologie Catholique, Apostolique & Romaine, ou qui puisse offenser la Republique Chrestienne, Ainsi qu'il nous est apparu par leur certification inceree à la fin dudit liure, & ce pendant le temps & terme de six ans, à compter du iour que ledit liure sera acheué d'imprimer: Sans que pendant & durant ledit temps, aucun autre Imprimeur ne Libraire se puisse immiser ne entremettre de l'imprimer ne vendre, ou distribuer, si ce n'est de son vouloir & consentement. Ce que nous leur inhibons & deffendons tres expressément, à peine de tous despens dommages & interests, & d'amende arbitraire. Et à ce qu'aucun n'en puisse pretendre ca: so d'ignorance, Nous voulons l'extraict de nos presents permission & octroy estre mis & incéré à la fin ou commencement dudit liure, & tenu pour bien notifié à qui il appartiendra. Si vous mandons & enioignons par ces presentes, que du contenu cy dessus vous faictez souffrez & laissez ledit suppliant iour, & user plainement & paisiblement cessants & faisant cesser tous troubles & empeschemens, au contraire. Car tel est nostre plaisir, Nonobstant quelconques or-

onnances, restrictions, mandemens, deffenses, & lettres à cecon-  
raires. Donné à Beauvais le xxi. iour d' Aoust l'an de grace, mil  
inq cens quatre vingts seiZe, & de nostre regne le huitiesme. Si-  
né. Par le Royen son Conseil Bouchery. Et scellé du grand seau de  
à Maïeste sur simple queuè en cire iaune.


Ledit l'Apoltre, pour la confiance qu'il a à Benedic  
Macé Imprimeur du Roy à Caen, luy a fait-le transport  
dudit Priuilege durant le temps desdits six ans, selon les-  
dites lettres & deffenses y contenues.



## PERMISSION DE Monsieur de la Verunne.

**L** est permis à Benedic Macé Imprimeur  
du Roy à Caen, d'imprimer ou faire im-  
primer vendre & distribuer vn liure inti-  
tulé le Tombeau des Heretiques, par George  
l'Apoltre ou le faux Masque des Huguenots est  
descouuert: Et les 150 Heresies faictees en la res-  
ponce au rescrit dudit l'Apoltre refutees, & les fausses alegations  
de sa responce conuaincues par le texte de la Bible des Conciles &  
des Peres, lequel a esté veu & vilité par les Docteurs de la  
faculté de Theologie de l'vniuersité de Caen qui l'ont  
veu & approué, & trouué digne d'estre imprimé pour le  
bien de la Religion Chrestienne, comme il appert par leur  
attestation inceree en la fin. Faisant deffense à tous autres  
Libraires d'en imprimer ou vendre sinon ceux de l'im-  
pression dudit Macé, iusques à six ans sur peine de con-  
fiscation & d'amende arbitraie. Donné à Caen le 10 iour  
d'Aoust mil cinq cens quatre vingts seiZe. Signé.

LA VERUNNE.



## Approbation des Docteurs.




OV s fous signez Iaques Buif-  
fon Docteur & Doyen en la fa-  
culté de Theologie en l'Vniuer-  
sité de Caen, & Curé de Brethe-  
uille l'Orgueilleuse & Putot : Germain Ia-  
ques aussi Docteur en ladicte faculté , Cha-  
noyne Theologal & Maistre Escolle en l'E-  
glise Cathedrale de Bayeux , & Curé de S.  
Pierre de Caen : Et Iaques luays par sembla-  
ble Docteur en icelle faculté & Curé de l'Eau-  
Partie en Auge. Attestons auoir entierement  
& diligemment leu le contenu en ce present  
liure intitulé *le Tombeau des Heretiques par  
George l'Apostre* : Auquel en ce que touche  
sa doctrine, nous n'auons trouué aucune  
chose contraire à la sainte Foy de l'Eglise  
Catholique, Apostolique & Romaine, ou qui  
puisse offenser la Republique Chrestienne.  
En tesmoin dequoy nous auons signé,


I. Buifson.

Decanus Theol.

G. Iaques.

F. I. luays.



 SONNET.


Voicy la belle carte ou naïvement est painte  
La gloire, & le sçavoir des Estiez du grand  
Dieu,  
Donnez des Peres saints, & du fidele Hebreu:  
Comme l'œuvre diuin represente sans feinte.

On peut par ses escrits, sans aucune contrainte  
Rendre ses iours heureux, les passer peu à peis  
Sans chagrin, sans enuie, & viure en chacuz  
lieu  
Selon le tout puissant, & sa Loy pure & sainte.

Sus donc des-uoilez-vous hypocrites maudits,  
Et vostre masque osté, embrassez ces saints dits:  
Afin que n'encouriez la vengeance dinine.

Le loyer y est peint de ceux qui sont sans fard,  
Et le salaire deu au simulé caffard:  
Qu'il reçoit quoy qu'il tarde, à sa triste ruine.

I. D. B.



## Q V A D R A I N.

*Huguenots ie vous plains, voyant parmy la rue  
Marcher brutalement vos ignares Docteurs:  
Gautier est vn Oyson: Et l'autre est vne G-Rue  
Vous estes mal conduits, par de tels condi Etours.*

Le Sieur Oudis.

## H V I C T A I N.

*Souuent vn vilain Nom accompagne la chose,  
Les Ministres ont en tousiours de vilains Noms.  
Beze, Beſle auoit nom, comme Calvin, Chauuin:  
En Alemand Luder, c'est le honteux Engin,  
Que par bonnesteté vous proferer ie n'ose.  
Jean Hus c'est vn Oyson, en langue de Boheme  
Et en commun François Gautier est tout de mesme.  
Voila des Predicans les infames sur-noms.*

Ens-non Ens Anonime.





 SONNET.

» Fol est l'Adolescent, qui n'apprend en ieune age,  
» Fol est le Laboureur qui seme en la moisson:  
» Et fol est le Vieillard qui bastit sa maison  
Lors qu'il doit auoir soin, de plier son bagage.

» Tout se doit faire entemps pour en auoir l'usage,  
» Il ne faut commencer quand on est tout grison:  
L'Ambition a pris Gautier hors de saison,  
Mais son escrit fait voir, qu'il n'est pas beaucoup  
sage.

Ce vieil Archadien, cest Estalon recreu,  
Oubliant son deuoir a voulu tout vaincu,  
L'Apostre collecter, qui les plus forts surmonte.

Mais ce ieune Destrier luy faisant faire vn saut,  
L'a ietté sur le dos, les quatre pieds en haut,  
Et l'a laissé gisant dans la poudre de honte.

D. D. Gentil-homme Cosmique  
Sieur d'Adilon.

EXPES SPERO.

Auferor immotus: Demergor &  
altior exto:

Expes Spero: mihi est certa perisse  
salus.



*Je suis ravi non meü: l'enfondre & res-  
sours fort:*

*l'espere sans espoir: Mon salut est la  
mort,*

